



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-34055-2/26
Sarajevo, 16.07.2026. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14- Novi prečišćeni tekst i 37/14-Ispravka) Vlada Kantona Sarajevo, na **137.sjednici održanoj 16.07.2026. godine**, donijela je

Z A K L J U Č A K

1. Utvrđuje se prijedlog Zakona o sportu.
2. Prijedlog Zakona iz tačke 1. ovog zaključka dostavlja se Skupštini Kantona Sarajevo na nadležno odlučivanje.
3. Ovaj zaključak stupa na snagu danom donošenja.

PO OVLAŠTENJU PREMIJERA

ministrica Softić Kadenić Darja

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo kulture i sporta Kantona Sarajevo,
6. Evidencija,
7. A r h i v a.

Na osnovu člana 11. i 18. tačka b) Ustava Kantona Sarajevo („Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana __.__.2026. godine, utvrdila je

(Prijedlog)

ZAKON O SPORTU KANTONA SARAJEVO

DIO PRVI – OPŠTE ODREDBE

Član 1.

(Predmet)

Ovim zakonom uređuje se sport u Kantonu Sarajevo (u daljnjem tekstu: Kanton) i jedinicama lokalne samouprave na području Kantona (Grad Sarajevo i općine u sastavu Kantona), uključujući, ali ne ograničavajući se na, osnovne principe sporta, javni (opći) interes (u daljnjem tekstu: javni interes) i ciljeve u sportu, organizaciju sporta, pravna i fizička lica u oblasti sporta, njihova prava i obaveze, zdravstvenu zaštitu u sportu i antidoping kontrolu, sportska takmičenja i priredbe, sportske objekte, suzbijanje nedoličnog ponašanja na sportskim priredbama, informatiku u sportu, finansiranje sporta, nadzor nad provođenjem zakona i kaznene odredbe.

Član 2.

(Rodna ravnopravnost izraza)

Izrazi korišteni u ovom zakonu, a koji su radi preglednosti dati u jednom gramatičkom rodu, bez diskriminacije se odnose i na muškarce i na žene.

Član 3.

(Zabrana diskriminacije)

- (1) Zabranjena je svaka neposredna i posredna diskriminacija sportista u obavljanju sportskih aktivnosti, s obzirom na neko lično svojstvo, spol, status, opredjeljenje ili mjerilo, uključujući i diskriminaciju profesionalnih sportista i sportista koji to žele da postanu u pogledu zapošljavanja, zarade ili uslova rada, osim kada se pravljenjeje razlike temelji na bitnim i odlučujućim uslovima obavljanja određene sportske aktivnosti, a ciljevi koji se time žele postići su legitimni i opravdani.
- (2) Odredbe ugovora između sportista i sportske organizacije u oblasti sporta kojima se utvrđuje diskriminacija sportista ništavne su, a odredbe sportskih pravila i općih akata organizacija u oblasti sporta kojima se utvrđuje diskriminacija sportista ne primjenjuju se.
- (3) Sportisti koji nema punovažno zaključen ugovor sa određenom sportskom organizacijom ne može biti sportskim pravilima uskraćeno pravo zaključenja ugovora o radu sa drugom sportskom organizacijom, odnosno prelazak u drugu sportsku organizaciju i nastupanje za nju na sportskim takmičenjima u svojstvu profesionalnog sportiste.
- (4) Sportista ima pravo na naknadu štete koju pretrpi aktima diskriminacije sportske organizacije iz st. (1), (2) i (3) ovog člana.
- (5) Pravo na naknadu štete iz stava (4) ovog člana sportista ostvaruje u skladu sa Zakonom o obligacionim odnosima („Službeni list SFRJ", br. 29/78, 39/85 i 57/89, „Službeni list RBiH", br. 2/92, 13/93 i 13/94 i „Službene novine Federacije BiH", br. 29/03 i 42/11).

Član 4.

(Definicija sporta)

- (1) Sport u smislu ovog zakona obuhvata:
 - a) organizovane sportske aktivnosti i takmičenja koja se provode prema unaprijed utvrđenim pravilima radi postizanja sportskih rezultata,
 - b) sportsko-rekreativne aktivnosti koje se provode radi unapređenja zdravlja, fizičke sposobnosti i kvaliteta života građana (sport za sve),
 - c) sportske aktivnosti lica sa invaliditetom,
 - d) organizovani školski i univerzitetski sport,

- e) elektronski sport (e-sport), kao poseban oblik sportskih aktivnosti koji se odvija u skladu sa pravilima i organizovanim sistemom takmičenja.
- (2) Sport u smislu ovog zakona ne obuhvata aktivnosti koje nemaju elemente organizovanog takmičenja ili sistema sportskih pravila.
- (3) Pod sportskim aktivnostima, u smislu ovog zakona, naročito se podrazumijeva:
 - a) priprema i trening sportista,
 - b) učestvovanje na sportskim takmičenjima,
 - c) obavljanje stručnih poslova u sportu,
 - d) organizacija i vođenje sportskih takmičenja i manifestacija,
 - e) upravljanje i korištenje sportskih objekata.

Član 5.

(Definisanje osnovnih pojmova)

- (1) Pojedini pojmovi koji se koriste u ovom zakonu imaju sljedeće značenje:
 - a) **certifikat u sportu** je javna isprava ili uvjerenje koje dokazuje osposobljenost za obavljanje stručnih poslova u određenoj grani sporta ili sportskoj disciplini. Osposobljenost se stiče kroz formalno i neformalno obrazovanje. Certifikat je trajnog karaktera i može se izdati od strane nadležne sportske organizacije, obrazovne ustanove koja je registrovana za formalno i neformalno obrazovanje. Certifikat se može izdati od strane nadležnog regulativnog tijela za potvrdu postignuća, akreditaciju objekata, validaciju zdravstvenog stanja sportista ili potvrdu o usklađenosti sa određenim standardima ili regulativama,
 - b) **dijete** je lice mlađe od 18 godina,
 - c) **elektronski sport (e-sport)** je organizovano takmičenje u videoigrama sa utvrđenim pravilima i sistemom takmičenja,
 - d) **grana sporta** je potkategorija sportske grane sa manjim ili većim odstupanjima od pravila i sistema takmičenja,
 - e) **kategorisani sportista** je sportista koji je rangiran u skladu sa zvaničnom kategorizacijom,
 - f) **licenca u sportu** je zvanična dozvola koju izdaje relevantna sportska organizacija ili savez, koja potvrđuje da je pojedinac ili tim ispunio određene standarde, propise i uslove kako bi se bavio određenim sportom, djelovao u određenoj ulozi (npr. sportski trener ili sudija) ili učestvovao u određenim takmičenjima. Licenca u sportu služi kao potvrda kompetencije i kvalifikacije, te može biti neophodna za rad u određenim sportskim oblastima ili za učešće u određenim ligama i takmičenjima. Licenciranje je proces koji obezbjeđuje određeni nivo kvaliteta, bezbjednosti i profesionalizma u sportu. To može uključivati razne aspekte, kao što su edukacija i obuka, praktično iskustvo, zdravstveni i bezbjednosni standardi i etički kodeksi. Licenciranje se mora redovno obnavljati kroz proces kontinuiranog profesionalnog razvoja, što može uključivati dodatnu edukaciju, testiranje ili pridržavanje određenih standarda ponašanja,
 - g) **mladi** su lica od 18 do 35 godina,
 - h) **odrasli** su lica starija od 35 godina,
 - i) **profesionalni sportista** je sportista koji se bavi sportom kao osnovnim zanimanjem,
 - j) **sport za sve** je organizovana ili samostalna sportska aktivnost radi očuvanja zdravlja, rekreacije i unapređenja kvaliteta života građana,
 - k) **sportska aktivnost** je svaki oblik fizičke aktivnosti koja obuhvata mentalno (psihičko) i fizičko vježbanje, sportski trening, ostvarivanje rezultata na takmičenju, sportsko-rekreativna aktivnost, sportska manifestacija ili stručno osposobljavanje ili usavršavanje građana, koja se obavlja samostalno ili u sportskoj i drugoj organizaciji u oblasti sporta,
 - l) **sportska grana** je skup sportskih aktivnosti sa zajedničkim pravilima i sistemom takmičenja,
 - m) **sportska priredba (manifestacije, susreti, smotre i igre)** je planski pripremljen i organizovan, vremenski ograničen sportski događaj od javnog interesa, na kojem učestvuje više sportista. Može biti međunarodna sportska manifestacija kao zvanična, prijateljska ili revijalna sportska manifestacija svjetskog, evropskog ili regionalnog značaja, koju organizuju sportske organizacije i na kojoj učestvuju sportisti i sportske organizacije iz više država,

- n) **sportska organizacija** je organizacija osnovana radi obavljanja sportskih aktivnosti i sa njima povezanih sportskih djelatnosti, a u svom sastavu ima sportiste,
 - o) **sportska takmičenja** su sportske aktivnosti i igre organizirane radi postizanja sportskih dostignuća koja se ostvaruju prema utvrđenim pravilima,
 - p) **sportski delegat** je predstavnik sportskih organizacija ili saveza koji prisustvuje sportskim događajima ili sastancima, zastupajući interese svoje organizacije i donoseći odluke u njeno ime,
 - r) **sportski objekat** je prostor namijenjen za obavljanje sportskih aktivnosti,
 - s) **sportski radnik** je fizičko lice koje učestvuje u organizaciji, upravljanju, administriranju ili provođenju sportskih aktivnosti i sportskih djelatnosti,
 - t) **sportski savez** je udruženje sportskih organizacija istog sporta, osnovano radi uređenja, razvoja i unapređenja tog sporta; **kantonalni** sportski granski savez ili sportski granski savez jedinice lokalne samouprave je sportski savez određenog sporta koji djeluje na području Kantona ili jedinice lokalne samouprave i u koji su neposredno ili posredno učlanjena pravna lica obuhvaćena sportskim pravilima tog saveza; **sportski savez na nivou Bosne i Hercegovine** (u daljem tekstu: BiH) je sportski savez osnovan u skladu sa zakonom kojim se uređuje oblast sporta u BiH, na osnovu odluka entitetskih sportskih saveza o dobrovoljnom udruživanju,
 - u) **sportski sudija** je lice koje nadgleda i presuđuje tokom sportskih događaja koji je zadužen za primjenu pravila igre i osiguranje fer i poštenog takmičenja,
 - v) **sportski trener** je profesionalac zadužen za instruktuiranje i obučavanje sportista u određenom sportu, koji planira i provodi treninge, razrađuje strategije igara, pruža povratne informacije i motiviše sportiste da bi postigli najbolje moguće rezultate,
 - z) **sportsko pravilo** je opći akt nadležnog kantonalnog sportskog saveza, kojim se uređuje obavljanje sportskih aktivnosti i djelatnosti i ostvarivanje utvrđenih sportskih ciljeva,
 - aa) **sportsko takmičenje** je organizovana sportska aktivnost koja se odvija prema unaprijed utvrđenim i poznatim sportskim pravilima, koja mogu biti općevažeca za konkretnu sportsku granu ili samo konkretnu sportsku manifestaciju u kojoj svaki učesnik teži postizanju što boljeg sportskog rezultata,
 - bb) **sportista** je lice koje se bavi sportskim aktivnostima,
 - cc) **sportista amater** je sportista koji se ne bavi sportom kao zanimanjem i ne ostvaruje prihod po tom osnovu,
 - dd) **sportista takmičar** je sportista koji učestvuje na sportskom takmičenju kao član sportske organizacije ili samostalno, u skladu sa sportskim pravilima,
 - ee) **stručni radnik u sportu** je fizičko lice koje posjeduje odgovarajuće obrazovanje, stručnu osposobljenost ili licencu za obavljanje stručnih poslova u sportu. Ovi zadaci mogu uključivati, ali nisu ograničeni na: treniranje sportista, menadžment sportskih organizacija, organizaciju i upravljanje sportskim događajima, vođenje sportskih objekata, kao i pružanje različitih vrsta podrške sportistima, kao što su psihološko savjetovanje, nutricionističko savjetovanje, sportska terapija i slično,
 - ff) **vrhunski (značajni) sport** je oblast sporta koja obuhvata sportsku aktivnost i djelatnost koja ostvaruje vrhunski (značajni) sportski rezultat i kvalitet (izvrstan ili izuzetan), u skladu sa kantonalnom ili entitetskom ili državnim kategorizacijom i međunarodnim standardima,
 - gg) **vrhunski (značajni) sportista** je sportista koji je, na osnovu ostvarenih vrhunskih sportskih rezultata na sportskim takmičenjima, rangiran u skladu sa kantonalnom ili entitetskom ili državnim kategorizacijom sportista i međunarodnim standardima u kategoriji vrhunskih sportista,
 - hh) **zaslužni sportista** je sportista koji ima osvojeno I-III mjesto na Olimpijskim igrama ili osvojeno I-III mjesto na Svjetskom prvenstvu ili osvojeno I-III mjesto na Evropskom prvenstvu ili osvojeno I-III mjesto na Paraolimpijskim igrama, a više aktivno ne učestvuje u takmičenju.
- (2) Pod stručnim radnicima iz stava (1) tačka ee) ovog člana smatraju se naročito sportski treneri, sportske sudije, sportski delegati, sportski ljekari, sportski psiholozi, nutricionisti i druga stručna lica u sportu.

(3) Pod sportskim radnicima iz stava (1) tačka s) ovog člana smatraju se naročito sportski menadžeri, organizatori sportskih događaja, administrativni radnici i druga lica koja obavljaju poslove od značaja za funkcionisanje sistema sporta.

(4) Kategorizacija sportova, sportista, stručnih radnika u sportu i sportskih radnika, način vođenja evidencija, nadzora i revizije ostvarenih prava, kao i uslovi za sticanje stručnih zvanja, licenci i sertifikata u sportu uređuju se Pravilnikom o kategorizaciji sportova, sportista, stručnih radnika u sportu i sportskih radnika u Kantonu Sarajevo i obavezama zaslužnih, vrhunskih i perspektivnih sportista, evidenciji, nadzoru i reviziji nad ostvarenim pravima koji donosi ministar kulture i sporta Kantona Sarajevo (u daljnjem tekstu: ministar).

(5) Pravilnikom iz stava (4) ovog člana bliže se uređuju i pojedina stručna zvanja, zanimanja i poslovi u oblasti sporta, uključujući specifične uloge u sistemu sporta, potkategorije stručnih radnika i sportskih radnika, stručna zvanja, specijalizacije, vrste stručnih poslova, uslovi za njihovo obavljanje, kao i način sticanja i obnavljanja licenci i sertifikata.

POGLAVLJE I.

OSNOVNI PRINCIPI U SPORTU

Član 6.

(Osnovni principi u sportu)

- (1) Osnovni principi na kojima se organizira sport na teritoriji Kantona su:
- a) poštovanje prava i sloboda sportista, uključujući njihovu zaštitu od bilo kakve diskriminacije ili zloupotrebe,
 - b) afirmacija duha olimpizma, uključujući promociju mira, solidarnosti, prijateljstva i poštovanja fer pleja,
 - c) garantovanje prava svih građana da se bave sportom pod jednakim uslovima bez diskriminacije na bilo kojoj osnovi, uključujući ravnopravno učešće muškaraca i žena u sportu,
 - d) angažovanje svih nivoa vlasti u stvaranju povoljnih uslova za razvoj sporta, uključujući materijalnu podršku, osposobljavanje i usavršavanje, te promociju vrhunskih sportskih rezultata,
 - e) osiguravanje zdravstvene zaštite sportista i nultu toleranciju prema upotrebi nedozvoljenih stimulativnih sredstava,
 - f) promocija stručnosti, naučno-istraživačkog rada, inovacija i digitalizacije u svim aspektima sportske prakse,
 - g) rješavanje svih sporova kroz sportske organe i arbitražna sportska tijela, uz garantovanje prava na pravično suđenje,
 - h) poštovanje autonomije sportskih organizacija u uređivanju unutrašnjih odnosa i udruživanja,
 - i) stvaranje efikasnog sistema stručnog osposobljavanja i usavršavanja stručnih kadrova u sportu,
 - j) primjena drugih principa koji regulišu dostupnost sporta, slobodu izbora, jednakost prava i obaveza, posebnu zaštitu djece i omladine, zaštitu dostojanstva i ličnog integriteta, te promociju sportskog i općeg razvoja.
- (2) Organizatori i učesnici u sportskim aktivnostima su obavezni da razvijaju duh olimpizma, podstiču fer plej, suzbijaju nasilje, doping i sve vidove nesportskog ponašanja, uz posvećenost razvoju sportske kulture i etike.

Član 7.

(Osnovna načela u sportu)

- (1) Svi građani imaju pravo da provode sportske aktivnosti na bazi interesa i dobrovoljnosti u skladu sa odredbama ovog zakona i međunarodnim konvencijama: Evropskom konvencijom o zaštiti ljudskih prava i osnovnih sloboda, Evropskom poveljom o sportu, Konvencijom UN-a o pravima

djeteta, Međunarodnom konvencijom protiv dopinga u sportu, Konvencijom o pravima osoba sa invaliditetom, Konvencijom o pravima osoba sa invaliditetom namijenjenoj djeci, Evropskom konvencijom o nasilju i nedoličnom ponašanju gledalaca na sportskim priredbama, Olimpijskom poveljom, Paraolimpijskom poveljom, Evropskim kodeksom o sportskoj etici, Deklaracijom o sportu, toleranciji, fer pleju, pravilima međunarodnih sportskih asocijacija, te Izjavom iz Lozane o organizovanju sporta u Bosni i Hercegovini, kao i konvencijama i drugim međunarodnim multilateralnim i bilateralnim ugovorima kojima pristupi ili koje prihvati Bosna i Hercegovina nakon stupanja na snagu ovog zakona.

- (2) Posebna pažnja treba biti posvećena zaštiti djece u sportu, uključujući, ali ne ograničavajući se na zaštitu od fizičkog, seksualnog i emocionalnog zlostavljanja.
- (3) Sve sportske organizacije i pojedinci uključeni u sport trebaju prepoznati i aktivno se baviti mentalnim zdravljem sportista kao integralnim dijelom njihovog ukupnog zdravlja i dobrobiti.
- (4) Odredbe ovog zakona odgovarajuće se primjenjuju na lica sa invaliditetom.

Član 8.

(Posebna zaštita djece u sportu)

Svi učesnici sportskog sistema Kantona obavezni su da sa posebnom pažnjom suprotstavljaju se i prijavljuju sve vrste zloupotreba, zlostavljanja, diskriminacije i nasilja, a posebno nad djecom u sportu. Učesnici sportskog sistema moraju također preduzeti preventivne mjere za zaštitu djece.

Član 9.

(Dostojanstvo i lični integritet)

U bavljenju sportom svi građani imaju pravo na zaštitu dostojanstva i ličnog integriteta.

Član 10.

(Podsticanje sportskog razvoja Kantona i jedinica lokalne samouprave)

Sport je djelatnost od javnog interesa za čije se ostvarenje staraju Kanton i jedinice lokalne samouprave na području Kantona.

Član 11.

(Suprotstavljanje upotrebi nedozvoljenih stimulativnih sredstava)

- (1) U sportskom sistemu Kantona svi učesnici su obavezni da se suprotstavljaju upotrebi nedozvoljenih stimulativnih sredstava.
- (2) Postupak kontrole sportista vrši se u skladu sa nadležnostima Kantona i njegovih institucija i može se prepustiti drugom relevantnom tijelu na drugom nadležnom nivou administrativnog organizovanja u Bosni i Hercegovini.
- (3) Sportski sistem treba provoditi obrazovne programe za sportiste o štetnosti i posljedicama upotrebe nedozvoljenih stimulativnih sredstava.

Član 12.

(Sprječavanje svih oblika nasilja)

S ciljem obezbjeđenja i zaštite života, ličnog integriteta i dostojanstva sportista, gledalaca i drugih učesnika sportskih takmičenja, priredbi i manifestacija, te s ciljem zaštite njihove imovine i imovine drugih lica, Kanton putem svojih relevantnih nadležnih institucija uređuje i obezbjeđuje, a nadležni sportski savezi sprovode mjere i aktivnosti na sprječavanju svih oblika nasilja.

Član 13.

(Poštovanje međunarodnih sportskih pravila)

Kantonalni sportski savezi i svi njihovi članovi u određenoj grani sporta obavezni su u obavljanju svojih sportskih aktivnosti i djelatnosti pridržavati se međunarodnih sportskih pravila utvrđenih za određenu granu sporta.

Član 14.

(Stručnost u radu)

- (1) Sportski sistem Kantona zasniva se na načelu stručnosti u radu, koja uključuje primjenu specijalizovanog znanja, vještina, iskustva i profesionalnih standarda u cilju postizanja optimalnih sportskih rezultata.
- (2) Stručnost obuhvata kvalitetno planiranje, izvođenje i evaluaciju sportskih aktivnosti, korištenje najboljih praksi, stalno usavršavanje, kao i odgovorno, etičko i profesionalno postupanje.
- (3) Poseban fokus je na maksimalnoj zaštiti sportista i prilagođenom pristupu djeci i omladini, uključujući posebno osmišljene programe za njihov siguran i uspješan razvoj.

Član 15.

(Ostvarivanje prava)

Sportska organizacija i sportista ostvaruju svoja sportska prava i obaveze putem sportskog granskog saveza Kantona, a u skladu sa svojim statutom, odredbama ovog zakona i međunarodnim sportskim pravilima.

Član 16.

(Međunarodna zastupljenost)

Kantonalni sportski savezi ostvaruju svoja prava i obaveze u međunarodnim sportskim savezima samostalno ili preko sportskih saveza na nivou Federacije Bosne i Hercegovine ili Ministarstva civilnih poslova Bosne i Hercegovine (države BiH i njenih organa, tijela i institucija) i Olimpijskog komiteta Bosne i Hercegovine i Paraolimpijskog komiteta Bosne i Hercegovine, a u skladu sa Zajedničkom izjavom iz Lozane o organizovanju sporta u Bosni i Hercegovini.

Član 17.

(Oblast regulacije)

Prava i obaveze utvrđene ovim zakonom primjenjuju se na sve organizacije u oblasti sporta koje imaju svoje sjedište na teritoriji Kantona i na svako obavljanje djelatnosti i aktivnosti na teritoriji Kantona.

Član 18.

(Shodna primjena zakona)

- (1) Na pitanja koja nisu uređena ovim zakonom shodno se primjenjuju propisi kojima je uređena oblast obligacionih odnosa, oblast rada, privrednih društava, javnih preduzeća, udruženja i fondacija i posebnog registra lica pravosnažno osuđenih za krivična djela seksualne zloupotrebe i iskorištavanja djece i mladih i druga krivična djela zbog kojih je zabranjeno obavljanje funkcija, djelatnosti i aktivnosti u oblasti sporta.
- (2) Na sva ostala pitanja koja nisu uređena ovim zakonom primjenjuje se Zakon o sportu u Bosni i Hercegovini („Službeni glasnik BiH”, br. 27/08, 102/09 i 66/16).

Član 19.

(Decentralizacija)

- (1) Sport u Kantonu organizuje se na decentralizovan način sa utvrđenim pravima, obavezama i nadležnostima Kantona i jedinica lokalne samouprave na području Kantona.
- (2) U skladu sa Ustavom Kantona, te ovim zakonom, regulišu se i pitanja iz oblasti sporta koja nisu regulisana Zakonom o sportu u Bosni i Hercegovini.

Član 20.

(Autonomnost)

Sportske organizacije i drugi oblici sportskog organizovanja u Kantonu samostalni su u uređivanju svojih unutrašnjih odnosa i samostalno donose sportska pravila, u skladu sa ovim zakonom i međunarodnim sportskim pravilima.

POGLAVLJE II.

INTERESI, CILJEVI I POTREBE U SPORTU

Član 21.

(Javni interes i ciljevi u sportu)

- (1) Sport u Kantonu je djelatnost od javnog interesa za Kanton i jedinice lokalne samouprave na području Kantona.
- (2) Javni interes sporta za Kanton i jedinice lokalne samouprave na području Kantona utvrđen je zbog njegovog neposrednog i posrednog uticaja na zdravlje i zdravstveni sistem, privredno-ekonomski razvoj, kulturni i socijalni ambijent i ukupan razvoj društva na temeljima općeprihvaćenih civilizacijskih dostignuća na dobrobit svih građana.
- (3) Javni interes i ciljevi u sportu Kantona su:
 - a) podsticanje sistematskog i organizovanog bavljenja sportom u slobodnom vremenu,
 - b) sistemsko stvaranje uslova za ostvarivanje vrhunskih sportskih rezultata,
 - c) organizacija sistema takmičenja u skladu sa pravilima međunarodnih sportskih organizacija (asocijacija),
 - d) sport i sportska rekreacija za lica sa invaliditetom,
 - e) školski i univerzitetski sport.
- (4) Kanton i jedinice lokalne samouprave na području Kantona ostvaruju javni interes u sportu i tako što planiraju, finansiraju ili sufinansiraju gradnju i kontrolišu namjensko korištenje javnih sportskih objekata od kantonalnog odnosno značaja za jedinice lokalne samouprave u sastavu Kantona.
- (5) Javni interes društvene zajednice u oblasti sporta obezbjeđuju i provode nadležni organi Kantona i jedinica lokalne samouprave na području Kantona.
- (6) Za ostvarivanje javnog interesa u oblasti sporta, u skladu sa godišnjim programom razvoja sporta Kantona i Grada i općine, iz javnih sredstava se podstiče ostvarivanje sljedećih ciljeva:
 - a) prvi zdravstveni pregled prije izbora sportske aktivnosti, naročito djece i rekreativaca,
 - b) sportsko obrazovanje i osposobljavanje djece, omladine i odraslih usmjereno ka kvalitetnom i vrhunskom rezultatu u sportu odnosno vrhunskom sportu,
 - c) sportska takmičenja, priredbe i manifestacije lica sa invaliditetom,
 - d) kvalitetni sport,
 - e) vrhunski (značajni) sport,
 - f) preventivne sistematske i specifične selektivne zdravstvene preglede u djelatnosti kvalitetnog i vrhunskog sporta,
 - g) sportska rekreacija, sport za sve i razvojni sport,
 - h) obrazovanje i specijalistička obuka stručnih lica osposobljenih za rad u sportu,
 - i) finansiranje i sufinansiranje izgradnje i održavanje javnih sportskih objekata,
 - j) aktivnosti pravnih i fizičkih lica u sportu i djelatnost sportskih organizacija (saveza i klubova, te udruženja u oblasti sporta),
 - k) javno informisanje o sportu,
 - l) izdavačka djelatnost,
 - m) promotivne aktivnosti i savjetovanja u sportu,
 - n) eksperimentalni programi u sportu,
 - o) obavljanje stručnog nadzora u sportu,
 - p) nagrađivanje u sportu,
 - r) međunarodne, nacionalne i entitetske aktivnosti u sportu,
 - s) praćenje globalnih trendova i inkorporacija tehnoloških dostignuća u razvoju sporta.

Član 22.

(Potrebe i interesi građana u oblasti sporta u jedinici lokalne samouprave)

Potrebe i interesi građana za čije se ostvarivanje obezbjeđuju sredstva u budžetu jedinice lokalne samouprave, u skladu sa ovim zakonom su:

- a) podsticanje i stvaranje uslova za unapređenje sporta za sve, odnosno bavljenja građana sportom, posebno djece, mladih, žena i lica sa invaliditetom,
- b) izgradnja, održavanje i opremanje sportskih objekata na teritoriji jedinice lokalne samouprave, a posebno javnih sportskih terena u stambenim naseljima ili u njihovoj blizini i školskih sportskih objekata i nabavka sportske opreme i rekvizita,
- c) organizacija sportskih takmičenja od posebnog značaja za jedinicu lokalne samouprave,
- d) sportski razvoj talentovanih sportista i unapređenje kvaliteta stručnog rada sa njima,

- e) učešće sportskih organizacija sa teritorije jedinice lokalne samouprave na međunarodnim takmičenjima,
- f) školski i univerzitetski sport,
- g) djelatnost organizacija u oblasti sporta čiji je osnivač ili član jedinica lokalne samouprave,
- h) aktivnosti sportskih organizacija (sportskih društava, udruženja, općinskih i gradskih sportskih saveza) na teritoriji jedinice lokalne samouprave od posebnog značaja za jedinicu lokalne samouprave,
- i) unapređenje zaštite zdravlja sportista i obezbjeđivanje adekvatne sportsko-zdravstvene edukacije sportista, posebno djece i mladih, uključujući i antidoping edukaciju,
- j) stipendiranje za sportsko osposobljavanje ili usavršavanje kategorisanih sportista, posebno perspektivnih sportista,
- k) sprječavanje negativnih pojava u sportu,
- l) sprječavanje svih oblika nasilja nad djecom u sportu,
- m) unapređenje naučno-istraživačkog rada u sportu,
- n) namjensko korištenje sportskih sala i sportskih objekata,
- o) nagrade i priznanja za postignute sportske rezultate i doprinos razvoju sporta.

Član 23.

(Ostvarivanje javnog interesa i cilja Kantona u sportu)

Kanton ostvaruje javni interes u sportu tako što:

- a) obezbjeđuje sredstva za ostvarivanje programa u oblasti sporta Kantona,
- b) podstiče i obezbjeđuje uslove za obavljanje i razvoj sportskih djelatnosti Kantona,
- c) planira, sufinansira izgradnju i kontroliše namjensko korištenje javnih sportskih objekata od kantonalnog značaja,
- d) obezbjeđuje podršku obrazovnim programima i programima za osposobljavanje relevantnih aktera u sportskom sistemu Kantona.

Član 24.

(Ostvarivanje javnog interesa i cilja jedinice lokalne samouprave u sportu)

Grad odnosno općina ostvaruje javni interes u sportu stvaranjem uslova za zadovoljavanje lokalnih potreba građana u oblasti sporta i sportske rekreacije tako što:

- a) programira i planira razvoj sporta i sportske rekreacije na području Grada ili općine,
- b) obezbjeđuje sredstva za ostvarivanje godišnjeg programa razvoja sporta Grada ili općine,
- c) podstiče i obezbjeđuje uslove za odvijanje i razvoj sporta na području Grada ili općine,
- d) planira, izgrađuje, održava i kontroliše namjensko korištenje javnih objekata za sport i sportsku rekreaciju na području Grada ili općine.

POGLAVLJE III.

STRATEGIJE I PROGRAMI RAZVOJA SPORTA

Član 25.

(Utvrdjivanje Strategije razvoja sporta Kantona Sarajevo i programa razvoja)

- (1) Da bi se ostvario javni interes i ciljevi u sportu u Kantonu, utvrđuje se Strategija razvoja sporta Kantona Sarajevo (u daljnjem tekstu: Strategija) koju usvaja Skupština Kantona Sarajevo (u daljnjem tekstu: Skupština), za period od osam godina, odnosno dva olimpijska ciklusa, na prijedlog Vlade Kantona Sarajevo (u daljnjem tekstu: Vlada).
- (2) Na osnovu Strategije donose se programi razvoja sporta.

Član 26.

(Sadržaj Strategije)

- (1) Strategijom se utvrđuju:
 - a) stanje u oblasti sporta koje postoji u trenutku donošenja Strategije,
 - b) osnovni principi na kojima se zasniva razvoj sporta u Kantonu,

- c) kratkoročni, periodični i dugoročni sportsko-razvojni ciljevi u periodu za koji se donosi, kao i nosioci realizacije tih ciljeva,
 - d) sadržaj i obim sportskih djelatnosti koji se finansiraju, odnosno sufinansiraju iz budžeta Kantona i budžeta jedinica lokalne samouprave na području Kantona,
 - e) sadržina, obim i procijenjena vrijednost aktivnosti na realizovanju postavljenih sportsko-razvojnih ciljeva,
 - f) obaveze i zadaci nosilaca javne vlasti svih nivoa i nosilaca sportskih programa na realizaciji postavljenih sportsko-razvojnih ciljeva,
 - g) okvirni kriteriji za vrednovanja programa i njihovog finansiranja u sportu,
 - h) program izgradnje sportskih objekata i terena od posebnog značaja za Kanton,
 - i) nosioci razvoja i mjere kontrole njegove realizacije.
- (2) Strategija obuhvata i:
- a) osnovna polazišta i pravci razvoja sportskih aktivnosti pri čemu će se voditi računa o ravnopravnosti spolova, kao i osiguranju učešća svih lica i grupa bez obzira na rasu, boju kože, nacionalnu ili etničku pripadnost, socijalni status, vjersko, političko ili drugo uvjerenje, invaliditet, zdravstveni status, dob, spol, rod, seksualnu orijentaciju, rodni identitet ili bilo koje drugo lično svojstvo,
 - b) sadržaj i obim sportskih djelatnosti koji se finansiraju, odnosno sufinansiraju iz budžeta Kantona ili jedinica lokalne samouprave na području Kantona (u daljem tekstu: jedinica lokalne samouprave),
 - c) razvojne i stručne zadatke u sportu.

Član 27.

(Sredstva za realizaciju Strategije)

Sredstva za realizaciju Strategije obezbjeđuju se u budžetu Kantona i u budžetu jedinica lokalne samouprave.

Član 28.

(Program razvoja sporta)

Program razvoja sporta u Kantonu na period od osam godina usvaja Skupština na prijedlog Vlade.

Član 29.

(Strategije i programi razvoja na nižim nivoima vlasti)

- (1) U skladu sa Strategijom, ovim zakonom i drugim zakonskim propisima jedinice lokalne samouprave donose svoje strategije razvoja sporta u roku od šest mjeseci od dana donošenja Strategije.
- (2) Jedinica lokalne samouprave, u roku od šest mjeseci od usvajanja Strategije razvoja sporta jedinice lokalne samouprave, donosi program razvoja sporta za period važenja Strategije.

Član 30.

(Godišnji programi razvoja sporta)

- (1) Na osnovu Strategije i Programa razvoja sporta iz člana 28. ovog zakona, donose se godišnji programi razvoja sporta Kantona i jedinica lokalne samouprave.
- (2) Godišnji program razvoja sporta Kantona za tekuću kalendarsku godinu donosi Vlada na prijedlog Ministarstva kulture i sporta Kantona Sarajevo (u daljem tekstu: Ministarstvo).
- (3) Na osnovu Strategije i Programa razvoja sporta iz člana 29. ovog zakona, gradsko odnosno općinsko vijeće donosi godišnji program razvoja sporta za tekuću kalendarsku godinu.
- (4) Godišnji programi razvoja sporta iz st. (2) i (3) ovog člana za tekuću godinu donose se najkasnije do 1. marta tekuće godine.

Član 31.

(Sadržaj godišnjeg programa razvoja sporta Kantona)

Godišnjim programom razvoja sporta Kantona utvrđuju se naročito:

- a) načela i ciljevi politike u oblasti sporta na području Kantona,

- b) sadržaj i obim posebnih oblika sportskih aktivnosti, koje se finansiraju ili sufinansiraju iz javnih sredstava kao što su sportski odgoj i obrazovanje, sportska rekreacija, sport za sve i razvojni sport, vrhunski sport, kvalitetni sport, sportske aktivnosti učenika i studenata i sport lica sa invaliditetom,
- c) kriteriji za finansiranje godišnjeg programa razvoja sporta Kantona,
- d) razvojni i stručni poslovi u sportu,
- e) odgovarajuća medicinska zaštita i praćenje psihosomatskog statusa sportista i sportskih rekreativaca,
- f) organizovanje sporta i kantonalnih sportskih takmičenja,
- g) subjekti, način i rokovi za realizaciju godišnjeg programa razvoja sporta Kantona.

Član 32.

(Godišnji program razvoja sporta jedinica lokalne samouprave)

Godišnjim programom razvoja sporta jedinice lokalne samouprave utvrđuju se naročito:

- a) osnovna pitanja i usmjerenja u oblasti sporta,
- b) sadržaj i obim posebnih sportskih aktivnosti, koje se finansiraju iz javnih sredstava,
- c) kriteriji za finansiranje godišnjeg programa razvoja sporta,
- d) organizovanje sporta ili sportskih takmičenja,
- e) subjekti, način i rokovi za realizaciju godišnjeg programa razvoja sporta.

Član 33.

(Vijeće za sport Kantona Sarajevo)

- (1) Vijeće za sport Kantona Sarajevo (u daljnjem tekstu: Vijeće) broji devet članova i predstavlja savjetodavno tijelo Ministarstva, koje se brine za razvoj i kvalitet sporta na nivou Kantona.
- (2) Vijeće je nadležno za:
 - a) davanje mišljenja o Strategiji,
 - b) davanje mišljenja o Programu razvoja sporta Kantona iz člana 28. ovog zakona,
 - c) davanje mišljenja o godišnjem programu razvoja sporta Kantona,
 - d) davanje mišljenja o godišnjim planovima i finansijskim potrebama sporta za narednu godinu najkasnije do 30. septembra tekuće godine,
 - e) raspravu o pitanjima značajnim za sport, te predlaganje i podsticanje donošenja mjera za unapređenje sporta,
 - f) predlaganje prioritetnih projekata, elaborata i studija za njihovo finansiranje u sistemu javnih potreba u sportu,
 - g) analizu stanja sporta sa prijedlogom i podsticajima za donošenje mjera za unapređenje sporta,
 - h) davanje mišljenja i preporuka za nacрте i prijedloge propisa koji se odnose na sport,
 - i) pripremu dokumentacione podloge za izradu godišnjeg programa razvoja sporta Kantona,
 - j) obavljanje i drugih poslova utvrđenih ovim zakonom i drugim propisima.

Član 34.

(Imenovanje i sastav Vijeća)

- (1) Ministar imenuje i razrješava Vijeće na period od četiri godine.
- (2) Vlada će Odlukom o standardima i kriterijima za izbor i imenovanje Vijeća za sport Kantona Sarajevo, utvrditi, postupak i kriterije za izbor i imenovanje Vijeća, zastupljenost spolova, pravo na naknadu i druge relevantne aspekte rada Vijeća.
- (3) Vijeće najmanje dva puta godišnje podnosi izvještaj o svom radu Vladi, a najmanje jednom godišnje podnosi izvještaj o svom radu Skupštini.
- (4) Vijeće donosi poslovnik o svom radu na koji saglasnost daje ministar.
- (5) Vijeće može biti razriješeno prije isteka perioda na koji je imenovano, ako se utvrdi da je rad Vijeća u realizaciji poslova propisanih ovim zakonom neuspješan.

DIO DRUGI – ORGANIZOVANJE SPORTA

Član 35.

(Sportska djelatnost i aktivnost)

- (1) Sportsku djelatnost i aktivnost predstavlja svaki oblik fizičke i mentalne aktivnosti koja doprinosi unapređenju i poboljšanju psihofizičkog razvoja učesnika u sportu i postizanju što boljih rezultata na sportskim takmičenjima.
- (2) Mišljenje da li neka djelatnost i aktivnost spada u sportsku u određenoj grani sporta daje Ministarstvo u skladu sa ovim zakonom, uvažavajući pravila međunarodnih sportskih asocijacija.

Član 36.

(Nosioци sportskih aktivnosti)

Nosioци sportskih aktivnosti u Kantonu su pravna i fizička lica registrovana da obavljaju sportske aktivnosti u skladu sa Zakonom o udruženjima i fondacijama Bosne i Hercegovine („Službeni glasnik Bosne i Hercegovine”, br. 32/01, 42/03, 63/08, 76/11 i 96/16), Zakonom o udruženjima i fondacijama („Službene novine Federacije Bosne i Hercegovine”, broj 45/02) (u daljem tekstu: zakoni o udruženjima i fondacijama), Zakonom o sportu u Bosni i Hercegovini, Zakonom o privrednim društvima („Službene novine Federacije Bosne i Hercegovine”, br. 81/15 i 75/21), Zakonom o javnim preduzećima u Federaciji Bosne i Hercegovine („Službene novine Federacije Bosne i Hercegovine”, br. 8/05, 81/08, 22/09 i 109/12), Zakonom o ustanovama („Službeni list RBiH, br. 6/92, 8/93 i 13/94), te ostalim propisima koji regulišu rad relevantnih institucija i ovim zakonom.

Član 37.

(Upis u registar)

- (1) Pravna i fizička lica u oblasti sporta upisuju se u posebne registre u skladu sa zakonom.
- (2) Pravilnik o vođenju registra pravnih lica u oblasti sporta na nivou Kantona Sarajevo i Pravilnik o vođenju registra fizičkih lica u oblasti sporta na nivou Kantona Sarajevo donosi ministar.
- (3) Pored upisa privrednih društava iz oblasti sporta u sudski registar, odnosno udruženja iz oblasti sporta u registar udruženja kod nadležnog ministarstva pravde i uprave, fizička i pravna lica u oblasti sporta se upisuju i u Registar fizičkih lica u oblasti sporta, odnosno u Registar pravnih lica u oblasti sporta (u daljnjem tekstu: Sportski registar) koji vodi Ministarstvo.
- (4) Rješenje o upisu u Sportske registre donosi ministar.
- (5) Jedinice lokalne samouprave mogu, po vlastitoj procjeni, voditi evidenciju pravnih i fizičkih lica u oblasti sporta na svom području za interne potrebe.

Član 38.

(Uslovi za obavljanje sportskih djelatnosti i sportskih aktivnosti)

- (1) Sportska organizacija može obavljati sportske djelatnosti i sportske aktivnosti ako, pored uslova propisanih sportskim pravilima, ima:
 - a) učlanjene ili ugovorom angažovane sportiste,
 - b) angažovane sportske stručnjake u zavisnosti od vrste djelatnosti,
 - c) obezbjeđen odgovarajući prostor, odnosno sportske objekte i sportsku opremu i
 - d) odgovarajuću unutrašnju organizaciju.
- (2) Sportska organizacija koja učestvuje u takmičenjima u okviru nadležnog sportskog saveza obavezna je da u nazivu koristi riječ „klub“.
- (3) Ukoliko sportska organizacija nije učlanjena u kantonalni granski sportski savez, uslovi iz stava (1) ovog člana određuju se prema sportskim pravilima kantonalnog sportskog saveza.
- (4) Ministar donosi pravilnik o postupku utvrđivanja ispunjenosti uslova za obavljanje sportskih djelatnosti i sportskih aktivnosti iz stava (1) ovog člana.
- (5) Za obavljanje poslova iz st. (1) i (2) ovog člana Sportski savez lica sa invaliditetom Kantona sufinansira se iz sredstava planiranih u budžetu Kantona.

POGLAVLJE I.

PRAVNA LICA U OBLASTI SPORTA

Član 39.
(Pravna lica)

Pravna lica u oblasti sporta, a koja se bave sportskom djelatnošću (u daljnjem tekstu: sportske organizacije) su:

- a) sportski klub (amaterski i profesionalni) u određenom odnosno pojedinom sportu,
- b) sportsko društvo određenih sportova,
- c) sportski savez Kantona Sarajevo,
- d) sportski savez u određenom odnosno pojedinom sportu (granski sportski savez),
- e) sportski klub lica sa invaliditetom (amaterski i profesionalni) u određenom odnosno pojedinom sportu,
- f) sportsko društvo lica sa invaliditetom određenih sportova,
- g) sportski savez lica sa invaliditetom u određenom sportu (granski sportski savez lica sa invaliditetom),
- h) udruženje sportske rekreacije,
- i) savez udruženja sportske rekreacije,
- j) javna ustanova u oblasti sporta,
- k) privredno društvo i javno preduzeće u oblasti sporta,
- l) školsko sportsko društvo grada odnosno općine,
- m) školski sportski savez Kantona,
- n) univezitetski sportski klub,
- o) univerzitetsko sportsko društvo,
- p) univerzitetski sportski savez Kantona,
- r) institucije u oblasti sporta,
- s) udruženje stručnih lica osposobljenih za rad u sportu,
- t) druga udruženja koja se prema svojim registrovanim djelatnostima bave sportom.

Član 40.
(Osnovna sportska organizacija - klub)

- (1) Osnovna sportska organizacija je klub.
- (2) Klub se može osnovati kao udruženje ili kao privredno društvo radi obavljanja sportskih djelatnosti i sportskih aktivnosti.

Član 41.
(Sticanje svojstva pravnog lica)

Sportska udruženja stiču svojstvo pravnog lica na način i po postupku utvrđenom zakonima o udruženjima i fondacijama.

Član 42.
(Skupština udruženja)

Pravna lica koja su registrovana kao udruženje u oblasti sporta, osim osnivačkog akta i statuta, moraju imati skupštinu kao najviši organ udruženja.

Član 43.
(Organizacioni dijelovi sportskog udruženja)

- (1) Sportsko udruženje može formirati jedan ili više organizacionih dijelova, sekcija, podružnica i sličan oblik organizovanja.
- (2) Organizacioni dio sportskog udruženja nema svojstvo pravnog lica.
- (3) Organizacioni dio ima mjesto obavljanja aktivnosti i djelatnosti i zastupnika, a poslove sa trećim licima obavlja u ime i za račun sportskog udruženja.

Član 44.
(Osnivači sportskog udruženja)

Sportsko udruženje mogu osnovati najmanje tri fizička koja su državljani Bosne i Hercegovine, odnosno tri pravna lica ili stranci koji su stalno nastanjeni ili borave duže od jedne godine na teritoriji

Federacije, sami ili zajedno sa građanima Federacije u skladu sa zakonima o udruženjima i fondacijama.

Član 45.

(Osnivanje sportskog udruženja)

- (1) Sportsko udruženje se osniva na osnivačkoj skupštini, usvajanjem i potpisivanjem osnivačkog akta i statuta.
- (2) Osnivački akt sportskog udruženja sačinjava se u pisanoj formi i obavezno sadrži:
 - a) imena i prezimena i adrese, odnosno naziv i sjedište osnivača,
 - b) naziv i sjedište i adresu udruženja,
 - c) osnovne ciljeve osnivanja udruženja,
 - d) ime i prezime ovlaštenog lica koje će obaviti poslove upisa u registar udruženja,
 - e) potpise osnivača i jedinstveni matični broj građana, ukoliko su osnivači državljani Bosne i Hercegovine,
 - f) datum usvajanja.

Član 46.

(Članstvo u sportskom udruženju)

- (1) Članovi sportskog udruženja su osnivači i lica koja naknadno pristupe sportskom udruženju u skladu sa statutom.
- (2) Svako lice može pod jednakim uslovima utvrđenim statutom da postane član sportskog udruženja.
- (3) Statutom sportskog udruženja mogu se utvrditi kriteriji, uslovi i postupak sticanja i gubitka posebnih prava pojedinih članova u upravljanju udruženjem, srazmjerno doprinosu u radu udruženja, za vrijeme dok taj poseban doprinos traje.
- (4) Sportsko udruženje može imati različite kategorije članova, sa različitim pravima i obavezama, s tim da članovi iste kategorije moraju imati ista prava i obaveze, u skladu sa statutom.
- (5) Izjavu o pristupanju, odnosno učlanjenju u sportsko udruženje dijete daje uz saglasnost roditelja, usvojitelja ili staratelja, u pisanoj formi.
- (6) Sportski savez utvrđuje formu i načine davanja pismene saglasnosti iz stava (5) ovog člana.
- (7) Sportsko udruženje vodi knjigu članova, uključujući i podatke o njihovom pravu upravljanja udruženjem.

Član 47.

(Istupanje iz sportskog udruženja)

- (1) Članovi sportskog udruženja imaju pravo da u svako doba istupe iz udruženja.
- (2) Izuzetno od stava (1) ovog člana, sportskim pravilima nadležnog kantonalnog sportskog saveza može se propisati da je istupanje sportiste - takmičara dozvoljeno samo po isteku određenog otkaznog roka, s tim da otkazni rok u sportskim granama ili granama sporta u kojima pravila predviđaju prelazni rok može da traje do početka prvog narednog prelaznog roka, a u ostalim sportskim granama ili granama sporta najviše šest mjeseci.
- (3) Sportista ne može da istupi iz sportskog udruženja u slučaju kada se ugovorom obavezao da ostaje član do određenog roka, osim ako je sporazumno, odlukom nadležnog suda ili sportske arbitraže odlučeno drugačije.
- (4) Članstvo u sportskom udruženju ne može se prenositi, niti naslijediti.

Član 48.

(Isključivanje iz sportskog udruženja i disciplinski postupak)

- (1) Član sportskog udruženja može biti isključen iz sportskog udruženja iz opravdanih razloga i po postupku utvrđenim statutom.
- (2) Općim aktima sportskog udruženja mora biti obezbijeđeno pravo na žalbu na odluku organa upravljanja udruženja kojom je odlučivano o pravima i obavezama članova udruženja, osim ako je za donošenje odluke nadležna sportska arbitraža u skladu sa ovim zakonom.
- (3) Članu sportske organizacije mogu se izreći disciplinske mjere i sankcije u skladu sa zakonom, sportskim pravilima i općim aktima sportske organizacije, s tim da mu ne može biti izrečena

sankcija za disciplinski prekršaj koji, prije nego što je učinjen, nije bio općim aktom sportske organizacije, odnosno disciplinskim pravilnikom utvrđen kao disciplinski prekršaj i za koji nije bila propisana kazna, ako zakonom nije drugačije propisano.

- (4) Član sportskog udruženja ima u disciplinskom postupku pravo na:
- a) vođenje postupka bez odugovlačenja i sa što manje troškova,
 - b) nezavisnost,
 - c) stručnost i nepristrasnost organa koji odlučuje o odgovornosti,
 - d) branioca o ličnom trošku,
 - e) izjašnjenje i izvođenje dokaza,
 - f) obrazloženu odluku, u pisanoj formi,
 - g) žalbu.

Član 49.

(Organi upravljanja sportskim udruženjem)

- (1) Sportsko udruženje sa više od 20 članova u seniorskoj konkurenciji ima organe upravljanja, izabrane od skupštine udruženja, na način određen statutom.
- (2) Organ upravljanja sportskog udruženja je upravni odbor.
- (3) Lice ovlašteno za zastupanje i predstavljanje sportskog udruženja je član organa upravljanja sportskog udruženja.
- (4) Odluke organa upravljanja sportskog udruženja donose se većinom glasova od ukupnog broja članova organa upravljanja, a može se propisati i kvalifikovana većina za određene odluke od posebnog interesa za sportsko udruženje.

Član 50.

(Skupština sportskog udruženja)

- (1) Skupština je najviši organ sportskog udruženja i čine je, ako statutom nije drugačije određeno, svi članovi sportskog udruženja, sa jednakim pravom glasa.
- (2) Skupština sportskog udruženja se saziva najmanje jednom godišnje.
- (3) Mandat članova skupštine traje do pet godina.
- (4) Skupština sportskog udruženja odlučuje o:
 - a) donošenju statuta sportskog udruženja, njegovih izmjena i dopuna i drugih akata određenih statutom sportskog udruženja,
 - b) usvajanju finansijskog izvještaja,
 - c) statusnim promjenama i promjenama pravnog oblika sportskog udruženja,
 - d) prestanku rada sportskog udruženja,
 - e) davanju saglasnosti na pravne radnje preduzete u ime sportskog udruženja prije njegovog upisa u registar kod nadležnog organa za registraciju,
 - f) imenovanju i razrješenju dužnosti članova organa upravljanja i lica ovlaštenih za zastupanje i predstavljanje,
 - g) utvrđivanju godišnjeg plana i programa rada sa finansijskim planom,
 - h) potvrđivanju godišnjih finansijskih izvještaja i izvještaja o radu koje sačinjava organ upravljanja ili ovlašteno lice,
 - i) drugim pitanjima utvrđenim zakonom i statutom sportskog udruženja.
- (5) Sportsko udruženje mora dostavljati statusne izmjene nadležnim organima u kojim se vode registri iz člana 37. ovog zakona.
- (6) Odluka skupštine o promjeni statuta, statusnim promjenama i prestanku rada sportskog udruženja donosi se većinom glasova od ukupnog broja članova skupštine, ako statutom nije utvrđeno da je za donošenje odluke potreban veći broj glasova.

Član 51.

(Vanredna sjednica skupštine sportskog udruženja)

- (1) Sazivanje vanredne sjednice skupštine sportskog udruženja može tražiti najmanje jedna polovina članova skupštine.

- (2) Zahtjev za sazivanje vanredne sjednice skupštine dostavlja se predsjedniku skupštine, u pisanoj formi, sa potpisima članova koji čine najmanje polovinu broja članova skupštine.
- (3) Uz zahtjev za sazivanje vanredne sjednice, dostavlja se prijedlog dnevnog reda.
- (4) Vanredna sjednica se saziva najkasnije u roku od 30 dana od dana podnošenja zahtjeva.
- (5) Ukoliko predsjednik skupštine ne sazove vanrednu sjednicu skupštine, to mogu učiniti podnosioci zahtjeva iz stava (1) ovog člana.
- (6) O statusnim promjenama usvojenim na vanrednoj sjednici podaci se dostavljaju nadležnom organu za registar odnosno nadležnom organu za registraciju, hitno i bez odlaganja, a najkasnije u roku od 30 dana od dana usvojenih promjena.

Član 52.

(Zastupanje i predstavljanje sportskog udruženja)

- (1) Sportsko udruženje ima lice ovlašteno za zastupanje i predstavljanje sportskog udruženja (u daljnjem tekstu: ovlašteno lice), koje je izabrano, odnosno imenovano na način utvrđen statutom.
- (2) Ovlašteno lice odgovara za zakonitost rada sportskog udruženja, organizuje i vodi aktivnosti i poslovanje sportskog udruženja, brine se o urednom vođenju propisanih evidencija i poslovnih knjiga i sprovodi odluke organa upravljanja sportskog udruženja.

Član 53.

(Informisanje o radu sportskog udruženja)

Ovlašteno lice je dužno da informiše skupštinu i organe upravljanja sportskog udruženja o aktivnostima i djelatnostima sportskog udruženja i njegovom finansijskom poslovanju, najmanje jednom godišnje.

Član 54.

(Nadzorni odbor sportskog udruženja)

- (1) Sportsko udruženje čija skupština prema odredbama statuta ima više od 20 članova ima nadzorni odbor.
- (2) Nadzorni odbor iz stava (1) ovog člana vrši kontrolu finansijskog poslovanja i godišnjeg završnog računa.
- (3) Članovi nadzornog odbora ne mogu biti članovi skupštine i upravnog odbora.
- (4) Sportsko udruženje može imati revizora sa nadzornim ovlaštenjima utvrđenim u skladu sa propisima o računovodstvu i reviziji.
- (5) Statutom se mogu odrediti i drugi organi sportskog udruženja.

Član 55.

(Sukob interesa)

- (1) Ovlašteno lice i član organa upravljanja sportskog udruženja dužni su da postupaju savjesno, pažljivo i lojalno prema sportskom udruženju i da poštuju druge dužnosti utvrđene ovim zakonom i općim aktima sportskog udruženja.
- (2) Lica iz stava (1) ovog člana koja imaju lični interes ne smiju koristiti sportsko udruženje za lično bogaćenje, odnosno lične potrebe. Pod ličnim interesom ovlaštenog lica ili člana organa upravljanja podrazumijeva se sticanje materijalne ili druge koristi korištenjem svog položaja, za njega lično, i za njegovu porodicu, bliske rođake, prijatelje ili druga pravna i fizička lica sa kojima ostvaruje privatni, poslovni ili politički kontakt i saradnju.
- (3) Ovlašteno lice sportskog udruženja ne može biti direktno ili indirektno angažovano u drugoj konkurentskoj sportskoj organizaciji.
- (4) Lični interes u smislu stava (2) ovog člana postoji ako je član organa upravljanja sportskog udruženja, odnosno ovlašteno lice ili njegov bliski srodnik:
 - a) ugovorna strana u pravnom poslu sa sportskim udruženjem,
 - b) vlasnik ili na drugi način u poslovnom odnosu sa licem iz pravnog posla ili radnje koje zaključuje ugovor sa sportskim udruženjem, ili koje ima finansijske interese u tom poslu ili radnji, po osnovu kojih se razumno može očekivati da utiču na postupanje člana organa upravljanja, odnosno ovlaštenog lica, suprotno interesu sportskog udruženja,
- (5) Pod bliskim srođnicima, u smislu ovog zakona, smatraju se:

- a) bračni i vanbračni drug, dijete, majka, otac, usvojlac i usvojenik,
 - b) roditelji, brat, sestra, unuk ili bračni drug bilo koga od ovih lica,
 - c) njegov krvni srodnik u pravoj liniji, a u pobočnoj liniji do četvrtog stepena srodstva,
 - d) srodnik po tazbini zaključno sa drugim stepenom srodstva,
 - e) druga lica koja sa tim licem žive u zajedničkom domaćinstvu.
- (6) Lica iz stava (5) ovog člana smatraju se povezanim licima u smislu ovog zakona (u daljem tekstu: povezana lica).
- (7) Pravni posao između ovlaštenog lica i sportskog udruženja može da se zaključi po odobrenju organa upravljanja sportskog udruženja ili drugog organa određenog statutom.
- (8) Ukoliko zbog povrede odredbi o zabrani sukoba interesa i konkurencije iz st. (2) i (3) ovog člana nastane šteta za sportsko udruženje, sportsko udruženje ima pravo na naknadu štete i pravo da se poslovi koje je lice izvršilo za svoj račun na štetu sportskog udruženja priznaju kao poslovi izvršeni za račun sportskog udruženja radi namirenja nastale štete.
- (9) Statutom sportskog udruženja uređuje se zastupanje udruženja u slučaju sukoba interesa između sportskog udruženja i ovlaštenog lica.
- (10) Postojanje sukoba interesa u smislu ovog zakona utvrđuje komisija od tri člana koju imenuje Vijeće iz reda svojih članova.
- (11) Vijeće donosi pravila postupka utvrđivanja postojanja sukoba interesa u skladu sa Zakonom o sprečavanju sukoba interesa u institucijama na nivou Bosne i Hercegovine („Službeni glasnik BiH“, broj 18/24), Zakonom o sukobu interesa u organima vlasti u Federaciji Bosne i Hercegovine (Službene novine Federacije BiH“, broj 70/08), Zakonom o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22 - Ispravka i 55/22 - Ispravka) i ovim zakonom.

Član 56.

(Izuzeci od prava glasanja)

Član organa upravljanja sportskog udruženja, odnosno ovlašteno lice nema pravo glasa na sjednici organa upravljanja sportskog udruženja kada se odlučuje o:

- a) pokretanju spora ili odustajanju od spora protiv njega,
- b) odobravanju poslova između njega i sportskog udruženja u slučaju sukoba interesa, odnosno postojanja ličnog interesa pri odlučivanju,
- c) njegovoj odgovornosti ili razrješenju.

Član 57.

(Naziv, sjedište, simboli i upotreba naziva sportskog udruženja)

- (1) Sportsko udruženje ima naziv i sjedište, a može imati i skraćeni naziv.
- (2) Sportsko udruženje može imati svoj znak, logotip i druge simbole u skladu sa statutom.
- (3) Naziv sportskog udruženja mora biti na jednom od jezika u službenoj upotrebi u Kantonu, a može biti i na stranom jeziku, odnosno može da sadrži i pojedine strane riječi, ako one čine ime, odnosno naziv osnivača i kao takve su uobičajene.
- (4) U istoj jedinici lokalne samouprave i pod istim imenom ne mogu se registrovati u jednoj sportskoj grani ili grani sporta dva sportska udruženja, izuzev ako se radi o ženskoj i muškoj kategoriji članstva.
- (5) Sjedište sportskog udruženja mora biti na teritoriji Kantona, s tim da se kao sjedište određuje ono mjesto iz kojeg se upravlja aktivnostima i djelatnostima udruženja.
- (6) U poslovnoj korespondenciji i javnom pismenom istupanju sportsko udruženje uz svoj naziv navodi i svoje sjedište.
- (7) Simboli vizuelnog identiteta sportskog udruženja moraju se jasno razlikovati od simbola drugih sportskih organizacija i ne smiju dovoditi u zabludu identitet i ciljeve sportskog udruženja.
- (8) Simboli vizuelnog identiteta sportskog udruženja ne mogu da sadrže simbole strane države ili međunarodne organizacije.
- (9) Naziv sportskog udruženja ne smije dovoditi u zabludu o tome o kakvoj se vrsti pravnog lica radi i ciljeve sportskog udruženja.
- (10) Iz naziva sportskog udruženja mora biti vidljivo da je to sportska organizacija.

- (11) Naziv sportskog udruženja može da sadrži službeni naziv Kantona, Federacije Bosne i Hercegovine, Bosne i Hercegovine, jedinice lokalne samouprave ili teritorijalne jedinice, uz prethodnu saglasnost nadležnog organa.
- (12) Naziv "Kanton Sarajevo" može se unijeti u naziv sportske organizacije čiji članovi su klubovi kao osnovne sportske organizacije ili strukovni sportski savezi.
- (13) Ministarstvo daje odobrenje za unošenje naziva „Kanton Sarajevo” sportskoj organizaciji iz stava (12) ovog člana koja:
 - a) aktivno djeluje u sportu najmanje jednu godinu,
 - b) svojim djelovanjem afirmiše sport na području Kantona, Bosne i Hercegovine i u međunarodnim okvirima,
 - c) čiji članovi (klubovi i strukovni savezi) su u svom radu postigli prestižne rezultate i nagrade na sportskim takmičenjima, čime doprinose ugledu Kantona Sarajevo.
- (14) Ministarstvo će staviti van snage odobrenje iz stava (2) ovog člana, ukoliko sportska organizacija u vršenju svojih aktivnosti djeluje nezakonito ili protivno svom statutu.

Član 58.

(Upis sportskog udruženja u registar)

- (1) Sportsko udruženje stiče svojstvo pravnog lica upisom u registar udruženja kod nadležnog organa na način i po postupku utvrđenom zakonima o udruženjima i fondacijama.
- (2) Sportsko udruženje stiče pravo obavljanja sportskih aktivnosti i djelatnosti upisom u registar kod nadležnog organa za registraciju, nakon čega je dužno da se upiše u Sportski registar kod Ministarstva.
- (3) Zahtjev za upis u Sportski registar sportska organizacija podnosi najkasnije u roku od 30 dana od dana pravosnažnosti rješenja o upisu u registar kod nadležnog organa za registraciju.
- (4) Sportska udruženja sa svih nivoa vlasti, čija su sjedišta i aktivnosti djelovanja na Kantonu Sarajevu, dužna su da se upišu u Sportski registar kod Ministarstva u roku od 90 dana od dana objave ovog zakona u „Službenim novinama Kantona Sarajevo“, u suprotnom ne mogu se finansirati iz budžeta Kantona Sarajevo i jedinica lokalne samouprave.
- (5) Na osnovu zahtjeva iz stava (3) ovog člana, ministar donosi rješenje o upisu u Sportski registar.
- (6) Nakon upisa u Sportski registar sportska organizacija stiče pravo na obavljanje sportskih aktivnosti i djelatnosti.
- (7) Zabranjen je rad organizaciji koja se bavi aktivnostima iz oblasti sporta, a nije upisana u Sportski registar.

Član 59.

(Podaci koji se upisuju u registar kod nadležnog organa za registraciju)

U registar kod nadležnog organa za registraciju upisuje se osnivanje i prestanak rada sportskog udruženja, statusne promjene i promjene pravne forme sportskog udruženja, podaci o vođenju stečajnog postupka nad sportskim udruženjem, kao i drugi podaci utvrđeni aktom o registraciji i zakonima o udruženjima i fondacijama.

Član 60.

(Podaci koji se upisuju u Sportski registar)

U sportski registar obavezno se upisuju sljedeći podaci o sportskom udruženju:

- a) naziv, sjedište i adresa,
- b) podaci o osnivaču,
- c) broj i datum osnivačkog akta,
- d) sportska grana ili grana sporta kojoj pripada,
- e) ime, prezime, datum i mjesto rođenja, prebivalište i funkcija lica ovlaštenog za zastupanje i predstavljanje,
- f) ciljevi udruživanja i osnivanja,
- g) naziv nadležnog ministarstva i broj rješenja pod kojim je udruženje upisano u registar udruženja.

Član 61.

(Postupak upisa sportskog udruženja u Sportski registar)

- (1) Sportsko udruženje podnosi zahtjev Ministarstvu za upis u Sportski registar u obliku registracione prijave.
- (2) Uz registracionu prijavu sportsko udruženje prilaže:
 - a) dokaz o identitetu osnivača koji može biti: foto-kopija lične karte ili pasoša fizičkog lica, izvod iz relevantnog registra u kome je registrovano pravno lice, foto-kopija rješenja o upisu u nadležni registar ili drugi odgovarajući dokument koji omogućava identifikaciju osnivača u skladu sa Pravilnikom o vođenju registra pravnih lica u oblasti sporta na nivou Kantona Sarajevo,
 - b) osnivački akt sportskog udruženja,
 - c) statut sportskog udruženja,
 - d) rješenje nadležnog organa za registraciju,
 - e) ovjeren potpis ovlaštenog lica,
 - f) saglasnost na naziv sportskog udruženja u slučajevima propisanim ovim zakonom,
 - g) spisak organa upravljanja sportskog udruženja,
 - h) zapisnik sa sjednice skupštine,
 - i) saglasnost kantonalnog sportskog saveza za upis u Sportski registar.
- (3) Registracionu prijavu podnosi ovlašteno lice sportskog udruženja.
- (4) Registraciona prijava se podnosi Ministarstvu u jednom primjerku, u roku od 30 dana od dana pravosnažnosti rješenja nadležnog organa za registraciju.
- (5) Sportsko udruženje je dužno da prijavi Ministarstvu svaku promjenu podataka koji se upisuju u Sportski registar u roku od 30 dana od dana nastale promjene, odnosno izdavanja rješenja nadležnog registarskog organa o upisu promjena u registar kod nadležnog organa za registraciju.
- (6) Ministar donosi Pravilnik o postupku upisa, sadržaju i načinu vođenja Sportskog registra.

Član 62.

(Imovina sportskog udruženja)

- (1) Imovinu sportskog udruženja čine:
 - a) nekretnine upisane u javnim evidencijama kao vlasništvo sportskog udruženja,
 - b) dobrovoljni prilozi i pokloni koji imaju novčanu vrijednost,
 - c) finansijska sredstva iz budžeta Kantona,
 - d) subvencije,
 - e) prihodi odnosno prava i obaveze proistekli iz ugovora zaključenih sa fizičkim ili pravnim licima,
 - f) prihodi od kamata, dividendi, dobiti od kapitala, zakupnina, honorara i sličnih izvora pasivnog prihoda,
 - g) prihodi od usluga, sponzora i drugih komercijalnih, marketinških, poslovnih i privrednih djelatnosti i aktivnosti,
 - h) prihod stečen putem ostvarivanja ciljeva i aktivnosti sportskog udruženja,
 - i) prihodi od članarina i ostali prihodi.
- (2) Sportsko udruženje raspolaže svojom imovinom u skladu sa statutom i zakonom.
- (3) Imovina iz stava (1) ovog člana je vlasništvo sportskog udruženja i ne može se dijeliti između članova udruženja.

Član 63.

(Poslovne knjige i finansijski izvještaji sportskog udruženja)

Sportsko udruženje obavezno vodi poslovne knjige i sastavlja finansijske izvještaje u skladu sa propisima kojima se uređuje oblast računovodstva i revizije.

Član 64.

(Korištenje imovine sportskog udruženja)

- (1) Imovina sportskog udruženja može da se koristi za ostvarivanje njegovih ciljeva definisanih statutom.
- (2) Imovina sportskog udruženja ne može se dijeliti njegovim članovima.
- (3) Neto dobit ostvarena obavljanjem djelatnosti sportskog udruženja koristi se isključivo za ostvarivanje ciljeva iz stava (1) ovog člana.

Član 65.

(Sticanje dobiti sportskog udruženja)

- (1) Sportsko udruženje može da, radi pribavljanja sredstava potrebnih za ostvarivanje svojih statutarne ciljeva i djelatnosti osniva subjekte za privrednu i drugu djelatnost pod uslovima utvrđenim zakonom i statutom udruženja, te obavlja nesrodne privredne djelatnosti (privredne djelatnosti koje nisu neposredno povezane s ostvarivanjem osnovnih statutarne ciljeva udruženja) samo preko posebno osnovanog pravnog lica.
- (2) Dobit koju sportsko udruženje ostvari na način iz stava (1) ovog člana može se upotrijebiti samo za ostvarivanje osnovnih ciljeva i zadataka koji se utvrde statutom sportskog udruženja i ne može se dijeliti između osnivača i članova udruženja.

Član 66.

(Raspodjela imovine nakon prestanka rada sportskog udruženja)

- (1) Preostala imovina udruženja koje se briše iz registra nadležnog organa za registraciju raspoređuje se shodno odluci nadležnog organa udruženja, u skladu sa odredbama statuta.
- (2) Izuzetno od stava (1) ovog člana, imovina udruženja koje je uživalo poreske, carinske i druge povlastice ili koje je primilo budžetske donacije ili donacije od građana ili pravnih lica u ukupnom iznosu većem od 10.000,00 KM u prethodnoj ili tekućoj kalendarskoj godini, dodjeljuje se drugom udruženju registriranom na području Kantona koje obavlja istu ili sličnu statutarne djelatnost.
- (3) Udruženja iz st. (1) i (2) ovog člana dužna su da dobijena sredstva ili imovinu upotrijebe za ostvarivanje sportskih ciljeva utvrđenih statutom udruženja.
- (4) Ukoliko nadležni organ udruženja iz stava (1) ovog člana ne donese odluku o raspodjeli imovine do dana brisanja iz registra, Ministarstvo će donijeti odluku o raspodjeli preostale imovine drugom udruženju registriranom na području Kantona koje obavlja istu ili sličnu statutarne djelatnost.

Član 67.

(Prestanak rada sportskog udruženja)

- (1) Sportsko udruženje prestaje sa radom:
 - a) ako nadležni organ sportskog udruženja donese odluku o prestanku rada ili odluku o pripajanju, spajanju, podjeli, odvajanju i transformaciji,
 - b) ako se broj članova smanji ispod broja potrebnog za osnivanje, a skupština ne donese odluku u roku od tri mjeseca od dana nastupanja ove okolnosti,
 - c) ako skupština sportskog udruženja nije održana u dvije kalendarske godine uzastopno, odnosno ako je proteklo dvostruko više vremena od vremena utvrđenog statutom za održavanje skupštine sportskog udruženja,
 - d) ako mu je izrečena mjera zabrane obavljanja sportskih aktivnosti i djelatnosti zbog toga što ne ispunjava uslove za njihovo obavljanje, a u roku određenom u izrečenoj mjeri ne ispuni te uslove,
 - e) ako je pravosnažnom odlukom nadležnog suda utvrđeno da je registracija osnivanja sportskog udruženja bila ništavna,
 - f) ako mu je zabranjen rad,
 - g) u drugim slučajevima utvrđenim zakonom, osnivačkim aktom ili statutom sportskog udruženja koji su navedeni kao osnov za prestanak rada,
 - h) stečajem.
- (2) Odredbe stava (1) tač. c) i d) ovog člana o prestanku rada sportskog udruženja se primjenjuju nakon sprovedenog inspekciskog nadzora ovlaštenog organa.
- (3) Sportsko udruženje prestaje sa radom kada nadležni organ za upis u registar odnosno registraciju donese rješenje o prestanku njegovog rada.

- (4) Nadležni organ za upis u registar odnosno registraciju obavještava Ministarstvo o prestanku rada sportskog udruženja i brisanju iz registra nadležnog organa za registraciju.

Član 68.

(Stečajni postupak nad sportskim udruženjem)

- (1) Nad sportskim udruženjem koje je platežno nesposobno sprovodi se stečajni postupak u skladu sa Zakonom o stečaju („Službene novine Federacije BiH”, br. 53/21 i 19/25).
- (2) Na pravne posljedice otvaranja, provođenja i okončanja stečajnog postupka nad sportskim udruženjem, uključujući brisanje iz registra primjenjuje se Zakon o stečaju.

Član 69.

(Statusne promjene sportskog udruženja)

- (1) Statusne promjene sportskog udruženja su pripajanje, spajanje, podjela i odvajanje.
- (2) Statusnom promjenom sportsko udruženje prenosi cijelu svoju imovinu ili njen dio na jedno ili više postojećih ili novih sportskih udruženja ili na jedno ili više privrednih društava, koji su njegovi pravni sljednici.
- (3) U istoj statusnoj promjeni može da se kombinuje pripajanje, spajanje, podjela i odvajanje.
- (4) Sportska udruženja koja učestvuju u ligaškim sportskim takmičenjima mogu vršiti statusne promjene ako se statusnom promjenom ne utiče na regularnost takmičenja i uz prethodnu saglasnost nadležnog kantonalnog sportskog saveza.

Član 70.

(Obaveza sačinjavanja finansijskog izvještaja)

Svako sportsko udruženje koje učestvuje u statusnoj promjeni sačinjava finansijski izvještaj prema stanju na dan statusne promjene, u skladu sa propisima o računovodstvu i reviziji.

Član 71.

(Pripajanje i spajanje sportskih udruženja)

- (1) Pripajanjem se prenosi cijela imovina, uključujući sva prava i obaveze jednog sportskog udruženja, koje je pripojenik, na drugo sportsko udruženje koje je pripojilac, na osnovu ugovora o pripajanju.
- (2) Spajanjem se osniva novo sportsko udruženje na koje se prenosi cijela imovina, uključujući sva prava i obaveze dva ili više sportskih udruženja koja se spajaju.

Član 72.

(Upis pripajanja sportskog udruženja u Sportski registar)

- (1) U registar kod nadležnog organa za registraciju i Sportski registar, pripajanjem jednog ili više sportskih udruženja drugom, upisuje se sjedište sportskog udruženja koje je pripojilac.
- (2) Na upis pripajanja primjenjuju se odredbe zakona o udruženjima i fondacijama i ovog zakona.
- (3) Upisom pripajanja u nadležne registre prestaju da postoje pripojena sportska udruženja.
- (4) Upisom pripajanja zaposleni i članovi pripojenika postaju zaposleni i članovi pripojioca.

Član 73.

(Prijava za upis pripajanja sportskog udruženja u Sportski registar)

Uz prijavu za upis pripajanja u Sportski registar, pored dokumentacije propisane ovim zakonom o upisu osnivanja sportskog udruženja, prilažu se i:

- a) odluke skupština sportskih udruženja koja učestvuju u pripajanju o prihvatanju zaključenja ugovora o pripajanju (u istovjetnom tekstu),
- b) ugovor o pripajanju,
- c) rješenje o upisu u Sportski registar sportskih udruženja koja se pripajaju,
- d) oglas o namjeri pripajanja objavljen u sredstvima javnog informisanja na području Kantona,
- e) saglasnost nadležnog kantonalnog sportskog saveza.

Član 74.

(Ugovor o pripajanju sportskog udruženja)

- (1) Ugovor o pripajanju sadrži:
 - a) nazive i sjedišta sportskih udruženja,
 - b) odredbe u vezi sa prenosom sportske imovine i obaveza sportskog udruženja koje se pripaja, tačan opis dijelova imovine i obaveza koji se prenose, pri čemu je dozvoljeno upućivanje na posebne isprave,
 - c) odredbe o pravima članova sportskog udruženja koje se pripaja.
- (2) Povjerioci sportskih udruženja koja učestvuju u pripajanju mogu, u roku od 30 dana od dana objavljivanja oglasa o pokretanju postupka pripajanja, zahtijevati obezbjeđenje svojih potraživanja ili njihovu isplatu.
- (3) Obezbjedenjem povjerilaca iz stava (2) ovog člana smatra se izjava zastupnika sportskih udruženja koja učestvuju u pripajanju da će se imovinom tih sportskih udruženja upravljati odvojeno, do namirenja povjerilaca svakog sportskog udruženja posebno, u protivnom, nadležni sud može poništiti pripajanje na zahtjev povjerilaca.

Član 75.

(Spajanje sportskih udruženja)

- (1) Na spajanje sportskih udruženja se primjenjuju odredbe ovog zakona o pripajanju, a na novonastalo sportsko udruženje odredbe o osnivanju sportskog udruženja.
- (2) Upisom novog sportskog udruženja u registar kod nadležnog organa za registraciju i Sportski registar prestaju da postoje sportska udruženja koja su se spojila.
- (3) Upisom novog sportskog udruženja u registar kod nadležnog organa za registraciju i Sportski registar imovina spojenih sportskih udruženja prelazi na novo sportsko udruženje.
- (4) Zaposleni i članovi sportskih udruženja koja su se spojila postaju zaposleni i članovi novog sportskog udruženja.

Član 76.

(Podjela sportskog udruženja)

- (1) Podjela sportskog udruženja je statusna promjena kojom se sportsko udruženje dijeli na više udruženja, čime ono prestaje da postoji.
- (2) Odluka o podjeli sportskog udruženja ima pravno dejstvo akta o osnivanju.
- (3) Podjelom sportsko udruženje dijeli svoju imovinu na više dijelova koju prenosi na više sportskih udruženja.
- (4) Imovina sportskog udruženja koje se briše iz registra raspoređuje se odlukom organa udruženja u skladu sa njegovim statutom.
- (5) Izuzetno ukoliko ne bude donesena odluka iz stava (4) ovog člana do dana brisanja udruženja iz registra, imovina udruženja koje je uživalo poreske, carinske i druge povlastice, ili koje je imalo prihode iz budžeta ili donacije građana i pravnih lica u ukupnom iznosu većem od 10.000,00 KM u prethodnoj ili tekućoj kalendarskoj godini, dodjeljuje se drugom udruženju registrovanom u Kantonu koje obavlja istu ili sličnu djelatnost.
- (6) Odluku iz stava (5) ovog člana donosi Ministarstvo.

Član 77.

(Odvajanje sportskog udruženja)

- (1) Odvajanje je statusna promjena kojom se od sportskog udruženja odvaja njegov dio, a sportsko udruženje ostaje da postoji kao pravno lice.
- (2) Odvajanjem sportsko udruženje prenosi jedan ili više dijelova svoje imovine, zajedno sa pravima i obavezama koje se odnose na tu imovinu, na jedno ili više novoosnovanih ili postojećih sportskih udruženja, pri čemu sportsko udruženje koje vrši odvajanje nastavlja postojati kao pravno lice.
- (3) Na podjelu i odvajanje sportskog udruženja primjenjuju se odredbe ovog zakona o osnivanju, spajanju i pripajanju sportskih udruženja.

- (4) U slučaju podjele ili odvajanja, za obaveze sportskog udruženja koje su postojale prije upisa podjele, odnosno odvajanja u nadležne registre, solidarno odgovara svako sportsko udruženje koje postoji nakon upisa podjele, odnosno odvajanja.
- (5) Sportsko udruženje kome je prenesen dio imovine podjelom ili odvajanjem, kao opći pravni sljedbenik stupa u sve pravne odnose podijeljenog sportskog udruženja, odnosno sportskog udruženja od kojeg je odvojen njegov dio sa trećim licima, a u vezi sa prenesenim dijelom imovine.

Član 78.

(Upis u registar odvajanjem nastalog sportskog udruženja)

- (1) Sportska udruženja nastala podjelom, odnosno odvajanjem upisuju se u registar kod nadležnog organa za registraciju i Sportski registar nakon zaključenja ugovora o diobnom bilansu o razgraničenju sredstava i definisanju prava i obaveza između novoosnovanih sportskih udruženja.
- (2) Diobnim bilansom iz stava (1) ovog člana regulišu se i pitanja koja se odnose na status članova sportskog udruženja i zaposlenih lica.
- (3) Sportsko udruženje ne prestaje sa radom odvajanjem njegovog dijela.
- (4) Sportsko udruženje iz stava (3) ovog člana dužno je uskladiti svoj statut u skladu sa st. (1) i (2) ovog člana.

Član 79.

(Sportska organizacija kao privredno društvo)

- (1) Fizičko ili pravno lice može osnovati sportsku organizaciju za obavljanje sportske djelatnosti radi sticanja dobiti, u obliku privrednog društva, u skladu sa Zakonom o privrednim društvima.
- (2) Lica koja u sportskoj organizaciji obavljaju stručne poslove u oblasti sporta moraju imati odgovarajuće sportsko zvanje u skladu sa ovim zakonom.
- (3) Osnivanje sportske organizacije nije uslovljeno posjedovanjem sportskog zvanja, osim u slučaju kada osnivač neposredno obavlja stručne poslove iz stava (2) ovog člana.

Član 80.

(Sportski klub)

- (1) Osnovni oblik organizovanja u sportu je sportski klub.
- (2) Klub može obavljati sportsku aktivnost amaterski i profesionalno.

Član 81.

(Amaterski sportski klub)

Amaterski sportski klub je dobrovoljna nevladina neprofitna organizacija koja se organizuje kao udruženje za obavljanje sportske djelatnosti u skladu sa zakonima o udruženjima i fondacijama, Zakonom o sportu u Bosni i Hercegovini i ovim zakonom.

Član 82.

(Profesionalni sportski klub)

- (1) Profesionalni sportski klub osniva se kao privredno društvo s ciljem obavljanja sportske djelatnosti.
- (2) Profesionalni sportski klub osniva se i registruje kao poslovni subjekat kod nadležnog suda u skladu sa Zakonom o privrednim društvima, Zakonom o registraciji poslovnih subjekata u Federaciji Bosne i Hercegovine („Službene novine Federacije Bosne i Hercegovine”, br. 27/05, 68/05, 43/09, 63/14 i 85/21), Zakonom o sportu u Bosni i Hercegovini i ovim zakonom, kao i statutima sportskih saveza.
- (3) Na upis profesionalnog sportskog kluba u Sportski registar, odgovarajuće se primjenjuju odredbe čl. 58. do 61. ovog zakona koje se odnose na upis sportskog udruženja.

Član 83.

(Sportsko društvo)

- (1) Sportski klubovi mogu se udruživati u sportska društva radi uređivanja i ostvarivanja zajedničkih ciljeva i interesa, kao i zajedničkog nastupanja u oblasti sporta.

- (2) Međusobne odnose i prava sportski klubovi udruženi u sportsko društvo regulišu osnivačkim aktom, drugim aktima sportskog društva i ugovorom.
- (3) Sportsko društvo je nosilac prava na zajednički naziv i zajedničke simbole, ako osnivačkim i drugim aktima nije drugačije određeno.
- (4) Na osnivanje, upis u registar, obavljanje sportskih aktivnosti i sportskih djelatnosti, rješavanje sporova, odgovornost, kao i na druga pitanja u vezi sa radom sportskih društava, primjenjuju se odredbe ovog zakona koje se odnose na sportska udruženja, ako ovim zakonom nije drugačije određeno.

Član 84.

(Sportski Savez Kantona Sarajevo)

- (1) Sportske organizacije, gradski i općinski sportski savezi, samostalni profesionalni sportisti i stručna udruženja, uključujući one iz različitih sportskih grana, mogu se udružiti u jedinstveni Sportski Savez Kantona Sarajevo (u daljnjem tekstu: Sportski savez Kantona).
- (2) Sportski Savez Kantona je jedinstveni sportski savez na nivou Kantona i može biti osnovan od strane najmanje tri organizacije upisane u sportski registar.
- (3) Sportski Savez Kantona je obavezan primati u članstvo sve subjekte iz stava (1) ovog člana koji ispunjavaju uslove određene statutom Sportskog Saveza Kantona za prijem u članstvo.
- (4) Sportske organizacije koje okupljaju lica sa invaliditetom mogu se udruživati u skladu sa sportskim pravilima nadležnih međunarodnih sportskih saveza lica sa invaliditetom.
- (5) Sportski Savez Kantona, u okviru svojih sportskih djelatnosti, obezbjeđuje neophodnu podršku srodnim sportskim organizacijama lica sa invaliditetom.
- (6) Osnovna sredstva za rad Sportskog Saveza Kantona obezbjeđuju se u budžetu Kantona.
- (7) Sportski savez Kantona može organizovati tradicionalne i druge manifestacije u saradnji sa strukovnim savezima, Univerzitetom u Sarajevu – Kineziološkim fakultetom, Rektoratom univerziteta u Sarajevu, ministarstvima nadležnim za obrazovanje na području Kantona i Ministarstvom.
- (8) U slučajevima iz stava (7) ovog člana međusobna prava obaveze i odgovornosti uređuju se ugovorom zainteresiranih strana.

Član 85.

(Cilj osnivanja i reprezentativnost Sportskog saveza Kantona)

- (1) Sportski savez Kantona je najviši oblik udruživanja u Kantonu u oblasti sporta.
- (2) Sportski savez Kantona osniva se prvenstveno sa ciljem:
 - a) usklađivanja aktivnosti svojih članova,
 - b) reprezentovanja sporta u području svog djelovanja,
 - c) učešća u unaprjeđenju stručnog rada sportskih stručnjaka,
 - d) podsticanja bavljenja sportom, posebno djece i omladine u svom području djelovanja,
 - e) organizovanja i vođenja sportskih takmičenja,
 - f) organizovanja sportskih kampova,
 - g) vođenja evidencija sportskih rezultata za potrebe Ministarstva.
- (3) Sportski savez Kantona izvršava ovim zakonom povjerena javna ovlaštenja i to:
 - a) vrši upise u odgovarajuće sportske evidencije iz člana 153. stav (1) ovog zakona, sa podacima utvrđenim pravilnikom iz člana 153. stav (8) ovog zakona,
 - b) izdaje rješenje sportskoj organizaciji odnosno fizičkom licu u sportu o upisu u sportske evidencije,
 - c) izdaje uvjerenje o izvršenom upisu iz tačke b) ovog stava, na zahtjev zainteresovanog lica.

Član 86.

(Sportska pravila)

- (1) Sportski savez Kantona utvrđuje opća sportska pravila koja su u skladu sa međunarodnim sportskim pravilima i koja obuhvataju sve sportske organizacije, granske saveze, klubove, pojedince i sve ostale relevantne subjekte unutar Kantona.
- (2) Općim sportskim pravilima utvrđuju se:

- a) pravila o sportskom ponašanju, etici i fer pleju,
 - b) zdravstvena zaštita sportista,
 - c) program kontinuirane edukacije (formalne ili neformalne) u sportu radi stručnog osposobljavanja i usavršavanja, certificiranja i licenciranja sportskih stručnjaka,
 - d) pravila o preventivnim mjerama protiv negativnih pojava u sportu,
 - e) pravila o vođenju evidencije aktivnih sportskih organizacija,
 - f) pravila o učlanjivanju granskih saveza, sportskih organizacija i pojedinaca u Sportski savez Kantona.
- (3) Granski savezi, u okviru Sportskog saveza Kantona, utvrđuju specifična sportska pravila za svoje sportske grane, u skladu sa općim sportskim pravilima, međunarodnim sportskim pravilima i specifičnostima svoje sportske grane.
 - (4) Sportski savez Kantona je dužan da u roku od šest mjeseci od dana stupanja na snagu ovog zakona, utvrdi opća sportska pravila i prikupi specifična sportska pravila od granskih saveza i da sva ta pravila dostavi Ministarstvu.
 - (5) Granski savezi su dužni da u roku iz stava (4) ovog člana dostave svoja specifična sportska pravila Sportskom savezu Kantona.

Član 87.

(Gradski i općinski sportski savezi)

- (1) Sportske organizacije mogu se radi uređivanja i ostvarivanja sportskih pitanja od zajedničkog interesa, u zavisnosti od razvijenosti sporta i sistema takmičenja, udruživati u sportske saveze na gradskom i općinskom nivou (u daljem tekstu: sportski savezi nižeg nivoa organizovanja).
- (2) U sportske saveze nižeg nivoa organizovanja iz stava (1) ovog člana mogu se udruživati i druge zainteresovane sportske organizacije, u skladu sa statutom nadležnog kantonalnog sportskog saveza.
- (3) Na osnivanje, upis u registar i obavljanje sportskih aktivnosti i djelatnosti, kao i na druga pitanja u vezi sa radom sportskog saveza nižeg nivoa organizovanja, primjenjuju se odredbe ovog zakona koje se odnose na sportska udruženja, ako ovim zakonom nije drugačije određeno.
- (4) Sportski savezi nižeg nivoa organizovanja iz stava (1) ovog člana upisuju se u Sportski registar.
- (5) Ako na području Grada ili općine djeluje najmanje tri sportska kluba u istom sportu, može se osnovati granski sportski savez Grada ili općine u tom sportu. U granski sportski savez Grada ili općine se udružuju sportski klubovi pojedinog (određenog) sporta ili sportske grane te iste grane tog određenog sporta u čijoj sportskoj grani zbog nerazvijenosti nije osnovan granski sportski savez Grada ili općine, putem kojeg Grad ili općine ostvaruju svoj javni interes u oblasti sporta. Sportski savez Grada ili općine je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza Grada ili općine nije drugačije određeno.

Član 88.

(Sportska arbitraža)

- (1) Sportski savez Kantona Sarajevo, osim za sporove za koje je određena isključiva nadležnost suda ili međunarodne sportske arbitraže, osniva sportsku arbitražu kao nezavisno i nepristrano tijelo za rješavanje sportskih sporova između svojih članova.
- (2) Sportska arbitraža sastoji se od tri člana. Članove Sportske arbitraže imenuje i razrješava Upravni odbor Sportskog saveza Kantona Sarajevo. Kandidati za arbitre moraju ispunjavati opće uslove propisane Statutom Sportskog Saveza Kantona, kao i posebne standarde i kriterije koje donosi Upravni odbor Sportskog saveza Kantona Sarajevo. Kandidati za arbitre ne mogu biti članovi organa upravljanja i nadzora Sportskog saveza Kantona.
- (3) Sportska arbitraža odlučuje o sporovima iz stava (1) ovog člana u skladu sa sportskim pravilima, zakonima Bosne i Hercegovine i statutom Sportskog saveza Kantona.
- (4) Postupak pred Sportskom arbitražom je hitan. Sportska arbitraža dužna je donijeti odluku u roku od 60 dana od dana podnošenja zahtjeva za pokretanje postupka. Odluka Sportske arbitraže je konačna.

- (5) Detaljnija pravila o radu Sportske arbitraže, postupcima, rokovima, kao i druga pitanja od značaja za rad Sportske arbitraže, uređuju se posebnim pravilnikom koji donosi Sportski savez Kantona Sarajevo u skladu sa svojim statutom.

Član 89.

(Granski sportski savez Kantona ili jedinica lokalne samouprave)

- (1) U granski sportski savez Kantona ili jedinica lokalne samouprave (prema sjedištu udruženja koje se udružuje) u pojedinim sportovima udružuju se sportski klubovi te odgovarajuće grane sporta ili sportske grane radi ostvarivanja zajedničkih ciljeva i interesa, zajedničkog nastupanja u oblasti sporta i organizovanja takmičenja na nivou Kantona ili jedinica lokalne samouprave, u skladu sa statutom.
- (2) Granski sportski savez Kantona se udružuju u granske sportske saveze organizovane na nivou Federacije Bosne i Hercegovine i Bosne i Hercegovine, a granski sportski savezi općine u Kantonu udružuju se u granski sportski savez Grada prema lokaciji općine u gradskoj zoni, te granski sportski savez općine iz prigradske zone udružuje se u kantonalni granski sportski savez kao i ostali granski sportski savezi općine koji pripadaju gradskoj zoni.
- (3) Za jedan sport može se na nivou Kantona, Grada i općine osnovati jedan granski sportski savez.
- (4) Granski sportski savezi Kantona se osnivaju u skladu sa zakonima o udruženjima i fondacijama i ovim zakonom.
- (5) Ako zbog nerazvijenosti određenog sporta na području Kantona nisu ispunjeni uslovi iz ovog zakona za organizovanje granskog sportskog saveza Kantona, registracija granskog sportskog saveza na nivou Kantona može se izvršiti uz saglasnost Ministarstva, a do ispunjenja uslova iz ovog zakona.

Član 90.

(Nadležnost kantonalnih sportskih saveza)

Kantonalni sportski savezi nadležni su za:

- a) organizovanje i sprovođenje sistema takmičenja na teritoriji Kantona u sportovima koje pokrivaju;
- b) zastupanje i predstavljanje sporta prema kantonalnim, entitetskim i državnim organima, te saradnja sa nadležnim sportskim organizacijama na višim nivoima;
- c) pripremu sportista i timova za nastupe na takmičenjima u skladu sa važećim pravilima i nadležnostima sportskih saveza viših nivoa;
- d) utvrđivanje vlastitih programa razvoja sporta u skladu sa Strategijom;
- e) saradnju sa nadležnim sportskim i drugim organima u Bosni i Hercegovini u cilju unapređenja sporta.

Član 91.

(Reprezentativnost kantonalnih sportskih saveza)

- (1) Ako je u jednoj sportskoj grani, u skladu sa zakonom, registrovano više kantonalnih sportskih saveza, sufinansiraju se programi onog kantonalnog sportskog saveza kojim se ostvaruje javni interes Kantona.
- (2) Ako se, zbog svoje specifičnosti, samostalno organizuje neka od grana sporta, ministar može, na zahtjev najmanje tri sportske organizacije, utvrditi pravo na formiranje i reprezentativnost granskog saveza u toj grani sporta ukoliko u toj grani sporta u tom sportu postoji formirana međunarodna sportska asocijacija.

Član 92.

(Kantonalna kategorizacija u sportu)

- (1) Pod kantonalnom kategorizacijom podrazumijeva se kategorizacija sportova, sportista, stručnih radnika u sportu i sportskih radnika, na nivou Kantona.
- (2) Kantonalnom kategorizacijom sportova utvrđuju se kriteriji za kategorisanje i određuje kategorija sportskih grana i grana sporta na osnovu ostvarenih rezultata, masovnosti, kantonalne i međunarodne tradicije, zastupljenosti i popularnosti, zdravstvenog, socijalnog i drugog uticaja na

učesnike, finansijskog značaja i finansijske samostalnosti, promotivni i marketinški potencijal, pristupačnosti pojedinih sportskih grana i grana sporta i drugih značajnih faktora.

- (3) Kantonalnom kategorizacijom sportista utvrđuju se kriteriji za kategorisanje sportista na osnovu rezultata, uzrasta, pola i kantonalne kategorizacije sportova i uređuje način dodjeljivanja odgovarajuće kategorije sportskog statusa, statusa vrhunskog sportiste, statusa perspektivnog sportiste i druga statusna rangiranja sportista u Kantonu.
- (4) Kantonalnom kategorizacijom stručnih radnika u sportu i sportskih radnika utvrđuju se kriteriji i mjerila za kategorisanje sportskih stručnjaka na osnovu kvaliteta rada, ostvarenih rezultata, stepena stručnosti i kantonalne kategorizacije sportova i uređuje način dodjeljivanja odgovarajuće kategorije sportskog statusa.
- (5) Sportski status može steći lice koje ima državljanstvo Bosne i Hercegovine.

Član 93.

(Sportski klub lica sa invaliditetom)

- (1) Radi organizovanja sportsko-rekreativne aktivnosti i sportskih takmičenja lica sa invaliditetom, osnivaju se sportski klubovi lica sa invaliditetom.
- (2) Sportski klub lica sa invaliditetom može obavljati sportsku aktivnost amaterski i profesionalno.

Član 94.

(Amaterski sportski klub lica sa invaliditetom)

Amaterski sportski klub lica sa invaliditetom je dobrovoljna nevladina neprofitna organizacija koja se organizuje kao udruženje građana za obavljanje sportske djelatnosti u skladu sa zakonima o udruženjima i fondacijama, ovim zakonom i drugim propisima.

Član 95.

(Profesionalni sportski klub lica sa invaliditetom)

- (1) Profesionalni sportski klub lica sa invaliditetom osniva se kao privredno društvo, odnosno preduzeće s ciljem obavljanja sportske djelatnosti.
- (2) Profesionalni sportski klub lica sa invaliditetom osniva se i registruje kao poslovni subjekat kod nadležnog suda u skladu sa Okvirnim zakonom o registraciji poslovnih subjekata u Bosni i Hercegovini („Službeni glasnik BiH“, broj 42/04), Zakonom o registraciji poslovnih subjekata u Federaciji Bosne i Hercegovine i ovim zakonom, kao i statutima sportskih saveza.

Član 96.

(Sportsko društvo lica sa invaliditetom)

- (1) Sportski klubovi lica sa invaliditetom mogu se, radi uređivanja i ostvarivanja zajedničkih ciljeva i interesa, kao i zajedničkog nastupanja u određenoj oblasti sporta, udruživati u sportska društva lica sa invaliditetom.
- (2) Međusobne odnose i prava sportski klubovi lica sa invaliditetom, udruženi u sportsko društvo lica sa invaliditetom, reguliraju osnivačkim aktom, drugim aktima sportskog društva lica sa invaliditetom i ugovorom.
- (3) Sportsko društvo lica sa invaliditetom je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog društva lica sa invaliditetom nije drugačije određeno.
- (4) Na osnivanje, upis u registar, obavljanje sportskih aktivnosti i sportske djelatnosti, rješavanje sporova, odgovornost, kao i na druga pitanja u vezi sa radom sportskog društva lica sa invaliditetom primjenjuju se odredbe ovog zakona koje se odnose na sportska udruženja, ako ovim zakonom nije drugačije propisano.

Član 97.

(Granski sportski savezi lica sa invaliditetom Kantona i jedinica lokalne samouprave)

- (1) Granski sportski savezi lica sa invaliditetom Kantona se osnivaju u skladu sa zakonima o udruženjima i fondacijama i ovim zakonom.

- (2) Granski sportski savez lica sa invaliditetom organizuje se na nivou Kantona, a u zavisnosti od razvijenosti sporta za lica sa invaliditetom. Za jedan sport na nivou Kantona može da se osnuje samo jedan granski sportski savez lica sa invaliditetom.
- (3) Sjedište granskih sportskih saveza pojedinog sporta za lica sa invaliditetom Kantona određuje se na osnovu razvijenosti pojedinog sporta, tradicije, masovnosti i kvaliteta određene sportske grane.
- (4) Ako zbog nerazvijenosti određenog sporta za lica sa invaliditetom na području Kantona nisu ispunjeni uslovi iz ovog zakona za organizovanje granskog sportskog saveza lica sa invaliditetom Kantona, registracija granskog sportskog saveza lica sa invaliditetom na nivou Kantona, do ispunjenja uslova propisanih ovim zakonom, može se izvršiti uz saglasnost Ministarstva.
- (5) Granski sportski savezi lica sa invaliditetom jedinica lokalne samouprave i sportski klubovi lica sa invaliditetom u čijoj sportskoj grani zbog nerazvijenosti nije osnovan granski sportski savez lica sa invaliditetom jedinica lokalne samouprave udružuju se u granske sportske saveze lica sa invaliditetom Kantona, radi ostvarivanja zajedničkih ciljeva i interesa, zajedničkog nastupanja u oblasti sporta i organizovanja takmičenja na nivou Kantona, te obavljanja drugih aktivnosti u skladu sa ovim zakonom.
- (6) Granski sportski savezi lica sa invaliditetom Kantona, jedinica lokalne samouprave, sportski klubovi lica sa invaliditetom u čijoj sportskoj grani zbog nerazvijenosti granski sportski savez lica sa invaliditetom nije osnovan i udruženja lica sa invaliditetom za sportsku rekreaciju udružuju se u sportski savez lica sa invaliditetom Kantona i jedinica lokalne samouprave, putem kojeg Kanton i jedinica lokalne samouprave ostvaruje svoj javni interes u oblasti sporta za lica sa invaliditetom.
- (7) Sportski savez lica sa invaliditetom Kantona osniva se u skladu sa zakonima o udruženjima i fondacijama i ovim zakonom, a na osnovu odluka granskih sportskih saveza za lica sa invaliditetom o dobrovoljnom udruživanju, a u slučaju spora između granskih sportskih saveza, odluku o tome donosi Vlada.
- (8) Sportski savez lica sa invaliditetom je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza lica sa invaliditetom Kantona, jedinica lokalne samouprave nije drugačije određeno.
- (9) Granski sportski savezi lica sa invaliditetom Kantona se udružuju u sportski savez lica sa invaliditetom organizovan na nivou Federacije Bosne i Hercegovine i Bosne i Hercegovine.

Član 98.

(Nadležnost sportskih saveza lica sa invaliditetom Kantona Sarajevo)

Sportski savezi lica sa invaliditetom Kantona Sarajevo nadležni su za:

- a) organizovanje i provođenje sistema takmičenja,
- b) zastupanje i predstavljanje sporta lica sa invaliditetom u entitetskim, državnim i međunarodnim sportskim organizacijama,
- c) pripremanje i nastupanje kantonalnih reprezentacija na zvaničnim i entitetskim, državnim takmičenjima,
- d) pripremanje i nastupanje kantonalnih reprezentacija na zvaničnim međunarodnim takmičenjima u sportovima u kojima je to moguće i opravdano, uz prethodnu saglasnost Ministarstva,
- e) utvrđivanje programa razvoja u skladu sa Strategijom,
- f) saradnju sa nadležnim sportskim i drugim organima u Bosni i Hercegovini,
- g) obavljanje drugih poslova u skladu sa zakonom i podzakonskim propisima.

Član 99.

(Udruženja sportske rekreacije)

- (1) Radi zadovoljavanja potreba građana za održavanjem i poboljšanjem zdravlja i psihofizičkih sposobnosti i organizovanja bavljenja vježbanjem i sportskim aktivnostima u slobodno vrijeme, osnivaju se udruženja sportske rekreacije.
- (2) Udruženje sportske rekreacije u Kantonu osniva se u skladu sa zakonima o udruženjima i fondacijama i ovim zakonom.
- (3) Udruženja sportske rekreacije udružuju se u Savez sportske rekreacije Bosne i Hercegovine, u skladu sa Zakonom o sportu u Bosni i Hercegovini.

- (4) Odredbe ovog člana na odgovarajući način primjenjuju se i na udruženja lica sa invaliditetom za sportsku rekreaciju.
- (5) Udruženja sportske rekreacije registrovana u Kantonu, mogu se udruživati u Savez sportske rekreacije Kantona, u skladu sa zakonima o udruženjima i fondacijama i ovim zakonom.

Član 100.

(Ustanove u oblasti sporta)

- (1) Javne ustanove za obavljanje djelatnosti u oblasti sporta mogu, u skladu sa propisom kojim se uređuju javne službe odnosno ustanove, osnovati Kanton ili jedinica lokalne samouprave (u daljem tekstu: osnivač).
- (2) Ustanove iz stava (1) ovog člana osnivaju se za obavljanje:
 - a) stručno razvojnih poslova, praćenja tjelesnih sposobnosti djece i mladih, studenata, lica sa invaliditetom i drugih kategorija građana,
 - b) testiranje i pripremu vrhunskih sportista,
 - c) edukaciju i trening sportskih talenata.
- (3) Ustanove za obavljanje djelatnosti u oblasti sporta mogu osnovati druga pravna i fizička lica, pod uslovima propisanim zakonom.
- (4) Ustanove iz st. (1) i (3) ovog člana mogu obavljati sportsku djelatnost ako imaju obezbijeđen odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu.
- (5) Ustanove iz st. (1) i (3) ovog člana mogu se osnovati pod uslovima utvrđenim Zakonom o ustanovama, ovim zakonom i Pravilnikom o postupku, načinu i kriterijima za osnivanje ustanove odnosno javne ustanove u oblasti sporta.

Član 101.

(Javno preduzeće za obavljanje sportske djelatnosti)

- (1) Javno preduzeće za obavljanje sportske djelatnosti osniva se i registruje u skladu sa Zakonom o javnim preduzećima, a mogu ga osnivati Kanton ili jedinica lokalne samouprave (u daljem tekstu: vlasnik).
- (2) Javna preduzeća mogu obavljati sportsku djelatnost ako imaju obezbijeđen odgovarajući prostor, opremu, odgovarajuće sportske stručnjake u zavisnosti od vrste djelatnosti, ako ispunjavaju uslove bezbjednosti za obavljanje djelatnosti i ako imaju odgovarajuću unutrašnju organizaciju, odnosno službu, a u skladu sa pravilnikom iz člana 38. stav (4) ovog zakona.

Član 102.

(Školski i univerzitetski sport)

- (1) Školski sport, u smislu ovog zakona, obuhvata organizovane nastavne i vannastavne sportske aktivnosti u oblasti školskog tjelesnog i zdravstvenog odgoja i obrazovanja, uključujući i školska sportska takmičenja koja se sprovode u okviru odgojno-obrazovnog procesa na osnovu nastavnog plana i programa utvrđenih u skladu sa zakonom koji uređuje tu oblast.
- (2) Univerzitetski sport u smislu ovog zakona, obuhvata sportske aktivnosti studenata i univerzitetska sportska takmičenja.
- (3) Organizovano vannastavno bavljenje sportskim aktivnostima učenika i studenata sprovodi se kroz školske, odnosno univerzitetske sportske sekcije, koje organizuju škole i visokoškolske ustanove na teritoriji Kantona.
- (4) Organizovane školske nastavne i vannastavne sportske aktivnosti iz st. (1) i (2) ovog člana imaju prioritet u vezi sa korištenjem školskih i univerzitetskih sportskih sala, terena ili prostora u odnosu na aktivnosti lica izvan škole ili visokoškolske ustanove.
- (5) Škole, visokoškolske ustanove, nastavnici, profesori, učenici i studenti mogu osnovati i odgovarajuće školske, odnosno univerzitetske sportske organizacije, u skladu sa zakonom o udruženjima i fondacijama i ovim zakonom.

Član 103.

(Univerzitetski sportski savez)

- (1) Studenti osnivaju univerzitetske sportske saveze za određene sportove na nivou univerziteta, u skladu sa ovim zakonom, uz prethodnu saglasnost rukovodioca odnosno odgovornog lica fakulteta i univerziteta i Ministarstva za nauku, visoko obrazovanje i mlade Kantona Sarajevo i konačnu saglasnost Ministarstva.
- (2) Univerzitetski sportski savezi iz stava (1) ovog člana osnivaju Univerzitetski sportski savez Kantona, u skladu sa ovim zakonom, uz prethodnu saglasnost rukovodioca odnosno odgovornog lica univerziteta i Ministarstva za nauku, visoko obrazovanje i mlade Kantona Sarajevo i konačnu saglasnost Ministarstva.
- (3) Univerzitet sa fakultetima i jedinicama lokalne samouprave obezbjeđuje sredstva za razvoj univerzitetskog sporta, odnosno finansiraju takmičenja i rad općinskog, odnosno gradskog univerzitetskog sportskog saveza.
- (4) Kanton finansira organizacije univerzitetskih sportskih takmičenja na nivou univerziteta, kao i rad Univerzitetskog sportskog saveza Kantona.

Član 104.

(Osnivanje školskog i univerzitetskog sportskog saveza)

- (1) Organizacija, pravila i način osnivanja općinskog, odnosno gradskog školskog sportskog saveza i Saveza za školski sport Kantona Sarajevo, kao i način i uslovi za održavanje i organizaciju školskih sportskih takmičenja u Kantonu uređuju se Pravilnikom o organizovanju školskog sporta i organizaciji školskih sportskih takmičenja Kantona Sarajevo koji donosi ministar nakon pribavljenog pozitivnog mišljenja Ministarstva za odgoj i obrazovanje Kantona Sarajevo.
- (2) Organizacija, pravila i način osnivanja univerzitetskog sportskog saveza i Univerzitetskog sportskog saveza Kantona, kao i način i uslovi za održavanje i organizaciju univerzitetskih sportskih takmičenja u Kantonu uređuju se Pravilnikom o organizovanju univerzitetskog sporta i sportskih takmičenja na visokoškolskim ustanovama u Kantonu Sarajevo koji donosi ministar nakon obavljenih konsultacija sa Ministarstvom za nauku, visoko obrazovanje i mlade Kantona Sarajevo.

Član 105.

(Udruženja stručnih lica osposobljenih za rad u sportu)

- (1) Poslove stručnog osposobljavanja, edukacije, certificiranja i licenciranja lica za rad u sportu u Kantonu mogu obavljati:
 - a) visokoškolske ustanove,
 - b) centri za obrazovanje odraslih upisani u registar nadležnog Ministarstva za odgoj i obrazovanje Kantona Sarajevo,
 - c) druga pravna i fizička lica koja ispunjavaju uslove utvrđene ovim zakonom.
- (2) Visokoškolske ustanove mogu osnivati udruženja stručnih lica samostalno ili u saradnji sa drugim pravnim i fizičkim licima, radi organizovanja i unapređenja školskog i univerzitetskog sporta, takmičenja, priredbi i manifestacija, svih vidova tjelesnog vježbanja, formalne i neformalne edukacije, osposobljavanja, certificiranja i licenciranja u oblasti sporta, te provođenja vannastavnih sportskih aktivnosti u Kantonu. Ostali subjekti iz stava (1) mogu, ali nisu obavezni, osnivati udruženja stručnih lica.
- (3) Udruženja stručnih lica osposobljenih za rad u sportu koja se osnuju u skladu sa stavom (2) ovog člana, kao i visokoškolske ustanove i centri za obrazovanje odraslih iz stava (1) ovog člana, stiču status pravnog lica upisom u registar kod Ministarstva pravde i uprave Kantona Sarajevo i u Sportski registar.
- (4) Nadležni organi obrazovnih institucija i centara iz stava (1) ovog člana osiguravaju uslove za rad stručnih lica u sportu, bez obaveze formiranja udruženja.
- (5) U slučaju osnivanja udruženja stručnih lica, dekan ili odgovarajući organ obrazovne ustanove utvrđuje način rada i organizovanja udruženja u skladu sa ovim zakonom i internim aktima ustanove.

Član 106.

(Stručna i druga udruženja u oblasti sporta)

- (1) Stručni radnici u sportu i sportski radnici mogu se, radi uređivanja i ostvarivanja stručnih sportskih pitanja od zajedničkog interesa, udruživati u stručna sportska udruženja.
- (2) Udruženja iz stava (1) ovog člana smatraju se sportskim ukoliko ispunjavaju uslove sportskog saveza u određenoj grani sporta.
- (3) Sportske organizacije, sportska društva, sportski savezi i druga pravna i fizička lica mogu, radi ostvarivanja zajedničkih ciljeva i interesa u oblasti sporta, osnivati druga udruženja u oblasti sporta koja se smatraju sportskim ukoliko ispunjavaju uslove za upis u Sportski registar.
- (4) Sportisti Kantona Sarajevo imaju pravo da se udružuju u svoje sportske organizacije radi ostvarivanja svojih specifičnih interesa, u skladu sa zakonom i pravilima međunarodnih sportskih asocijacija kojim pripadaju.

Član 107.

(Sportski sindikat)

Sportisti i stručni radnici u sportu mogu osnovati sportski sindikat u skladu sa zakonom i pravilima Saveza sindikata Bosne i Hercegovine, Saveza sindikata Federacije Bosne i Hercegovine i Saveza sindikata Kantona Sarajevo.

Član 108.

(Druge sportske organizacije)

- (1) Radi obavljanja sportske aktivnosti i sportske djelatnosti, mogu se osnovati i druge sportske organizacije koje su osnovane kao udruženja ili kao privredna društva i vrše obuku svojih članova.
- (2) Ukoliko se obuka članova vrši u okviru jedne sportske grane, sportske organizacije su obavezne ispuniti sve uslove u skladu sa ovim zakonom i podzakonskim propisima.
- (3) Ukoliko sportska organizacija vrši obuku svojih članova u više različitih sportskih grana, obavezna je ispuniti posebne uslove koji se odnose na:
 - a) stručni kadar,
 - b) zdravstvenu zaštitu svojih članova,
 - c) objekte i prostor,
 - d) sportsku opremu,
 - e) posebnu zaštitu svojih članova.
- (4) Ministar donosi Pravilnik o ispunjenosti posebnih uslova iz stava (3) ovog člana za sportske organizacije koje vrše obuku svojih članova u više sportskih disciplina.

POGLAVLJE II.

PRAVA I OBAVEZE PRAVNIH LICA

Član 109.

(Sportska organizacija kao udruženje)

- (1) Sportska organizacija kao udruženje (u daljem tekstu: sportsko udruženje), u smislu ovog zakona, jeste dobrovoljno udruženje organizovano na osnovu osnivačkog akta i statuta, zasnovano na slobodi udruživanja više fizičkih ili pravnih lica.
- (2) Na povezivanja više lica radi ostvarivanja određenih sportskih ciljeva, bez izričito utvrđene organizacije i članstva, shodno se primjenjuju propisi, odnosno pravna pravila o ortakluku, ako ovim zakonom nije drugačije određeno.
- (3) Sportsko udruženje iz stava (1) ovog člana za provođenje sportskog programa ili sportskih aktivnosti mora imati zaposlenog stručnog radnika ili angažovati stručnog radnika iz člana 126. ovog zakona.

Član 110.

(Obavljanje privredne djelatnosti)

- (1) Pravna lica u oblasti sporta mogu, radi ostvarivanja svojih ciljeva utvrđenih ovim zakonom i

statutom osnivati pravna lica za obavljanje privrednih djelatnosti u skladu sa zakonima o udruženjima i fondacijama i Zakonom o privrednim društvima.

- (2) Dobit ostvarena obavljanjem djelatnosti iz stava (1) ovog člana koristi se isključivo za ostvarivanje ciljeva utvrđenih statutom.

Član 111.

(Radni odnos u sportskim organizacijama)

- (1) Pravna lica mogu zasnovati radni odnos sa sportistima, stručnim radnicima u sportu, sportskim radnicima i licima koja učestvuju u organizaciji ili vođenju sportske aktivnosti i djelatnosti ili takmičenja, priredbe i manifestacije, stručnim i administrativnim osobljem.
- (2) Radni odnos u sportskim organizacijama, kao pravnim licima registrovanim na nivou Kantona, uređuje se ugovorom o radu u skladu sa Zakonom o radu u Kantona Sarajevo („Službene novine Kantona Sarajevo“, broj 19/00), Zakonom o radu („Službene novine Federacije BiH“, br. 26/16, 89/18, 44/22 i 39/24) (u daljem tekstu: zakoni o radu), kolektivnim ugovorom i pravilnikom o radu.
- (3) Zaposleni iz stava (1) ovog člana ima sva prava i obaveze iz radnog odnosa koji su utvrđeni zakonima o radu, kolektivnim ugovorom, Zakonom o sportu u Bosni i Hercegovini i ovim zakonom.

Član 112.

(Pripravnici i lica na stručnom osposobljavanju)

- (1) Lice koje je steklo stručnu spremu iz člana 126. stav (2) ovog zakona, sportska organizacija može primiti na stručno osposobljavanje ili usavršavanje, na period od 12 mjeseci ako ima završenu visoku stručnu spremu odnosno devet mjeseci ako ima završenu višu stručnu spremu, sa zasnivanjem radnog odnosa ili bez zasnivanja radnog odnosa.
- (2) Ukoliko sportska organizacija sa licem iz stava (1) ovog člana zasniva radni odnos to lice ima status pripravnika i sa istim se zaključuje ugovor o radu na određeno vrijeme.
- (3) Tokom trajanja radnog odnosa pripravnik ima pravo na 70% prosječne neto plaće isplaćene u Federaciji Bosne i Hercegovine, prema posljednjem objavljenom podatku Federalnog zavoda za statistiku, s tim da se sportska organizacija i pripravnik mogu dogovoriti i o većem iznosu plaće.
- (4) Prijem lica na stručno osposobljavanje bez zasnivanja radnog odnosa sportska organizacija vrši zaključivanjem ugovora o stručnom osposobljavanju. Kopija ugovora dostavlja se nadležnoj službi za zapošljavanje, radi evidencije i nadzora, u roku od osam dana od dana potpisivanja istog.
- (5) Ukoliko nije drugačije propisano ovim zakonom, na sve odnose između sportske organizacije i pripravnika, odnosno sportske organizacije i osobe koja se prima na stručno osposobljavanje, primjenjuju se odredbe zakona o radu.
- (6) Tokom trajanja radnog odnosa pripravnika, odnosno ugovora o stručnom osposobljavanju, sportska organizacija obavezna je iz reda svojih zaposlenika odrediti lice odgovarajućeg profila i stručne spreme pod čijim nadzorom će se rad obavljati (mentor). Pod odgovarajućim profilom i stručnom spremom za imenovanje mentora podrazumijeva se stručna sprema iz člana 126. stav (2) ovog zakona.
- (7) Izuzetno, ukoliko u sportskoj organizaciji nema lica koje ispunjava uslove iz stava (6) ovog člana, sportska organizacija može, kao mentora angažirati i lice koja nije njen zaposlenik ukoliko ispunjava uslove iz člana 126. stav (2) ovog zakona, u kojem slučaju sportska organizacija snosi sve troškove nastale povodom tog angažiranja.
- (8) Poslove osposobljavanja u smislu ovog člana pripravnici i lica na stručnom osposobljavanju ili usavršavanju ne mogu obavljati bez sertifikata i licence nadležnog Ministarstva.

POGLAVLJE III.

FIZIČKA LICA U OBLASTI SPORTA

Član 113.

(Učesnici u sistemu sporta)

- (1) U sistemu organizacije sporta nosioci sportske aktivnosti u Kantonu su fizička i pravna lica registrovana za obavljanje sportskih djelatnosti u skladu sa zakonom.
- (2) Fizička lica u sistemu sporta su sportisti, stručni radnici u sportu i sportski radnici, u skladu sa Zakonom o sportu Bosne i Hercegovine.
- (3) Pojedine kategorije, stručna zvanja, poslovi i prava fizičkih lica iz stava (2) ovog člana bliže se uređuju ovim zakonom i propisima donesenim na osnovu ovog zakona.
- (4) Pravna lica u sistemu sporta su udruženja, fondacije, ustanove i privredna društva.

ODJELJAK A. SPORTISTI

Član 114.

(Sportista)

- (1) Sportista u smislu ovog zakona je lice koje se priprema i učestvuje u organizovanim sportskim takmičenjima, priredbama ili manifestacijama.
- (2) Sportista ima sva građanska prava utvrđena Ustavom i zakonima Bosne i Hercegovine, entitetskim ustavima i zakonima, zakonima i drugim propisima na drugim nivoima administrativnog organizovanja, kao i odredbama ovog zakona i Zakona o sportu u Bosni i Hercegovini.
- (3) Sportista može da se bavi sportskim aktivnostima samostalno ili u okviru organizacije u oblasti sporta.
- (4) Sportista može da se bavi sportskim aktivnostima amaterski i profesionalno.
- (5) Zavisno od ostvarenih rezultata sportista može imati status sportiste sa vrhunskim sportskim rezultatima ili perspektivnog sportiste.

Član 115.

(Perspektivni sportista)

- (1) Status perspektivnog sportiste utvrđuje se na period od jedne godine ukoliko sportista ispunjava slijedeće uslove:
 - a) da se redovno školuje na području Kantona i ima ocjenu "primjeran" iz vladanja,
 - b) da je član, da trenira i nastupa za organizaciju u sportu koja je udružena u strukovni sportski savez Bosne i Hercegovine,
 - c) da nastupa u reprezentaciji Bosne i Hercegovine u svojoj kategoriji (predpioniri ili pioniri ili kadeti ili juniori sve do kraja godine u kojoj puni 19 godina) ili da je prvak države u jednoj od navedenih kategorija.
- (2) Ukoliko je perspektivni sportista iz stava (1) ovog člana kao reprezentativac ili član kluba registrovanog na području Kantona ostvario u prethodnoj godini, u pojedinačnoj ili ekipnoj konkurenciji, prvo, drugo ili treće mjesto na zvaničnom svjetskom ili evropskom prvenstvu za mlađe kategorije u sportu koji je na programu Olimpijskih ili Paraolimpijskih igara ili u sportu koji nije na programu Olimpijskih igara, a priznat je od strane Međunarodnog olimpijskog komiteta (u daljem tekstu: MOK), pripada mu stipendija u tekućoj godini čija visina se utvrđuje posebnom odlukom Vlade.
- (3) Pravilnikom o kategorizaciji sportova, sportista, stručnih radnika u sportu i sportskih radnika u Kantonu Sarajevo i obavezama zaslužnih, vrhunskih i perspektivnih sportista, evidenciji, nadzoru i reviziji nad ostvarenim pravima bliže će se urediti uslovi, kriteriji i postupak za ostvarivanje prava po osnovu rezultata iz čl. 114., 115. i 120. ovog zakona.
- (4) Perspektivni sportisti koji steknu status iz ovog člana ostvaruju prava iz oblasti odgoja i obrazovanja pod uslovima i na način propisan Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24) i drugim propisima kojima se uređuje odgoj i obrazovanje u Kantonu.

Član 116.

(Prava sportista)

- (1) Sportista je obavezan da se pridržava općih i posebnih pravila koja su propisana Zakonom o sportu u Bosni i Hercegovini, ovim zakonom, kao i pravilima svojih organizacija i pravilima međunarodnih sportskih organizacija (asocijacija).

- (2) Osim prava iz ovog zakona, sportista ima pravo da:
- a) bude zaštićen od svake vrste duhovnog i fizičkog nasilja, ugrožavanja slobode ljudskog i sportskog integriteta, zdravlja i sportskog dostojanstva,
 - b) koristi sportske objekte i opremu, usluge stručnog rada i zdravstvene zaštite u skladu sa propisima koji to regulišu,
 - c) na osnovu slobodno izražene volje učestvuje u reprezentativnim selekcijama.

Član 117. (Obaveze sportista)

Sportista je obavezan da:

- a) poštuje norme i pravila sportskog ponašanja,
- b) redovno trenira i učestvuje na takmičenjima,
- c) poštuje sportska pravila, službena lica i gledaoce,
- d) svojim ponašanjem čuva ugled sportskog kolektiva i sredine koju predstavlja,
- e) sarađuje sa zdravstvenim službama i posebnim organima koji provjeravaju upotrebu nedozvoljenih stimulativnih sredstava.

Član 118. (Akti kojim se uređuju prava i obaveze sportista)

- (1) Prava i obaveze sportiste amatera uređuju se ovim zakonom, sportskim pravilima nadležnog kantonalnog sportskog saveza i općim aktima sportske organizacije.
- (2) Prava i obaveze sportiste amatera kojem se obezbjeđuju novčana sredstva ili druga materijalna davanja za bavljenje sportom i učestvuje u takmičenjima uređuju se ovim zakonom, sportskim pravilima nadležnog kantonalnog sportskog saveza, općim aktima sportske organizacije i ugovorom između sportiste takmičara amatera i sportske organizacije.
- (3) Prava i obaveze profesionalnog sportiste uređuju se ovim zakonom, sportskim pravilima nadležnog kantonalnog sportskog saveza, kolektivnim ugovorom, pravilnikom o radu i ugovorom o radu ili sportskom angažmanu između sportiste i sportske organizacije.
- (4) Ugovor o sportskom angažmanu sa sportistom koji nije punoljetan može da se zaključi samo uz saglasnost roditelja, usvojitelja ili staratelja, u pisanoj formi.
- (5) Sportski savezi utvrđuju sadržaj i način davanja pismene saglasnosti iz stava (4) ovog člana.

Član 119. (Sportista strani državljanin)

- (1) U sportskim takmičenjima u Kantonu mogu učestvovati i strani državljani.
- (2) Prava i obaveze sportista stranih državljana regulišu se ugovorom sa sportskim klubovima u skladu sa međunarodnim sportskim pravilima.
- (3) Sportista, stručni radnik u sportu i sportski radnik i lice koje učestvuje u organizaciji ili vođenju sportske djelatnosti i sportske aktivnosti ili takmičenju i sportskoj priredbi (manifestacije, susreti, smotre i igre), te stručno i administrativno osoblje, a strani su državljani, pod uslovom da posjeduje dozvolu za rad izdatu od nadležnog organa i da je registrovan u Sportskom registru koji vodi Ministarstvo.

Član 120. (Status vrhunskog sportiste)

- (1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u prizatom sportu ili disciplini.
- (2) Rezultati ili plasmani moraju biti ostvareni na zvaničnim takmičenjima na nivou Bosne i Hercegovine, odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane MOK-a, Internacionalnog paraolimpijskog komiteta (u daljem tekstu: IPC) ili drugih relevantnih međunarodnih sportskih organizacija koje okupljaju međunarodne sportske federacije.
- (3) Sport mora biti priznat od strane MOK-a ili IPC-a ili druge relevantne međunarodne sportske organizacije.

Član 121.
(Profesionalni sportista)

- (1) Prava, obaveze i odgovornosti profesionalnih sportista uređuju se u skladu sa ovim zakonom, sportskim pravilima nadležnog granskog sportskog saveza, kolektivnim ugovorom, pravilnikom o radu i ugovorom o radu između sportiste i sportske organizacije.
- (2) Profesionalni sportista iz stava (1) ovog člana zaključuje ugovor o radu sa sportskom organizacijom na određeno vrijeme, na period od najduže tri godine. Profesionalni sportista može zaključiti više takvih ugovora, s tim da mu radni odnos ne može prerasti u radni odnos na neodređeno vrijeme.
- (3) Ugovor između profesionalnog sportiste i sportske organizacije zaključuje se u pisanoj formi i registruje kod nadležnog granskog sportskog saveza Kantona, ukoliko postoji granski sportski savez Kantona za taj sport.
- (4) Ukoliko ne postoji granski sportski savez Kantona za taj sport, ugovor iz stava (3) ovog člana registruje se kod Sportskog saveza Kantona.
- (5) Ugovor između profesionalnog sportiste i sportske organizacije potpisuju sportista i lice ovlašteno za zastupanje sportske organizacije, a u slučaju da je sportista dijete bez potpune poslovne sposobnosti, ugovor može punovažno da se zaključi samo uz pismenu saglasnost roditelja, usvojitelja ili staratelja, uz nalaz zdravstvene ustanove kojim je prethodno utvrđena zdravstvena sposobnost djeteta.
- (6) Profesionalni sportista i sportska organizacija, prilikom zaključivanja ugovora o radu, mogu posebno ugovoriti davanja naknade sportisti na ime zaključenja ugovora.
- (7) Sportska organizacija dužna je da prije zaključivanja ugovora sportistu obavijesti o pravima, obavezama i odgovornostima iz stava (1) ovog člana.
- (8) Sportska organizacija ne može angažovati profesionalnog sportistu bez zaključenog ugovora o radu ili ugovora o sportskom angažmanu.

Član 122.
(Radni odnos profesionalnog sportiste)

- (1) Profesionalni sportista zasniva radni odnos sa sportskom organizacijom zaključivanjem ugovora o radu u skladu sa zakonima o radu, te može da se angažuje ugovorom o sportskom angažmanu u skladu sa zakonima o radu i ovim zakonom.
- (2) Periodična davanja iz ugovora o radu ili sportskom angažmanu predstavljaju platu profesionalnog sportiste.
- (3) Radno vrijeme, odmori i odsustva profesionalnog sportiste prilagođavaju se režimu priprema, odnosno takmičenja.
- (4) Profesionalni sportista može biti privremeno upućen u drugu sportsku organizaciju ako da saglasnost, u pisanoj formi, i ako se o tome sporazumiju sportska organizacija sa kojom je u radnom odnosu ili sa kojom ima ugovor o sportskom angažmanu i sportska organizacija u koju se upućuje.

Član 123.
(Sportista amater)

- (1) Prava, obaveze i odgovornosti sportista amatera uređuju se zakonom, sportskim pravilima nadležnog granskog sportskog saveza i opštim aktima sportske organizacije, a prava, obaveze i odgovornosti sportista amatera kojima se obezbjeđuje novčana naknada za bavljenje sportom i ugovorom između sportiste i sportske organizacije (ugovor o bavljenju sportom ili ugovor o stipendiranju maloljetnog sportiste ili ugovor za sportsko osposobljavanje ili usavršavanje).
- (2) Ugovorom o bavljenju sportom sportista amater i sportska organizacija utvrđuju, u skladu sa sportskim pravilima, novčanu naknadu za bavljenje sportskim aktivnostima, novčane i druge naknade za ostvarene sportske rezultate, naknade troškova smještaja i ishrane za vrijeme sportskih priprema i sportskog takmičenja, naknadu za korištenje lika sportiste i naknadu za nabavku sportske opreme.
- (3) Ugovorom o stipendiranju maloljetnog sportiste ili ugovorom za sportsko osposobljavanje ili usavršavanje utvrđuje se, u skladu sa sportskim pravilima novčana stipendija, naknada troškova

smještaja i ishrane za vrijeme sportskih priprema i sportskog takmičenja, naknada za nabavku sportske opreme i novčane i druge nagrade za postignute sportske rezultate.

- (4) Ugovorom iz st. (2) i (3) ovog člana može biti posebno utvrđena i naknada za zaključivanje ugovora.
- (5) Ugovor iz st. (2) i (3) ovog člana zaključuje se u pisanoj formi i registruje kod nadležnog granskog sportskog saveza Kantona, ukoliko postoji granski sportski savez Kantona za taj sport.
- (6) Ukoliko ne postoji granski sportski savez Kantona za taj sport ugovor iz st. (2) i (3) ovog člana registruje se kod Sportskog saveza Kantona.
- (7) Sportska organizacija dužna je da prije zaključivanja ugovora sportistu obavijesti o pravima, obavezama i odgovornostima iz stava (1) ovog člana.
- (8) Sportska organizacija ne može angažovati sportistu amatera bez zaključenog ugovora o bavljenju sportom, ugovora o stipendiranju ili ugovora o sportskom osposobljavanju ili usavršavanju.

Član 124.

(Ugovor o sportskom angažmanu sportiste amatera)

- (1) Sportista amater koji se bavi sportskim aktivnostima kao član sportskog udruženja, bez naknade i ugovora, ima prava utvrđena sportskim pravilima i općim aktom sportske organizacije.
- (2) Sportista amater može zaključiti ugovor o sportskom angažmanu sa sportskom organizacijom pri čemu taj angažman nema karakter radnog odnosa.
- (3) Ugovorom o sportskom angažmanu koji nema karakter radnog odnosa, zaključenim između sportiste amatera i sportske organizacije utvrđuju se:
 - a) sportski razvoj,
 - b) uslovi za trening i takmičenje,
 - c) zdravstvena zaštita i zdravstveno osiguranje,
 - d) redovno izvršavanje obaveza učešća na treningu i takmičenju,
 - e) poštivanje sportskih pravila i kodeksa ponašanja.
- (4) Ugovor može da sadrži i klauzulu koja se odnosi na:
 - a) novčanu naknadu za bavljenje sportskim aktivnostima,
 - b) novčanu nagradu i druge nagrade za postignute sportske rezultate,
 - c) naknadu troškova smještaja i ishrane za vrijeme sportskih priprema i sportskog takmičenja.
- (5) Ugovorom može biti utvrđena i naknada za zaključivanje ugovora.

Član 125.

(Ugovor o stipendiranju sportiste do 24. godine)

- (1) Ugovorom o stipendiranju sportiste do 24. godine zaključenim sa sportskom organizacijom radi sportskog usavršavanja, u skladu sa sportskim pravilima, utvrđuju se:
 - a) novčana stipendija,
 - b) naknada troškova smještaja i ishrane za vrijeme sportskih priprema i sportskog takmičenja.
- (2) Novčana naknada po ugovoru o stipendiranju sportiste do 24. godine smatra se stipendijom i u skladu sa Zakonom o porezu na dohodak („Službene novine Federacije BiH”, br. 10/08, 9/10, 44/11, 7/13 i 65/13) oslobođena je poreskih davanja do iznosa određenog u procentualnom iznosu u odnosu na iznos prosječne plaće nakon oporezivanja u Kantonu za prethodni mjesec.

ODJELJAK B.

STRUČNI RADNIK U SPORTU

Član 126.

(Stručni radnik u sportu)

- (1) Stručni radnik u sportu je fizičko lice koje posjeduje odgovarajuće obrazovanje ili stručnu osposobljenost za obavljanje poslova u sportu.
- (2) Stručni radnik u sportu mora posjedovati relevantne kvalifikacije i licence, u skladu sa članom 44. stav (2) Zakona o sportu u Bosni i Hercegovini i ovim zakonom.

- (3) Stručni radnik u sportu dužan je redovno obnavljati svoje kvalifikacije i licence kroz kontinuiranu profesionalnu edukaciju i usavršavanje.
- (4) Bliže definisanje stručnih zvanja, zanimanja i poslova u oblasti sporta, uključujući specifične uloge u sistemu sporta, uređuje se Pravilnikom iz člana 5. stav (4) ovog zakona.

Član 127.

(Sportski trener, kondicijski trener, instruktor i demonstrator)

- (1) Sportski trener i kondicijski trener je stručni radnik u sportu koji programira i provodi sportsku pripremu, sportsku rekreaciju i sportsku obuku.
- (2) Poslove sportskog trenera i kondicijskog trenera može obavljati lice koje je stručno osposobljeno za rad u sportu.
- (3) Instruktor je lice koje podučava građane osnovnoj tehnici pojedinog sporta ili provodi sportsku rekreaciju građana na osnovu programa koji je izradio stručni radnik u sportu osposobljen za rad u sportu u skladu sa odredbama člana 126. stav (2) ovog zakona.
- (4) Demonstrator je stručni radnik u sportu osposobljen za obavljanje određenih djelatnosti, aktivnosti, stručnih i ostalih poslova u oblasti sporta, a koji svojim radom doprinosi ostvarivanju sportskih aktivnosti i djelatnosti.

Član 128.

(Vrste stručnih poslova)

Stručni poslovi u sportu u smislu ovog zakona su:

- a) planiranje, programiranje i realizovanje sportskih aktivnosti djece i omladine,
- b) planiranje, programiranje i realizovanje sportske obuke,
- c) planiranje, programiranje i treniranje sportista,
- d) obučavanje građana u sportskim znanjima i vještinama,
- e) planiranje i realizovanje sportske rekreacije građana,
- f) dijagnosticiranje, praćenje i provjera psihofizičkih i motoričkih sposobnosti učesnika,
- g) planiranje i izvođenje korektivne gimnastike,
- h) sprovođenje pravila u sportu,
- i) informatika u sportu,
- j) menadžment, marketing i komunikacija u sportu,
- k) naučno-istraživačke djelatnosti i evaluacija učinaka sportskih programa,
- l) obrazovanje i edukacija (formalna i neformalna) lica u oblasti sporta, te osposobljavanje i usavršavanje za rad u sportu,
- m) koordinacija i implementacija politika u oblasti sportske etike i fer pleja,
- n) implementacija politika i postupaka za zaštitu sportista od svih oblika zloupotrebe i nasilja,
- o) upravljanje sportskim objektima i opremom.

Član 129.

(Lice koje se ne može baviti sportom)

- (1) Lice koje je osuđeno pravosnažnom presudom za krivično djelo protiv ustavnog poretka, protiv vrijednosti zaštićenih međunarodnim pravom, protiv života i tijela, protiv slobode i prava čovjeka i građanina, protiv spolne slobode i morala, protiv braka, porodice i omladine, protiv zdravlja ljudi, protiv čovječnosti, protiv opće sigurnosti ljudi i imovine ne može učestvovati u sportskim takmičenjima, organizovati i voditi sportska takmičenja, obavljati stručne poslove u sportu ni učestvovati u radu tijela upravljanja pravnog lica u oblasti sporta dvije godine od dana izdržane, oprostene ili zastarjele kazne.
- (2) Lice protiv kojeg se vodi krivični postupak za krivična djela iz stava (1) ovog člana suspendovat će se do okončanja postupka.
- (3) Licu iz stava (2) ovog člana zabranjeno je učestvovati u sportskim takmičenjima, organizovati i voditi sportska takmičenja, obavljati stručne poslove u sportu i učestvovati u radu tijela upravljanja pravnog lica u oblasti sporta.

Član 130.

(Ugovor o osiguranju sportiste i lica koje obavlja stručne poslove u sportu)

Sportska organizacija dužna je da zaključi ugovor o osiguranju svog sportiste i lica koje obavlja stručne poslove u sportu od posljedica nesretnog slučaja za vrijeme obavljanja sportske aktivnosti.

Član 131.

(Ugovor o radnom i stručnom angažovanju stručnog radnika u sportu i sportskog radnika)

- (1) Stručni radnik u sportu i sportski radnik može zasnovati radni odnos sa sportskom organizacijom, zaključivanjem ugovora o radu, u skladu sa ovim zakonom i propisima kojima se uređuje oblast rada.
- (2) Sportska organizacija može zaključiti sa stručnim radnikom u sportu i sportskim radnikom i ugovor o stručnom angažmanu koji nema karakter radnog odnosa.
- (3) Stručni radnik u sportu i sportski radnik prilikom zaključenja ugovora o radu sa sportskom organizacijom ili ugovora o stručnom angažmanu, mogu posebno ugovoriti naknadu koja nema karakter plaće kao što je naknada za zaključenje ugovora, naknada za korištenje lika stručnog radnika u sportu, novčana nagrada i druge nagrade za postignute sportske rezultate.

ODJELJAK C.

ORGANIZACIJA I VOĐENJE SPORTSKOG TAKMIČENJA ILI SPORTSKE PRIREDBE (MANIFESTACIJE, SUSRETI, SMOTRE I IGRE)

Član 132.

(Lice koje učestvuje u organizaciji i vođenju sportskog takmičenja ili sportske priredbe (manifestacije, susreti, smotre i igre))

- (1) Lice koje učestvuje u organizaciji i vođenju sportskog takmičenja ili sportske priredbe (manifestacije, susreti, smotre i igre), kao što je sportski sudija, sportski delegat i sportski komesar (povjerenik) mora ispunjavati uslove propisane ovim zakonom, pravilima odgovarajućeg kantonalnog granskog sportskog saveza i međunarodnog sportskog saveza, te Ministarstva.
- (2) U organizaciji i vođenju sportskog takmičenja ili sportske priredbe (manifestacije, susreti, smotre i igre) ne može učestvovati lice koje na bilo koji način učestvuje u priređivanju djelatnosti sportske kladionice.
- (3) Vlasnik, zaposleni ili član organa jedne sportske organizacije ne može u isto vrijeme biti i vlasnik ili član organa druge sportske organizacije koja se takmiči u istoj sportskoj grani, u istom rangu takmičenja ili biti u njoj zaposlen.
- (4) Član organa sportske organizacije ne može biti, pored lica iz stava (2) ovog člana, ni lice koje poslovima i aktivnostima može neposredno da utiče na takmičenja u istom rangu takmičenja, niti da bude vlasnik sportske kladionice.

Član 133.

(Zabrana za odgovorna lica organizatora takmičenja)

Odgovorna lica organizatora takmičenja ne mogu biti lica koja su pravosnažno osuđena za krivična djela protiv privrede, imovine i službene dužnosti, niti lica pravosnažno osuđena za krivična djela seksualne zloupotrebe i iskorištavanja djeteta i radnje nasilja u porodici i porodičnoj zajednici na štetu djece, niti lica pravosnažno osuđena za prekršaje u vezi sa sportom.

POGLAVLJE IV.

ZDRAVSTVENA ZAŠTITA U SPORTU I ANTIDOPING KONTROLA

Član 134.

(Obavezna zdravstvena zaštita i utvrđivanje zdravstvene sposobnosti)

- (1) Svi sportisti, bez obzira na starosnu dob, registrovani kod nadležnog kantonalnog granskog sportskog saveza i aktivni u sportskom sistemu Kantona, obavezni su da se podvrgnu utvrđivanju zdravstvene sposobnosti najmanje jednom godišnje, osim ako pravilima kantonalnog granskog

sportskog saveza nije određen kraći period. Utvrđivanje zdravstvene sposobnosti uključuje sistematski pregled koji obavlja ovlašteni doktor medicine - specijalista medicine sporta.

- (2) Stručni radnici u sportu i sportski radnici koji treniraju bilo koju sportsku selekciju ili pojedinačne sportiste u sportskom sistemu Kantona dužni su se podvrgnuti utvrđivanju zdravstvene sposobnosti najmanje jednom u periodu od godinu dana.
- (3) Lica koja učestvuju u organizaciji i vođenju sportskog takmičenja na način da sprovedu sportska pravila kantonalnog sportskog saveza i u direktnom su kontaktu sa sportistima takmičarima dužni su se podvrgnuti utvrđivanju zdravstvene sposobnosti na način i u obimu kako to odredi strukovna sportska organizacija ili kantonalni granski sportski savez kojem pripadaju.

Član 135.

(Pravilnik o zdravstvenoj zaštiti sportista)

- (1) Sportske organizacije i pojedinci koji organizuju sistematsko fizičko vežbanje, sportsku aktivnost i takmičenja, dužni su obezbjediti zdravstvenu zaštitu svojim članovima i učesnicima u takmičenju u skladu sa Pravilnikom o zdravstvenoj zaštiti sportista, koji donosi ministar zdravstva Kantona Sarajevo uz prethodno obavljene konsultacije sa Ministarstvom.
- (2) Pravilnikom iz stava (1) ovog člana uređuje se način, vrsta, obim i dinamika u kojima se sprovedu sistematski pregledi za sve takmičare koji učestvuju u sistemu takmičenja, shodno pravilima kantonalnih sportskih saveza kojima se definiše dinamika pregleda.

Član 136.

(Evidencija o zdravstvenoj zaštiti sportista)

- (1) O utvrđenoj zdravstvenoj sposobnosti sportista vodi se evidencija unošenjem podataka u medicinsku dokumentaciju od dana prve registracije za određenu sportsku organizaciju.
- (2) Sadržaj obrasca i način vođenja medicinske dokumentacije iz stava (1) ovog člana utvrđuje se u skladu sa Zakonom o evidencijama u oblasti zdravstva („Službene novine Federacije BiH”, broj 37/12).

Član 137.

(Zabrana izlaganja nedozvoljenim aktivnostima i upotrebi nedozvoljenih stimulativnih sredstava)

- (1) Pravnom i fizičkom licu zabranjeno je sportistu izložiti sportskim aktivnostima koje mogu ugroziti ili pogoršati njegovo zdravstveno stanje.
- (2) Sportisti je zabranjena upotreba nedozvoljenih stimulativnih sredstava, u skladu sa međunarodnim sportskim pravilima.
- (3) Fizičkom licu u oblasti sporta je zabranjeno navođenje na upotrebu i davanje nedozvoljenih stimulativnih sredstava sportisti.

Član 138.

(Zdravstvena sposobnost za bavljenje školskim sportom)

- (1) Pravnom licu zabranjeno je uključivanje učenika i studenata u vannastavne sportske aktivnosti i sportska takmičenja bez prethodno utvrđene zdravstvene sposobnosti za bavljenje sportom.
- (2) Sistematski pregledi moraju biti obavljani od strane ovlaštenog doktora medicine - specijaliste medicine sporta i to prije uključivanja učenika ili studenata u sportske aktivnosti.

Član 139.

(Antidoping kontrola)

- (1) Antidoping kontrola se sprovodi u skladu sa međunarodnim sportskim pravilima i drugim propisima i aktima koji se odnose na ovu oblast. Kontrolu vrše ovlaštene institucije, a sve u cilju zaštite zdravlja sportista i očuvanja fer plej duha u sportu.
- (2) Svi sportisti podložni su antidoping kontroli, a odbijanje testiranja tretira se kao povreda antidoping pravila.

- (3) Sportisti, sportski treneri, kondicijski treneri, stručni radnici u sportu i sportski radnici imaju dužnost da se edukuju o antidopingu, njegovim posljedicama i načinima prevencije.

Član 140.

(Postupak i sankcije u slučaju povrede antidoping pravila)

- (1) Postupak u slučaju povrede antidoping pravila, kao i sankcije za prekršioce, uređuju se u skladu sa međunarodnim sportskim pravilima i drugim propisima i aktima koji se odnose na ovu oblast.
- (2) Zabranjeno je ometanje ili manipulisanje postupkom antidoping kontrole. Svaka takva radnja biće tretirana kao povreda antidoping pravila i biće adekvatno sankcionisana.
- (3) Sportske organizacije imaju dužnost da podrže borbu protiv dopinga i da sarađuju sa relevantnim antidoping agencijama.

Član 141.

(Edukacija o antidopingu)

Sportske organizacije, stručni radnici u sportu, a posebno sportski i kondicijski treneri, imaju obavezu da obrazuju sportiste o štetnim posledicama dopinga i o važnosti fer pleja. Edukacija o antidopingu treba da bude dio redovnih programa obuke za sportiste, sportske i kondicijske trenere i sportske stručnjake.

DIO TREĆI – SPORTSKA TAKMIČENJA, SPORTSKA PRIREDBA (MANIFESTACIJE, SUSRETI, SMOTRE I IGRE), SPORTSKI OBJEKTI, SUZBIJANJE NEDOLIČNOG PONAŠANJA NA SPORTSKIM TAKMIČENJIMA, PRIREDBAMA ILI MANIFESTACIJAMA I INFORMATIKA U SPORTU

Član 142.

(Uslovi za organizaciju takmičenja)

- (1) Sportsko takmičenje ili sportska priredba (manifestacije, susreti, smotre i igre) može se organizovati ukoliko organizator ima obezbijeđen odgovarajući objekat, odnosno teren ili prostor, opremu, stručna i druga lica i ako ispunjava druge uslove u skladu sa ovim zakonom i sportskim pravilima. Organizator mora obezbijediti dokaz o ispunjavanju ovih uslova.
- (2) Sportista, sportska organizacija, sportski trener, sportski sudija, sportski delegat, odnosno drugo stručno i službeno lice može da učestvuje na sportskom takmičenju ili sportskoj priredbi (manifestacije, susreti, smotre i igre) ako ispunjava uslove utvrđene ovim zakonom i sportskim pravilima. Za nepoštivanje navedenih uslova izriče se novčana kazna za prekršaj.
- (3) Sportski sudija, sportski delegat i drugo službeno lice koje učestvuje u organizaciji i održavanju sportskog takmičenja ili sportske priredbe (manifestacije, susreti, smotre i igre) može ostvariti pravo na naknadu troškova i naknadu za obavljanje svojih dužnosti, u skladu sa pravilima kantonalnog granskog sportskog saveza ili Sportskog saveza Kantona. Naknade moraju biti transparentne i jasno definisane.
- (4) Naknada troškova i obavljanja dužnosti iz stava (3) ovog člana, ne odnosi se na sportsko takmičenje ili sportske priredbe (manifestacije, susreti, smotre i igre) koja se organizuje pod rukovodstvom međunarodnog sportskog saveza na teritoriji Kantona.
- (5) Sportskoj organizaciji je zabranjeno da organizuje bilo koje sportsko takmičenje ili sportsku priredbu (manifestacije, susreti, smotre i igre) koja se zasniva na "slobodnoj borbi" dva ili više lica.

Član 143.

(Međunarodna sportska takmičenja)

- (1) Sportska organizacija može se kandidovati za organizovanje međunarodnog sportskog takmičenja na teritoriji Kantona, ukoliko ispuni sljedeće uslove:
 - a) formira inicijativni odbor za pripremu kandidature,
 - b) pripremi projekat realizacije, odnosno plan o organizovanju i finansiranju takmičenja,
 - c) pribavi mišljenje jedinice lokalne samouprave,

- d) pribavi saglasnost Ministarstva,
 - e) pribavi saglasnost Ministarstva civilnih poslova Bosne i Hercegovine i nadležnog entitetskog ministarstva.
- (2) Međunarodna sportska takmičenja u smislu ovog zakona su: olimpijske i paraolimpijske igre, e-sport olimpijske igre, svjetsko i evropsko prvenstvo, mediteranske igre, univerzijada, svjetski, evropski kup i finalni turnir svjetske lige, zimski i ljetni olimpijski festival mladih Evrope, svjetski olimpijski festivali mladih, balkansko i drugo regionalno prvenstvo, finale i finalni turnir evropskog klupskog takmičenja, kriterijumski i kvalifikacioni međunarodni sportski turnir. Popis vrsta međunarodnih sportskih takmičenja može se ažurirati u skladu sa novim razvojem u svijetu sporta.
- (3) Sportska takmičenja ili sportske priredbe (manifestacije, susreti, smotre i igre) organizuju se sa ciljem afirmacije i popularizacije sporta, postizanja vrhunskih sportskih rezultata, te afirmacije sportskih vrijednosti Kantona.
- (4) Saglasnost za podnošenje kandidature za organizovanje međunarodnog sportskog takmičenja daje se na osnovu elaborata koji se podnosi Ministarstvu u skladu sa sljedećim kriterijima:
- a) uticaj na razvoj i širenje sportske grane ili grane sporta u kojoj će se takmičenje održati,
 - b) broj direktnih posmatrača događaja,
 - c) ekonomski benefit,
 - d) interes javnosti i ovlaštenih emitovanja za televizijski i radio prijenos i drugim načinima medijskog izvještavanja,
 - e) afirmacija vrijednosti sporta Kantona,
 - f) takmičenje treba da se organizuje u sportskoj grani ili grani sporta koja ima organizacionu i takmičarsku tradiciju u Kantonu,
 - g) ekološki uticaj događaja,
 - h) dostupnost i pristupačnost događaja za lice sa invaliditetom.

Član 144.

(Sportska priredba)

- (1) Pod pojmom sportske priredbe podrazumijeva se organizacija sportskog takmičenja ili sportske priredbe (manifestacije, susreti, smotre i igre).
- (2) Organizovanjem sportskog takmičenja ili sportske priredbe (manifestacije, susreti, smotre i igre) može se baviti sportska organizacija i drugo lice upisano u Sportski registar pod uslovima utvrđenim ovim zakonom i sportskim pravilima.

Član 145.

(Sportski objekat)

- (1) Sportski objekat je višenamjenski otvoren ili zatvoren prostor namijenjen obavljanju sportskih aktivnosti.
- (2) Sportski objekat osim prostora koji je namijenjen obavljanju sportskih aktivnosti mora da ima neophodne prateće sadržaje i opremu te da bude pristupačan licima sa invaliditetom.
- (3) Sportski objekti moraju ispunjavati propise međunarodnih sportskih asocijacija kao i standarde propisane odgovarajućim zakonima i drugim propisima.

Član 146.

(Kategorizacija sportskih objekata)

- (1) Prema vrsti prostora u kome se obavlja sportska aktivnost, sportski objekat može biti:
 - a) zatvoreni sportski objekat,
 - b) otvoreni sportski objekat odnosno teren.
- (2) Sportski objekat koji u svom sastavu ima i zatvorene i otvorene sportske prostore iz stava (1) ovog člana u kojima se obavljaju sportske aktivnosti razvrstava se prema pretežnoj površini otvorenog ili zatvorenog dijela prostora.
- (3) Zatvoreni sportski objekat je objekat koji predstavlja fizičku, funkcionalnu i tehničko-tehnološku cjelinu sa svim instalacijama, postrojenjima i opremom namijenjenim za obavljanje određenih sportskih aktivnosti, kao što su hale, bazeni, balon-sale i slični objekti.

- (4) Otvoreni sportski objekat odnosno teren je posebno uređena površina namijenjena za obavljanje određenih sportskih aktivnosti koja je, u skladu sa ovim zakonom, klasifikovana kao javni sportski teren.
- (5) Izuzetno, za potrebe obavljanja treninga i realizacije takmičenja, javni put, rijeka i jezero smatraju se otvorenim sportskim terenom u skladu sa ovim zakonom.

Član 147.

(Obaveze vlasnika sportskog objekta)

- (1) Vlasnik, odnosno držalac sportskog objekta dužan je:
 - a) da ga koristi u skladu sa propisima i namjenom sportskog objekta,
 - b) da ga održava u tehnički ispravnom stanju i da obezbijedi odgovarajuće sanitarno-higijenske uslove,
 - c) da preduzme mjere kojim se predupređuje rizik nastanka štete za korisnike i treća lica i kojim se utiče na povećane rizike.
- (2) Pri izgradnji, rekonstrukciji i održavanju kapitalnih sportskih objekata obavezno se poštuju pravila nadležnih međunarodnih sportskih saveza.
- (3) Vlasnik sportskog objekta je dužan da obezbijedi pristupačnost sportskog objekta licima sa invaliditetom.
- (4) Pri izgradnji, rekonstrukciji i održavanju sportskih objekata koji su namijenjeni i organizovanju sportskih takmičenja, priredbi ili manifestacija, obavezno se poštuju pravila nadležnih kantonalnih sportskih saveza.

Član 148.

(Namjena i promjena namjene sportskog objekta)

- (1) Namjena sportskog objekta za koji postoji odgovarajuća urbanistička dokumentacija ne može se promijeniti.
- (2) Ministarstvo, po pribavljanju saglasnosti Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo i mišljenja jedinice lokalne samouprave na čijoj se teritoriji nalazi objekat, izuzetno, može odobriti privremenu ili trajnu promjenu namjene sportskog objekta ili njegovog dijela namijenjenog izvođenju sportskih aktivnosti, ukoliko je ispunjen jedan od sljedećih uslova:
 - a) da je na odgovarajući način obezbijedeno obavljanje sportskih aktivnosti na području na kojem se nalazi objekat,
 - b) da više ne postoji potreba za konkretnim sportskim objektom,
 - c) da je promjena namjene u javnom interesu u bitno većoj mjeri nego što je održavanje namjene objekta,
 - d) da objekat služi samo ličnim sportskim aktivnostima vlasnika, njegovih srodnika ili gostiju.
- (3) Odredbe st. (1) i (2) ovog člana odnose se i na slučajeve potpunog ili djelimičnog rušenja sportskog objekta ili zatvaranja objekta za korištenje u sportske svrhe (osim ako su u pitanju mjere rekonstrukcije ili održavanja koje ne traju duže od godinu dana), kao i izmjene mogućnosti korištenja sportskog objekta na način da objekat može da koristi značajno manji broj lica nego ranije.
- (4) Dopuštena je promjena namjene dijela pratećeg prostora sportskog objekta, uključujući i zemljište koje pripada sportskom objektu, pod uslovom da nije u pitanju garderobni, sanitarni, gledališni, parking-prostor i sličan prostor te da promjene ne ugrožavaju izvođenje i praćenje sportskih aktivnosti i da ne umanjuju funkcionalnost objekta.
- (5) Nadležni organ jedinice lokalne samouprave daje saglasnost na promjenu iz stava (4) ovog člana.

Član 149.

(Javni sportski teren)

- (1) Javni sportski teren posebno je uređena površina namijenjena za određene sportske aktivnosti, kao što su trim-staze, skijališta, planinarske staze, biciklističke staze, ribolovne staze, plaže, otvoreni sportski tereni u naseljenim mjestima i slični tereni, dostupni građanima pod jednakim uslovima.

- (2) Javni sportski teren mora biti uređen, obilježen, opremljen i održavan u stanju koje osigurava odgovarajući nivo sportskih aktivnosti i bezbjedno korištenje u skladu sa ovim zakonom.
- (3) Vlasnik javnog sportskog terena može obavljati djelatnost, odnosno poslove u vezi sa korištenjem terena i to:
 - a) da uredi, obilježi, opremi i održava teren tako da je bezbjedan za korisnike,
 - b) da na terenu obezbijedi odgovarajuću signalizaciju, tako da se ona ne može lako ukloniti i da odgovara stvarnim uslovima korištenja terena,
 - c) da uredi pravila o redu na terenu i da obezbijedi odgovarajući broj stručno osposobljenih i jasno označenih lica za održavanje reda na terenu u svojstvu redara, ako to priroda korištenja terena zahtijeva,
 - d) da obezbijedi odgovarajući broj spasilaca, ako priroda korištenja terena zahtijeva,
 - e) da obezbijedi pružanje hitne medicinske pomoći na terenu, ako to priroda korištenja terena zahtijeva.
- (4) Vlasnik javnog sportskog terena dužan je da prekine sa korištenjem terena ili dijela terena i da to na pogodan način objavi, ukoliko nastupe okolnosti koji ugrožavaju bezbjednost na terenu, sve dok traju okolnosti zbog kojih je prekinuto korištenje terena.
- (5) Ovlašteno lice vlasnika javnog sportskog terena dužno je da upozori, odnosno udalji sa terena ili njegovog dijela, lica koja se ne pridržavaju pravila utvrđenih ovim zakonom i pravila o redu na terenu, a ako ona postupe suprotno naložima ili pruže fizički otpor, da o tome bez odlaganja obavijeste ovlašteno lice organa nadležnog za unutrašnje poslove.
- (6) Ministar donosi Pravilnik o postupku utvrđivanja uslova za obavljanje djelatnosti i poslova u vezi sa korištenjem javnog sportskog terena kojim se propisuje postupak utvrđivanja uslova iz stava (3) ovog člana.

Član 150.

(Sportski objekti od javnog interesa za Kanton)

- (1) Sufinansiranje izgradnje, održavanje, evidencija i korištenje sportskih objekata od javnog interesa za Kanton reguliše se posebnim sporazumom između institucija Kantona i vlasnika objekta.
- (2) Posebnom odlukom Skupštine uz saglasnost jedinica lokalne samouprave u Kantonu, propisat će se uslovi za utvrđivanje sportskih objekata od javnog interesa za Kanton.

Član 151.

(Suzbijanje nasilja i nedoličnog ponašanja gledalaca na sportskim priredbama (manifestacije, susreti, smotre i igre))

- (1) S ciljem sprečavanja i suzbijanja nasilja i nedoličnog ponašanja gledalaca na sportskim priredbama (manifestacije, susreti, smotre i igre), nadležni organi Kantona dužni su da preduzmu potrebne mjere u skladu sa Evropskom konvencijom o nasilju i nedoličnom ponašanju gledalaca na sportskim priredbama, posebno na fudbalskim utakmicama.
- (2) Posebnim zakonom utvrđuju se način i mjere za sprječavanje i suzbijanje nasilja i nedoličnog ponašanja gledalaca na sportskim priredbama (manifestacije, susreti, smotre i igre).
- (3) Obaveza organizatora sportskih takmičenja je bezbjednost održavanja sportskih takmičenja koja podrazumijeva bezbjednost gledalaca, takmičara i drugih učesnika sportskog takmičenja ili sportske priredbe (manifestacije, susreti, smotre i igre) i stvaranje okruženja koje sprječava, suzbija i sankcioniše nedolično ponašanje, nered, te nasilje prije, za vrijeme i nakon sportskog takmičenja ili sportske priredbe (manifestacije, susreti, smotre i igre), zaštitu gledalaca, zaštitu drugih građana (fizičkih lica) i njihove imovine i imovine pravnih lica.

Član 152.

(Informacioni sistem u sportu)

- (1) Sa ciljem sistematskog praćenja i evidentiranja stanja u sportu organizuje se jedinstven informacioni sistem Kantona u sportu.
- (2) Sadržaj i oblik informacionog sistema utvrđuje Ministarstvo u skladu sa Informacionim sistemom Bosne i Hercegovine u sportu i standardima evropske sportske informacione mreže.

- (3) Informacioni sistem Kantona zajedno sa informacionim sistemom Bosne i Hercegovine čine jedinstven sistem.
- (4) Sva pravna i fizička lica registrovana na području Kantona za obavljanje sportskih aktivnosti obavezna su da vode evidenciju u skladu sa jedinstvenim informacionim sistemom Kantona u sportu.

Član 153.

(Evidencije u sportu)

- (1) Radi organizovanog i sistematskog praćenja stanja u sportu i dugoročnog planiranja njegovog razvoja u Kantonu, Sportski savez Kantona vodi sljedeće evidencije:
 - a) kategorisanih sportista,
 - b) obrtnika u sportu,
 - c) organizacija u oblasti sporta,
 - d) stručnih radnika u sportu i sportskih radnika,
 - e) realizatora programa i programa kojima se ostvaruje javni interes u oblasti sporta,
 - f) sportskih objekata,
 - g) međunarodnih sportskih manifestacija od značaja za Kanton,
 - h) o stručnom usavršavanju i osposobljavanju,
 - i) o općim aktima sportskih organizacija.
- (2) Evidencije iz stava (1) ovog člana trajno se čuvaju i vode se u informacionom sistemu iz člana 152. ovog zakona kao kantonalni sportski informaciono-dokumentacioni sistem, primjenom elektronskih sredstava za obradu i skladištenje podataka.
- (3) Sva pravna i fizička lica u oblasti sporta dužni su da podnesu Sportskom savezu Kantona prijavu za upis u evidencije, osim ako nije drugačije određeno ovim zakonom.
- (4) Svaka promjena podataka koji se vode u evidenciji prijavljuju se Sportskom savezu Kantona u roku od 30 dana od dana nastanka promjene.
- (5) Sportske organizacije vode evidencije svojih članova i o podacima koji se upisuju u evidencije iz stava (1) ovog člana i druge evidencije, u skladu sa zakonom.
- (6) Sportske organizacije i druge organizacije i ustanove koje se bave kontinuiranom edukacijom u sportu vode evidencije o stručnom usavršavanju i osposobljavanju.
- (7) Sportske organizacije vode evidencije o općim aktima organizacije.
- (8) Ministar donosi pravilnik o sadržaju, načinu vođenja evidencija u sportu i pristupu podacima iz st. (1) i (7) ovog člana.

DIO ČETVRTI – FINANSIRANJE SPORTA

POGLAVLJE I.

FINANSIRANJE JAVNOG INTERESA U OBLASTI SPORTA

Član 154.

(Finansiranje javnog interesa u oblasti sporta)

- (1) Finansiranje javnog interesa u oblasti sporta uključuje, ali nije ograničeno na:
 - a) obezbjeđivanje uslova za pripremu, učešće i ostvarivanje vrhunskih sportskih rezultata sportista na olimpijskim igrama, paraolimpijskim igrama i drugim zvaničnim međunarodnim sportskim takmičenjima,
 - b) aktivnosti i programe sportskih organizacija, sportskog saveza Kantona, granskih saveza, kao i aktivnosti pojedinaca u sportu, preko kojih se ostvaruju javni interesi u oblasti sporta,
 - c) izgradnju, opremanje i održavanje sportskih objekata koji su od posebnog značaja za razvoj sporta na području Kantona, vodeći računa o regionalnoj pokrivenosti,
 - d) naučne skupove i istraživačko-razvojne i naučno-istraživačke projekte u sportu, u organizaciji registrovanih ustanova na području Kantona za obavljanje naučno-istraživačkog rada u sportu,
 - e) unaprjeđenje stručnog rada i stručno osposobljavanje u oblasti sporta kroz kontinuiranu edukaciju u sportu,

- f) unaprjeđenje zdravstvene zaštite sportista,
 - g) unaprjeđenje rekreativnog sporta, promociju i podsticanje bavljenja sportom svih građana Kantona, a naročito djece, žena, mladih, lica sa invaliditetom, sportskih veterana i zaposlenih,
 - h) sprječavanje negativnih pojava u sportu, kao što su doping, nasilje i nedolično ponašanje,
 - i) organizaciju međunarodnih i kantonalnih sportskih manifestacija od posebnog značaja za Kanton,
 - j) aktivnosti na ispunjavanju međunarodnih obaveza u oblasti sporta i razvoj sporta u dijaspori,
 - k) obezbjeđivanje uslova za organizovanje i održavanje školskih i studentskih takmičenja na teritoriji Kantona,
 - l) unaprjeđenje izdavaštva i javnog informisanja u sportu od kantonalnog značaja,
 - m) obezbjeđenje uslova za rad školskih sportskih sekcija,
 - n) stvaranje uslova i organizovanje sportskih škola, centara i sportskih kampova od posebnog značaja za razvoj sporta u Kantonu,
 - o) stipendije za osposobljavanje ili usavršavanje vrhunskih sportista amatera i novčana pomoć vrhunskim sportistima sa posebnim zaslugama,
 - p) sportska priznanja Kantona,
 - r) djelatnosti i programe organizacija u oblasti sporta čiji je osnivač Kanton.
- (2) Za ostvarivanje javnog interesa u oblasti sporta iz stava (1) ovog člana, obezbjeđuju se sredstva u budžetu Kantona od najmanje 1,5 % planiranog budžeta Kantona za svaku tekuću godinu, a način raspodjele i kontrole utroška ovih sredstava utvrđuje se Pravilnikom o načinu rasporeda i kontrole utroška sredstava namjenjenih ostvarivanju javnog interesa iz čl. 23. i 150. stav (2) ovog zakona, koji donosi ministar.
- (3) Izuzetno od stava (2) ovog člana, sportskim klubovima u Kantonu koji se takmiče u najvišem rangu sportskog takmičenja, organizovanom u najmanje tri ranga na teritoriji Bosne i Hercegovine, raspoređuje se najmanje 20% od ukupno obezbijedenih sredstava iz Budžeta Kantona za ostvarivanje javnog interesa u oblasti sporta.
- (4) Svako pravno i fizičko lice kojem se dodijele finansijska sredstva za aktivnosti navedene u ovom članu mora podnijeti Ministarstvu detaljan finansijski izvještaj o korištenju sredstava, a koji će biti dostupan javnosti.
- (5) U slučaju zloupotrebe sredstava, nepravilnosti u upravljanju finansijama ili neadekvatnog trošenja sredstava primjenjuju se sankcije u skladu sa ovim zakonom.

Član 155.

(Programi i projekti u oblasti sporta)

- (1) Javni interes u oblasti sporta iz člana 154. ovog zakona realizuje se kroz finansiranje ili sufinansiranje određenih programa i projekata (u daljem tekstu: programi), ako ovim zakonom nije drugačije određeno.
- (2) Programe iz stava (1) ovog člana dostavljaju nosioci izrade programa u smislu ovog zakona prema dinamici utvrđenoj programskim kalendarom u skladu sa ovim zakonom.
- (3) Izuzetno, preostala, neutrošena sredstva po osnovu javnog poziva za sufinansiranje programa i projekata sporta u tekućoj budžetskoj godini, Ministarstvo na osnovu prethodne saglasnosti Vlade može dodijeliti bez javnog poziva neposredno subjektima u sportu pod slijedećim kriterijima:
- a) da se radi o neplaniranoj ili hitnoj aktivnosti od javnog interesa u oblasti sporta,
 - b) da bi rezultat te aktivnosti trebao dodatno afirmisati Kanton u oblasti sporta,
 - c) da se očekuje da će taj program ili projekat privući veliki broj učesnika i gledalaca i na taj način povećati priliv sredstava u Budžet Kantona.

Član 156.

(Ugovor o realizaciji programa)

- (1) Ministarstvo zaključuje ugovor o realizaciji programa sa nosiocima odobrenog programa, odnosno predlagračem programa, kojim se obavežno utvrđuje:
- a) naziv i sjedište nosioca programa,
 - b) vrsta i sadržaj programa,

- c) vrijeme realizacije programa, odnosno obavljanja aktivnosti,
 - d) ciljevi i očekivani rezultati,
 - e) iznos dodijeljenih sredstava,
 - f) vremenski plan upotrebe sredstava,
 - g) način nadzora nad odvijanjem realizacije programa,
 - h) obaveze nosioca programa koje se odnose na namjensko korištenje sredstava i realizacije programa,
 - i) obaveze nosioca programa koje se odnose na podnošenje izvještaja o realizaciji programa,
 - j) obaveze nosioca programa koje se odnose na dokazivanje realizacije programa i namjenskog korištenja sredstava,
 - k) obaveze nosioca programa koje se odnose na publicitet programa.
- (2) Ukoliko se nosilac odobrenog programa ne odazove pozivu za zaključenje ugovora u roku od 15 dana od dana obavještenja, smatraće se da je odustao od prijedloga programa.

POGLAVLJE II.

FINANSIRANJE PROGRAMA U OBLASTI SPORTA

Član 157.

(Podnošenje prijedloga programa)

- (1) Prijedlog godišnjeg programa svojih aktivnosti mogu podnijeti kantonalni sportski savezi i sportske organizacije, preko kojih se ostvaruje javni interes u oblasti sporta.
- (2) Prijedlog programa izgradnje, rekonstrukcije, sanacije i opremanja sportskih objekata ili terena podnosi vlasnik, odnosno korisnik zemljišta, sportskog objekta ili terena uz saglasnost vlasnika zemljišta, sportskog objekta ili terena.
- (3) Prijedlog stipendiranja za sportsko osposobljavanje ili usavršavanje vrhunskih sportista, priznanja za poseban doprinos razvoju i afirmaciji sporta, dodjele nagrada i novčane pomoći vrhunskim sportistima i organizacija kampova za perspektivne sportiste, podnosi nadležni kantonalni sportski savez.
- (4) Prijedlog programa organizovanja međunarodne sportske manifestacije od posebnog značaja za Kanton podnosi učesnik u sistemu sporta koji ima saglasnost za kandidovanje i organizovanje te manifestacije, obezbijedenu u skladu sa ovim zakonom.
- (5) Prijedlog istraživačko-razvojnih i naučno-istraživačkih projekata u sportu podnose visokoškolske ustanove akreditovane u Kantonu, instituti i ustanove koje se bave istraživačko-razvojnim i naučno-istraživačkim radom u oblasti sporta.
- (6) Prijedlog programa kontinuirane edukacije u sportu podnose kantonalni sportski savezi i druge organizacije u oblasti sporta, visokoškolske ustanove akreditovane u Kantonu i ustanove, koji imaju saglasnost za sprovođenje kontinuirane edukacije u sportu u skladu sa ovim zakonom.

Član 158.

(Uslovi i kriteriji)

- (1) Prijedlozi programa kojim se ostvaruje javni interes u oblasti sporta odobravaju se, a visina sredstava za dodjelu utvrđuje se na osnovu sljedećih kriterija:
 - a) nosilac programa je obavezan da obezbijedi za realizaciju programa dio sopstvenih sredstava, kao i sredstava drugih lica ukoliko iz realizacije programa za njih nastaju očigledno izračunljive koristi,
 - b) program se finansira samo ako se ne može u dovoljnoj mjeri realizovati bez sredstava iz budžeta Kantona i ako je davanje sredstava opravdano i prema osnovu i prema visini,
 - c) program se finansira u iznosima i pod uslovima koji obezbjeđuju, odnosno koji su podobni da se uz najmanji utrošak sredstava iz budžeta Kantona postignu namjeravani rezultati,
 - d) program obavezno mora biti od kantonalnog ili šireg lokalnog značaja i obavezno se mora odnositi na oblasti utvrđene ovim zakonom,
 - e) sportska grana ili grana sporta u okviru koje se realizuje program obavezno mora da ostvaruje javni interes u oblasti sporta u skladu sa članom 154. ovog zakona,

- f) nosilac programa obavezno mora da bude registrovan u skladu sa ovim zakonom, da isključivo ili pretežno posluje na neprofitnoj osnovi, da ima sjedište u Kantonu, da je direktno odgovoran za pripremu i izvođenje programa, da je prethodno obavljao sportsku djelatnost najmanje godinu dana i da je sa uspjehom realizovao odobreni program iz prethodne godine,
 - g) nosilac programa ne može da bude lice koje je u postupku likvidacije, stečaja ili pod privremenom zabranom obavljanja djelatnosti, ima blokadu poslovnog računa, poreske dugove ili dugove prema fondovima obaveznog osiguranja, niti lice koje je u posljednje dvije godine pravosnažnom presudom osuđen za krivično djelo ili prekršaj u vezi sa obavljanjem djelatnosti i zloupotrebe službenog položaja,
 - h) između programa organizovanja, odnosno učešća na sportskim priredbama (manifestacije, susreti, smotre i igre), pod jednakim uslovima, prioritet imaju programi koji se odnose na sportske priredbe (manifestacije, susreti, smotre i igre) višeg ranga,
 - i) između programa učešća na velikim međunarodnim sportskim manifestacijama, pod jednakim uslovima, prioritet imaju programi čijom realizacijom se očekuje postizanje plasmana sportista iz Kantona u prvu trećinu takmičara po rezultatima,
 - j) pod jednakim uslovima, prioritet imaju programi granskih sportskih saveza u odnosu na programe sportskih organizacija,
 - k) prije odobravanja sredstava mora se utvrditi da li se predloženi program finansira ili će se finansirati iz drugih javnih sredstava,
 - l) aktivnosti i mjere, po pravilu, obavezno moraju biti u okvirima kantonalnog programa razvoja sporta,
 - m) program obavezno mora biti u skladu sa općim aktima podnosioca prijedloga programa i sportskim pravilima,
 - n) prijedlog programa i dostavljena dokumentacija obavezno mora da ispunjava propisane formalne uslove, a navedeni podaci moraju biti potpuni i istiniti,
 - o) finansiranje aktivnosti granskog sportskog saveza preko kojih se ostvaruju javni interesi u oblasti sporta može da obuhvata samo dio zarade zaposlenih i materijalnih troškova, u zavisnosti od stručnosti posla, upotrebljivosti za sport, primjenjivosti posla i izraženosti javnog interesa za određeni posao u sportu. Sredstva se, po pravilu, isplaćuju jednokratno, a izuzetno u tranšama,
 - p) troškovi realizacije programa obavezno moraju biti opravdani i u neposrednoj vezi sa ciljevima realizacije programa, odnosno opravdani direktni troškovi, s tim da se suma koja ne prelazi 30% od opravdanih direktnih troškova realizacije programa može obezbijediti za pokriće administrativnih dodatnih troškova nosioca programa za potrebe realizacije programa na ime opravdanih indirektnih troškova,
 - r) program obavezno mora da odgovara uobičajenim mjerilima koja određuju broj učesnika u programu i resurse potrebne za realizaciju određene vrste programa, uključujući i potrebna novčana sredstva,
 - s) završeni programi mogu se izuzetno finansirati iz sredstava budžeta Kantona ako je riječ o troškovima koje nosilac programa ne može da namiri i koje nije mogao da predvidi.
- (2) Prioritet, pod jednakim uslovima, imaju programi koji ispunjavaju kriterije iz stava (1) ovog člana, a koji su strukturne i razvojne prirode.
- (3) Ministar pravilnikom propisuje postupak utvrđivanja uslova i kriterija iz stava (1) ovog člana, način izrade i dostavljanja izvještaja o realizaciji programa, način i postupak odobrenja programa i dodjele sredstava i način i postupak kontrole i analize realizacije odobrenih programa.

Član 159.

(Nadzor nad realizacijom programa)

- (1) Ministarstvo vrši nadzor nad realizacijom programa i namjenskim korištenjem odobrenih sredstava.
- (2) Ministarstvo jednom godišnje izvještava Vladu o korištenju sredstava budžeta Kantona za ostvarivanje programa iz stava (1) ovog člana.
- (3) Korisnici sredstava budžeta Kantona za realizaciju programa kojim se ostvaruje javni interes u oblasti sporta utvrđen ovim zakonom dužni su da Ministarstvu u rokovima utvrđenim ugovorom o

realizovanju programa, a najmanje jednom godišnje, dostave izvještaj o svom radu sa potrebnom dokumentacijom, odnosno o ostvarivanju programa ili dijelova programa i korištenju sredstava budžeta Kantona.

- (4) Nosilac programa kojim se ostvaruje javni interes u oblasti sporta u završnom izvještaju o realizaciji programa vrši i procjenu postignutih rezultata u odnosu na postavljene ciljeve.
- (5) Ministarstvo može obustaviti dalje finansiranje programa, odnosno jednostrano raskinuti ugovor o realizovanju programa ako korisnik iz stava (2) ovog člana ne dostavi izvještaj u ugovorenom ili traženom, odnosno ostavljenom roku.
- (6) Korisniku sredstava budžeta Kantona za realizaciju programa kojima se ostvaruje javni interes u oblasti sporta ne mogu biti odobrena sredstva za realizaciju novog programa prije nego što podnese izvještaj u skladu sa stavom (2) ovog člana.
- (7) Pravna i fizička lica koja su iz budžetskih sredstava dobila sredstva za realizovanje programa, najmanje jednom godišnje, izvještaj o svom radu i o obimu i načinu sticanja i korištenja sredstava čine dostupnim javnosti i taj izvještaj dostavljaju Ministarstvu, a na svim dokumentima i medijskim promocijama u vezi sa realizovanim programima mora biti istaknuto da se program finansirao sredstvima iz budžeta Kantona.
- (8) Nosilac odobrenog programa dužan je da poslije završetka realizacije programa čuva svu evidenciju, odnosno dokumentaciju koja se odnosi na realizovanje programa, sve do isteka perioda od sedam godina, počev od dana kada je program završen.
- (9) Nosilac odobrenog programa dužan je da namjenski koristi sredstva dobijena iz budžeta Kantona.

Član 160.

(Povrat budžetskih sredstava)

- (1) Sredstva dobijena iz budžeta Kantona za realizovanje programa kojima se ostvaruje javni interes u oblasti sporta obavezno se moraju vratiti ukoliko nosilac programa:
 - a) netačno i nepotpuno obavijesti davaoca sredstava o bitnim okolnostima u vezi sa odobrenjem i realizovanjem programa,
 - b) ne izvrši program ili ga izvrši u nebitnom dijelu,
 - c) upotrijebi sredstva nenamjenski, u potpunosti ili djelimično ili se ne pridržava propisanih ili ugovorenih mjera koje su utvrđene radi osiguranja realizacije programa,
 - d) ne dostavi u predviđenim rokovima potrebne izvještaje i dokaze,
 - e) spriječi ili onemogući sprovođenje propisanih, odnosno ugovorenih kontrolnih mjera.
- (2) Ministarstvo po završetku odobrenog programa vrši analizu odobrenog programa i postizanja planiranih efekata i u slučaju da ocijeni da planirani efekti i nisu postignuti u bitnom dijelu zatražit će od nadležnog organa nosioca programa da utvrdi odgovornost lica koja su realizovala program.
- (3) Nosilac programa je dužan da vrati sredstva ili dio sredstava ako je program djelimično realizovan ili je realizovan sa bitnim zakašnjenjem, izuzev ako su realizovanim aktivnostima postignuti bitni efekti programa, a po zahtjevu Ministarstva.
- (4) Nosilac programa iz st. (1), (2) i (3) ovog člana ne može dobijati sredstva iz budžeta Kantona i jedinice lokalne samouprave za realizaciju svojih programa dvije godine od kada je utvrđeno postojanje okolnosti iz st. (1), (2) i (3) ovog člana.

POGLAVLJE III.

FINANSIRANJE SPORTSKIH AKTIVNOSTI

Član 161.

(Sredstva za finansiranje)

Sredstva za finansiranje sportskih aktivnosti ostvaruju se:

- a) od članarine,
- b) iz budžetskih sredstava institucija Bosne i Hercegovine, Federacije Bosne i Hercegovine, Kantona i jedinica lokalne samouprave,
- c) od donacija i sponzorstva pravnih i fizičkih lica,
- d) iz prihoda od kamata i zakupnina,

- e) od igara na sreću,
- f) iz prihoda stečenih aktivnostima utvrđenim statutom sportske organizacije,
- g) od kantonalnih preduzeća koja posluju pozitivno, na prijedlog Ministarstva,
- h) iz drugih prihoda.

Član 162.

(Olakšice za razvoj sporta)

- (1) Sportske organizacije, sportisti, kao i pravna i fizička lica koja ulažu sredstva u razvoj sporta na području Kantona ostvaruju olakšice i podsticaje u skladu sa Zakonom o sportu u Bosni i Hercegovini i drugim propisima kojima su uređene poreske, carinske i druge finansijske pogodnosti.
- (2) Kanton će, u okviru svojih nadležnosti i raspoloživih budžetskih sredstava, poticati ulaganja u sport i razvoj sportske infrastrukture.

Član 163.

(Kantonalna stipendija ili školarina za sport)

- (1) Kantonalna stipendija odnosno školarina za sport dodjeljuje se perspektivnim sportistima za postignuti rezultat u sportu i afirmaciju Kantona u prethodnoj kalendarskoj godini.
- (2) Kantonalna stipendija odnosno školarina za sport dodjeljuje se na period od jedne godine sa mogućnošću obnavljanja uz primjenu kriterija koji će biti definirani odlukom Vlade na prijedlog ministra.
- (3) Kantonalna stipendiju odnosno školarinu za sport primaju takmičari sa područja Kantona koji osvoje medalju na zvaničnim evropskim, svjetskim i olimpijskim takmičenjima organiziranim od strane međunarodnih sportskih federacija članica MOK-a i IPC-a.
- (4) Odluku o kriterijima za dodjelu stipendije odnosno školarine iz stava (2) ovog člana, kao i organizaciju dodjele donosi Vlada na prijedlog ministra.

Član 164.

(Nagrada Kantona Sarajevo za sport)

- (1) Nagrada Kantona Sarajevo za sport najviše je priznanje koje Kanton dodjeljuje za iznimna postignuća i doprinos razvoju sporta u Kantonu.
- (2) Nagrada Kantona Sarajevo za sport dodjeljuje se sportistima, sportskim trenerima, ostalim stručnim sportskim radnicima te drugim licima zaslužnim za razvoj sporta u Kantonu, a može se dodijeliti i sportskim organizacijama.
- (3) Nagrada Kantona Sarajevo za sport dodjeljuje se u obliku medalje sa Grbom Kantona, posebne diplome i novčane nagrade.

Član 165.

(Odbor Kantona Sarajevo za donošenje Nagrade Kantona Sarajevo za sport)

- (1) Odluku o dodjeli Nagrade Kantona Sarajevo za sport donosi Odbor Kantona Sarajevo.
- (2) Predsjednika i osam članova Odbora iz stava (1) ovog člana, na prijedlog ministra imenuje Vlada iz redova uglednih sportskih javnih radnika, istaknutih sportista i drugih istaknutih stručnih radnika u sportu na vrijeme od četiri godine.
- (3) Odbor Kantona Sarajevo za donošenje nagrade donosi poslovnik o svom radu.

Član 166.

(Postupak dodjele Nagrade Kantona Sarajevo za sport)

- (1) Nagrada Kantona Sarajevo za sport dodjeljuje se kao godišnja nagrada za životno djelo.
- (2) Nagrada iz stava (1) ovog člana istom licu odnosno sportskoj organizaciji se može dodijeliti samo jednom.
- (3) Godišnje se može dodijeliti najviše 10 nagrada Kantona Sarajevo za sport, od čega su tri za životno djelo.

- (4) Dodjela nagrade Kantona Sarajevo za sport od interesa je za Kanton, a sredstva potrebna za dodjelu osiguravaju se u budžetu Kantona.
- (5) Visinu novčanog dijela godišnje nagrade i nagrade za životno djelo odlukom utvrđuje Vlada na prijedlog ministra.
- (6) Izgled medalja i diploma, dodjelu nagrade Kantona Sarajevo za sport, kriterije, kao i druga pitanja značajna za dodjelu pravilnikom propisuje ministar.

Član 167.

(Nagrada Kantona Sarajevo za vrhunska sportska postignuća)

- (1) Nagrada Kantona Sarajevo za vrhunska sportska postignuća je nagrada koja se dodjeljuje sportisti, sportskoj ekipi i drugom stručnjaku u sistemu sporta, a koje predlaže Sportski savez Kantona.
- (2) Nagrada Kantona Sarajevo za vrhunska sportska postignuća dodjeljuje se za:
 - a) osvojenu medalju na olimpijskim igrama odnosno paraolimpijskim igrama te svjetskom i evropskom seniorskom prvenstvu u olimpijskom odnosno paraolimpijskom sportu i disciplini,
 - b) osvojene medalje na svjetskim i evropskim seniorskim prvenstvima u neolimpijskom sportu koji u Bosni i Hercegovini ima dužu tradiciju od 10 godina,
 - c) ostvaren olimpijski, paraolimpijski rekord, te rekord ostvaren na svjetskom i evropskom seniorskom prvenstvu,
 - d) zlatnu medalju, odnosno osvojeno prvo mjesto na svjetskom ili evropskom seniorskom prvenstvu u neolimpijskoj disciplini olimpijskog sporta ili neolimpijskoj disciplini paraolimpijskog sporta.
- (3) Nagrade iz stava (2) ovog člana dodjeljuju se samo za svjetska ili evropska prvenstva najviše razine.
- (4) U slučaju sumnje, Ministarstvo će od nadležnog nacionalnog sportskog saveza pribaviti dokaz o tome koji se rang takmičenja u smislu stava (3) ovog člana smatra svjetskim i evropskim prvenstvom najviše razine, u skladu sa pravilima nadležnog međunarodnog sportskog saveza.
- (5) Listu sportova iz stava (2) alineja b) ovog člana Ministarstvo pribavlja od Olimpijskog komiteta Bosne i Hercegovine odnosno Paraolimpijskog komiteta Bosne i Hercegovine.
- (6) Uzimajući u obzir specifičnosti sistema takmičenja svakog sporta u skladu sa sportskim pravilima pripadajućih međunarodnih sportskih federacija, ako se u određenom sportu prvenstva na svjetskoj odnosno evropskoj razini ne održavaju pod imenom svjetskog ili evropskog prvenstva, već pod drugim nazivom koji upućuje na tu razinu takmičenja, ona se prihvataju pod uslovom da predlagatelj iz stava (8) ovog člana dostavi Ministarstvu popis takvih takmičenja po sportovima, sportskim granama i sportskim disciplinama.
- (7) Na razini svjetskog ili evropskog prvenstva za svaku sportsku disciplinu, sportsku granu i sport može postojati samo jedno službeno takmičenje koje se smatra svjetskim ili evropskim prvenstvom u toj sportskoj disciplini, sportskoj grani ili sportu.
- (8) Prijedlog za dodjelu Nagrade Kantona Sarajevo za vrhunska sportska postignuća podnosi nadležni sportski savez član Olimpijskog komiteta Bosne i Hercegovine odnosno Paraolimpijski komitet Bosne i Hercegovine u roku od 30 dana od dana završetka takmičenja.
- (9) Odluku o dodjeli Nagrade Kantona Sarajevo za vrhunska sportska postignuća donosi ministar.

Član 168.

(Sredstva za Nagradu Kantona Sarajevo za vrhunska sportska postignuća)

- (1) Sredstva za nagrade iz člana 167. ovog zakona osiguravaju se u budžetu Kantona.
- (2) Novčani iznos za Nagradu Kantona Sarajevo za vrhunska sportska postignuća odlukom utvrđuje Vlada na prijedlog ministra.
- (3) Postupak predlaganja, potrebnu dokumentaciju, te način dodjele Nagrade Kantona Sarajevo za vrhunska sportska postignuća pravilnikom propisuje ministar.

Član 169.

(Trajna novčana naknada)

- (1) Pravo na trajnu novčanu naknadu koja se isplaćuje mjesečno ostvaruje sportista državne selekcije koji je osvojio medalju na Olimpijskim igrama ili Paraolimpijskim igrama, svjetskom seniorskom prvenstvu ili evropskom seniorskom prvenstvu u sportu i disciplini koji su na programu olimpijskih ili paraolimpijskih igara, kao nagradu Kantona Sarajevo za poseban doprinos ugledu Bosne i Hercegovine, ako ispunjava sljedeće uslove:
 - a) da je državljanin Bosne i Hercegovine,
 - b) da ima prijavljeno prebivalište u Kantonu;
 - c) da je imao prijavljeno prebivalište u Kantonu najmanje pet godina prije trenutka postizanja vrhunskog sportskog rezultata,
 - d) da ima navršenih najmanje 40 godina života,
 - e) da nije pravosnažno osuđivan za krivična djela u vezi sa sportom, u skladu sa ovim zakonom,
 - f) da mu nije izrečena pravosnažna sankcija zbog povrede antidoping pravila u skladu sa pravilima Svjetske antidoping agencije i Agencije za antidoping kontrolu Bosne i Hercegovine.
- (2) Pravo iz stava (1) ovog člana ostvaruje se na osnovu podnesenog zahtjeva.
- (3) Pravo na trajnu novčanu naknadu ostvaruje i selektor u ekipnim sportovima, odnosno sportski trener u individualnim sportovima koji je obavljao stručne poslove vođenja sportiste ili ekipe na takmičenju na kojem je osvojena medalja iz stava (1) ovog člana, ako ispunjava sljedeće uslove:
 - a) da je državljanin Bosne i Hercegovine,
 - b) da ispunjava jedan od uslova iz stava (1) tačka b) ovog člana,
 - c) da ima navršenih najmanje 55 godina života,
 - d) da nije pravosnažno osuđivan za krivična djela u vezi sa sportom, u skladu sa ovim zakonom.
- (4) Pravo iz stava (3) ovog člana ostvaruje se na osnovu podnesenog zahtjeva.
- (5) Ispunjenost uslova iz ovog člana dokazuje se odgovarajućim javnim ispravama i drugim dokazima u skladu sa zakonom.
- (6) O pravu iz st. (1) i (3) ovog člana odlučuje Ministarstvo rješenjem u upravnom postupku.
- (7) Pravo na trajnu novčanu mjesečnu naknadu iz st. (1) i (3) ovog člana je doživotno, osim u slučaju prestanka ispunjavanja uslova propisanih ovim članom, o čemu Ministarstvo odlučuje rješenjem u upravnom postupku.
- (8) O gubitku prava na trajnu novčanu mjesečnu naknadu rješenjem odlučuje Ministarstvo.
- (9) Protiv rješenja iz stava (8) ovog člana žalba nije dopuštena, ali se može pokrenuti upravni spor.
- (10) Ministarstvo će od Olimpijskog komiteta Bosne i Hercegovine za osvajače medalja na olimpijskim igrama, svjetskim seniorskim prvenstvima i evropskim seniorskim prvenstvima u olimpijskim sportovima i disciplinama, odnosno Paraolimpijskog komiteta Bosne i Hercegovine za osvajače medalja na paraolimpijskim igrama, svjetskim seniorskim prvenstvima i evropskim seniorskim prvenstvima u paraolimpijskim sportovima i disciplinama pribaviti izvode iz službene evidencije odnosno uvjerenja o osvojenim medaljama.
- (11) Ministarstvo će od Olimpijskog komiteta Bosne i Hercegovine za selektore odnosno sportske trenere osvajača medalja na olimpijskim igrama, svjetskim seniorskim prvenstvima i evropskim seniorskim prvenstvima u olimpijskim sportovima i disciplinama, odnosno od Paraolimpijskog komiteta Bosne i Hercegovine za selektore odnosno sportske trenere osvajača medalja na paraolimpijskim igrama, svjetskim seniorskim prvenstvima i evropskim seniorskim prvenstvima u paraolimpijskim sportovima i disciplinama pribaviti izvode iz službene evidencije o selektoru ili sportskom treneru koji je obavljao stručne poslove vođenja na takmičenju sportista ili ekipe koja je osvojila medalju odnosno uvjerenja o osvojenim medaljama.
- (12) U slučaju postojanja više razina (rangova, divizija i sl.) svjetskih i evropskih prvenstava pojedinog sporta, naknade iz st. (1) ili (2) ovog člana dodjeljuju se samo za svjetska i evropska prvenstva najvišeg ranga.
- (13) Ministarstvo će od nadležnog nacionalnog sportskog saveza pribaviti dokaz o tome koji se rang takmičenja u smislu stava (1) ovog člana smatra svjetskim i evropskim prvenstvom najviše razine u skladu sa pravilima nadležnog međunarodnog sportskog saveza.
- (14) Način dodjele prava na trajnu novčanu naknadu, potrebnu dokumentaciju, izgled i sadržaj obrazaca te druga pitanja značajna za dodjelu trajne novčane naknade propisuje ministar pravilnikom.

Član 170.

(Ostvarivanje prava na trajnu novčanu naknadu)

Ukoliko sportista ili sportski trener, nakon sticanja trajne novčane naknade iz člana 169. ovog zakona odluči nastaviti sa takmičenjem i drugim sportskim aktivnostima ne gubi stečeno pravo.

Član 171.

(Zaštita ugleda Kantona)

Dobitnik novčane nagrade i naknade dužan je svojim ponašanjem i učešćem u društvenim aktivnostima štititi ugled sporta Kantona, u skladu sa olimpijskim načelima i načelima ovog zakona.

Član 172.

(Nosioi novčane nagrade i naknade koji su ranije stekli pravo)

- (1) Za dobitnike novčane nagrade i naknade koji su stekli pravo na novčanu nagradu i naknadu u skladu sa ovim zakonom, Ministarstvo može, preko nadležnog organa, pokrenuti inicijativu za utvrđivanje vjerodostojnosti prijave mjesta prebivališta u Kantonu.
- (2) Sportisti i sportski treneri kojima je dodjeljena novčana nagrada i naknada ili koji su nosioci priznanja, a koji su to pravo stekli u skladu sa važećim propisima u Bosni i Hercegovini, mogu ostvariti pravo i na novčanu nagradu i naknadu u skladu sa ovim zakonom.

DIO PETI – NADZOR

Član 173.

(Nadležni organ za sport u Kantonu)

Nadležni organ za sport u Kantonu je Ministarstvo.

Član 174.

(Nadzor nad provođenjem ovog zakona)

- (1) Nadzor nad provođenjem ovog zakona vrši Ministarstvo.
- (2) Ministarstvo:
 - a) prati primjenu zakonskih odredbi od strane sportskih organizacija i pravnih lica u oblasti sporta,
 - b) daje obavezne smjernice za usklađivanje rada sportskih organizacija sa ovim zakonom,
 - c) zahtijeva od sportskih organizacija i pravnih lica redovne izvještaje o provedenim aktivnostima i usklađivanju sa ovim zakonom,
 - d) inicira mjere za otklanjanje utvrđenih nepravilnosti.
- (3) Inspeksijski nadzor nad provođenjem ovog zakona vrši Kantonalna uprava za inspeksijske poslove Kantona Sarajevo i budžetska inspekcija Ministarstva finansija Kantona Sarajevo, svaka u granicama svojih nadležnosti.
- (4) U roku od 30 dana od dana stupanja na snagu ovog zakona direktor Kantonalne uprave za inspeksijske poslove Kantona Sarajevo dužan je organizovati Inspektorat za sport u okviru organizacije Kantonalne uprave za inspeksijske poslove Kantona Sarajevo i uskladiti pravilnik o unutrašnjoj organizaciji sa djelokrugom poslova propisanih ovim zakonom u Kantonalnoj upravi za inspeksijske poslove Kantona Sarajevo.

Član 175.

(Inspeksijski nadzor)

- (1) Inspeksijski nadzor u oblasti sporta vrši:
 - a) inspektor nadležan za oblast sporta (u daljem tekstu: inspektor za sport),
 - b) inspektor nadležan za oblast zdravstva u dijelu utvrđivanja zdravstvene sposobnosti sportista i ispunjavanja uslova za obavljanje djelatnosti prema zahtjevima Zavoda, te sanitarni inspektor za oblast i slučajeve sanitarnih uslova kao i minimalnih zdravstveno-sanitarnih uslova,
 - c) inspektor nadležan za rad u vezi sa radnim odnosima fizičkih lica u sportu i zaposlenih u sportskim organizacijama,
 - d) inspektor nadležan za građevinarstvo u vezi sa sportskim objektima,

- e) inspektor nadležan za tržišnu i turističku djelatnost u vezi sa obavljanjem djelatnosti prometa roba i usluga u sportskoj organizaciji, sportskim i sportsko-turističkim objektima.
- (2) Pravna i fizička lica u oblasti sporta dužna su da omoguće nadležnom inspektoru obavljanje inspeksijskog nadzora i postupe po njegovom nalogu.

Član 176.

(Inspeksijski nadzor nad obavljanjem stručnih poslova u oblasti sporta)

Ukoliko se u postupku inspeksijskog nadzora od strane nadležnog inspektora utvrdi da stručne poslove u oblasti sporta u okviru sportske organizacije obavlja lice koje za to ne ispunjava uslove propisane ovim zakonom, isti će sportskoj organizaciji i tom licu izreći upravnu mjeru zabrane daljeg obavljanja tih poslova.

Član 177.

(Sadržaj vršenja inspeksijskog nadzora)

U sprovođenju nadzora nad pravnim i fizičkim licima u oblasti sporta inspektor za sport utvrđuje stanje u vezi sa obavljanjem sportskih djelatnosti i aktivnosti u skladu sa odredbama ovog zakona i propisa kojim se uređuje inspeksijski nadzor, a naročito:

- a) da li su sportske i druge organizacije u oblasti sporta organizovane u skladu sa odredbama ovog zakona,
- b) da li se poštuju propisi o upisu u odgovarajući registar,
- c) da li sportske organizacije imaju opće akte i da li su usklađeni sa ovim zakonom,
- d) usklađenost tijela upravljanja i nadzora sportske organizacije sa ovim zakonom i općim aktima sportske organizacije,
- e) da li su pojedinačni akti sportskih organizacija doneseni u skladu sa ovim zakonom, drugim propisima i općim aktima,
- f) da li lice koje obavlja stručne poslove u sportu ispunjava za to propisane uslove,
- g) da li sportska organizacija koja obavlja i druge djelatnosti ima propisano odobrenje za obavljanje tih djelatnosti,
- h) da li se sportska takmičenja ili sportske priredbe (manifestacije, susreti, smotre i igre) organizuju u skladu sa ovim zakonom i podzakonskim propisima donesenim na osnovu ovog zakona,
- i) da li sportske organizacije vode propisane evidencije i da li dostavljaju nadležnom organu propisane podatke,
- j) da li su ispunjeni uslovi iz člana 38. stav (1) ovog zakona za obavljanje sportskih djelatnosti i sportskih aktivnosti.

Član 178.

(Ovlaštenja u vršenju nadzora)

- (1) U vršenju inspeksijskog nadzora inspektor za sport u skladu sa odredbama Zakona o inspekcijama Kantona Sarajevo („Službene novine Kantona Sarajevo”, br. 2/17 i 37/21) i ovog zakona dužan je da sportskoj i drugoj organizaciji u oblasti sporta naloži propisane mjere i izrekne kaznu za prekršaj, a naročito da:
- a) naloži otklanjanje nedostataka i nepravilnosti nastalih neizvršavanjem ili nepravilnom primjenom ovog zakona i drugih podzakonskih propisa,
 - b) naloži da se upišu u odgovarajući registar ukoliko nisu registrovani, odnosno prijave nastale izmjene,
 - c) naloži donošenje propisanih općih akata, odnosno njihovo usklađivanje sa ovim zakonom i drugim podzakonskim propisima,
 - d) naloži da se organ upravljanja i nadzora nad radom sportske organizacije uskladi sa ovim zakonom i općim aktima sportske organizacije,
 - e) naloži da se odluke i drugi opći akti sportskih organizacija usklade sa ovim zakonom i drugim podzakonskim propisima,
 - f) naloži da se za obavljanje stručnih poslova u sportu angažuje lice koje ispunjava propisane uslove,

- g) naloži vođenje i uredno održavanje propisane evidencije i dostavljanje nadležnom organu propisanih podataka,
 - h) naloži održavanje sportskih takmičenja ili sportskih priredbi (manifestacije, susreti, smotre i igre) u skladu sa ovim zakonom i na osnovu ovog zakona donesenih podzakonskih propisa,
 - i) naloži da kod Ministarstva pravde i uprave Kantona Sarajevo, Ministarstva pravde Federacije Bosne i Hercegovine ili Ministarstva pravde Bosne i Hercegovine podnesu zahtjev za brisanje iz registra u koji su upisani ako je proteklo dvostruko više vremena od vremena utvrđenog statutom za održavanje skupštine sportskog udruženja,
 - j) zabrani rad jer ne ispunjava uslove za obavljanje sportske djelatnosti ili sportske aktivnosti, odnosno u roku određenom u rješenju o otklanjanju nepravilnosti ne ispuni te uslove,
 - k) preduzme druge mjere i radnje za koje je ovlašten ovim zakonom i drugim propisima.
- (2) Protiv rješenja Kantonalne uprave za inspekcijske poslove Kantona Sarajevo može se izjaviti žalba neposredno ili poštom Ministarstvu ili putem Kantonalne uprave za inspekcijske poslove Kantona Sarajevo u roku od 15 dana od dana njegovog prijema.
- (3) U vezi izjavljene žalbe Ministarstvo postupa kao drugostepeni organ uprave u skladu sa Zakonom o upravnom postupku („Službene novine Federacije BiH”, br. 2/98, 48/99 i 61/22) i ovim zakonom.

DIO ŠESTI – KAZNENE ODREDBE

Član 179.

(Novčane kazne)

- (1) Novčanom kaznom u iznosu od 5.000,00 KM do 10.000,00 KM kaznit će se pravno lice ako:
- a) nije upisano u Registar pravnih lica u oblasti sporta (član 37. stav (3) ovog zakona),
 - b) ne vodi knjigu članova u skladu članom 46. stav (7) ovog zakona,
 - c) upotrijebi naziv "Kanton Sarajevo" u nazivu sportske organizacije suprotno članu 57. st. (12), (13) i (14) ovog zakona,
 - d) ne primi u članstvo sportski klub koji ispunjava uslove za prijem u članstvo u skladu sa statutom kantonalnog sportskog saveza (član 89. stav (1) ovog zakona),
 - e) ne omogući sportisti prava iz člana 116. stav (2) ovog zakona,
 - f) zaključi sa djetetom ugovor suprotno odredbama člana 121. stav (5) ovog zakona,
 - g) prije zaključivanja ugovora sportistu ne obavijesti o pravima, obavezama i odgovornostima iz stava (1) odnosno postupi suprotno članu 121. stav (7) ovog zakona,
 - h) angažuje profesionalnog sportistu bez zaključenog ugovora o radu ili ugovora o sportskom angažmanu suprotno članu 121. stav (8) ovog zakona,
 - i) ne zaključi ugovor o osiguranju sportiste i lica koje obavlja stručne poslove u sportu od posljedica nesretnog slučaja za vrijeme obavljanja sportske aktivnosti (član 130. ovog zakona),
 - j) omogući da u sportskom takmičenju učestvuje lice za koje od strane ovlaštenog ljekara nije utvrđena opća i posebna zdravstvena sposobnost (član 135. ovog zakona),
 - k) ne vodi evidenciju o utvrđenoj zdravstvenoj sposobnosti sportiste (član 136. stav (1) ovog zakona),
 - l) izloži sportistu sportskim aktivnostima koje mogu da ugroze ili pogoršaju njegovo zdravstveno stanje (član 137. stav (1) ovog zakona),
 - m) uključi učenike i studente u vannastavne sportske aktivnosti i sportska takmičenja suprotno članu 138. ovog zakona,
 - n) organizuje bilo koje sportsko takmičenje, priredbu ili manifestaciju koja se zasniva na "slobodnoj borbi" dva ili više lica suprotno članu 142. stav (5) ovog zakona,
 - o) organizuje sportsko takmičenje, a prethodno ne obezbijedi uslove iz člana 143. stav (1) za njegovo održavanje,
 - p) ne dostavi Ministarstvu izvještaj o svom radu sa potrebnom dokumentacijom, o ostvarivanju programa ili dijelova programa i korištenju sredstava budžeta Kantona u rokovima utvrđenim ugovorom o realizovanju programa, a najmanje jednom godišnje (član 159. stav (3) ovog zakona),
 - r) ne dostavi izvještaj o svom radu, obimu, načinu sticanja i korištenja sredstava Ministarstvu i ne učini ga dostupnim javnosti, a na svim dokumentima i medijskim promocijama u vezi sa

- realizovanim programima ne istakne da se program finansirao sredstvima iz budžeta Kantona (član 159. stav (7) ovog zakona),
- r) ne omogući nadležnom inspektoru obavljanje inspekcijskog nadzora ili ne postupi po njegovom nalogu (član 175. i član 178. ovog zakona).
- (2) Novčanom kaznom u iznosu od 5.000,00 KM do 10.000,00 KM kaznit će se školska odnosno visokoškolska ustanova ako ne obezbijedi prioritet organizovanim školskim i studentskim nastavnim i vannastavnim sportskim aktivnostima u vezi sa korištenjem školskih i univerzitetskih sportskih sala i terena (član 102. stav (4) ovog zakona),
- (3) Za prekršaje iz st. (1) i (2) ovog člana kaznit će se i odgovorno lice u sportskoj organizaciji odnosno u školskoj ili visokoškolskoj ustanovi novčanom kaznom u iznosu od 1.000,00 KM do 5.000,00 KM.
- (4) Novčanom kaznom od 500 KM do 1.000 KM kazniće se za prekršaj fizičko lice ako:
- a) nije upisano u Registar fizičkih lica u oblasti sporta (član 37. stav (3) ovog zakona),
 - b) učestvuje u sportskom takmičenju, priredbi ili manifestaciji iako mu nije utvrđena zdravstvena sposobnost u skladu članom 134. ovog zakona,
 - c) izloži sportistu aktivnostima koje mogu da ugroze njegovo zdravlje (član 137. stav (1) ovog zakona),
 - d) uključi učenike i studente u vannastavne sportske aktivnosti i sportska takmičenja suprotno članu 138. stav (1) ovog zakona,
 - e) ukoliko organizuje sportsko takmičenje, priredbu ili manifestaciju, a prethodno ne obezbijedi uslove iz člana 142. stav (1) za njegovo održavanje ili dokaze o ispunjavanju uslova za učešće u sportskom takmičenju iz člana 142. stav (2) ne dostavi nadležnoj inspekciji na njen zahtjev,
 - f) ukoliko ne dostavi Ministarstvu izvještaj o svom radu sa potrebnom dokumentacijom, o ostvarivanju programa ili dijelova programa i korištenju sredstava budžeta Kantona u rokovima utvrđenim ugovorom o realizovanju programa, a najmanje jednom godišnje (član 159. stav (3) ovog zakona),
 - g) ukoliko izvještaj o svom radu i o obimu i načinu sticanja i korištenja sredstava ne učini dostupnim javnosti i taj izvještaj ne dostavi Ministarstvu, a na svim dokumentima i medijskim promocijama u vezi sa realizovanim programima ne istakne da se program finansirao sredstvima iz budžeta Kantona (član 159. stav (7) ovog zakona),
 - h) ukoliko ne omogući nadležnom inspektoru obavljanje inspekcijskog nadzora ili ne postupi po njegovom nalogu (član 175 i član 178. ovog zakona).
- (5) Na postupak i način izricanja novčanih kazni za prekršaje iz st. (1), (2) i (3) ovog člana primjenjuje se Zakon o prekršajima („Službene novine Federacije BiH“, br. 63/14 i 19/25).

DIO SEDMI – PRELAZNE I ZAVRŠNE ODREDBE

Član 180.

(Dužnost fizičkih lica koja ne ispunjavaju uslove za rad u oblasti sporta)

Fizička lica iz čl. 126. do 128., 131. i 132. ovog zakona koja na dan stupanja na snagu ovog zakona obavljaju poslove u oblasti sporta, a ne ispunjavaju uslove propisane ovim zakonom, mogu nastaviti obavljati te poslove, pod uslovom da propisane uslove ispune u roku od četiri godine od dana stupanja na snagu ovog zakona.

Član 181.

(Donošenje pravilnika i podzakonskih akata)

- (1) Ministar će u roku od godinu dana od dana stupanja na snagu ovog zakona donijeti:
- a) Pravilnik o vođenju registra pravnih lica u oblasti sporta na nivou Kantona (37. stav (2) ovog zakona),
 - b) Pravilnik o vođenju registra fizičkih lica u oblasti sporta na nivou Kantona (37. stav (2) ovog zakona),
 - c) Pravilnik o postupku utvrđivanja ispunjenosti uslova za obavljanje sportskih djelatnosti i aktivnosti (član 38. stav (4) ovog zakona),

- d) Pravilnik o postupku upisa, sadržaju i načinu vođenja Sportskog registra (61. stav (6) ovog zakona),
 - e) Pravilnikom o kategorizaciji sportova, sportista, stručnih radnika u sportu i sportskih radnika u Kantonu Sarajevo i obavezama zaslužnih, vrhunskih i perspektivnih sportista, evidenciji, nadzoru i reviziji nad ostvarenim pravima (član 5. stav (4) ovog zakona),
 - f) Pravilnik o organizovanju školskog sporta i organizaciji školskih sportskih takmičenja Kantona Sarajevo (član 104. stav (1) ovog zakona),
 - g) Pravilnik o organizovanju univerzitetskog sporta i sportskih takmičenja na visokoškolskim ustanovama u Kantonu Sarajevo (član 104. stav (3) ovog zakona),
 - h) Pravilnik o ispunjenosti posebnih uslova za sportske organizacije koje vrše obuku svojih članova u više sportskih disciplina (član 108. stav (4) ovog zakona),
 - i) Pravilnik o postupku utvrđivanja uslova za obavljanje djelatnosti i poslova u vezi sa korištenjem javnog sportskog terena (član 149. stav (6) ovog zakona),
 - j) Pravilnik o sadržaju, načinu vođenja evidencija u sportu i pristupu podacima (član 153. stav (8) ovog zakona),
 - k) Pravilnik o načinu rasporeda i kontrole utroška sredstava namijenjenih ostvarivanju javnog interesa iz člana 23. i 150. stav (2) ovog zakona (član 154. st. (2) ovog zakona),
 - l) Pravilnik o uslovima i kriterijima za finansiranje realizacije programa kojima se ostvaruje javni interes u oblasti sporta (član 158. stav (3) ovog zakona),
 - m) Pravilnik o izgledu medalje i diplome i dodjeli Nagrade Kantona Sarajevo za sport (član 166. stav (6) ovog zakona),
 - n) Pravilnik o postupku predlaganja, potrebnoj dokumentaciji, te načinu dodjele Nagrade Kantona Sarajevo za vrhunska sportska postignuća (član 168. stav (3) ovog zakona),
 - o) Pravilnik o načinu dodjele prava na trajnu novčanu naknadu, potrebnoj dokumentaciji, izgledu i sadržaju obrazaca, te drugim pitanjima od značajna za dodjelu trajne novčane naknade (član 169. stav (14) ovog zakona),
- (2) Vlada će na prijedlog ministra u roku od godinu dana od dana stupanja na snagu ovog zakona donijeti:
- a) Godišnji program razvoja sporta Kantona Sarajevo (član 30. stav (2) ovog zakona),
 - b) Odluku o standardima i kriterijima za izbor i imenovanje Vijeća za sport Kantona Sarajevo, (član 34. stav (2) ovog zakona),
 - c) Odluku o kriterijima za dodjelu stipendije ili školarine i organizaciji dodjele (član 163. stav (4) ovog zakona),
 - d) Odluku o novčanom iznosu za Nagradu Kantona Sarajevo za vrhunska sportska postignuća (član 168. stav (2) ovog zakona).
- (3) Vlada Kantona će u roku od godinu dana od dana stupanja na snagu ovog zakona predložiti Skupštini Kantona Sarajevo tekst:
- a) Strategije razvoja sporta Kantona Sarajevo (član 25. stav (1) ovog zakona),
 - b) Programa razvoja sporta Kantona Sarajevo (član 28. ovog zakona),
 - c) Odluku o uslovima za utvrđivanje sportskih objekata od javnog interesa za Kanton (član 150. stav (2) ovog zakona).
- (4) Vijeće će donijeti Pravila postupka utvrđivanja postojanja sukoba interesa u skladu sa ovim zakonom u roku od šest mjeseci od dana njegovog imenovanja (član 55. stav (11) ovog zakona).
- (5) Sportski savez Kantona Sarajevo će u roku od šest mjeseci od dana stupanja na snagu ovog zakona donijeti Pravilnik o radu Sportske arbitraže, postupcima, rokovima, kao i drugim pitanjima od značaja za rad Sportske arbitraže (član 88. stav (5) ovog zakona).
- (6) Jedinice lokalne samouprave će u roku od šest mjeseci nakon donošenja Strategije razvoja sporta Kantona Sarajevo donijeti svoje:
- a) Strategije razvoja sporta (član 29. stav (1) ovog zakona),
 - b) Programe razvoja sporta (član 29. stav (2) ovog zakona).

Član 182.

(Obaveza i rok usklađivanja sa odredbama zakona)

- (1) Postojeće sportske organizacije, te sva druga pravna i fizička lica u oblasti sporta na koje se primjenjuju odredbe ovog zakona koji su registrovani prije stupanja na snagu ovog zakona dužni su da usklade svoju organizaciju, rad i opće akte sa odredbama ovog zakona u roku od tri mjeseca od dana stupanja na snagu podzakonskih i drugih akata iz člana 181. ovog zakona.
- (2) Postupak usklađivanja iz stava (1) ovog člana provodi se u skladu sa Zakonom o registraciji poslovnih subjekata u Federaciji Bosne i Hercegovine i zakonima o udruženjima i fondacijama.
- (3) Ako sportska organizacija ne izvrši usklađivanje u roku iz stava (1) ovog člana, Ministarstvo će, u upravnom postupku, rješenjem utvrditi prestanak ispunjavanja uslova za obavljanje djelatnosti, u skladu sa ovim zakonom.
- (4) Ministarstvo može odobriti dodatni rok za usklađivanje ako za to postoje opravdani razlozi (naročito zbog složenosti postupka usklađivanja, potrebe donošenja ili izmjene većeg broja općih akata, trajanja postupaka pred nadležnim organima ili drugih okolnosti na koje sportska organizacija nije mogla uticati).
- (5) Odredbe ovog člana ne odnose se na primjenu roka za ispunjavanje uslova za fizička lica iz člana 180. ovog zakona.

Član 183.

(Pravilnik o zdravstvenoj zaštiti sportista)

Ministar zdravstva Kantona Sarajevo, uz prethodne konsultacije sa Ministarstvom, u roku od tri mjeseca od dana stupanja na snagu ovog zakona:

- a) donosi pravilnik o zdravstvenoj zaštiti sportista (član 135. stav (1) ovog zakona),
- b) utvrđuje sadržaj obrasca i način vođenja medicinske dokumentacije o zdravstvenoj sposobnosti sportista (član 136. stav (2) ovog zakona).

Član 184.

(Međusobna saradnja organa i službi nadležnih za sport)

- (1) Radi ostvarivanja javnih interesa iz ovog zakona i drugih interesa sporta, organi i službe u jedinicama lokalne samouprave nadležni za organizovanje i praćenje sportske djelatnosti, obavezni su da sarađuju međusobno i sa nadležnim organima Kantona.
- (2) Ministarstvo, između istaknutih sportista i sportskih stručnjaka sa područja Kantona, predlaže Ministarstvu kulture i sporta Federacije Bosne i Hercegovine najmanje jednog kandidata za imenovanje za člana Vijeća za sport Bosne i Hercegovine.

Član 185.

(Primjena podzakonskih propisa)

Do donošenja propisa iz čl. 181. i 183. ovog zakona primjenjivaće se podzakonski propisi doneseni na osnovu Zakona o sportu ("Službene novine Kantona Sarajevo", broj 45/12 – Prečišćeni tekst i 36/21) i to:

- a) Pravilnik o bližim uslovima za organizovanje sportskih priredbi na području Kantona Sarajevo ("Službene novine Kantona Sarajevo", broj 23/03),
- b) Pravilnik o kategorizaciji sportista prema ostvarenim rezultatima ("Službene novine Kantona Sarajevo", broj 1/22),
- c) Pravilnik o bližim uslovima stručne spremlje stručnog kadra u sportu ("Službene novine Kantona Sarajevo", broj 23/03),
- d) Pravilnik o kategorizaciji i namjeni sportskih objekata na području Kantona Sarajevo ("Službene novine Kantona Sarajevo", broj 23/03),
- e) Pravilnik o zdravstvenom nadzoru sportista na području Kantona Sarajevo ("Službene novine Kantona Sarajevo", broj 27/03),
- f) Pravilnik o sadržaju i načinu vođenja matičnih evidencija u sportu ("Službene novine Kantona Sarajevo", broj 23/03),
- g) Pravilnik o kriterijima za podršku finansiranju javnog interesa u sportu Kantona Sarajevo („Službene novine Kantona Sarajevo”, br. 16/25 i 8/26),

- h) Pravilnik o kriterijima za sufinansiranje troškova treninga za seniorske ekipe premijerligaških klubova Kantona Sarajevo u ekipnim sportovima ("Službene novine Kantona Sarajevo", broj 27/20).

Član 186.

(Prestanak važenja ranijeg propisa)

Danom stupanja na snagu ovog zakona prestaje da važi Zakon o sportu ("Službene novine Kantona Sarajevo", broj 45/12 – Prečišćeni tekst i 36/21).

Član 187.

(Stupanje na snagu)

Ovaj zakon stupa na snagu osmog dana od dana objavljivanja u „Službenim novinama Kantona Sarajevo”.

Broj: 01-02- /26
Sarajevo, __. __. 2026. godine

PRESJEDAVAJUĆI SKUPŠTINE
KANTONA SARAJEVO

Elvedin Okerić

O B R A Z L O Ž E N J E

I - PRAVNI OSNOV

Pravni osnov za donošenje ovog zakona sadržan je u odredbama čl. 11. i 18. stav 1. tačka b) Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17).

- Član 11. Ustava Kantona Sarajevo određuje nadležnost na način da Kanton ima nadležnosti utvrđene Ustavom Federacije i ovim Ustavom. U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.
- Članom 18. stav 1. tačka b) Ustava Kantona Sarajevo je utvrđena nadležnost Skupštine Kantona Sarajevo da donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona.

II – RAZLOZI ZA DONOŠENJE

- **Novi Zakon o sportu je potrebno donijeti, prevashodno zbog zastarjelosti postojećeg zakona.**
Važeći Zakon o sportu donesen je 2001. godine koji, uprkos izmjenama i dopunama koje su rađene u međuvremenu, ne prati savremene trendove u razvoju sporta. Promjene u društvenim, tehnološkim i ekonomskim okolnostima zahtijevaju moderniji pravni okvir.
- **Nepotpuna i nejasna regulativa**
Važeći zakon često ostavlja prostor za različita tumačenja, što otežava njegovu primjenu. Tako npr. mnoge važne oblasti, poput finansiranja vrhunskih sportista, sporta osoba s invaliditetom, e-sporta ili volontiranja u sportu nisu adekvatno regulisane.
- **Neadekvatna podrška sportistima i klubovima**
Aktuelni model finansiranja sportskih klubova i organizacija nije dovoljno transparentan ni pravedna. Nedostaje jasna strategija za razvoj omladinskog sporta, školskog sporta i sporta rekreativnog karaktera.
- **Neadekvatna borba protiv dopinga i nasilja u sportu**
Postojeći zakon ne sadrži dovoljno mehanizama za prevenciju i sankcionisanje dopinga, huliganizma i diskriminacije.
- **Digitalizacija i modernizacija upravljanja sportom**
Potreban je zakon koji će omogućiti razvoj digitalnih platformi za upravljanje sportskim registrima, licenciranjem i praćenjem rezultata.

Ministarstvo kulture i sporta Kantona Sarajevo, kao predlagač Zakona, izvršilo je sljedeće izmjene i dopune Nacrta zakona o sportu, i to:

- čl. 180. i 182. Prijedloga zakona, imajući u vidu da je u toku razmatranja teksta zakona utvrđena određena kolizija između navedenih odredbi u pogledu rokova i načina usklađivanja fizičkih i pravnih lica sa uslovima propisanim Zakonom.

Naime, prvobitnim tekstom člana 180. bio je propisan rok za fizička lica za ispunjavanje uslova za rad u oblasti sporta, računajući od početka akademske godine u kojoj zakon stupa na snagu, dok je članom 182. bio propisan rok za usklađivanje organizacije, rada i općih akata sportskih

organizacija nakon donošenja podzakonskih akata. Takvo normiranje moglo je dovesti do nejasnoća u primjeni zakona, posebno u odnosu na međusobni odnos rokova za usklađivanje fizičkih lica i rokova za usklađivanje sportskih organizacija i drugih subjekata u oblasti sporta. Iz tog razloga pristupilo se preciziranju i usklađivanju navedenih odredbi, na način da je članom 180. jasno definisan prelazni period za fizička lica, uz precizno određivanje roka od četiri godine od dana stupanja na snagu zakona za ispunjavanje propisanih uslova, dok su članom 182. detaljnije uređeni obaveza, način i rokovi usklađivanja pravnih i fizičkih lica sa odredbama zakona, uključujući posljedice neusklađivanja i mogućnost odobravanja dodatnog roka u opravdanim slučajevima.

Predloženim izmjenama otklanjaju se postojeće nejasnoće i osigurava pravna sigurnost i dosljedna primjena zakona u prelaznom periodu.

- člana 68. Prijedloga zakona radi preciznijeg normiranja pitanja stečajnog postupka nad sportskim udruženjima i usklađivanja sa propisima kojima je uređena oblast stečaja.

Naime, prvobitnim tekstom stava (2) bila je posebno uređena obaveza dostavljanja dokaza o okončanju stečajnog postupka nadležnom sudu i organu za registraciju, kao i provođenje brisanja sportskog udruženja iz registra po službenoj dužnosti. Međutim, navedena pitanja već su uređena propisima kojima se reguliše stečajni postupak, uključujući pravne posljedice otvaranja i okončanja stečaja, nadležnosti organa koji provode postupak, kao i postupak brisanja pravnog lica iz registra.

Iz tog razloga izvršeno je nomotehničko i sadržajno usklađivanje odredbe, na način da se upućuje na primjenu Zakona o stečaju kao sistemskog propisa koji uređuje sva pitanja u vezi sa provođenjem i posljedicama stečajnog postupka.

Predloženom izmjenom izbjegava se dupliciranje zakonskih odredbi, smanjuje mogućnost različitog tumačenja propisa i osigurava dosljedna primjena zakona u skladu sa općim propisima iz oblasti stečaja.

- člana 105. Prijedloga zakona radi preciznijeg uređivanja pitanja stručnog osposobljavanja, edukacije, certificiranja i licenciranja lica za rad u sportu, kao i usklađivanja predmetne odredbe sa propisima iz oblasti visokog obrazovanja, obrazovanja odraslih i propisima koji regulišu osnivanje i djelovanje udruženja.

Naime, prvobitnim tekstom člana 105. bilo je propisano da naučnonastavničko vijeće članice visokoškolske ustanove, uz saglasnost nadležnih ministarstava, može osnovati udruženje stručnih, certificiranih i licenciranih lica osposobljenih za rad u sportu, pri čemu je normativni okvir bio usmjeren pretežno na visokoškolske ustanove kao nosioce ovih aktivnosti. Tokom razmatranja zakonskog teksta utvrđeno je da je potrebno jasnije definisati subjekte koji mogu obavljati poslove edukacije i osposobljavanja u oblasti sporta, te izbjeći ograničavanje ovih aktivnosti isključivo na visokoškolske ustanove i udruženja koja one osnivaju.

Iz tog razloga izvršeno je proširenje kruga subjekata koji mogu obavljati poslove stručnog osposobljavanja, edukacije, certificiranja i licenciranja lica za rad u sportu, tako da su, pored visokoškolskih ustanova, obuhvaćeni i centri za obrazovanje odraslih upisani u registar nadležnog ministarstva, kao i druga pravna i fizička lica koja ispunjavaju zakonom propisane uslove.

Također, izmjenama je precizirano da osnivanje udruženja stručnih lica predstavlja mogućnost, a ne obavezu, čime se osigurava veća fleksibilnost u organizovanju rada subjekata u oblasti sporta i obrazovanja. Dodatno su uređena pitanja statusa pravnog lica, obaveze osiguravanja uslova za rad stručnih lica, kao i nadležnosti organa obrazovnih ustanova u slučaju osnivanja udruženja.

Predloženim izmjenama postiže se jasnije i sveobuhvatnije normiranje predmetne oblasti, omogućava uključivanje većeg broja subjekata u sistem edukacije i osposobljavanja u sportu, te osigurava usklađenost zakonskih rješenja sa važećim propisima iz oblasti obrazovanja i rada udruženja.

- člana 169. u kojem je u stavu (1) izmijenjen uslov vezano za prijavljeno prebivalište u Kantonu Sarajevo. Naime, izmijenjeni uslov uvodi jasniji vremenski kriterij, odnosno obavezu da je sportista imao prijavljeno prebivalište u Kantonu Sarajevo najmanje pet godina prije ostvarivanja vrhunskog sportskog rezultata. Time se osigurava stvarna i kontinuirana povezanost sportiste sa Kantom Sarajevo, kao osnov za ostvarivanje prava koje se finansira iz budžeta Kantona Sarajevo. Također, kao uslov definisano je i trenutno prijavljeno prebivalište u Kantonu Sarajevo.

- člana 174. Prijedloga zakona radi preciznijeg uređivanja sistema nadzora nad provođenjem Zakona o sportu, jasnijeg definisanja nadležnosti Ministarstva, kao i efikasnijeg provođenja nadzornih i inspekcijskih aktivnosti u oblasti sporta.

Naime, prvobitnim tekstom bilo je propisano da nadzor nad provođenjem zakona vrši Ministarstvo, dok inspekcijski nadzor vrši Kantonalna uprava za inspekcijske poslove Kantona Sarajevo i budžetska inspekcija Ministarstva finansija Kantona Sarajevo, svaka u okviru svojih nadležnosti. Međutim, navedena odredba nije detaljnije uređivala sadržaj i obim nadzornih ovlaštenja Ministarstva niti način koordinacije sa inspekcijskim organima.

Iz tog razloga pristupilo se dopuni odredbe na način da su precizno definisane obaveze Ministarstva u postupku nadzora, uključujući praćenje primjene zakonskih odredbi, davanje smjernica za usklađivanje rada sportskih organizacija sa zakonom, zahtijevanje izvještaja o provođenju aktivnosti, iniciranje mjera za otklanjanje nepravilnosti.

Predloženim izmjenama postiže se jasnije razgraničenje nadležnosti između upravnog i inspekcijskog nadzora, unapređuje sistem kontrole primjene zakona i osigurava efikasnije provođenje zakonskih odredbi u oblasti sporta.

U okviru javne rasprave o Nacrtu zakona o sportu Kantona Sarajevo, koja je provedena na osnovu Zaključka Skupštine Kantona Sarajevo broj 01-02-39716/25 od 15.07.2025. godine, svoje komentare, sugestije i mišljenja dostavilo je **Ministarstvo pravde i uprave Kantona Sarajevo**. Komentari su se odnosili na više odredbi Nacrta zakona, prvenstveno u dijelu pravne preciznosti, usklađenosti sa drugim propisima i zaštite pravne sigurnosti.

Ministarstvo pravde i uprave ukazalo je da član 110. Nacrta zakona, koji uređuje obavljanje privredne djelatnosti, nije izmijenjen u skladu sa ranije prihvaćenom sugestijom iz postupka konsultacija, iako je u Izvještaju o provedenim konsultacijama navedeno da je prijedlog prihvaćen. Predlagač zakona prihvatio je ovu primjedbu i izvršio usklađivanje teksta.

U odnosu na članove 33. i 34. Nacrta zakona, koji uređuju status i imenovanje Vijeća za sport, Ministarstvo pravde i uprave istaklo je da Vijeće ne može biti definisano kao savjetodavno tijelo Ministarstva ukoliko ga imenuje i razrješava Vlada Kantona Sarajevo. Predlagač je prihvatio navedenu sugestiju radi preciznijeg određivanja statusa ovog tijela.

Komentar je dostavljen i na član 68. koji reguliše posljedice provođenja stečajnog postupka nad sportskim udruženjem. Ministarstvo pravde i uprave ukazalo je da su postupci stečaja uređeni Zakonom o stečaju Federacije Bosne i Hercegovine te da je potrebno preciznije normirati postupanje sudova i pravne posljedice stečaja. Predlagač zakona prihvatio je ovu sugestiju.

Na član 79. Nacrta zakona, koji uređuje sportsku organizaciju kao privredno društvo, Ministarstvo pravde i uprave iznijelo je mišljenje da formulacija može dovesti do pogrešnog tumačenja prema kojem samo lica koja imaju sportsko zvanje mogu biti osnivači privrednog društva u sportu. Također je ukazano na potrebu usklađivanja sa Zakonom o privrednim društvima Federacije Bosne i Hercegovine. Predlagač je prihvatio ovu sugestiju.

U vezi sa članom 169. koji uređuje pravo na trajnu novčanu naknadu sportistima i trenerima, Ministarstvo pravde i uprave ukazalo je da formulacija prema kojoj pravo može prestati prestankom ispunjavanja određenih uslova nije dovoljno precizna i može izazvati pravnu

nesigurnost i neujednačenu primjenu zakona. Predlagač zakona prihvatio je ovu primjedbu i izvršio dodatno preciziranje norme.

Najopsežnije primjedbe odnosile su se na član 170. Nacrta zakona, kojim se uređuje nastavak sportskog angažmana korisnika trajne novčane naknade. Ministarstvo pravde i uprave ocijenilo je da su odredbe ovog člana nedovoljno određene, te da mogu dovesti do arbitrarne primjene i eventualne povrede prava na imovinu garantovanog Evropskom konvencijom o ljudskim pravima. Posebno je problematizovana odredba prema kojoj sportista ili trener može izgubiti pravo na naknadu ukoliko se ne odazove pozivu saveza za daljnji angažman.

Predlagač zakona nije prihvatio ovu primjedbu. U obrazloženju je navedeno da trajna novčana naknada ne predstavlja isključivo individualno pravo, već je povezana sa ostvarivanjem javnog interesa u oblasti sporta. Istaknuto je da mogućnost angažovanja sportista i trenera ima za cilj prenos znanja, iskustva i promociju sportskih vrijednosti. Također je pojašnjeno da se pravo ne gubi automatski, već samo izuzetno i nakon provođenja odgovarajućeg upravnog postupka, čime se osiguravaju procesne garancije i zaštita prava korisnika. Predlagač smatra da je ograničenje proporcionalno legitimnom cilju razvoja sporta i da nije suprotno standardima Evropskog suda za ljudska prava.

Ministarstvo pravde i uprave dostavilo je komentar i na član 171. Nacrta zakona kojim je bilo propisano da sportista koji ostvaruje novčanu naknadu za sportsko postignuće u nekoj od država nastalih raspadom bivše SFRJ nema pravo na nagradu i naknadu prema ovom zakonu. Ukazano je da takvo rješenje može imati diskriminatoran karakter jer različito tretira sportiste u odnosu na državu iz koje ostvaruju naknadu. Predlagač zakona prihvatio je ovu primjedbu i izvršio izmjenu odredbe.

U toku javne rasprave o Nacrtu zakona o sportu Kantona Sarajevo, svoje prijedloge i sugestije dostavio je i **Karate savez Bosne i Hercegovine**, prvenstveno u dijelu koji se odnosi na status vrhunskih sportista i ostvarivanje prava na trajnu novčanu naknadu.

Prvi prijedlog odnosio se na član 169. Nacrta zakona kojim se uređuje pravo na trajnu novčanu naknadu za sportiste i trenere. Karate savez Bosne i Hercegovine predložio je proširenje obuhvata korisnika prava tako da se pravo na trajnu novčanu naknadu ne odnosi samo na sportiste koji ostvaruju rezultate u olimpijskim i paraolimpijskim sportovima, nego i na sportiste iz sportova koji nisu dio programa Olimpijskih igara, ali su priznati od strane Međunarodnog olimpijskog komiteta (MOK).

U obrazloženju prijedloga navedeno je da bi se na taj način osigurao jednak tretman sportista iz međunarodno priznatih sportova, poput karatea, koji iako nisu dio olimpijskog programa imaju razvijen sistem međunarodnih takmičenja i značajne sportske rezultate. Također je istaknuto da bi se predloženim rješenjem doprinijelo unapređenju sporta i pravednijem vrednovanju vrhunskih sportskih postignuća.

Predlagač zakona nije prihvatio ovu sugestiju. U obrazloženju je navedeno da je opredjeljenje predlagača da pravo na trajnu novčanu naknadu bude vezano isključivo za rezultate ostvarene u sportovima i disciplinama koje se nalaze na programu Olimpijskih ili Paraolimpijskih igara. Istaknuto je da olimpijski i paraolimpijski program predstavljaju najviši međunarodno priznati standard sportske konkurencije i institucionalne valorizacije sportskih rezultata. Također je navedeno da bi proširenje prava na sportove koji nisu dio olimpijskog programa značajno povećalo broj potencijalnih korisnika bez jasno definisanih kriterija u pogledu nivoa međunarodne konkurencije i sistema vrednovanja rezultata. Predlagač smatra da postojeće rješenje osigurava objektivni, jasan i jednak kriterij za ostvarivanje prava.

Drugi prijedlog Karate saveza Bosne i Hercegovine odnosio se na član 120. Nacrta zakona kojim se uređuje status vrhunskog sportiste. Predložene izmjene odnosile su se na usklađivanje zakonskog teksta sa aktuelnim međunarodnim sportskim standardima i organizacionim promjenama u međunarodnom sportskom sistemu.

Karate savez Bosne i Hercegovine ukazao je da je u tekstu zakona korišten naziv GAISF (General Association of International Sports Federations), organizacije koja je ugašena 2023. godine, te da su njene funkcije preuzete kroz sistem SportAccord organizacije. U obrazloženju je pojašnjeno da SportAccord danas okuplja ključne međunarodne sportske asocijacije, uključujući ARISF, koji obuhvata sportove priznate od strane Međunarodnog olimpijskog komiteta, ali koji nisu na programu Olimpijskih igara.

Predloženo je da se zakonske odredbe usklade sa novom međunarodnom sportskom strukturom, kako bi se omogućilo priznavanje sportova i disciplina koje djeluju u okviru SportAccorda i organizacija priznatih od strane MOK-a, uključujući karate.

Predlagač zakona prihvatio je ovu sugestiju, cijeneći da se radi o usklađivanju zakonskog teksta sa savremenim međunarodnim sportskim standardima i aktuelnom organizacionom strukturom međunarodnih sportskih federacija.

Karate savez Kantona Sarajevo dostavio je identične komentare i prijedloge kao i Karate savez Bosne i Hercegovine, i to u odnosu na član 169. i član 120. Nacrta zakona o sportu Kantona Sarajevo.

Predložene izmjene odnosile su se na:

- proširenje prava na trajnu novčanu naknadu iz člana 169. i na sportiste koji ostvaruju rezultate u sportovima priznatim od strane Međunarodnog olimpijskog komiteta, iako nisu na programu Olimpijskih igara;
- usklađivanje člana 120. sa aktuelnim međunarodnim sportskim standardima kroz zamjenu pojma GAISF pojmom SportAccord, uz priznavanje sportova i disciplina koje djeluju kroz njegove organizacione strukture.

Stav predlagača zakona bio je identičan kao i u slučaju komentara Karate savez Bosne i Hercegovine:

- prijedlog koji se odnosi na član 169. nije prihvaćen, uz obrazloženje da je opredjeljenje predlagača da pravo na trajnu novčanu naknadu bude vezano isključivo za rezultate ostvarene u sportovima i disciplinama koje su dio olimpijskog ili paraolimpijskog programa;
- prijedlog koji se odnosi na član 120. je prihvaćen, radi usklađivanja zakonskog teksta sa važećim međunarodnim sportskim standardima i organizacionim promjenama u okviru međunarodnih sportskih federacija.

Fudbalski klub Sarajevo dostavio je više komentara i prijedloga na Nacrt zakona o sportu Kantona Sarajevo, koji su se odnosili na definicije sporta, strateško planiranje i rad Vijeća za sport, uspostavu sportskog registra, finansiranje sporta i sponzorstva.

U odnosu na članove 4. i 5. Nacrta zakona, koji definišu sport i osnovne pojmove, podnosilac komentara smatrao je da definicije treba dodatno precizirati i uskladiti sa postojećim relevantnim zakonima kako bi se izbjegli potencijalni problemi u radu sportskih klubova i organizacija.

Stav predlagača bio je da se prijedlog prihvati.

Komentarom na članove 25. do 35., koji uređuju strategije razvoja sporta i uspostavu Vijeća za sport, FK Sarajevo predložio je osiguravanje jasnog i transparentnog učešća predstavnika relevantnih sportskih klubova i organizacija u donošenju strateških akata i radu Vijeća za sport. Predlagač zakona nije prihvatio ovaj prijedlog, uz obrazloženje da zakon definiše samo osnovne principe i okvir rada Vijeća, dok će pitanja imenovanja, zastupljenosti i procedura biti uređena podzakonskim aktima i odlukama Vlade.

Na član 37., kojim se uređuje uspostava i vođenje sportskog registra, podnosilac komentara izrazio je stav da bi novi registar mogao predstavljati dodatno administrativno i birokratsko opterećenje za sportske klubove i organizacije, te predložio odustajanje od njegovog uspostavljanja ili njegovo svođenje na evidenciju statističkog karaktera bez sankcija i dodatnih obaveza usklađivanja.

Stav predlagača bio je da se prijedlog ne prihvati, uz obrazloženje da registar predstavlja ključni instrument sistemskog nadzora, evidencije, planiranja i transparentnosti u oblasti sporta, te da neće predstavljati dupliciranje postojećih registara nego specijalizovanu evidenciju sportskih subjekata.

U vezi sa članom 154., FK Sarajevo predložio je povećanje minimalnog izdvajanja sredstava za sport sa 1,5% na 2% budžeta Kantona Sarajevo. Predlagač zakona nije prihvatio prijedlog, obrazlažući da je zakonsko garantovanje najmanje 1,5% budžetskih sredstava za sport već značajan iskorak u odnosu na raniji period, te da trenutne fiskalne mogućnosti Kantona ne omogućavaju dodatno povećanje obaveznog procenta izdvajanja.

Istim članom predloženo je i dodavanje novog stava kojim bi se 20% ukupnih sredstava namijenjenih ostvarivanju javnog interesa u sportu ravnomjerno raspoređivalo sportskim klubovima koji se takmiče u najvišem rangu takmičenja u sportovima organizovanim kroz najmanje tri ranga takmičenja u Bosni i Hercegovini. Podnosilac komentara obrazložio je da bi se na taj način osigurala transparentna, pravedna i predvidiva raspodjela sredstava, smanjio prostor za proizvoljno odlučivanje i omogućilo stabilnije finansiranje profesionalnih klubova. Stav predlagača bio je da se ovaj prijedlog prihvati.

Komentarom na član 161., koji se odnosi na mogućnost finansiranja sportskih aktivnosti od strane kantonalnih preduzeća koja posluju pozitivno, FK Sarajevo ukazao je na potrebu preciznijeg normiranja ove odredbe kako bi se osigurala autonomija samih preduzeća u donošenju odluka o sponzorstvu. Predlagač zakona nije prihvatio prijedlog, navodeći da postojeća formulacija ne ograničava autonomiju preduzeća, jer prijedlog Ministarstva ima karakter inicijative ili preporuke, dok konačnu odluku o sponzorstvu donose sama preduzeća u skladu sa svojim internim aktima i važećim propisima.

Općina Novi Grad Sarajevo dostavila je komentare i prijedloge na odredbe Nacrta zakona o sportu Kantona Sarajevo koje se odnose na strateško planiranje u oblasti sporta, vođenje registra sportskih subjekata i kriterije za raspodjelu budžetskih sredstava.

U odnosu na član 29. Nacrta zakona, kojim je propisana obaveza donošenja strategija razvoja sporta na nivou jedinica lokalne samouprave, podnosilac komentara ukazao je da Zakon o razvojnom planiranju Federacije Bosne i Hercegovine ne predviđa obavezu donošenja posebnih sektorskih strategija na nivou općina, već da jedinice lokalne samouprave donose jedinstvene razvojne strategije koje obuhvataju sve sektore, uključujući sport. Također je navedeno da bi donošenje posebnih strategija razvoja sporta predstavljalo dodatno administrativno i finansijsko opterećenje za jedinice lokalne samouprave, te je predloženo usklađivanje predmetne odredbe sa Zakonom o razvojnom planiranju Federacije Bosne i Hercegovine.

Stav predlagača bio je da se prijedlog ne prihvati, uz obrazloženje da član 29. omogućava jedinicama lokalne samouprave da, u skladu sa kantonalnom Strategijom razvoja sporta, donose vlastite strategije i programe razvoja sporta prilagođene specifičnostima lokalne zajednice, te da postojeći zakonski okvir već omogućava potrebnu fleksibilnost u planiranju.

Komentarom na član 37., koji uređuje uspostavu registra u oblasti sporta na nivou Kantona Sarajevo, Općina Novi Grad Sarajevo predložila je da se zadrži ranije zakonsko rješenje prema kojem bi općine vodile vlastite evidencije odnosno registre, dok bi resorno ministarstvo vodilo zajednički zbirni registar za područje Kantona Sarajevo radi praćenja stanja u oblasti sporta. Stav predlagača bio je da se ovaj prijedlog prihvati.

U vezi sa članom 154. stav (1) tačka c), podnosilac komentara predložio je da se iza riječi „vodeći računa o regionalnoj zastupljenosti“ dodaju riječi „te broj klubova koji djeluju na području lokalnih zajednica“.

Predlagač zakona nije prihvatio prijedlog, uz obrazloženje da postojeća formulacija već omogućava fleksibilnu i proporcionalnu raspodjelu sredstava prema regionalnoj zastupljenosti sportskih aktivnosti, te da bi dodatno preciziranje broja klubova moglo dovesti do nepotrebne rigidnosti, administrativne složenosti i favorizovanja sredina sa većim brojem klubova, bez obzira na stvarne potrebe i kvalitet sportskih aktivnosti.

Judo savez Kantona Sarajevo dostavio je komentare i prijedloge na više odredbi Nacrta zakona o sportu Kantona Sarajevo, koji su se odnosili na organizaciju i upravljanje sportskim udruženjima, sportske saveze, edukaciju i licenciranje stručnog kadra, sportski registar, organizaciju takmičenja i prekršajne odredbe.

U odnosu na članove 49. i 54. Nacrta zakona, podnosilac komentara ukazao je da propisivanje obaveznog upravnog i nadzornog odbora u sportskim udruženjima nije u skladu sa Zakonom o udruženjima i fondacijama FBiH, kojim je ostavljena mogućnost da udruženja samostalno uređuju svoju unutrašnju organizaciju. Predloženo je brisanje ili usklađivanje ovih odredbi.

Predlagač nije prihvatio ovaj prijedlog i u svome obrazloženju je naveo da Zakon o sportu predstavlja poseban propis u oblasti sporta (lex specialis), te da je propisivanje minimalnih standarda upravljanja opravdano radi transparentnosti, odgovornosti i efikasnog funkcionisanja većih sportskih organizacija.

Na član 61., koji se odnosi na upis u sportski registar, dostavljen je komentar kojim se ukazuje da je obaveza dostavljanja fotokopija ličnih karata osnivača u mnogim slučajevima neprovediva, posebno kada osnivači više nisu aktivni, nalaze se u inostranstvu ili nisu među živima.

Predlagač je prihvatio komentar i izvršio odgovarajuće izmjene predmetne odredbe.

Komentar na član 86. odnosio se na odredbu kojom Sportski savez Kantona Sarajevo utvrđuje programe kontinuirane edukacije, certificiranja i licenciranja sportskih stručnjaka. Judo savez Kantona Sarajevo smatrao je da su ove aktivnosti već uređene kroz državne granske saveze i međunarodne sportske organizacije, zbog čega je navedena odredba ocijenjena suvišnom.

Predlagač nije prihvatio ovaj prijedlog i obrazložio je da je zadržavanje ove odredbe potrebno radi koordinacije i usklađivanja edukacije i stručnog usavršavanja na nivou Kantona, kao i radi osiguranja minimalnih standarda za sve sportske discipline.

U vezi sa članom 87., kojim je predviđena mogućnost osnivanja granskih sportskih saveza na nivou grada ili općine, podnosilac komentara smatrao je da takvo rješenje nije potrebno.

Predlagač nije prihvatio ovaj prijedlog i u svome obrazloženju je istakao da se ovom odredbom ne nameće obaveza osnivanja saveza, već se omogućava organizovanje lokalnih sportskih subjekata radi koordinacije aktivnosti i ostvarivanja javnog interesa u sportu.

Na član 90., koji se odnosi na pripremanje i nastupanje kantonalnih reprezentacija na određenim takmičenjima, dostavljen je komentar da takvo rješenje nije praktično primjenjivo jer na federalnim i državnim prvenstvima učestvuju sportski klubovi, a na međunarodnim takmičenjima državne reprezentacije.

Predlagač je prihvatio komentar i izvršio izmjene predmetne odredbe.

Komentar na član 105. odnosio se na mogućnost da fakulteti osnivaju udruženja stručnih lica radi certificiranja i licenciranja kadrova u sportu. Podnosilac komentara smatrao je da te

poslove već obavljaju državni granski savezi u skladu sa pravilima međunarodnih sportskih federacija.

Predlagač je prihvatio komentar i izvršio odgovarajuće izmjene.

U odnosu na član 126., kojim se propisuje kontinuirano profesionalno usavršavanje i obnavljanje licenci sportskih stručnjaka, Judo savez Kantona Sarajevo smatrao je da nije potrebno dodatno licenciranje od strane drugih institucija, jer to već vrše državni granski savezi.

Predlagač nije prihvatio ovaj prijedlog i u svome obrazloženju je naveo da kontinuirano usavršavanje predstavlja važan mehanizam osiguranja kvaliteta rada i profesionalnih standarda u sportu, kao i zaštite javnog interesa u oblasti sporta.

Komentar na član 143. odnosio se na obavezu pribavljanja mišljenja jedinice lokalne samouprave kod organizacije međunarodnih sportskih takmičenja. Podnosilac komentara smatrao je da je ova obaveza nepotrebna s obzirom na teritorijalnu povezanost Kantona Sarajevo.

Predlagač nije prihvatio ovaj prijedlog i u svome obrazloženju i to je obrazložio da je uključivanje jedinica lokalne samouprave značajno radi koordinacije logističkih, sigurnosnih i organizacionih pitanja.

Na član 181., kojim su propisane prekršajne kazne, dostavljen je komentar da su predviđeni iznosi kazni previsoki u odnosu na odredbe Zakona o prekršajima Federacije BiH, te je predloženo njihovo smanjenje.

Predlagač nije prihvatio ovaj prijedlog i u svome obrazloženju je naveo da su predložene kazne određene radi osiguranja efikasne primjene zakona, zaštite sportista, finansijske transparentnosti i zakonitosti rada sportskih organizacija.

Kick boks savez Kantona Sarajevo je predložio da se u članu 34. Zakona precizno propiše koliko članova Vijeća za sport dolazi iz olimpijskih i neolimpijskih sportova, odnosno iz zimskih i ljetnih sportova, smatrajući da bi sastav jednog od najvažnijih sportskih tijela u Kantonu trebao biti definisan samim zakonom.

Predlagač nije prihvatio ovaj prijedlog i u svome obrazloženju je naveo da smatra da bi detaljno propisivanje kvota članova u samom zakonu ograničilo fleksibilnost prilikom imenovanja Vijeća za sport i otežalo prilagođavanje promjenama u sportskom sistemu i prioritetima razvoja sporta. Ocijenjeno je da se pitanja raspodjele članova po sportovima efikasnije uređuju podzakonskim aktima i pravilnicima Vlade, čime se omogućava operativna fleksibilnost bez potrebe za čestim izmjenama zakona.

Savez je naveo da član 49, kojim se propisuje obavezno postojanje Upravnog odbora u određenim sportskim udruženjima, nije usklađen sa Zakonom o udruženjima i fondacijama FBiH, koji udruženjima ostavlja slobodu da samostalno uređuju svoje organe upravljanja.

Predlagač nije prihvatio ovaj prijedlog i u svome obrazloženju naveo da smatra da Zakon o sportu, kao poseban propis (lex specialis), može propisati minimalne standarde upravljanja u sportskim organizacijama radi osiguranja transparentnosti, odgovornosti i efikasnog odlučivanja u većim udruženjima. Zadržavanje obaveznog Upravnog odbora ocijenjeno je opravdanim zbog zaštite javnog interesa i jasnije odgovornosti u radu sportskih organizacija.

Savez je također osporio član 54, kojim je predviđeno obavezno formiranje Nadzornog odbora u sportskim udruženjima sa više od 20 članova seniora, smatrajući da je i ova odredba u suprotnosti sa Zakonom o udruženjima i fondacijama FBiH.

Predlagač nije prihvatio ovaj prijedlog i u svome obrazloženju je naveo da zadržava isti stav kao i kod člana 49, navodeći da je opravdano propisati minimalne standarde upravljanja u većim sportskim organizacijama radi osiguranja transparentnosti, finansijske odgovornosti i zaštite javnog interesa u sportu.

Savez je smatrao da je član 86, koji Sportskom savezu Kantona Sarajevo daje nadležnost za programe kontinuirane edukacije, licenciranja i certificiranja sportskih stručnjaka, suvišan jer te aktivnosti već provode državni granski savezi u skladu sa pravilima međunarodnih sportskih organizacija. Ukazano je i na mogućnost da treneri sa važećim međunarodnim licencama ne mogu raditi u Kantonu Sarajevo bez dodatnih procedura.

Predlagač nije prihvatio ovaj prijedlog i u svome obrazloženju naveo da smatra da je ova odredba potrebna radi standardizacije i koordinacije edukacije i licenciranja sportskih stručnjaka na nivou Kantona Sarajevo. Istaknuto je da kantonalni okvir omogućava prilagođavanje lokalnim potrebama, uspostavljanje minimalnih standarda stručnog rada i koordinaciju u sportovima u kojima ne postoje razvijeni granski savezi.

Savez je izrazio protivljenje mogućnosti osnivanja velikog broja gradskih, općinskih i granskih sportskih saveza, smatrajući da bi to dovelo do nepotrebnog širenja administracije i formiranja velikog broja novih sportskih saveza u Kantonu Sarajevo.

Predlagač nije prihvatio ovaj prijedlog i u svome obrazloženju jenaveo da smatra da mogućnost osnivanja lokalnih i granskih saveza predstavlja važan okvir za koordinaciju sportskih aktivnosti na lokalnom nivou. Naglašeno je da zakon ne nameće obavezu njihovog osnivanja, već samo omogućava takvu organizaciju tamo gdje za to postoji potreba i interes sportskih klubova.

Savez je smatrao da su odredbe člana 90, koje predviđaju nastupanje kantonalnih reprezentacija na entitetskim, državnim i međunarodnim takmičenjima, nepotrebne jer na takvim takmičenjima učestvuju klubovi ili državne reprezentacije, a ne kantonalne selekcije.

Predlagač je prihvatio komentar i saglasio se da navedene odredbe treba korigovati.

Savez je osporio član 105, kojim je predviđeno da fakulteti osnivaju udruženja stručnih lica za rad u sportu, uključujući certificiranje i licenciranje stručnjaka. Smatraju da fakulteti, kao javne ustanove, ne trebaju osnivati nevladina udruženja, niti preuzimati nadležnosti koje već imaju državni granski savezi.

Predlagač je prihvatio komentar i saglasio se da navedene odredbe treba izmijeniti.

Savez je naveo da je nepotrebno da sportski stručnjaci obnavljaju licence i kod drugih institucija, jer licenciranje već provode državni granski savezi prema pravilima međunarodnih sportskih federacija.

Predlagač nije prihvatio ovaj prijedlog i u svome obrazloženju je naveo da smatra da je kontinuirano profesionalno usavršavanje potrebno radi osiguranja kvaliteta rada sportskih stručnjaka i zaštite javnog interesa u sportu. Zadržana je mogućnost dodatnog praćenja standarda i edukacije na kantonalnom nivou.

Savez je smatrao da je nepotrebno pribavljanje mišljenja jedinice lokalne samouprave prilikom organizacije međunarodnih sportskih takmičenja, jer Kanton Sarajevo funkcioniše kao jedinstvena urbana cjelina i često dolazi do promjene mjesta održavanja manifestacija.

Predlagač nije prihvatio ovaj prijedlog i u svome obrazloženju naveo da smatra da je uključivanje općina opravdano radi koordinacije infrastrukture, logistike, sigurnosti i saradnje sa lokalnim službama prilikom organizacije međunarodnih sportskih događaja.

Savez je predložio da pravo na trajnu mjesečnu novčanu naknadu imaju i osvajači medalja u sportovima koji nisu na programu Olimpijskih igara, ali su priznati od strane Međunarodnog olimpijskog komiteta, pri čemu bi naknade iznosile 50% iznosa predviđenog za olimpijske sportove.

Predlagač nije prihvatio ovaj prijedlog i u svome obrazloženju je zadržao stav da se trajne novčane naknade vezuju isključivo za rezultate ostvarene u olimpijskim i paraolimpijskim sportovima i disciplinama koje su dio zvaničnog olimpijskog programa, smatrajući da upravo taj program predstavlja najviši međunarodno priznati standard sportske konkurencije i valorizacije rezultata.

Savez je smatrao da su novčane kazne predviđene članom 181 previsoke, posebno za manje sportske klubove čiji godišnji budžeti često ne dostižu iznose propisanih kazni. Predloženo je usklađivanje sa Zakonom o prekršajima FBiH.

Predlagač nije prihvatio ovaj prijedlog i u svome obrazloženju je naveo da smatra da su predviđene kazne potrebne kako bi se osigurala efikasna primjena zakona, zaštita sportista, finansijska transparentnost i zakonit rad sportskih organizacija. Ocijenjeno je da bi znatno niže kazne umanjile preventivni efekat sankcija i smanjile odgovornost sportskih subjekata za poštovanje zakonskih obaveza.

Vazduhoplovni savez Bosne i Hercegovine dostavio je više primjedbi na Nacrt zakona o sportu KS, od kojih je većina odbijena.

Kod člana 34., Savez je tražio da se zakonom precizno definiše sastav Vijeća za sport, odnosno broj predstavnika olimpijskih, neolimpijskih, zimskih i ljetnih sportova. Predlagač nije prihvatio ovaj prijedlog smatrajući da bi takvo detaljno propisivanje smanjilo fleksibilnost pri imenovanju članova i da se ta pitanja trebaju uređivati podzakonskim aktima. Za članove 49. i 54., Savez je naveo da nije opravdano da sportska udruženja moraju imati Upravni i Nadzorni odbor, jer Zakon o udruženjima i fondacijama FBiH ostavlja udruženjima slobodu da sama određuju svoje organe. Predlagač nije prihvatio ovaj prijedlog što je obrazložio na način da Zakon o sportu kao poseban zakon može propisati minimalne standarde upravljanja radi transparentnosti, odgovornosti i zaštite javnog interesa.

Kod člana 61., Savez je ukazao na problem dostavljanja kopija ličnih karata osnivača klubova, jer su mnogi osnivači preminuli, neaktivni ili žive u inostranstvu. Predlagač je djelomično prihvatio prijedlog na način izmjene ove odredbe. Za član 86., Savez je smatrao da je nepotrebno da Sportski savez KS uređuje edukaciju i licenciranje stručnjaka, jer to već rade državni granski savezi prema pravilima međunarodnih federacija.

Predlagač nije prihvatio ovaj prijedlog smatrajući da kantonalni nivo treba imati koordinirajuću i nadzornu ulogu u edukaciji i stručnom usavršavanju.

Kod člana 87., Savez je upozorio da bi mogućnost osnivanja velikog broja gradskih i općinskih saveza dovela do nepotrebnog administrativnog širenja sistema. Ovaj prijedlog nije prihvaćen što je dato u obrazloženju te naglašeno je da zakon samo daje mogućnost osnivanja takvih saveza, ali ih ne nameće kao obavezu.

Za član 90., kojim su predviđene kantonalne reprezentacije, Savez je naveo da takva praksa praktično ne postoji na državnim i međunarodnim takmičenjima. Primjedba je usvojena.

Kod člana 105., Savez je smatrao da fakulteti ne mogu osnivati nevladina udruženja niti vršiti licenciranje stručnih lica u sportu.

Predlagač je prihvatio primjedbu i odustao od tog rješenja.

Za član 126., Savez je naveo da dodatno licenciranje od strane drugih institucija nije potrebno jer licenciranje već vrše državni sportski savezi. Nije prihvaćeno, jer predlagač smatra da je kontinuirana edukacija i nadzor stručnjaka važan dio zaštite kvaliteta sportskog sistema.

Kod člana 143., Savez je smatrao da nije potrebno pribavljati mišljenje općine za organizaciju međunarodnih takmičenja, jer Sarajevo funkcioniše kao jedinstvena urbana sredina. Nije prihvaćeno, što je obrazloženo na način da je uključivanje općina važno zbog logistike, infrastrukture i sigurnosne koordinacije.

Za član 169., Savez je tražio da pravo na trajnu novčanu naknadu imaju i osvajači medalja u neolimpijskim sportovima koje priznaje Međunarodni olimpijski komitet.

Nije prihvaćeno, predlagač ostaje pri stavu da se trajne naknade odnose samo na olimpijske i paraolimpijske sportove.

Kod člana 181., Savez je naveo da su predviđene novčane kazne previsoke za sportske klubove i nesrazmjerne njihovim budžetima.

Nije prihvaćeno jer predlagač smatra da visoke kazne imaju preventivnu svrhu i da su potrebne radi zaštite zakonitosti i odgovornosti u sportu.

Ministarstvo za odgoj i obrazovanje Kantona Sarajevo je dostavilo svoje komentare, primjedbe i prijedloge za sljedeće odredbe:

Član 104, Ministarstvo je predložilo da pravilnik o organizaciji školskog sporta i školskih takmičenja ne donosi ministar kulture i sporta samo nakon konsultacija, nego uz prethodno pribavljeno pozitivno mišljenje Ministarstva za odgoj i obrazovanje KS. Kao razlog naveli su svoju zakonsku nadležnost nad osnovnim i srednjim obrazovanjem u Kantonu Sarajevo. Predlagač je prihvatio prijedlog i saglasio se da je uključivanje Ministarstva za odgoj i obrazovanje opravdano zbog njegove nadležnosti u oblasti obrazovanja.

Član 115, Ministarstvo je tražilo da se pravilnik kojim se uređuje kategorizacija sportista donosi uz konsultacije s Ministarstvom za odgoj i obrazovanje, jer status perspektivnog sportiste utiče i na prava učenika u školama, uključujući specijalni status, izostanke s nastave i prilagođeno školovanje.

Predlagač je prihvatio prijedlog i uvažio potrebu saradnje dva ministarstva zbog povezanosti sportskog statusa i prava učenika u obrazovnom sistemu.

Član 144, Ministarstvo je predložilo da se među subjekte koji mogu organizovati sportska takmičenja i manifestacije izričito uključe i osnovne i srednje škole, zbog brojnih školskih sportskih aktivnosti koje se organizuju u Kantonu Sarajevo. Ovaj prijedlog Nije prihvaćen. Predlagač smatra da škole već imaju mogućnost organizovanja školskih sportskih aktivnosti kroz posebne odredbe zakona koje regulišu školski sport, te da ih nije potrebno dodatno navoditi u članu 144. Također je navedeno da bi dodatno propisivanje bilo pravno suvišno i moglo izazvati nejasnoće u primjeni zakona.

Član 154, Ministarstvo je tražilo da se školska sportska takmičenja posebno navedu kao oblast od javnog interesa koja se finansira iz budžeta Kantona Sarajevo. Ovom zahtjevu se nije udovoljilo. Naime, obrazloženo je da su školska i studentska takmičenja već obuhvaćena postojećim odredbama člana 154., posebno kroz finansiranje školskog sporta i rada školskih sportskih sekcija, pa dodatno navođenje nije potrebno. Predlagač smatra da postojeći tekst već omogućava finansiranje školskih sportskih aktivnosti.

III – OBRAZLOŽENJE POJEDINIH ODREDBI

Ovim zakonom uređuje se sport u Kantonu Sarajevo (u daljnjem tekstu: Kanton) i jedinicama lokalne samouprave na području Kantona (Grad Sarajevo i općine u sastavu Kantona), uključujući, ali ne ograničavajući se na, osnovne principe sporta, javni (opći) interes (u daljnjem tekstu: javni interes) i ciljeve u sportu, organizaciju sporta, pravna i fizička lica u oblasti sporta, njihova prava i obaveze, zdravstvenu zaštitu u sportu i antidoping kontrolu, sportska takmičenja i priredbe, sportske objekte, suzbijanje nedoličnog ponašanja na sportskim priredbama, informatiku u sportu, finansiranje sporta, nadzor nad provođenjem zakona i kaznene odredbe. Detalji o svakom od ovih elemenata će biti dodatno razrađeni u poglavljima ovog zakona.

DIO PRVI – OPŠTE ODREDBE – uređuje predmet Zakona, rodnu ravnopravnost izraza, zabranu diskriminacije u sportu, definiciju sporta, kao i značenje osnovnih pojmova koji se

koriste u ovom zakonu. Ovim dijelom uspostavljaju se osnovni principi i terminološki okvir za jedinstvenu primjenu zakona u oblasti sporta na području Kantona Sarajevo.

Član 1. – Propisuje predmet Zakona, odnosno pitanja koja se uređuju ovim zakonom, uključujući organizaciju sporta, prava i obaveze subjekata u sportu, finansiranje, sportske objekte, zdravstvenu zaštitu, sportska takmičenja, nadzor i druga pitanja od značaja za oblast sporta u Kantonu Sarajevo i jedinicama lokalne samouprave.

Član 2. – Utvrđuje princip rodne ravnopravnosti izraza korištenih u zakonu, odnosno propisuje da se izrazi navedeni u jednom gramatičkom rodu odnose ravnopravno na muškarce i žene.

Član 3. – Propisuje zabranu neposredne i posredne diskriminacije sportista u obavljanju sportskih aktivnosti i ostvarivanju prava u oblasti sporta, te uređuje pravnu zaštitu sportista od diskriminatornog postupanja sportskih organizacija. Ovim članom dodatno se osigurava zaštita profesionalnih sportista u pogledu rada, ugovornih odnosa i prava na naknadu štete, u skladu sa općim propisima obligacionog prava.

Član 4. – Definiše pojam sporta u smislu ovog zakona, te precizira oblasti koje obuhvata sport, uključujući organizovani sport, sportsku rekreaciju, sport lica sa invaliditetom, školski i univerzitetski sport, kao i elektronski sport (e-sport). Također se propisuju aktivnosti koje se smatraju sportskim aktivnostima u smislu ovog zakona.

Član 5. – Uređuje značenje osnovnih pojmova koji se koriste u ovom zakonu radi osiguranja jedinstvene primjene i pravne sigurnosti. Ovim članom detaljno se definišu pojmovi koji se odnose na sportiste, sportske organizacije, stručna lica u sportu, sportske saveze, sportske manifestacije, sportska takmičenja, licence i certifikate, kao i druge pojmove od značaja za oblast sporta. Definicije su prilagođene savremenim trendovima razvoja sporta i potrebama preciznijeg normativnog uređenja sistema sporta u Kantonu Sarajevo.

POGLAVLJE I. – OSNOVNI PRINCIPI U SPORTU – uređuje osnovne principe i načela na kojima se zasniva sportski sistem Kantona Sarajevo, uključujući zaštitu prava sportista, zabranu diskriminacije, afirmaciju olimpijskih vrijednosti, stručnost u radu, zaštitu djece, sprječavanje nasilja i dopinga, autonomiju sportskih organizacija, kao i odnos sportskog sistema prema međunarodnim sportskim pravilima i propisima.

Član 6. – Propisuje osnovne principe organizovanja sporta na području Kantona Sarajevo, uključujući zaštitu prava sportista, jednak pristup sportu, afirmaciju olimpijskih vrijednosti, stručnost i razvoj sportskog sistema, zdravstvenu zaštitu sportista, kao i obavezu suzbijanja nasilja, dopinga i drugih oblika nesportskog ponašanja.

Članovi 7., 8. i 9. – Uređuju osnovna načela u sportu, posebnu zaštitu djece u sportu, te pravo na zaštitu dostojanstva i ličnog integriteta svih učesnika u sportu. Ovim odredbama dodatno se osigurava usklađenost zakona sa međunarodnim konvencijama i standardima u oblasti ljudskih prava, zaštite djece, zabrane diskriminacije i zaštite lica sa invaliditetom.

Članovi 10., 11. i 12. – Propisuju da je sport djelatnost od javnog interesa za čije se ostvarenje staraju Kanton i jedinice lokalne samouprave, te uređuju obavezu suprotstavljanja upotrebi

nedozvoljenih stimulativnih sredstava i provođenja mjera za sprječavanje svih oblika nasilja na sportskim takmičenjima, priredbama i manifestacijama.

Članovi 13., 14., 15. i 16. – Uređuju obavezu poštovanja međunarodnih sportskih pravila, načelo stručnosti u radu u sportu, ostvarivanje prava i obaveza putem nadležnih sportskih saveza, kao i međunarodnu zastupljenost kantonalnih sportskih saveza. Ovim odredbama dodatno se jača usklađenost sportskog sistema Kantona sa međunarodnim sportskim standardima i pravilima organizovanja sporta u Bosni i Hercegovini.

Članovi 17., 18., 19. i 20. – Propisuju oblast primjene zakona, shodnu primjenu drugih propisa, decentralizovano organizovanje sporta u Kantonu Sarajevo, te autonomiju sportskih organizacija u uređivanju unutrašnjih odnosa i donošenju sportskih pravila, u skladu sa zakonom i međunarodnim sportskim pravilima.

POGLAVLJE II. – INTERESI, CILJEVI I POTREBE U SPORTU – uređuje javni interes u oblasti sporta, ciljeve razvoja sporta u Kantonu Sarajevo i jedinicama lokalne samouprave, kao i potrebe građana u oblasti sporta koje se finansiraju iz javnih sredstava. Ovim poglavljem utvrđuje se sistemska uloga Kantona i jedinica lokalne samouprave u planiranju, finansiranju i unapređenju sporta kao djelatnosti od javnog interesa.

Član 21. – Propisuje da je sport djelatnost od javnog interesa za Kanton i jedinice lokalne samouprave, te definiše ciljeve i oblasti od javnog interesa u sportu. Ovim članom uređuju se aktivnosti i programi koji se finansiraju i sufinansiraju iz javnih sredstava, uključujući vrhunski sport, sport za sve, sport lica sa invaliditetom, školski i univerzitetski sport, zdravstvenu zaštitu sportista, razvoj sportske infrastrukture, stručno osposobljavanje i međunarodnu saradnju u sportu.

Član 22. – Uređuje potrebe i interese građana u oblasti sporta na nivou jedinica lokalne samouprave za čije se ostvarivanje obezbjeđuju sredstva u budžetima gradova i općina. Poseban fokus stavljen je na razvoj sporta djece i mladih, sportsku rekreaciju, unapređenje sportske infrastrukture, podršku sportskim organizacijama, zaštitu zdravlja sportista i sprječavanje negativnih pojava u sportu.

Članovi 23. i 24. – Propisuju način ostvarivanja javnog interesa u sportu od strane Kantona i jedinica lokalne samouprave. Ovim odredbama uređuju se nadležnosti u pogledu planiranja razvoja sporta, finansiranja i sufinansiranja sportskih programa, izgradnje i održavanja sportskih objekata, te stvaranja uslova za razvoj sporta i sportske rekreacije na području Kantona i jedinica lokalne samouprave.

POGLAVLJE III. – STRATEGIJE I PROGRAMI RAZVOJA SPORTA – uređuje planski i strateški razvoj sporta u Kantonu Sarajevo i jedinicama lokalne samouprave, način donošenja strateških i programskih dokumenata u oblasti sporta, njihovu sadržinu, finansiranje, kao i osnivanje i nadležnosti Vijeća za sport Kantona Sarajevo kao savjetodavnog tijela Ministarstva.

Članovi 25., 26. i 27. – Propisuju donošenje Strategije razvoja sporta Kantona Sarajevo kao osnovnog planskog dokumenta za razvoj sporta u periodu od osam godina, sadržaj Strategije, kao i način obezbjeđenja sredstava za njenu realizaciju. Ovim odredbama uređuju se strateški

ciljevi razvoja sporta, nosioci njihovog provođenja, prioriteti finansiranja i razvoj sportske infrastrukture, uz uvažavanje principa ravnopravnosti, dostupnosti sporta i uključivanja svih društvenih grupa.

Članovi 28., 29. i 30. – Uređuju donošenje programa razvoja sporta i godišnjih programa razvoja sporta na nivou Kantona i jedinica lokalne samouprave. Ovim odredbama uspostavlja se sistem planskog i kontinuiranog razvoja sporta, uz međusobnu usklađenost strateških i programskih dokumenata različitih nivoa vlasti.

Članovi 31. i 32. – Propisuju sadržaj godišnjih programa razvoja sporta Kantona i jedinica lokalne samouprave, uključujući ciljeve sportske politike, kriterije finansiranja, organizaciju sportskih aktivnosti i takmičenja, razvoj stručnih poslova u sportu, zdravstvenu zaštitu sportista i način realizacije programa razvoja sporta.

Članovi 33. i 34. – Uređuju osnivanje, sastav, nadležnosti i način rada Vijeća za sport Kantona Sarajevo kao savjetodavnog tijela Ministarstva kulture i sporta Kantona Sarajevo. Ovim odredbama definiše se uloga Vijeća u davanju mišljenja i preporuka u vezi sa strateškim i programskim dokumentima, analizom stanja sporta, unapređenjem sportskog sistema i pripremom prijedloga mjera za razvoj sporta u Kantonu Sarajevo.

DIO DRUGI – ORGANIZOVANJE SPORTA – uređuje sportske djelatnosti i aktivnosti, nosioce sportskih aktivnosti, upis u registre u oblasti sporta, kao i uslove za obavljanje sportskih djelatnosti i aktivnosti na području Kantona Sarajevo. Ovim dijelom uspostavlja se pravni i organizacioni okvir za funkcionisanje sportskog sistema i subjekata u oblasti sporta.

Član 35. – Definiše sportsku djelatnost i sportsku aktivnost, te propisuje nadležnost Ministarstva za davanje mišljenja o tome da li određena djelatnost ili aktivnost predstavlja sportsku djelatnost u određenoj grani sporta, uz uvažavanje međunarodnih sportskih pravila i standarda.

Član 36. – Propisuje da su nosioci sportskih aktivnosti pravna i fizička lica registrovana za obavljanje sportskih djelatnosti u skladu sa ovim zakonom i drugim relevantnim propisima kojima se uređuje rad udruženja, fondacija, privrednih društava, javnih preduzeća i ustanova. Ovim članom osigurava se usklađenost sportskog sistema sa važećim pravnim okvirom u Bosni i Hercegovini i Federaciji Bosne i Hercegovine.

Član 37. – Uređuje obavezu upisa pravnih i fizičkih lica u oblasti sporta u posebne registre koje vodi Ministarstvo kulture i sporta Kantona Sarajevo, kao i način vođenja tih registara. Ovim članom uspostavlja se jedinstvena evidencija subjekata u oblasti sporta radi efikasnijeg praćenja, planiranja i nadzora nad sportskim sistemom u Kantonu Sarajevo.

Član 38. – Propisuje uslove za obavljanje sportskih djelatnosti i aktivnosti, uključujući angažovanje sportista i stručnih lica, obezbjeđenje odgovarajućih sportskih objekata, opreme i unutrašnje organizacije. Također se uređuje obaveza sportskih organizacija koje učestvuju u takmičenjima da u svom nazivu koriste riječ „klub“, kao i donošenje podzakonskog akta kojim će se detaljnije urediti postupak utvrđivanja ispunjenosti propisanih uslova.

POGLAVLJE I. – PRAVNA LICA U OBLASTI SPORTA – uređuje vrste pravnih lica u oblasti sporta, način njihovog osnivanja, organizovanja i upravljanja, prava i obaveze članova

sportskih udruženja, kao i pitanja statusa, unutrašnje organizacije i rada sportskih organizacija na području Kantona Sarajevo. Ovim poglavljem uspostavlja se pravni okvir za djelovanje sportskih organizacija u skladu sa propisima kojima se uređuje oblast sporta, udruženja i privrednih društava.

Članovi 39., 40. i 41. – Propisuju vrste pravnih lica u oblasti sporta, definišu sportski klub kao osnovnu sportsku organizaciju, te uređuju način sticanja svojstva pravnog lica sportskih udruženja u skladu sa propisima o udruženjima i fondacijama. Ovim odredbama precizira se organizaciona struktura sportskog sistema i pravni status subjekata u sportu.

Članovi 42., 43., 44. i 45. – Uređuju pitanja skupštine sportskog udruženja, organizacionih dijelova sportskog udruženja, osnivača i postupka osnivanja sportskog udruženja. Ovim odredbama definišu se osnovni elementi organizovanja i funkcionisanja sportskih udruženja, uključujući osnivačke akte, unutrašnju organizaciju i postupak registracije.

Članovi 46., 47. i 48. – Propisuju pitanja članstva u sportskom udruženju, prava i način istupanja članova iz sportskog udruženja, kao i disciplinsku odgovornost i postupke unutar sportskih organizacija. Ovim odredbama osigurava se zaštita prava članova sportskih organizacija, transparentnost disciplinskih postupaka i usklađenost sa principima pravičnog postupka.

Članovi 49., 50. i 51. – Uređuju organe upravljanja sportskim udruženjem, nadležnosti i način rada skupštine sportskog udruženja, kao i postupak sazivanja i održavanja vanredne sjednice skupštine. Ovim odredbama uspostavljaju se principi demokratskog upravljanja, odgovornosti i transparentnosti rada sportskih organizacija.

Članovi 52. i 53. – Uređuju zastupanje i predstavljanje sportskog udruženja, prava i obaveze ovlaštenog lica, kao i obavezu informisanja organa upravljanja i skupštine o radu i finansijskom poslovanju sportskog udruženja. Ovim odredbama osigurava se odgovornost i transparentnost u radu sportskih organizacija.

Član 54. – Propisuje obavezu uspostavljanja nadzornog odbora u sportskim udruženjima sa većim brojem članova, njegovu nadležnost u vršenju kontrole finansijskog poslovanja, kao i mogućnost angažovanja revizora. Ovim članom jača se sistem unutrašnje finansijske kontrole i nadzora rada sportskih udruženja.

Članovi 55. i 56. – Uređuju pitanja sukoba interesa i ograničenja prava glasanja u sportskim udruženjima. Ovim odredbama propisuju se obaveze ovlaštenih lica i članova organa upravljanja u cilju sprječavanja zloupotrebe funkcije, zaštite interesa sportskog udruženja i osiguranja transparentnog i nepristrasnog odlučivanja. Također se uređuje postupak utvrđivanja postojanja sukoba interesa i pravne posljedice povrede propisanih obaveza.

Članovi 57., 58., 59. i 60. – Propisuju pitanja naziva, sjedišta i vizuelnog identiteta sportskih udruženja, postupak upisa u registre, te podatke koji se upisuju u registre sportskih organizacija. Ovim odredbama uređuje se pravni identitet sportskih organizacija, uspostavlja jedinstven sistem evidencije sportskih subjekata i obezbjeđuje transparentnost njihovog rada. Posebno se

uređuje obaveza upisa u Sportski registar Ministarstva kulture i sporta Kantona Sarajevo kao uslov za obavljanje sportskih aktivnosti i ostvarivanje prava na finansiranje iz javnih sredstava.

Član 61. – Uređuje postupak upisa sportskog udruženja u Sportski registar koji vodi Ministarstvo kulture i sporta Kantona Sarajevo, sadržaj registracione prijave, dokumentaciju koja se prilaže uz zahtjev, rokove za podnošenje prijave i prijavu promjena podataka. Ovim odredbama uspostavlja se jedinstven i transparentan sistem evidencije sportskih udruženja na području Kantona Sarajevo, osigurava pravna sigurnost i kontrola zakonitosti rada sportskih organizacija, te omogućava Ministarstvu vođenje ažurnih podataka o subjektima u oblasti sporta. Također se propisuje obaveza donošenja podzakonskog akta kojim će se detaljnije urediti postupak upisa i vođenje Sportskog registra.

Član 62. – Propisuje šta čini imovinu sportskog udruženja, uključujući nepokretnosti, finansijska sredstva, donacije, članarine, prihode od ugovora, sponzorstava i drugih aktivnosti. Ovim članom uređuje se način raspolaganja imovinom sportskog udruženja u skladu sa statutom i zakonom, te se jasno utvrđuje da imovina predstavlja vlasništvo sportskog udruženja i da se ne može dijeliti između članova udruženja. Na taj način osigurava se zaštita imovine sportskih organizacija i njeno korištenje isključivo za ostvarivanje sportskih i statutarne ciljeva.

Član 63. – Propisuje obavezu sportskog udruženja da vodi poslovne knjige i sastavlja finansijske izvještaje u skladu sa propisima iz oblasti računovodstva i revizije. Ovom odredbom osigurava se zakonito, transparentno i odgovorno finansijsko poslovanje sportskih udruženja, kao i mogućnost kontrole korištenja finansijskih sredstava, posebno sredstava iz javnih izvora.

Član 64. – Uređuje način korištenja imovine sportskog udruženja i raspodjelu ostvarene dobiti. Ovim članom propisuje se da se imovina i neto dobit sportskog udruženja mogu koristiti isključivo za ostvarivanje ciljeva definisanih statutom, dok je zabranjena raspodjela imovine ili dobiti članovima udruženja. Na taj način potvrđuje se neprofitni karakter sportskih udruženja i osigurava da sva ostvarena sredstva budu usmjerena na razvoj sportskih aktivnosti i ostvarivanje javnog interesa u oblasti sporta.

Član 65. – Uređuje način sticanja dobiti sportskog udruženja i mogućnost obavljanja privrednih djelatnosti radi pribavljanja sredstava za ostvarivanje statutarne ciljeva i aktivnosti. Ovim odredbama propisuje se da sportsko udruženje može osnivati posebne subjekte za obavljanje privrednih i drugih djelatnosti, dok se nesrodne privredne djelatnosti mogu obavljati isključivo preko posebno osnovanog pravnog lica. Također se jasno utvrđuje da se ostvarena dobit može koristiti samo za ostvarivanje ciljeva i zadataka utvrđenih statutom sportskog udruženja, te da se ne može dijeliti između osnivača i članova udruženja. Na taj način osigurava se očuvanje neprofitnog karaktera sportskih udruženja i zakonito korištenje ostvarenih prihoda.

Član 66. – Propisuje način raspodjele imovine nakon prestanka rada sportskog udruženja. Ovim članom uređuje se da se preostala imovina raspoređuje u skladu sa statutom i odlukom nadležnog organa udruženja, dok se u slučajevima kada je udruženje koristilo javne povlastice ili primilo značajna budžetska i druga donatorska sredstva, imovina prenosi na drugo udruženje sa istom ili sličnom statutarne djelatnošću registrovano na području Kantona Sarajevo.

Također se propisuje obaveza korištenja prenesene imovine isključivo za sportske ciljeve, kao i ovlaštenje Ministarstva da odluči o raspodjeli imovine ukoliko nadležni organ udruženja ne donese odgovarajuću odluku. Ovim odredbama štiti se javni interes i osigurava namjensko korištenje imovine stečene kroz javnu podršku i donacije.

Član 67. – Uređuje razloge i postupak prestanka rada sportskog udruženja. Ovim članom propisuju se slučajevi u kojima sportsko udruženje prestaje sa radom, uključujući odluku nadležnog organa udruženja, statusne promjene, smanjenje broja članova ispod zakonom propisanog minimuma, neodržavanje skupštine, zabranu rada, stečaj i druge zakonom ili statutom propisane razloge. Također se propisuje da se pojedini razlozi za prestanak rada utvrđuju nakon provedenog inspekcijskog nadzora, kao i da sportsko udruženje formalno prestaje sa radom donošenjem rješenja nadležnog organa za registraciju. Ovim odredbama osigurava se pravna sigurnost, zakonitost rada sportskih organizacija i uspostavlja jasan postupak njihovog prestanka rada.

Član 68. – Propisuje mogućnost provođenja stečajnog postupka nad sportskim udruženjem na način i pod uslovima propisanim Zakonom o stečaju.

Član 69. – Uređuje vrste statusnih promjena sportskog udruženja, uključujući pripajanje, spajanje, podjelu, odvajanje i transformaciju, kao i prenos imovine, prava i obaveza na pravne sljednike. Također se propisuje da statusne promjene sportskih udruženja koja učestvuju u ligaškim takmičenjima ne smiju uticati na regularnost takmičenja i zahtijevaju saglasnost nadležnog kantonalnog sportskog saveza.

Član 70. – Propisuje obavezu sportskih udruženja koja učestvuju u statusnim promjenama da sačine finansijski izvještaj prema stanju na dan statusne promjene, u skladu sa propisima o računovodstvu i reviziji, radi osiguranja transparentnosti finansijskog poslovanja.

Član 71. – Uređuje postupke pripajanja i spajanja sportskih udruženja, pri čemu se pripajanjem imovina, prava i obaveze jednog udruženja prenose na drugo postojeće udruženje, dok se spajanjem osniva novo sportsko udruženje na koje prelaze prava i obaveze udruženja koja se spajaju.

Član 72. – Propisuje postupak upisa pripajanja sportskog udruženja u nadležne registre i Sportski registar, pravne posljedice upisa, kao i prestanak postojanja pripojenog udruženja nakon izvršenog upisa.

Član 73. – Uređuje dokumentaciju koja se prilaže uz prijavu za upis pripajanja u Sportski registar, uključujući odluke skupština, ugovor o pripajanju, registracionu dokumentaciju i saglasnost nadležnog kantonalnog sportskog saveza, radi osiguranja zakonitosti i transparentnosti postupka.

Član 74. – Uređuje sadržaj ugovora o pripajanju sportskog udruženja, uključujući podatke o udruženjima koja učestvuju u pripajanju, prenos imovine, prava i obaveza, kao i prava članova udruženja koje se pripaja. Također se propisuje zaštita povjerilaca kroz mogućnost zahtjeva za obezbjeđenje ili isplatu potraživanja, te pravne posljedice u slučaju neispunjavanja tih obaveza.

Član 75. – Propisuje da se na postupak spajanja sportskih udruženja primjenjuju odredbe o pripajanju, dok se na novoosnovano sportsko udruženje primjenjuju odredbe o osnivanju sportskog udruženja. Ovim članom uređuju se i pravne posljedice spajanja, uključujući prenos imovine, prava, obaveza, članstva i zaposlenih na novo sportsko udruženje.

Član 76. – Uređuje podjelu sportskog udruženja kao statusnu promjenu kojom postojeće udruženje prestaje sa radom, a njegova imovina i obaveze prenose se na više novih sportskih udruženja. Također se propisuje način raspodjele imovine, kao i postupanje sa imovinom udruženja koja su koristila javna sredstva ili povlastice.

Član 77. – Propisuje odvajanje kao statusnu promjenu kojom se dio imovine sportskog udruženja prenosi na novo ili postojeće sportsko udruženje, dok postojeće udruženje nastavlja sa radom. Ovim članom uređuju se i pitanja pravnog sljedništva, odgovornosti za obaveze i primjena odredbi koje se odnose na osnivanje, spajanje i pripajanje sportskih udruženja.

Član 78. – Uređuje postupak upisa sportskih udruženja nastalih podjelom ili odvajanjem u nadležne registre i Sportski registar, kao i obavezu zaključenja diobnog bilansa kojim se uređuje raspodjela imovine, prava, obaveza, članstva i zaposlenih. Također se propisuje obaveza usklađivanja statuta sportskog udruženja nakon provedene statusne promjene.

Član 79. – Ovim članom uređuje se mogućnost osnivanja sportske organizacije kao privrednog društva radi obavljanja sportske djelatnosti s ciljem sticanja dobiti, u skladu sa propisima kojima se uređuju privredna društva. Također se propisuje obaveza da lica koja obavljaju stručne poslove u sportu imaju odgovarajuća sportska zvanja, čime se osigurava stručnost i kvalitet rada u sportskim organizacijama.

Članovi 80., 81. i 82. – Ovim odredbama uređuju se osnovni oblici organizovanja sportskih klubova, te razlika između amaterskih i profesionalnih sportskih klubova. Propisuje se da se amaterski klubovi organizuju kao neprofitna udruženja, dok se profesionalni sportski klubovi osnivaju kao privredna društva i registruju u skladu sa propisima o privrednim društvima i registraciji poslovnih subjekata. Ovim se jasno razgraničavaju pravni oblici organizovanja u sportu i uređuje njihov pravni status.

Član 83. – Propisuje mogućnost udruživanja sportskih klubova u sportska društva radi ostvarivanja zajedničkih ciljeva i interesa. Ovim članom uređuju se međusobni odnosi članica sportskog društva, pravo na zajednički naziv i simbole, kao i primjena odredbi zakona koje se odnose na sportska udruženja na sportska društva, ukoliko nije drugačije propisano.

Članovi 84. i 85. – Uređuju osnivanje, status, djelokrug rada i ciljeve Sportskog saveza Kantona Sarajevo kao najvišeg oblika udruživanja u oblasti sporta na području Kantona. Ovim odredbama propisuje se način osnivanja i finansiranja Saveza, njegov odnos prema članicama, podrška sportu lica sa invaliditetom, kao i javna ovlaštenja koja Savez obavlja u oblasti vođenja sportskih evidencija i izdavanja odgovarajućih akata. Također se definišu osnovni ciljevi djelovanja Saveza u pravcu razvoja, organizacije i unapređenja sporta na području Kantona Sarajevo.

Član 86. – Ovim članom uređuje se donošenje općih i posebnih sportskih pravila na području Kantona Sarajevo. Propisuje se nadležnost Sportskog saveza Kantona za utvrđivanje općih sportskih pravila usklađenih sa međunarodnim standardima, kao i obaveza granskih saveza da donose pravila za svoje sportske grane. Ovim odredbama osigurava se jedinstven sistem sportskih pravila, zaštita etike i fer-pleja u sportu, stručni razvoj kadrova i uređenje sportskih odnosa na području Kantona.

Član 87. – Propisuje mogućnost osnivanja gradskih i općinskih sportskih saveza radi ostvarivanja zajedničkih interesa i razvoja sporta na lokalnom nivou. Ovim članom uređuje se njihov pravni status, način organizovanja i obaveza upisa u Sportski registar, kao i mogućnost osnivanja granskih sportskih saveza na nivou grada i općine za pojedine sportove.

Član 88. – Uređuje osnivanje i rad Sportske arbitraže kao nezavisnog tijela za rješavanje sportskih sporova između članova Sportskog saveza Kantona Sarajevo. Ovim odredbama propisuje se sastav arbitraže, način imenovanja arbitara, nadležnost, hitnost postupka i konačnost odluka, čime se obezbjeđuje efikasno i stručno rješavanje sportskih sporova.

Član 89. – Propisuje osnivanje i djelovanje granskih sportskih saveza na nivou Kantona i jedinica lokalne samouprave radi organizovanja takmičenja, ostvarivanja zajedničkih interesa i povezivanja sportskih klubova u okviru pojedinih sportova. Ovim odredbama uređuje se način njihovog udruživanja na višim nivoima organizovanja, princip jednog saveza za jedan sport, kao i mogućnost registracije saveza i u slučajevima nedovoljne razvijenosti određenog sporta uz saglasnost Ministarstva.

Članovi 90. i 91. – Ovim odredbama uređuju se nadležnosti i reprezentativnost kantonalnih sportskih saveza. Propisuju se njihove osnovne funkcije u organizovanju sportskih takmičenja, predstavljanju sporta, razvoju sportskih programa i saradnji sa nadležnim institucijama i savezima viših nivoa. Također se uređuju kriteriji za ostvarivanje javnog interesa i mogućnost priznavanja reprezentativnosti granskih saveza u specifičnim sportskim granama.

Član 92. – Propisuje sistem kantonalne kategorizacije sportova, sportista, sportskih stručnjaka u sportu i sportskih radnika. Ovim članom uređuju se kriteriji za vrednovanje sportskih rezultata, kvaliteta rada, značaja i razvijenosti sportova, kao i način sticanja odgovarajućih sportskih statusa, u cilju stvaranja jedinstvenog sistema vrednovanja i podrške sportu na području Kantona.

Članovi 93., 94. i 95. – Ovim odredbama uređuje se osnivanje i djelovanje sportskih klubova lica sa invaliditetom, kao i njihovo organizovanje u amaterskom i profesionalnom obliku. Propisuje se da se amaterski klubovi organizuju kao neprofitna udruženja, dok se profesionalni klubovi osnivaju kao privredna društva, čime se obezbjeđuje pravni okvir za razvoj i unapređenje sporta lica sa invaliditetom.

Član 96. – Propisuje mogućnost udruživanja sportskih klubova lica sa invaliditetom u sportska društva radi ostvarivanja zajedničkih ciljeva i interesa. Ovim članom uređuju se međusobni odnosi članica, pravo na zajednički naziv i simbole, kao i primjena odredbi zakona koje se odnose na sportska udruženja na sportska društva lica sa invaliditetom.

Članovi 97. i 98. – Ovim odredbama uređuje se osnivanje, organizacija i nadležnost sportskih saveza lica sa invaliditetom na nivou Kantona i jedinica lokalne samouprave. Propisuje se način njihovog udruživanja, ostvarivanje javnog interesa u oblasti sporta lica sa invaliditetom, kao i njihove nadležnosti u organizovanju takmičenja, predstavljanju sporta lica sa invaliditetom i provođenju razvojnih programa u skladu sa strategijama razvoja sporta.

Član 99. – Propisuje osnivanje i djelovanje udruženja sportske rekreacije radi unapređenja zdravlja, fizičkih sposobnosti i organizovanja sportskih aktivnosti građana u slobodno vrijeme. Ovim članom uređuje se i mogućnost njihovog udruživanja u saveze sportske rekreacije na kantonalnom i državnom nivou, uključujući i udruženja lica sa invaliditetom za sportsku rekreaciju.

Član 100. – Ovim članom uređuje se osnivanje ustanova u oblasti sporta od strane Kantona, jedinica lokalne samouprave, kao i drugih pravnih i fizičkih lica. Propisuju se djelatnosti koje ustanove mogu obavljati, kao i uslovi u pogledu prostora, opreme, stručnog kadra i organizacije rada, čime se osigurava kvalitetno obavljanje sportskih djelatnosti i razvoj sporta.

Član 101. – Propisuje mogućnost osnivanja javnih preduzeća za obavljanje sportskih djelatnosti od strane Kantona ili jedinica lokalne samouprave. Ovim članom uređuju se uslovi za njihov rad, uključujući obezbjeđenje prostora, opreme, stručnog kadra i sigurnosnih uslova za obavljanje sportskih djelatnosti u skladu sa zakonom i podzakonskim propisima.

Članovi 102., 103. i 104. – Uređuju oblast školskog i univerzitetskog sporta, organizovanje školskih i univerzitetskih sportskih saveza, kao i način organizacije sportskih takmičenja u obrazovnim ustanovama. Ovim odredbama podstiče se razvoj sporta među djecom, učenicima i studentima, te uspostavlja saradnja obrazovnih institucija i nadležnih organa u oblasti sporta.

Članovi 105., 106., 107. i 108. – Propisuju osnivanje i djelovanje udruženja stručnih lica u sportu, stručnih sportskih udruženja, sportskih sindikata i drugih sportskih organizacija. Ovim odredbama uređuje se stručno osposobljavanje, organizovanje i zaštita prava sportskih stručnjaka i sportista, kao i uslovi za rad sportskih organizacija koje obavljaju obuku i druge sportske djelatnosti.

POGLAVLJE II. - PRAVA I OBAVEZE PRAVNIH LICA

Članovi 109. i 110. – Ovim odredbama uređuje se pravni status sportskih organizacija kao udruženja, način njihovog organizovanja i mogućnost obavljanja privrednih djelatnosti radi ostvarivanja sportskih ciljeva. Propisuje se i obaveza angažovanja stručnih lica za provođenje sportskih aktivnosti, kao i namjensko korištenje ostvarene dobiti isključivo za potrebe razvoja i djelovanja sportske organizacije.

Član 111. – Propisuje mogućnost zasnivanja radnog odnosa u sportskim organizacijama sa sportistima, stručnim radnicima u sportu, sportskim radnicima i drugim licima angažovanim u sportu, te uređuje prava i obaveze iz radnog odnosa u skladu sa radnim zakonodavstvom. Ovim odredbama osigurava se pravna zaštita zaposlenih i uređivanje radnopravnog statusa u oblasti sporta.

Član 112. – Uređuje status pripravnika i lica na stručnom osposobljavanju u sportskim organizacijama, trajanje stručnog osposobljavanja, prava pripravnika, obavezu mentorstva i uslove za obavljanje stručnih poslova. Ovim odredbama uspostavlja se sistem stručnog

usavršavanja i praktičnog osposobljavanja kadrova u oblasti sporta, uz osiguranje stručnog nadzora i primjene propisanih standarda.

POGLAVLJE III. - FIZIČKA LICA U OBLASTI SPORTA

Član 113. – Ovim članom uređuju se učesnici u sistemu sporta u Kantonu, te se definišu fizička i pravna lica koja mogu obavljati sportske djelatnosti u skladu sa zakonom. Odredbom se uspostavlja pravni okvir za organizovanje i funkcionisanje sistema sporta, uz jasno određivanje nosilaca sportskih aktivnosti i djelatnosti.

ODJELJAK A. - SPORTISTI

Članovi 114. i 115. – Ovim odredbama definiše se pojam sportiste, oblici bavljenja sportom i status perspektivnog sportiste. Propisuju se uslovi za sticanje statusa perspektivnog sportiste, prava na stipendiju za ostvarene vrhunske rezultate, kao i način kategorizacije sportista prema sportskim rezultatima.

Članovi 116. i 117. – Uređuju prava i obaveze sportista, uključujući zaštitu njihovog integriteta, zdravlja i dostojanstva, pravo na korištenje sportske infrastrukture i učešće u reprezentativnim selekcijama. Istovremeno se propisuju obaveze poštivanja sportskih pravila, sportskog ponašanja, redovnog treniranja i saradnje sa nadležnim zdravstvenim i antidoping organima.

Član 118. – Propisuje akte kojima se uređuju prava i obaveze sportista amatera i profesionalnih sportista, uključujući sportska pravila, opće akte sportskih organizacija, ugovore i radnopravne propise. Ovim odredbama uređuje se pravni status sportista i način njihovog angažovanja u sportskim organizacijama.

Član 119. – Ovim članom uređuje se učešće stranih državljana u sportskim takmičenjima na području Kantona, kao i njihova prava i obaveze u sportskim organizacijama. Propisuje se obaveza pribavljanja dozvole za rad i registracije kod nadležnih organa, čime se osigurava zakonito angažovanje stranih sportista i stručnih lica u sportu.

Članovi 120., 121. i 122. – Uređuju status vrhunskog i profesionalnog sportiste, uslove za sticanje tog statusa, kao i prava i obaveze profesionalnih sportista i sportskih organizacija. Ovim odredbama propisuje se način zaključivanja i registracije ugovora, trajanje radnog odnosa, prava iz radnog odnosa i uslovi angažovanja profesionalnih sportista u skladu sa sportskim i radnim propisima.

Član 123. – Propisuje prava i obaveze sportista amatera, vrste ugovora koje mogu zaključivati sa sportskim organizacijama, te način uređivanja naknada, stipendija i drugih prava sportista amatera. Ovim odredbama uređuje se pravni osnov za angažovanje i razvoj amaterskog sporta, uz zaštitu prava sportista i obavezu registracije ugovora kod nadležnih sportskih saveza.

Član 124. – Ovim članom reguliše se ugovor o sportskom angažmanu sportiste amatera koji nema karakter radnog odnosa, te prava i obaveze koje proizlaze iz takvog angažmana.

Član 125. – Ovim članom uređuje se ugovor o stipendiranju sportiste do 24 godine, prava na stipendiju i naknadu troškova, kao i poreski tretman tih primanja.

ODJELJAK B. - STRUČNI RADNIK U SPORTU

Član 126. – Ovim članom definišu se stručni radnik u sportu, uključujući različite stručne profile koji učestvuju u organizaciji, vođenju i unapređenju sportskih aktivnosti. Propisuje se obaveza posjedovanja odgovarajućih stručnih kvalifikacija, licenci i kontinuiranog profesionalnog usavršavanja, u skladu sa zakonom i standardima nadležnih sportskih saveza i institucija.

Član 127. – Ovim članom definišu se sportski trener, kondicijski trener, instruktor i demonstrator, njihove uloge u provođenju sportske pripreme, rekreacije i obuke, kao i uslovi stručne osposobljenosti za obavljanje tih poslova.

Član 128. – Ovim članom uređuju se vrste stručnih poslova u sportu, uključujući planiranje i realizaciju sportskih aktivnosti, treniranje sportista, sportsku rekreaciju, edukaciju, menadžment, zaštitu sportista i upravljanje sportskim objektima i opremom.

Član 129. – Ovim članom propisuju se ograničenja za lica osuđena ili protiv kojih se vodi krivični postupak za određena krivična djela, kojima se zabranjuje učešće u sportskim takmičenjima, obavljanje stručnih poslova i rad u organima upravljanja sportskih organizacija.

Član 130. – Ovim članom propisuje se obaveza sportske organizacije da osigura sportiste i stručna lica od posljedica nesretnog slučaja tokom obavljanja sportskih aktivnosti i stručnih poslova u sportu.

Član 131. – Ovim članom uređuje se radni i stručni angažman stručnih radnika u sportu i sportskih radnika, uključujući mogućnost zasnivanja radnog odnosa ili angažovanja putem ugovora koji nema karakter radnog odnosa. Također se propisuje mogućnost ugovaranja posebnih naknada i nagrada za sportske rezultate i korištenje lika stručnog lica.

ODJELJAK C. - ORGANIZACIJA I VOĐENJE SPORTSKOG TAKMIČENJA ILI SPORTSKE PRIREDBE (MANIFESTACIJE, SUSRETI, SMOTRE I IGRE)

Član 132. – Ovim članom uređuju se uslovi koje moraju ispunjavati lica koja učestvuju u organizaciji i vođenju sportskih takmičenja i manifestacija, kao i zabrane sukoba interesa i povezanosti sa sportskim kladionicama radi zaštite regularnosti sportskih takmičenja.

Član 133. – Ovim članom propisuje se zabrana obavljanja odgovornih funkcija u organizaciji sportskih takmičenja za lica osuđena za određena krivična djela i prekršaje, s ciljem zaštite integriteta sporta i sigurnosti učesnika, posebno djece.

POGLAVLJE IV. - ZDRAVSTVENA ZAŠTITA U SPORTU I ANTIDOPING KONTROLA

Član 134. – Ovim članom propisuje se obaveza redovnog utvrđivanja zdravstvene sposobnosti sportista, sportskih stručnjaka i lica koja učestvuju u organizaciji takmičenja, radi zaštite zdravlja i sigurnosti učesnika u sportu.

Član 135. – Ovim članom uređuje se obaveza obezbjeđenja zdravstvene zaštite sportista i učesnika sportskih aktivnosti, kao i donošenje pravilnika kojim se definišu način, obim i dinamika zdravstvenih pregleda.

Član 136. – Ovim članom propisuje se vođenje evidencije o zdravstvenoj sposobnosti sportista kroz medicinsku dokumentaciju, u skladu sa propisima iz oblasti zdravstva.

Član 137. – Ovim članom zabranjuje se izlaganje sportista aktivnostima koje mogu ugroziti njihovo zdravlje, kao i upotreba i davanje nedozvoljenih stimulativnih sredstava u sportu.

Član 138. – Ovim članom propisuje se obaveza prethodnog utvrđivanja zdravstvene sposobnosti učenika i studenata prije uključivanja u školske i studentske sportske aktivnosti i takmičenja.

Član 139. – Ovim članom uređuje se provođenje antidoping kontrole u skladu sa međunarodnim pravilima, obaveza sportista da se podvrgnu kontroli, kao i edukacija o antidoping u njegovim posljedicama.

Član 140. – Ovim članom reguliše se postupak i sankcije u slučaju povrede antidoping pravila, uključujući zabranu ometanja antidoping kontrole i obavezu saradnje sportskih organizacija sa nadležnim antidoping institucijama.

Član 141. – Ovim članom propisuje se obaveza sportskih organizacija i stručnih lica da kontinuirano educiraju sportiste o štetnosti dopinga i značaju fer-pleja u sportu.

DIO TREĆI – SPORTSKA TAKMIČENJA, SPORTSKA PRIREDBA (MANIFESTACIJE, SUSRETI, SMOTRE I IGRE), SPORTSKI OBJEKTI, SUZBIJANJE NEDOLIČNOG PONAŠANJA NA SPORTSKIM TAKMIČENJIMA, PRIREDBAMA ILI MANIFESTACIJAMA I INFORMATIKA U SPORTU

Član 142. – Ovim članom uređuju se uslovi za organizaciju sportskih takmičenja, priredbi i manifestacija, uključujući obavezu obezbjeđenja odgovarajućih objekata, opreme, stručnih lica i drugih zakonom propisanih uslova. Također se uređuju prava službenih lica na naknade, kao i zabrana organizovanja takmičenja zasnovanih na „slobodnoj borbi“, radi zaštite sigurnosti učesnika i javnog interesa.

Član 143. – Ovim članom uređuju se uslovi i postupak kandidovanja za organizaciju međunarodnih sportskih takmičenja na teritoriji Kantona. Propisuju se potrebne saglasnosti, kriteriji i obaveza izrade elaborata, s ciljem osiguranja kvalitetne organizacije događaja od međunarodnog značaja i promocije sporta Kantona Sarajevo.

Član 144. – Ovim članom definiše se pojam sportske priredbe, te se propisuje da organizaciju sportskih takmičenja, priredbi i manifestacija mogu vršiti sportske organizacije i druga lica upisana u sportski registar, pod uslovima propisanim zakonom i sportskim pravilima.

Član 145. – Ovim članom definiše se pojam sportskog objekta kao prostora namijenjenog obavljanju sportskih aktivnosti. Propisuje se obaveza prilagođenosti objekata licima sa invaliditetom, kao i ispunjavanja standarda međunarodnih sportskih asocijacija i drugih važećih propisa.

Član 146. – Ovim članom uređuje se kategorizacija sportskih objekata prema vrsti prostora na otvorene i zatvorene sportske objekte, te se detaljnije definišu njihove karakteristike i namjena. Odredbom se omogućava jasna klasifikacija sportskih objekata radi njihovog pravilnog korištenja i upravljanja.

Član 147. – Ovim članom propisuju se obaveze vlasnika, odnosno držaoca sportskog objekta u pogledu njegovog korištenja, održavanja i sigurnosti korisnika. Propisuje se obaveza održavanja tehničke ispravnosti, higijenskih uslova i pristupačnosti za lica sa invaliditetom, kao i poštivanje pravila nadležnih sportskih saveza prilikom izgradnje, rekonstrukcije i održavanja sportskih objekata.

Član 148. – Ovim članom uređuje se namjena i promjena namjene sportskih objekata. Propisuje se da se namjena sportskog objekta ne može mijenjati bez saglasnosti nadležnih organa, osim u izuzetnim slučajevima utvrđenim zakonom. Odredbom se štiti javni interes i očuvanje sportske infrastrukture, uz mogućnost promjene namjene kada za to postoje opravdani razlozi.

Član 149. – Ovim članom definiše se pojam javnog sportskog terena, te se uređuju obaveze vlasnika u vezi sa njegovim uređenjem, održavanjem, sigurnošću korisnika i organizacijom reda na terenu. Propisuje se i obaveza obezbjeđenja signalizacije, spasilaca i hitne medicinske pomoći kada to priroda aktivnosti zahtijeva, s ciljem sigurnog korištenja javnih sportskih površina.

Član 150. – Ovim članom uređuje se pitanje sportskih objekata od javnog interesa za Kanton. Propisuje se da se sufinansiranje izgradnje, održavanje, evidencija i korištenje takvih objekata uređuje posebnim sporazumom između nadležnih institucija i vlasnika objekta, dok će se posebnom odlukom Skupštine utvrditi kriteriji za određivanje sportskih objekata od javnog interesa.

Član 151. – Ovim članom uređuje se sprečavanje i suzbijanje nasilja i nedoličnog ponašanja gledalaca na sportskim priredbama. Propisuje se obaveza nadležnih organa i organizatora sportskih događaja da preduzimaju mjere sigurnosti u skladu sa međunarodnim standardima i posebnim propisima, radi zaštite gledalaca, učesnika sportskih događaja, imovine i javnog reda.

Član 152. – Ovim članom uređuje se uspostavljanje jedinstvenog informacionog sistema u sportu na nivou Kantona radi sistematskog praćenja i evidentiranja stanja u oblasti sporta. Propisuje se obaveza usklađivanja sistema sa informacionim sistemom Bosne i Hercegovine i evropskim standardima, kao i obaveza svih registrovanih sportskih subjekata da vode evidencije u skladu sa tim sistemom.

Član 153. – Ovim članom uređuje se vođenje evidencija u sportu radi organizovanog praćenja razvoja sporta i planiranja sportskih politika u Kantonu. Propisuje se koje evidencije vodi Sportski savez Kantona, način njihovog vođenja i čuvanja, te obaveza sportskih organizacija i drugih subjekata da prijavljuju podatke i njihove promjene u propisanim rokovima. Također se predviđa donošenje pravilnika kojim će se detaljnije urediti sadržaj i način vođenja evidencija u sportu.

DIO ČETVRTI – FINANSIRANJE SPORTA

POGLAVLJE I. - FINANSIRANJE JAVNOG INTERESA U OBLASTI SPORTA

Član 154. – Ovim članom uređuje se finansiranje javnog interesa u oblasti sporta na području Kantona Sarajevo. Propisuju se oblasti i aktivnosti koje se smatraju javnim interesom u sportu, uključujući razvoj vrhunskog sporta, izgradnju i održavanje sportskih objekata, unapređenje

stručnog rada, zdravstvene zaštite sportista, školskog i rekreativnog sporta, organizaciju sportskih manifestacija i podršku sportskim organizacijama. Također se propisuje minimalan procenat budžetskih sredstava namijenjenih sportu, način njihove raspodjele i kontrole utroška, kao i obaveza transparentnog izvještavanja i sankcionisanja eventualnih zloupotreba sredstava.

Član 155. – Ovim članom uređuje se način realizacije javnog interesa u oblasti sporta putem finansiranja ili sufinansiranja programa i projekata u sportu. Propisuje se način dostavljanja programa od strane nosilaca programa, kao i mogućnost dodjele preostalih neutrošenih budžetskih sredstava bez javnog poziva za hitne i neplanirane aktivnosti od posebnog javnog interesa za Kanton.

Član 156. – Ovim članom uređuje se zaključivanje ugovora o realizaciji programa između Ministarstva i nosioca odobrenog programa. Propisuju se obavezni elementi ugovora, uključujući ciljeve programa, način korištenja sredstava, nadzor nad realizacijom i obavezu izvještavanja, čime se osigurava transparentno i namjensko korištenje javnih sredstava u oblasti sporta.

POGLAVLJE II. - FINANSIRANJE PROGRAMA U OBLASTI SPORTA

Član 157. – Ovim članom uređuje se krug ovlaštenih subjekata koji mogu podnositi prijedloge programa i projekata za ostvarivanje javnog interesa u oblasti sporta, kao i vrste programa koje mogu kandidovati nadležnim organima. Propisuje se da prijedloge godišnjih programa aktivnosti mogu podnositi kantonalni sportski savezi i sportske organizacije, dok prijedloge za izgradnju, rekonstrukciju, sanaciju i opremanje sportskih objekata podnose vlasnici ili korisnici objekata i zemljišta uz odgovarajuću saglasnost vlasnika. Također se uređuje pravo nadležnih kantonalnih sportskih saveza da predlažu programe stipendiranja, usavršavanja vrhunskih sportista, dodjele sportskih priznanja i organizovanja kampova za perspektivne sportiste. Članom se dodatno propisuje da prijedloge za organizovanje međunarodnih sportskih manifestacija mogu podnositi subjekti koji su prethodno obezbijedili potrebne saglasnosti za kandidovanje i organizaciju manifestacije, dok prijedloge naučnoistraživačkih i edukativnih programa mogu podnositi akreditovane visokoškolske ustanove, instituti i druge organizacije koje se bave edukacijom i stručnim usavršavanjem u sportu. Cilj ove odredbe je jasno definisanje nadležnosti i odgovornosti subjekata u sistemu sporta, te osiguravanje transparentnog i organizovanog postupka kandidovanja programa i projekata od javnog interesa za Kanton.

Član 158. – Ovim članom uređuju se uslovi i kriteriji za odobravanje programa i projekata kojima se ostvaruje javni interes u oblasti sporta, kao i kriteriji za dodjelu budžetskih sredstava za njihovu realizaciju. Propisuje se obaveza da nosioci programa obezbijede dio vlastitih sredstava ili sredstava drugih zainteresovanih subjekata, te da se budžetska sredstva dodjeljuju samo za programe koji se ne mogu u dovoljnoj mjeri realizovati bez javnog finansiranja. Članom se utvrđuje da programi moraju biti od kantonalnog ili šireg lokalnog značaja, usklađeni sa zakonom, općim aktima i sportskim pravilima, te da ih mogu realizovati isključivo registrovani i finansijski uredni subjekti u sportu. Također se propisuju kriteriji prioriteta prilikom dodjele sredstava, pri čemu prednost imaju programi višeg ranga takmičenja, razvojni i strukturni programi, programi granskih sportskih saveza, kao i programi od posebnog značaja

za razvoj sporta i postizanje vrhunskih rezultata. Posebno se uređuje pitanje opravdanosti troškova, kontrole korištenja sredstava, mogućnosti finansiranja administrativnih troškova, kao i izuzetaka za finansiranje nepredviđenih troškova završenih programa. Cilj ove odredbe je osiguravanje transparentnog, ekonomičnog i namjenskog korištenja budžetskih sredstava, ravnopravnog tretmana podnosilaca programa i efikasnog ostvarivanja javnog interesa u oblasti sporta.

Član 159. – Ovim članom uređuje se nadzor nad realizacijom programa i projekata koji se finansiraju iz budžeta Kantona radi ostvarivanja javnog interesa u oblasti sporta. Propisuje se obaveza Ministarstva da vrši kontrolu namjenskog korištenja dodijeljenih sredstava, prati realizaciju odobrenih programa i o tome redovno izvještava Vladu Kantona. Također se uređuje obaveza korisnika budžetskih sredstava da dostavljaju periodične i završne izvještaje sa odgovarajućom dokumentacijom o realizaciji programa, postignutim rezultatima i utrošku sredstava. Članom se dodatno propisuju mjere koje Ministarstvo može preduzeti u slučaju neispunjavanja ugovornih obaveza, uključujući obustavu finansiranja i raskid ugovora, kao i zabrana dodjele novih sredstava korisnicima koji nisu dostavili propisane izvještaje. Također se uređuje obaveza javne transparentnosti rada korisnika sredstava, čuvanje dokumentacije o realizaciji programa u određenom roku i obaveza namjenskog korištenja budžetskih sredstava. Cilj ove odredbe je osiguravanje zakonitog, transparentnog i odgovornog korištenja javnih sredstava u oblasti sporta, te efikasna kontrola realizacije programa od javnog interesa.

Član 160. – Ovim članom uređuje se obaveza povrata budžetskih sredstava dodijeljenih za realizaciju programa kojima se ostvaruje javni interes u oblasti sporta, u slučajevima kada nosilac programa ne ispuní propisane ili ugovorene obaveze. Propisuje se da je korisnik sredstava dužan vratiti sredstva ukoliko je dao netačne ili nepotpune podatke, nije realizovao program ili ga je realizovao samo djelimično, sredstva koristio nenamjenski, nije dostavio potrebne izvještaje ili je onemogućio provođenje kontrole. Također se uređuje obaveza Ministarstva da po završetku programa izvrši analizu ostvarenih rezultata i procijeni da li su postignuti planirani efekti programa, te da u slučaju značajnih nepravilnosti pokrene postupak utvrđivanja odgovornosti. Članom se dodatno propisuje mogućnost zabrane dodjele budžetskih sredstava nosiocima programa koji su prekršili obaveze utvrđene zakonom ili ugovorom, u periodu od dvije godine od utvrđivanja nepravilnosti. Cilj ove odredbe je zaštita budžetskih sredstava, jačanje finansijske discipline i odgovornosti korisnika javnih sredstava, te osiguravanje zakonitog i efikasnog finansiranja sportskih programa od javnog interesa.

POGLAVLJE III. - FINANSIRANJE SPORTSKIH AKTIVNOSTI

Član 161. – Ovim članom uređuju se izvori finansiranja sportskih aktivnosti i djelatnosti u Kantonu. Propisuje se da se sredstva za finansiranje sporta mogu obezbjeđivati iz članarina, budžetskih sredstava svih nivoa vlasti, donacija i sponzorstava, prihoda od zakupa i kamata, prihoda od igara na sreću, vlastitih aktivnosti sportskih organizacija, sredstava kantonalnih preduzeća koja posluju pozitivno, kao i iz drugih zakonitih izvora prihoda. Cilj ove odredbe je osiguravanje raznovrsnih i održivih izvora finansiranja sporta radi unapređenja sportskih aktivnosti, razvoja sportskih organizacija i stvaranja uslova za kvalitetnije funkcionisanje sportskog sistema u Kantonu.

Član 162. – Ovim članom uređuju se olakšice i podsticajne mjere za razvoj sporta i ulaganje u sportsku infrastrukturu i aktivnosti u skladu sa Zakonom o sportu u Bosni i Hercegovini i drugim propisima kojima su uređene poreske, carinske i druge finansijske pogodnosti.

Član 163. – Ovim članom uređuje se dodjela kantonalne stipendije odnosno školarine za sport perspektivnim sportistima sa područja Kantona za ostvarene sportske rezultate i doprinos afirmaciji Kantona. Propisuje se da se stipendija dodjeljuje na period od jedne godine sa mogućnošću obnavljanja, te da pravo na stipendiju ostvaruju sportisti koji osvoje medalje na zvaničnim evropskim, svjetskim i olimpijskim takmičenjima organizovanim od strane međunarodnih sportskih federacija priznatih od MOK-a i IPC-a. Također se uređuje nadležnost Vlade Kantona da, na prijedlog ministra, donese kriterije za dodjelu stipendija i organizaciju njihove dodjele. Cilj ove odredbe je podsticanje razvoja vrhunskog sporta, podrška mladim i perspektivnim sportistima i promocija sportskih uspjeha Kantona.

Član 164. – Ovim članom uređuje se Nagrada Kantona Sarajevo za sport kao najviše sportsko priznanje koje Kanton dodjeljuje za izuzetna sportska postignuća i doprinos razvoju sporta. Propisuje se da se nagrada može dodijeliti sportistima, trenerima, sportskim stručnjacima, drugim zaslužnim licima, kao i sportskim organizacijama. Također se definiše da se nagrada sastoji od medalje sa grbom Kantona, posebne diplome i novčane nagrade. Cilj ove odredbe je odavanje priznanja pojedincima i organizacijama koji su svojim radom i rezultatima doprinijeli afirmaciji i razvoju sporta u Kantonu Sarajevo.

Član 165. – Ovim članom uređuje se osnivanje i sastav Odbora Kantona Sarajevo za donošenje Nagrade Kantona Sarajevo za sport. Propisuje se da odluku o dodjeli nagrade donosi poseban odbor kojeg imenuje Vlada Kantona na prijedlog ministra, iz reda uglednih sportskih radnika, sportista i stručnih radnika u oblasti sporta. Također se uređuje mandat članova odbora i obaveza donošenja poslovnika o radu. Cilj ove odredbe je osiguravanje stručnog, transparentnog i objektivnog postupka odlučivanja o dodjeli najviših sportskih priznanja Kantona.

Član 166. – Ovim članom uređuje se postupak dodjele Nagrade Kantona Sarajevo za sport, vrste nagrada i način njihovog finansiranja. Propisuje se da se nagrada dodjeljuje kao godišnja nagrada i nagrada za životno djelo, te da isto lice ili sportska organizacija mogu nagradu dobiti samo jednom. Također se utvrđuje maksimalan broj nagrada koje se mogu dodijeliti tokom jedne godine, obezbjeđenje sredstava iz budžeta Kantona, kao i nadležnost Vlade i ministra za utvrđivanje visine novčanih nagrada, kriterija i drugih pitanja značajnih za postupak dodjele. Cilj ove odredbe je uspostavljanje jasnog i transparentnog sistema dodjele sportskih priznanja i afirmacija vrhunskih sportskih rezultata i doprinosa razvoju sporta u Kantonu Sarajevo.

Član 167. – Ovim članom uređuje se dodjela Nagrade Kantona Sarajevo za vrhunska sportska postignuća kao posebnog priznanja za izuzetne rezultate ostvarene na najvišem nivou međunarodnih sportskih takmičenja. Propisuje se krug lica koja mogu biti dobitnici nagrade, uključujući sportiste, sportske ekipe i stručnjake u sistemu sporta, kao i vrste sportskih rezultata koji predstavljaju osnov za dodjelu nagrade. Posebno se definišu takmičenja i sportska dostignuća koja se priznaju za potrebe dodjele nagrade, uključujući olimpijske i paraolimpijske igre, svjetska i evropska prvenstva, osvojene medalje i ostvarene rekorde. Članom se osigurava

jasno razlikovanje između olimpijskih i neolimpijskih sportova, uz uvažavanje sportske tradicije i značaja pojedinih disciplina u Bosni i Hercegovini. Također se uređuje način utvrđivanja relevantnosti i nivoa međunarodnih takmičenja, uloga nadležnih sportskih saveza u postupku predlaganja kandidata, kao i nadležnost ministra za donošenje odluke o dodjeli nagrade. Na ovaj način osigurava se transparentan, objektivan i jedinstven sistem vrednovanja vrhunskih sportskih rezultata i afirmacije sporta Kantona Sarajevo na međunarodnom nivou.

Član 168. – Ovim članom uređuju se pitanja finansiranja i postupka dodjele Nagrade Kantona Sarajevo za vrhunska sportska postignuća. Propisuje se da se sredstva za dodjelu nagrada obezbjeđuju u budžetu Kantona Sarajevo, čime se potvrđuje javni interes i institucionalna podrška vrhunskom sportu i sportskim rezultatima od posebnog značaja za Kanton. Nadalje, utvrđuje se nadležnost Vlade Kantona Sarajevo da, na prijedlog ministra, donosi odluku o visini novčanih iznosa nagrada, čime se omogućava prilagođavanje vrijednosti nagrada finansijskim mogućnostima i značaju ostvarenih rezultata. Također se propisuje obaveza donošenja pravilnika kojim će se detaljnije urediti postupak predlaganja kandidata, potrebna dokumentacija i način dodjele nagrada, s ciljem osiguranja transparentnosti, pravne sigurnosti i jednakog tretmana svih učesnika u postupku. Ovim članom uspostavlja se normativni okvir za efikasno i odgovorno provođenje sistema nagrađivanja vrhunskih sportskih dostignuća u Kantonu Sarajevo.

Član 169. – Ovim članom uređuje se pravo na trajnu novčanu naknadu za vrhunske sportiste, selektore i trenere kao posebno priznanje Kantona Sarajevo za izuzetan doprinos sportu i promociji Bosne i Hercegovine na međunarodnom nivou. Propisuju se uslovi pod kojima sportisti državne selekcije, osvajači medalja na olimpijskim, paraolimpijskim, svjetskim i evropskim seniorskim prvenstvima mogu ostvariti pravo na doživotnu mjesečnu novčanu naknadu, kao i uslovi za ostvarivanje tog prava od strane selektora i trenera koji su učestvovali u ostvarivanju vrhunskih rezultata. Članom se uređuju kriteriji koji se odnose na državljanstvo, prebivalište, životnu dob, neosuđivanost za krivična djela u vezi sa sportom, kao i nepostojanje sankcija zbog povrede antidoping pravila. Također se propisuje način ostvarivanja prava putem upravnog postupka, dokazivanje ispunjenosti uslova odgovarajućim javnim ispravama, kao i nadležnost Ministarstva za donošenje rješenja i pribavljanje potrebnih potvrda od Olimpijskog i Paraolimpijskog komiteta Bosne i Hercegovine. Dodatno se uređuju pitanja gubitka prava, mogućnosti pokretanja upravnog spora, kao i ograničenja u slučajevima kada postoji više rangova međunarodnih takmičenja. Ovim članom uspostavlja se sistem trajne institucionalne podrške i društvenog priznanja sportistima i stručnim licima koja su ostvarila vrhunske međunarodne rezultate i doprinijela afirmaciji Kantona Sarajevo i Bosne i Hercegovine.

Član 170. – Ovim članom uređuje se kontinuitet ostvarivanja prava na trajnu novčanu naknadu nakon sticanja tog prava. Propisuje se da sportista ili sportski trener ne gubi pravo na trajnu novčanu naknadu ukoliko nakon njenog ostvarivanja nastavi sa sportskim aktivnostima, takmičenjima ili drugim oblicima angažmana u sportu.

Član 171. – Ovim članom propisuje se obaveza dobitnika novčanih nagrada i naknada da svojim ponašanjem, javnim djelovanjem i učešćem u društvenim aktivnostima štite ugled sporta Kantona Sarajevo. Naglašava se značaj poštivanja olimpijskih načela, sportskog duha,

etike i vrijednosti sadržanih u ovom zakonu. Cilj odredbe je afirmacija pozitivnih društvenih vrijednosti kroz ponašanje istaknutih sportista i sportskih radnika, koji svojim statusom i rezultatima predstavljaju uzor mladima i javnosti, te doprinose promociji sporta i ugleda Kantona Sarajevo u zemlji i inostranstvu.

Član 172. – Ovim članom uređuje se status korisnika novčanih nagrada, naknada i sportskih priznanja koji su ta prava stekli prema ovom zakonu. Propisuje se mogućnost da Ministarstvo, putem nadležnog organa, pokrene postupak provjere vjerodostojnosti prijavljenog prebivališta u Kantonu Sarajevo za korisnike koji ostvaruju prava na osnovu ranijih propisa, s ciljem osiguranja zakonitosti i pravilnosti korištenja budžetskih sredstava. Također se uređuje mogućnost da sportisti i treneri koji su već ostvarili određena prava ili priznanja prema važećim propisima u Bosni i Hercegovini, pod uslovima propisanim ovim zakonom, mogu ostvariti pravo i na novčanu nagradu ili naknadu Kantona Sarajevo. Ovim članom obezbjeđuje se kontinuitet prava ranijih korisnika, pravna sigurnost i usklađivanje postojećih prava sa novim zakonskim rješenjima, uz istovremeno jačanje mehanizama kontrole i transparentnosti.

DIO PETI – NADZOR

Član 173. - Ovim članom utvrđuje se nadležni organ za oblast sporta u Kantonu Sarajevo, odnosno propisuje se da poslove uprave, koordinacije, razvoja i provođenja politika u oblasti sporta obavlja Ministarstvo kulture i sporta Kantona Sarajevo. Na ovaj način jasno se određuje institucionalna nadležnost za provođenje zakona, planiranje razvoja sporta, nadzor nad primjenom propisa i realizaciju javnog interesa u oblasti sporta na području Kantona Sarajevo.

Član 174. – Ovim članom uređuje se nadzor nad provođenjem zakona u oblasti sporta, kao i nadležnosti Ministarstva i drugih organa uključenih u sistem nadzora. Propisuje se obaveza Ministarstva da prati primjenu zakonskih odredbi, daje smjernice sportskim organizacijama radi usklađivanja njihovog rada sa zakonom, zahtijeva izvještaje o radu i provođenju aktivnosti, te inicira mjere za otklanjanje utvrđenih nepravilnosti. Također se uređuje koordinaciona uloga Ministarstva u odnosu na Inspektorat za sport, s ciljem osiguranja jedinstvene primjene zakona i efikasnog nadzora nad sportskim sistemom. Članom se dodatno definišu nadležnosti Kantonalne uprave za inspeksijske poslove i budžetske inspekcije Ministarstva finansija u provođenju inspeksijskog i finansijskog nadzora, kao i obaveza organizovanja posebnog Inspektorata za sport. Propisuje se i donošenje podzakonskog akta kojim će se detaljnije urediti postupak nadzora, izvještavanja i postupanja po utvrđenim nepravilnostima. Cilj ove odredbe je uspostavljanje efikasnog sistema kontrole zakonitosti rada sportskih organizacija i namjenskog korištenja javnih sredstava u sportu.

Članovi 175. i 176. – Ovim članovima uređuje se sistem inspeksijskog nadzora u oblasti sporta i definišu nadležni inspeksijski organi u skladu sa vrstom poslova i oblasti nadzora. Propisuje se da inspeksijski nadzor vrše inspektori nadležni za sport, zdravstvo, radne odnose, građevinarstvo, tržišnu i turističku djelatnost, svako u okviru svojih zakonom utvrđenih nadležnosti. Na taj način obezbjeđuje se multidisciplinarni pristup kontroli zakonitosti rada u sportu, uključujući zaštitu zdravlja sportista, zakonitost radnih odnosa, sigurnost sportskih objekata i zakonito obavljanje privrednih aktivnosti u sportu. Također se utvrđuje obaveza

pravnih i fizičkih lica u oblasti sporta da omoguće nesmetano provođenje inspekcijskog nadzora i postupaju po nalogima nadležnih inspektora. Ovim članovima jača se sistem odgovornosti i kontrole u oblasti sporta.

Član 177. – Ovim članom uređuje se sadržaj i obim inspekcijskog nadzora koji vrši inspektor za sport nad pravnim i fizičkim licima u oblasti sporta. Propisuje se da inspektor za sport utvrđuje zakonitost obavljanja sportskih djelatnosti i aktivnosti, te provjerava usklađenost rada sportskih organizacija sa odredbama ovog zakona i drugih propisa kojima se uređuje oblast sporta i inspekcijski nadzor. Posebno se definišu oblasti nadzora koje obuhvataju organizaciju i registraciju sportskih organizacija, usklađenost općih i pojedinačnih akata sa zakonom, zakonitost rada organa upravljanja i nadzora, ispunjenost uslova za obavljanje stručnih poslova u sportu, vođenje evidencija i organizovanje sportskih takmičenja, priredbi i manifestacija u skladu sa propisima. Ovim članom uspostavlja se sveobuhvatan okvir za kontrolu zakonitosti rada u sportu, s ciljem osiguranja pravilnog funkcionisanja sportskog sistema, zaštite javnog interesa i unapređenja transparentnosti i odgovornosti sportskih organizacija.

Član 178. - Ovim članom uređuju se ovlaštenja inspektora za sport u vršenju inspekcijskog nadzora, kao i postupanje po utvrđenim nepravilnostima. Propisuje se da je inspektor za sport ovlašten da nalaže mjere za otklanjanje nezakonitosti i nepravilnosti u radu sportskih i drugih organizacija u oblasti sporta, uključujući obavezu registracije, donošenja i usklađivanja općih akata, zakonitog formiranja organa upravljanja, angažovanja stručnih lica koja ispunjavaju zakonom propisane uslove, urednog vođenja evidencija i organizovanja sportskih aktivnosti u skladu sa zakonom. Također se propisuje mogućnost zabrane rada organizacijama koje ne ispunjavaju uslove za obavljanje sportskih djelatnosti ili ne postupe po naloženim mjerama u ostavljenom roku. Članom se dodatno uređuje pravo izjavljivanja žalbe protiv rješenja Kantonalne uprave za inspekcijske poslove Kantona Sarajevo, kao i nadležnost Ministarstva da postupa kao drugostepeni organ u upravnom postupku. Ovim odredbama osigurava se efikasan sistem nadzora, pravna zaštita učesnika postupka i dosljedna primjena zakona u oblasti sporta.

DIO ŠESTI – KAZNENE ODREDBE

Član 179. – Ovim članom propisuju se prekršajne odredbe i novčane kazne za sportske organizacije, obrazovne ustanove, odgovorna lica i fizička lica u slučaju nepoštivanja obaveza utvrđenih ovim zakonom. Cilj ovih odredbi je osigurati dosljednu primjenu zakona, zaštitu zakonitosti rada sportskih subjekata, sigurnost učesnika u sportu, transparentno korištenje javnih sredstava i efikasan inspekcijski nadzor.

Stavom (1) utvrđuju se prekršaji za sportske organizacije koje postupaju suprotno odredbama ovog zakona, uključujući neispunjavanje obaveza registracije, vođenja evidencija, zaštite prava sportista, zaključivanja ugovora, osiguranja sportista, organizovanja sportskih takmičenja, korištenja budžetskih sredstava i saradnje sa nadležnim inspekcijskim organima. Propisana novčana kazna ima preventivnu i represivnu funkciju, s ciljem podsticanja zakonitog i odgovornog rada sportskih organizacija.

Stavom (2) propisana je odgovornost školskih i visokoškolskih ustanova koje ne osiguraju prioritet organizovanim školskim i studentskim sportskim aktivnostima prilikom korištenja sportskih sala i terena, čime se štiti interes razvoja školskog i studentskog sporta kao dijela javnog interesa u oblasti sporta.

Stavom (3) uređuje se odgovornost odgovornih lica u sportskim organizacijama, odnosno obrazovnim ustanovama, čime se dodatno naglašava individualna odgovornost za zakonito postupanje i izvršavanje obaveza propisanih ovim zakonom.

Stavom (4) propisuju se prekršaji i novčane kazne za fizička lica koja obavljaju sportske aktivnosti ili organizuju sportske događaje suprotno odredbama ovog zakona, naročito u dijelu registracije, zdravstvene zaštite sportista, organizacije takmičenja, izvještavanja o korištenju budžetskih sredstava i saradnje sa inspekcijskim organima.

Stavom (5) propisuje se da se na postupak i način izricanja novčanih kazni primjenjuje zakon kojim se uređuje oblast prekršaja u Federaciji Bosne i Hercegovine, čime se osigurava jedinstvena primjena prekršajnog postupka i pravna sigurnost svih subjekata na koje se zakon odnosi.

DIO SEDMI – PRELAZNE I ZAVRŠNE ODREDBE

Član 180. – Ovim članom propisuje se prijelazni period za fizička lica koja na dan stupanja na snagu ovog zakona već obavljaju stručne ili druge poslove u oblasti sporta, ali ne ispunjavaju uslove propisane ovim zakonom. Cilj ove odredbe je omogućiti kontinuitet rada u sportskom sistemu i istovremeno osigurati postepeno usklađivanje sa novim zakonskim standardima u pogledu stručne osposobljenosti i kvalifikacija.

Propisivanjem roka od četiri godine omogućava se licima iz navedenih odredbi zakona da steknu potrebna stručna znanja, licence, kvalifikacije ili druge propisane uslove, bez neposrednog prekida obavljanja poslova u sportu. Na ovaj način postiže se ravnoteža između potrebe za profesionalizacijom i unapređenjem sistema sporta i zaštite postojećih kadrovskih kapaciteta u sportskim organizacijama.

Član 181. – Ovim članom uređuju se rokovi i obaveze za donošenje podzakonskih akata, strateških dokumenata i drugih provedbenih propisa neophodnih za primjenu ovog zakona. Cilj ove odredbe je osigurati pravovremenu i potpunu implementaciju zakonskih rješenja kroz detaljnije uređivanje pojedinih oblasti sporta.

Stavom (1) propisana je obaveza ministra da u roku od godinu dana donese pravilnike kojima će se detaljnije urediti pitanja registracije sportskih subjekata, vođenja evidencija, kategorizacije sportista i stručnjaka, finansiranja programa, organizacije školskog i studentskog sporta, dodjele nagrada, trajnih novčanih naknada, kao i druga pitanja značajna za provođenje ovog zakona. Donošenje ovih pravilnika omogućava jedinstvenu primjenu zakonskih odredbi i preciznije uređivanje postupaka i kriterija u pojedinim oblastima sporta.

Stavom (2) uređuje se obaveza Vlade Kantona da, na prijedlog ministra, donese odgovarajuće programe i odluke koje su od značaja za razvoj sporta, rad Vijeća za sport, stipendiranje sportista i finansijsko vrednovanje sportskih postignuća.

Stavom (3) propisuje se obaveza Vlade Kantona da Skupštini Kantona Sarajevo predloži strateške dokumente i odluke od posebnog značaja za planski razvoj sporta i utvrđivanje sportskih objekata od javnog interesa za Kanton.

Stavovima (4) i (5) utvrđuju se obaveze Vijeća za sport i Sportskog saveza Kantona Sarajevo da donesu akte kojima se uređuju pitanja sukoba interesa i rada Sportske arbitraže, čime se doprinosi transparentnosti, pravnoj sigurnosti i efikasnom rješavanju sporova u oblasti sporta.

Stavom (6) propisuje se obaveza jedinica lokalne samouprave da svoje strateške i programske akte u oblasti sporta usklade sa Strategijom razvoja sporta Kantona Sarajevo, čime se osigurava koordinisan i jedinstven pristup razvoju sporta na području Kantona.

Član 182. – Ovim članom uređuje se obaveza usklađivanja rada, organizacije i općih akata postojećih sportskih organizacija, pravnih i fizičkih lica u oblasti sporta sa odredbama ovog zakona. Cilj ove odredbe je osigurati jedinstvenu i potpunu primjenu zakona na sve subjekte u sistemu sporta, uključujući one koji su registrovani prije stupanja na snagu ovog zakona.

Stavom (1) propisuje se rok u kojem su nadležni organi, sportske organizacije i druga pravna i fizička lica dužni izvršiti usklađivanje sa novim zakonskim rješenjima, nakon donošenja podzakonskih akata potrebnih za provođenje zakona. Time se subjektima ostavlja razuman rok za prilagođavanje organizacije, statuta, pravilnika i drugih općih akata novim propisima.

Stavom (2) određuje se da se postupak usklađivanja provodi u skladu sa propisima koji uređuju registraciju pravnih lica, čime se osigurava pravna sigurnost i usklađenost sa važećim administrativnim procedurama.

Stavom (3) propisuju se posljedice neusklađivanja u predviđenom roku, odnosno mogućnost da nadležni organ u upravnom postupku utvrdi prestanak ispunjavanja uslova za obavljanje djelatnosti. Ova odredba ima za cilj osigurati obaveznu primjenu zakona i spriječiti djelovanje subjekata koji ne ispunjavaju propisane uslove.

Stavom (4) ostavljena je mogućnost nadležnom organu da, u opravdanim slučajevima, odobri dodatni rok za usklađivanje, vodeći računa o specifičnostima pojedinih subjekata i objektivnim okolnostima koje mogu uticati na provođenje postupka usklađivanja.

Stavom (5) naglašava se da rokovi propisani ovim članom ne utiču na posebni prijelazni rok za fizička lica iz člana 182. ovog zakona, čime se osigurava međusobna usklađenost prijelaznih odredbi zakona.

Član 183. – Ovim članom propisuje se obaveza ministra zdravstva Kantona Sarajevo da, uz prethodne konsultacije sa Ministarstvom, donese podzakonske akte kojima se detaljnije uređuje oblast zdravstvene zaštite sportista. Cilj ove odredbe je osigurati jedinstven i stručan sistem zdravstvene zaštite sportista, kao i vođenje odgovarajuće medicinske dokumentacije o njihovoj zdravstvenoj sposobnosti.

Tačkom a) propisuje se donošenje pravilnika o zdravstvenoj zaštiti sportista kojim će se detaljnije urediti način utvrđivanja zdravstvene sposobnosti sportista, sadržaj zdravstvenih pregleda i druga pitanja značajna za zaštitu zdravlja sportista.

Tačkom b) uređuje se obaveza utvrđivanja sadržaja obrazaca i načina vođenja medicinske dokumentacije o zdravstvenoj sposobnosti sportista, čime se osigurava jedinstvena evidencija, praćenje zdravstvenog stanja sportista i zaštita njihovih prava u skladu sa propisima iz oblasti zdravstva i sporta.

Član 184. – Ovim članom uređuje se međusobna saradnja organa i službi nadležnih za sport na području Kantona i jedinica lokalne samouprave, kao i saradnja sa nadležnim organima Federacije Bosne i Hercegovine. Cilj ove odredbe je osigurati koordinisan i usklađen pristup u ostvarivanju javnog interesa u oblasti sporta i unapređenju sistema sporta.

Stavom (1) propisuje se obaveza međusobne saradnje organa i službi nadležnih za sport radi efikasnijeg planiranja, organizovanja i praćenja sportskih aktivnosti i provođenja mjera utvrđenih ovim zakonom. Time se jača institucionalna povezanost i omogućava kvalitetnije provođenje sportskih politika na svim nivoima vlasti u Kantonu.

Stavom (2) propisuje se ovlaštenje Ministarstva da, između istaknutih sportista i sportskih stručnjaka sa područja Kantona Sarajevo, predloži kandidata za člana Vijeća za sport Bosne i Hercegovine. Na ovaj način omogućava se učešće predstavnika Kantona Sarajevo u kreiranju i praćenju politika razvoja sporta na nivou Bosne i Hercegovine.

Član 185. – Ovim članom uređuje se pitanje privremene primjene postojećih podzakonskih propisa donesenih na osnovu ranijeg Zakona o sportu, do donošenja novih podzakonskih akata predviđenih ovim zakonom. Cilj ove odredbe je osigurati kontinuitet pravnog uređenja i nesmetano funkcionisanje sistema sporta u prelaznom periodu, odnosno spriječiti nastanak pravne praznine do donošenja novih provedbenih propisa.

Propisivanjem da se postojeći pravilnici nastavljaju primjenjivati ukoliko nisu u suprotnosti sa ovim zakonom, omogućava se kontinuitet u oblastima organizovanja sportskih priredbi, kategorizacije sportista, stručnog kadra, sportskih objekata, zdravstvenog nadzora sportista, vođenja evidencija i finansiranja sporta. Na taj način osigurava se stabilnost sistema sporta i pravna sigurnost sportskih organizacija, sportista i drugih subjekata u oblasti sporta do usvajanja novih podzakonskih akata.

Član 186. – Ovim članom propisuje se prestanak važenja ranijeg Zakona o sportu Kantona Sarajevo danom stupanja na snagu ovog zakona. Cilj ove odredbe je uspostavljanje jedinstvenog i cjelovitog pravnog okvira za oblast sporta u Kantonu Sarajevo, kojim se zamjenjuju ranija zakonska rješenja i omogućava primjena novih normativnih rješenja usklađenih sa savremenim potrebama razvoja sporta.

Član 187. – Ovim članom propisuje se dan stupanja na snagu ovog zakona. Utvrđivanjem da zakon stupa na snagu osmog dana od dana objavljivanja u „Službenim novinama Kantona Sarajevo“ osigurava se poštivanje principa pravne sigurnosti i omogućava svim subjektima na koje se zakon odnosi da se upoznaju sa njegovim odredbama prije početka njegove primjene.

III - FINANSIJSKA SREDSTVA

Za provođenje Zakona o sportu nije potrebno osigurati dodatna finansijska sredstva u Budžetu Kantona Sarajevo za 2026. godinu, imajući u vidu da će se nakon donošenja Zakona pristupiti

izradi podzakonskih, odnosno provedbenih akata, čija će primjena biti osigurana u okviru postojećih budžetskih sredstava.

IV – PRILOZI

1. Prijedlog Zakona o sportu Kantona Sarajevo
2. Obrazloženje za Skupštinu Kantona Sarajevo
3. Mišljenja na prijedlog Zakona o sportu Kantona Sarajevo:
 - Ministarstva finansija Kantona Sarajevo, broj: 08-03-11-27479/26 od 1.6.2026. godine sa IFP-NE obrascem,
 - Ministarstva pravde i uprave Kantona Sarajevo, broj: 03-04/2-02-27499-1/26 od 29.5.2026. godine,
 - Konačno mišljenje, Ministarstva pravde i uprave Kantona Sarajevo, broj: 03-04/2-02-27499-3/26 od 26.6.2026. godine
 - Ured za zakonodavstvo Vlade Kantona Sarajevo, broj: 09-02-27500/26 od 25.6.2026. godine,
 - Pravobranilaštvo Kantona Sarajevo, broj M-98/2026 od 16.6.2026. godine.
4. Zaključak Ekonomsko-socijalnog vijeća za područje Kantona Sarajevo, broj: 13-04-28818-3/26 od 5.6.2026. godine
5. Izjašnjenja Ministarstva kulture i sporta Kantona Sarajevo, broj: 12-01/204-27499-2/26 od 19.6.2026. godine
6. Izvještaj o provedenim konsultacijama na Nacrt zakona o sportu sa priloženim kopijama prijedloga, inicijativa, mišljenja i sugestija,
 - Ministarstvo pravde i uprave Kantona Sarajevo, broj: 03-04/2-02-46598/25 od 19.9.2025 godine,
 - Karate savez Bosne i Hercegovine, broj: 18/25 od 9.9.2025. godine,
 - Karate savez Kantona Sarajevo, broj: 09/25 od 9.9.2025. godine,
 - Fudbalski klub Sarajevo, broj: 426/25 od 13.9.2025. godine,
 - Općina Novi Grad Sarajevo, broj: 02/06-36-21565/25 od 10.9.2025. godine,
 - Judo savez Kantona Sarajevo, broj: 28-09-25 od 12.9.2025. godine,
 - Kik boks savez Kantona Sarajevo, broj: 10/25 od 15.9.2025. godine,
 - Vazduhoplovni savez Bosne i Hercegovine, broj: 01-09/25 od 12.9.2025. godine,
 - Ministarstvo za odgoj i obrazovanje Kantona Sarajevo, broj: 11-07/01-02-39716-13/25 od 2.10.2025. godine,
 - Olimpijski komitet Bosne i Hercegovine, broj: 560-02/25 od 25.7.2025. godine.
7. Izvod iz Ustava Kantona Sarajevo („Službene novine Kantona Sarajevo“, br. 1/96, 2/96, 3/96, 16/97, 14/00, 4/01, 28/04, 6/13 i 31/17);



12
2455

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-03-11-27479/26 MD
Sarajevo, 01.06.2026. godine

KANTON SARAJEVO
MINISTARSTVO KULTURE I SPORTA

Predmet: Mišljenje na prijedlog Zakona o sportu Kantona Sarajevo;

Veza: Vaš dopis broj: 12-01/2-02-26722/26 od 15.05.2026. godine;

Vezano za vaš zahtjev za mišljenje na prijedlog Zakona o sportu Kantona Sarajevo, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo kulture i sporta Kantona Sarajevo je postupilo u skladu sa navedenim Pravilnikom i Ministarstvu finansija uz prijedlog Zakona dostavilo na mišljenje popunjen i potpisan obrazac IFP-NE u kojem je data sljedeća izjava: „Za realizaciju prijedloga Zakona o sportu nisu potrebna dodatna sredstva u Budžetu Kantona Sarajevo za 2026. godinu“.


Uvidom u predloženi Zakon o sportu Kantona Sarajevo, Ministarstvo finansija je mišljenja da u članu 154. stav (2) treba da glasi: „Za ostvarivanje javnog interesa u oblasti sporta iz stava (1) ovog člana, obezbjeđuju se sredstva u budžetu Kantona Sarajevo od najmanje 0,5% do 1,5% u odnosu na ostvarene prihode bez primitaka u prethodnoj godini, a način raspodjele i kontrole utroška ovih sredstava biće utvrđen posebnim pravilnikom o načinu rasporeda i kontrole utroška sredstava namjenjenih ostvarivanju javnog interesa iz člana 23. i 150. stav (2) ovog zakona, koji donosi ministar.“.

Ovo mišljenje je dato u skladu sa odredbama prijedloga Zakona koji se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

Dostaviti:

1. Naslovu
2. MF-Sektor za budžet i fiskalni sistem
3. a/a

Pripremila:
Kontrolisali:



MINISTAR

Dr. Afan Kalamujić

OBRAZAC IZJAVA O FISKALNOJ PROCJENI

Obrazac IFP NE

A 1. Obradivač propisa

	KOD	NAZIV
Razdjel	22 01 0001	MINISTARSTVO KULTURE I SPORTA KANTONA SARAJEVO

B 2. Osnovni podaci o prijedlogu propisa

Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	NE					

C 3. Izjava o nepostojanju dodatnih fiskalnih efekata predloženog propisa

Za realizaciju Prijedloga Zakona o sportu nisu potrebna dodatna sredstva u Budžetu Kantona Sarajevo za 2026. godinu.

D 4. Pečat i potpis odgovornog lica

Kenan Magoda, ministar

Mjesto i datum

Sarajevo, 15.05.2026.





Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/2-02-27499-1/26
Sarajevo, 29.05.2026. godine

KANTON SARAJEVO
MINISTARSTVO KULTURE I SPORTA
g. Kenan Magoda, ministar

PREDMET: Prijedlog Zakona o sportu Kantona Sarajevo, mišljenje –
VEZA: Vaš akt, broj: 12-01/2-02-26722-3/26 od 15.05.2026. godine

Postupajući po Vašem aktu, broj i datum veze, na osnovu člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 6. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17 – Drugi novi prečišćeni tekst, 2/18 – Ispravka i 32/22), Ministarstvo pravde i uprave razmotrilo je dostavljeni prijedlog Zakona i daje slijedeće

MIŠLJENJE

Članom 169. prijedloga Zakona o sportu Kantona Sarajevo (u daljem tekstu: prijedlog Zakona) propisano je pravo na trajnu novčanu naknadu kao nagrada Kantona Sarajevo za poseban doprinos ugledu Bosne i Hercegovine, a koju mogu da ostvare sportisti i selektori, odnosno treneri ukoliko su ispunjeni zakonom propisani uslovi. Stavom (7) ovog člana prijedloga Zakona propisano je da je pravo na trajnu novčanu naknadu doživotno, osim u slučaju prestanka ispunjavanja uslova koji su propisani ovim članom prijedloga Zakona, o čemu se odlučuje rješenjem u upravnom postupku.

Članom 170. prijedloga Zakona propisano je da ukoliko sportista ili trener nakon sticanja trajne novčane naknade iz člana 169. prijedloga Zakona odluči nastaviti sa takmičenjima i drugim sportskim aktivnostima, ne gubi stečeno pravo. U stavu (2) istog člana propisano je:

„(2) Ukoliko savez izrazi potrebu za njegovim daljnjim angažovanjem, sportista i trener je obavezan odazvati se tom pozivu. Ukoliko se ne odazove, može izgubiti pravo na novčanu naknadu.“

Kada je u pitanju citirana odredba, ukazujemo da propisivanje mogućnosti gubitka stečenog prava na navedeni način može dovesti do povrede prava na mirno uživanje imovine zagarantovanog članom 1. Protokola br. 1 uz Evropsku konvenciju za zaštitu ljudskih prava i osnovnih sloboda (u daljem tekstu: Konvencija), budući da se trajna novčana naknada stečena na osnovu zakona, nakon provedenog upravnog postupka, može smatrati imovinom u kontekstu prakse Evropskog suda za

ljudska prava.¹ U skladu sa Konvencijom, svako fizičko ili pravno lice ima pravo na neometano uživanje imovine, te ne može biti lišeno imovine, osim u javnom interesu, i pod uslovima predviđenim zakonom i opštim načelima međunarodnog prava. Predmetna odredba je nejasno formulisana, pri čemu nije propisano pod kojim uslovima dolazi do gubitka prava, u kojim slučajevima i prema kojim kriterijumima i za koje aktivnosti se može zahtijevati dalji angažman sportiste ili trenera, da li postoje opravdani razlozi za neodazivanje na poziv, da li se pravo gubi djelimično ili potpuno, privremeno ili trajno, te da li postoji pravo na pravni lijek. Na ovakav način savezu se daje preširoko diskreciono ovlaštenje da odlučuje o „potrebi za daljim angažovanjem“ bez ikakvih uslova i kriterija za donošenje takve odluke, a što može dovesti do gubitka prava stečenog na osnovu zakona. Dakle, predložena norma nije dovoljno razrađena da bi mogla zadovoljiti standardne „kvaliteta zakona“ koji nalaže da zakonske odredbe budu predvidljive, tj. dovoljno jasne i precizne da adresati mogu stvarno i konkretno znati svoja prava i obaveze do stepena koji je razuman u datim okolnostima, kako bi se prema njima mogli ponašati.²

Nadalje, uslovljavanje ostvarivanja prava na trajnu novčanu naknadu obaveznim budućim angažmanom u sportskom savezu može predstavljati nesrazmjerno ograničenje slobode rada i autonomije volje korisnika tog prava, i dovesti u pitanje pravnu prirodu trajne novčane naknade kao nagrade Kantona Sarajevo, odnosno priznanja za ranije ostvarene sportske rezultate definisane članom 169. stav (1) prijedloga Zakona. Time bi se obesmisllila sama svrha instituta trajne novčane naknade, čime bi ona izgubila karakter nagrade i trajnosti, i dobila karakter uslovnog prava čije ostvarivanje zavisi od zaključivanja ugovora sa sportskim savezom.

U kontekstu prakse Evropskog suda za ljudska prava, predmetna odredba člana 170. stav (2) prijedloga Zakona mogla bi predstavljati neusklađenost sa članom 4. Konvencije, kojim je propisana zabrana prinudnog ili obaveznog rada, te sa Konvencijom Međunarodne organizacije rada, broj 29 o prisilnom ili obaveznom radu (u daljem tekstu: Konvencija MOR-a). Naime, članom 2. stav 1. Konvencije MOR-a propisano je:

„1. U smislu ove Konvencije izraz „prisilni ili obvezni rad“ znači svaki rad ili uslugu koji se od neke osobe zahtijeva pod prijetnjom bilo kakve kazne, i za koje se ta osoba nije pomudila dobrovoljno.“

U konkretnom slučaju, odredba člana 170. stav (2) prijedloga Zakona ima takve elemente koji ukazuju da se njome propisuje obavezni rad koji je zabranjen u smislu navedenih konvencija, budući da je propisana obaveza prihvatanja angažmana pod prijetnjom gubitka stečenog prava, što bi se moglo smatrati kaznom u kontekstu citirane odredbe Konvencije MOR-a. Dodatno, članom 4. stav 1. Konvencije MOR-a propisano je da nadležna vlast ne smije narediti ili dopustiti da se naredi prisilni ili obvezni rad u korist privatnih osoba, poduzeća ili udruga, a u konkretnom slučaju se radi o nametanju zakonske obaveze rada za sportski savez, pod prijetnjom gubitka stečenog prava.

Iako je prijedlogom Zakona utvrđeno da je sport djelatnost od javnog interesa, imajući u vidu sve naprijed navedeno, ovo ministarstvo je mišljenja da odredba člana 170. stav (2) prijedloga Zakona sadrži pravno rješenje koje nije srazmjerno ostvarivanju navedenog javnog interesa, s obzirom na rizike od povrede osnovnih ljudskih prava koje nosi.

Nadalje, članom 171. prijedloga Zakona propisano je da sportista koji ostvaruje novčanu naknadu za sportsko postignuće u nekoj od država koje su nastale raspadom bivše SFRJ nema pravo na nagradu i naknadu iz čl. 164. 167. i 169. ovog zakona. Ukazujemo da je prema mišljenju ovog ministarstva

¹ 4. Koncept „imovine“ u prvom dijelu člana 1. Protokola br. 1 je autonoman i obuhvata i „postojeću imovinu“ i imovinu, uključujući potraživanja, u odnosu na koja podnosilac zahtjeva može tvrditi da ima barem „legitimno očekivanje“. „Imovina“ uključuje prava „in rem“ i „in personam“. - Vodič za član 1. Protokola br. 1 uz Evropsku konvenciju o ljudskim pravima, Zaštita imovine, ažuriran 28. februara 2026. godine

² Iz Odluke Ustavnog suda Bosne i Hercegovine broj U-14/24 od 14.11.2024. godine

navedena norma suprotna članu 1. Protokola br. 12 uz Konvenciju, kojim je propisana opća zabrana diskriminacije, kako slijedi:

„1. Uživane svih prava utvrđenih zakonom osigurano je bez diskriminacije po bilo kojem osnovu kao što je pol, rasa, boja kože, jezik, vjeroispovijest, političko ili drugo mišljenje, nacionalno ili socijalno porijeklo, veza sa nekom nacionalnom manjinom, imovinsko stanje, rođenje ili drugi status.

2. Nikog nijedan organ vlasti ne smije diskriminirati ni po kojem osnovu, kao što je navedeno u stavu 1.“

S tim u vezi, odredba člana člana 171. prijedloga Zakona je diskriminirajuća budući da stavlja u neravnopravan položaj sportiste koji ostvaraju novčanu naknadu za sportsko postugnuće u nekoj od država nastlih disolucijom SFRJ, i sportiste koji takvu naknadu ostvaruju u nekoj drugoj državi.

Nakon što dostavite korigovani tekst prijedloga Zakona u skladu sa ovim mišljenjem, ovo ministarstvo će dati konačno mišljenje.

S poštovanjem,

Dostaviti:

1. Naslovu;
2. a/a.





12
2660

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/2-02-27499-3/26
Sarajevo, 26.06.2026. godine

KANTON SARAJEVO
MINISTARSTVO KULTURE I SPORTA
g. Kenan Magoda, ministar

PREDMET: Prijedlog Zakona o sportu Kantona Sarajevo, konačno mišljenje -
VEZA: Vaš akt, broj: 12-01/2-04-27499-2/26 od 19.06.2026. godine

Postupajući po Vašem aktu, broj i datum veze, na osnovu člana 7. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 4. stav 8. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", br. 50/17 – Drugi novi prečišćeni tekst, 2/18 – Ispravka i 32/22), nakon dostavljenog izjašnjenja Ministarstva kulture i sporta i korigovanog prijedloga Zakona o sportu Kantona Sarajevo, shodno mišljenju Ministarstva pravde i uprave, broj: 03-04/2-02-27499-1/26 od 29.05.2026. godine, Ministarstvo pravde i uprave je razmotrilo dostavljeni prijedlog Zakona i daje sljedeće

KONAČNO MIŠLJENJE

Prijedlog Zakona o sportu Kantona Sarajevo je propis kojim se ne povrjeđuju prava i slobode zaštićene odredbama Evropske konvencije o zaštiti ljudskih prava i osnovnih sloboda, niti je u suprotnosti sa drugim pravnim aktima kojima je utvrđena zaštita ljudskih prava i sloboda.

S poštovanjem,

PO OVLAŠTENJU MINISTRICE
SEKRETAR

Dostaviti:
1. Naslovu;
2. a/a.





Broj: 09-02-27500/26
Sarajevo, 25.06.2026. godine

KANTON SARAJEVO
MINISTARSTVO KULTURE I SPORTA

PREDMET: Mišljenje na prijedlog Zakona o sportu Kantona Sarajevo.-

Na osnovu člana 3. stav (1) tačka b) Uredbe o osnivanju Ureda za zakonodavstvo Vlade Kantona Sarajevo ("Službene novine Kantona Sarajevo", broj 20/23) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj 50/17-Drugi novi prečišćeni tekst, 2/18-Ispravka i 32/22), Ured za zakonodavstvo Vlade Kantona Sarajevo, daje slijedeće

MIŠLJENJE

1. Članom 75. Zakona o sportu u Bosni i Hercegovini („Službeni glasnik BiH“, br. 27/08, 102/09 i 66/16) propisana je obaveza donošenja usklađenih akata, gdje su nadležni organi entiteta i drugih nivoa administrativnog organiziranja u Bosni i Hercegovini dužni u roku od godinu dana od stupanja na snagu ovog zakona donijeti, odnosno uskladiti sa ovim zakonom svoje zakone i propise koji se odnose na oblast sporta.

Kako do danas na nivou Federacije Bosne i Hercegovine nije donesen zakon o sportu, a uvažavajući činjenicu da je ova oblast u Kantonu Sarajevo već ranije uređivana kantonalnim zakonom, Ured za zakonodavstvo Vlade Kantona Sarajevo (u daljem tekstu: Ured) podržava napore nosioca pripreme predmetnog materijala da predmetnu oblast uređuje kantonalnim zakonom, a kojim će se zaštititi interesi kantona u ovoj oblasti.

2. Odredbama prijedloga Zakona o sportu Kantona Sarajevo (u daljem tekstu: Zakon) uređena su pitanja iz oblasti sporta, a koja sadrže stručna pitanja koja su u nadležnosti nosioca pripreme predmetnog materijala.

Ured je u mišljenju, broj: 09-02-52549/24 od 28.04.2025. godine, na nacrt Zakona o sportu Kantona Sarajevo, istakao da su Pravilnikom o kategorizaciji sportista na nivou Bosne i Hercegovine („Službeni glasnik BiH“, broj 52/16) razvrstani sportisti koji su ostvarili značajne sportske rezultate u kategorije zaslužni sportista i vrhunski sportista međunarodnog razreda, u kojem nije prepoznat termin perspektivni sportista iz odredbe člana 115. nacrta Zakona.

Nosilac pripreme predmetnog materijala je u dostavljenom prijedlogu Zakona u članu 115. dodao novi stav (4) kojim je propisano da perspektivni sportisti koji steknu status iz ovog člana ostvaruju prava iz oblasti odgoja i obrazovanja pod uslovima i na način propisan Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24) i drugim propisima kojima se uređuje odgoj i obrazovanje u Kantonu Sarajevo.

Naime, u članu 92. u stavu (1) Zakona o odgoju i obrazovanju u osnovnoj i srednjoj školi u Kantonu Sarajevo propisano je da učenik može imati specijalni status, a u stavu (2) navedenog člana da specijalni status iz stava (1) ovog člana mogu ostvariti učenici koji su proglašeni perspektivnim i vrhunskim sportistima, izuzetnim umjetničkim talentima ili nadarenim učenicima sa vrhunskim rezultatima na kantonalnom, federalnom, državnom ili međunarodnom takmičenju, dok je u stavu (3) propisano, između ostalog, da škola dodjeljuje specijalni status na osnovu odluke Ministarstva kulture i sporta Kantona Sarajevo o proglašenju učenika perspektivnim ili vrhunskim sportistom.


Shodno navedenom, termin perspektivni sportista nije kategorija iz Zakona o sportu u Bosni i Hercegovini, već isti egzistira u pravnom sistemu Kantona Sarajevo kroz propise iz oblasti odgoja i obrazovanja u kojima se status učenika sa specijalnim statusom veže za prethodno stečeni status perspektivnog sportiste.


S tim u vezi, prihvatanje predloženog pravnog rješenja u isključivoj je nadležnosti Vlade, odnosno Skupštine Kantona Sarajevo.

3. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi prečišćeni tekst, 2/18- Ispravka i 32/22), te se isti može razmatrati na jednoj od narednih sjednica Vlade Kantona Sarajevo, uz napomenu da se predmetni materijal dopuni sa mišljenjem Ministarstva finansija Kantona Sarajevo s obzirom da prijedlog Zakona sadrži pitanja finansijske prirode i sa mišljenjem Ministarstva pravde i uprave Kantona Sarajevo po pitanju zaštite ljudskih prava i osnovnih sloboda.

Dostaviti:

1. Naslovu
2. Evidencija
3. Arhiva





Broj: M-98/2026
Sarajevo, 16.06.2026. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo kulture i sporta

Veza: Akt Ministarstva kulture i sporta br: 12-01/2-02-26722-4/26 od 15.05.2026. godine

Aktom broj i datum veze, koji je zaprimljen od strane ovoga Pravobranilaštva dana 20.05.2026. godine, zatražili ste mišljenje Pravobranilaštva Kantona Sarajevo u postupku donošenja Zakona o sportu Kantona Sarajevo, čiji prijedlog je pripremljen nakon provedene javne rasprave. Postupajući u skladu sa odredbama člana 14. Zakona o pravobranilaštvu („Sl. novine Kantona Sarajevo“ br. 33/2008, 7/2012, 44/2016 i 45/2021), a u vezi sa članom 3. stav 5. Uredbe o postupku i načinu pripremanja, izrade i dostavljanja propisa („Sl. novine Kantona Sarajevo“, br. 50/2017 i 2/2018), ovaj organ je izvršilo uvid u dostavljeni prijedlog Zakona o sportu Kantona Sarajevo, te isti dalje sljedeće:

MIŠLJENJE

Uvidom u dostavljeni prijedlog Zakona o sportu Kantona Sarajevo Pravobranilaštvo Kantona Sarajevo utvrdilo je da se odredbama dostavljenog prijedloga Zakona o sportu Kantona Sarajevo ne uređuju imovinsko-pravni odnosi, prava i obaveze prema stvarima u vlasništvu Kantona, na direktan i neposredan način.

Naime, članom 156. nacrta Zakona o sportu Kantona Sarajevo je predviđeno zaključivanje „Ugovora o realizaciji programa“, kojim će se na direktan i neposredan način urediti pitanje finansiranja ili sufinansiranja određenih programa i projekata od strane Kantona Sarajevo, odnosno istim će se na direktan i neposredan način urediti pitanje potencijalnih imovinsko-pravnih odnosa, prava i obaveze prema stvarima u vlasništvu Kantona.

Također članom 183. prijedloga Zakona o sportu Kantona Sarajevo, propisana je i lista pravilnika i podzakonskih akata koje će resorni ministar donijeti nakon usvajanja predloženog Zakona, a putem kojih će se na direktan i neposredan način urediti pitanje potencijalnih imovinsko-pravnih odnosa, prava i obaveze prema stvarima u vlasništvu Kantona.

Dakle, kako se dostavljenim prijedlogom Zakona o sportu Kantona Sarajevo ne uređuju imovinsko-pravni odnosi, prava i obaveze prema stvarima u vlasništvu Kantona na direktan i neposredan način jer isti će se urediti posebnim ugovorima, pravilnicima i podzakonskim aktima, to ovaj organ nema prijedloga niti primjedbi na dostavljeni prijedlog Zakona o sportu Kantona Sarajevo.

S poštovanjem,



ZAMJENIK PRAVOBRANIIOCA



EKONOMSKO - SOCIJALNO VIJEĆE ZA PODRUČJE KANTONA SARAJEVO SARAJEVO

Broj: 13-04-28818-3/26
Sarajevo, 05.06.2026. godine

U skladu sa članom 3. Sporazuma o osnivanju Ekonomsko - socijalnog vijeća za područje Kantona Sarajevo br. 02-05-33200-19.1/05 od 03.02.2006. godine, 02-05-21020-16.1/11 od 30.06.2011. godine i 02-05-23316-25/16 od 14.07.2016. godine i članom 23. Poslovnika o radu Ekonomsko - socijalnog vijeća za područje Kantona Sarajevo br. 01-69-4-50/18 od 17.07.2018. godine, 01-73-6-29-1/19 od 15.05.2019. godine, 13-01/2-04-4222-5/21 od 23.02.2021. godine i 13-05/1-02-25346/23 od 06.06.2023. godine, Ekonomsko - socijalno vijeće za područje Kantona Sarajevo je donijelo sljedeći:

ZAKLJUČAK

1. Ekonomsko - socijalno vijeće za područje Kantona Sarajevo podržava aktivnosti Ministarstva kulture i sporta Kantona Sarajevo na donošenju Zakona o sportu Kantona Sarajevo.



Dostaviti:

1. Premijer Kantona Sarajevo,
2. Predsjednik ESV KS,
3. Potpredsjednici ESV KS (X2),
4. Savez samostalnih sindikata BiH - Kantonalni odbor Kanton Sarajevo,
5. Udruženje poslodavaca Kantona Sarajevo,
6. Ministarstvo za rad, socijalnu politiku, raseljena lica i izbjeglice Kantona Sarajevo,
7. Ministarstvo kulture i sporta Kantona Sarajevo,
8. A/a.



Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12-01/2-04-27499-2/26
Sarajevo, 19.6.2026. godine

KANTON SARAJEVO
Ministarstvo pravde i uprave
- Ovdje -

PREDMET: Izjašnjenje – *dostavlja se*
- Veza Vaš akt, broj: 03-04/2-02-27499-1/26 od 29.5.2026. godine -


Poštovani,

U vezi sa Vašim aktom, broj i datum veze, kojim je dostavljeno mišljenje na Prijedlog zakona o sportu Kantona Sarajevo, Ministarstvo kulture i sporta Kantona Sarajevo daje sljedeće izjašnjenje:

Mišljenje dato na odredbe čl. 170. stav (2) i 171. Prijedloga zakona o sportu Kantona Sarajevo se prihvata te su predmetne odredbe usklađene u skladu sa datim sugestijama.

U prilogu akta dostavljamo usklađeni tekst Prijedloga zakona o sportu Kantona Sarajevo radi daljnjeg postupanja.

S poštovanjem,



MINISTAR

Kenan Magoda

Dostaviti:

- Naslovu;
- a/a.






Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

Na osnovu člana 140. Poslovnika Skupštine Kantona Sarajevo ("Službene novine Kantona Sarajevo", br. 41/12- Drugi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) Skupština Kantona Sarajevo, na 24. Radnoj sjednici održanoj dana 15.07.2025. godine, donijela je

ZAKLJUČAK

1. Utvrđuje se Nacrt zakona o sportu Kantona Sarajevo.
2. Nacrt zakona iz tačke 1. ovog zaključka stavlja se na javnu raspravu.
3. Učesnici u javnoj raspravi su kantonalni organi uprave, jedinice lokalne samouprave, obrazovne, naučne i stručne ustanove, sportske organizacije (udruženja, klubovi, granski sportski savezi, olimpijski komiteti), Federalno ministarstvo kulture i sporta i Ministarstvo civilnih poslova Bosne i Hercegovine, a trajat će 60 dana.
4. Primjedbe, prijedlozi, sugestije i mišljenja učesnici javne rasprave dostavljaju Vladi Kantona Sarajevo, putem Ministarstva kulture i sporta Kantona Sarajevo, koje organizuje i provodi javnu raspravu.
5. Vlada Kantona Sarajevo dužna je, nakon provedene javne rasprave, Skupštini Kantona Sarajevo dostaviti prijedlog Zakona o sportu Kantona Sarajevo vodeći računa o primjedbama, prijedlozima, sugestijama i mišljenjima kroz izvještaj o provedenoj javnoj raspravi.
6. Ovaj zaključak stupa na snagu danom donošenja.

Broj: 01-02-39716/25
15.07.2025.godine
SARAJEVO



PREDSJEDAVAJUĆI
SKUPŠTINE KANTONA SARAJEVO

E. Vekić / Okerić

BOSNA I HERCEGOVINA
FEDERACIJE BOSNE I HERCEGOVINE
KANTON SARAJEVO
VLADA

IZVJEŠTAJ O REZULTATIMA JAVNE RASPRAVE O
NACRTU ZAKONA O SPORTU

Nosilac izrade

Ministarstvo kulture i sporta Kantona Sarajevo

Sarajevo, Maj 2026. godine

IZVJEŠTAJ O REZULTATIMA JAVNE RASPRAVE O

NACRTU ZAKONA O SPORTU

Na osnovu člana 140. Poslovnika Skupštine Kantona Sarajevo ("Službene novine Kantona Sarajevo", br. 41/12- Drugi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) Skupština Kantona Sarajevo, na 24. Radnoj sjednici održanoj dana 15.07.2025. godine, donijela je Zaključak, broj: 01-02-39716/25 od 15.7.2025. godine kojim je utvrđen Nacrt zakona o sportu Kantona Sarajevo i stavljen na javnu raspravu.

Ministarstvo kulture i sporta Kantona Sarajevo je organizirilo i provelo javnu raspravu koja je, prema pomenutom zaključku, trajala 60 dana.

I - MINISTARSTVO PRAVDE I UPRAVE KANTONA SARAJEVO

„1. Ministarstvo pravde i uprave je u toku postupka konsultacija na Nacrt Zakona o sportu Kantona Sarajevo, u aktu, broj: 03-04/2-02-12245/24 od 15.3.2024. godine istako sugestiju koja se odnosila na član 111. Nacrta Zakona (Obavljanje privredne djelatnosti). U Izvještaju o provedenim konsultacijama navedeno je da je prihvaćeno mišljenje ovog ministarstva, te da je navedeni član zakona preciziran. Međutim, primjećeno je da u samom tekstu Nacrta Zakona kog je utvrdila Skupština Kantona Sarajevo, u članu 110. (Obavljanje privredne djelatnosti) i dalje egzistira norma u istom tekstu u kom je bila u prvobitnom Nacrtu Zakona, odnsona da nije izmjenjena u skladu sa novodom iz Izvještaja.”

Stav predlagača: Prihvaćeno

„2. Članom 33. stav (1) Nacrta Zakona (Vijeće za sport) je propisano da Vijeće za sport savjetodavno tijelo Ministarstva, dok je članom 34. stav (1) Nacrta Zakona propisano da Vijeće imenuje i razrješava Vlada. U tom smislu ukazujemo da Vijeće za sport ne može biti savjetodavno tijelo Ministarstva, kako je propisano članom 33. stav (1) Nacrta zakona, s obzirom da isto imenuje i razrješava Vlada.

Stav predlagača: Prihvaćeno

„3. Članom 68. stav (2) Nacrta Zakona (Vijeće za sport Kantona Sarajevo) propisano je da ako je nad sportskim udruženjem sproveden stečajni postupak, organ koji je taj postupak sproveo u roku od 15 dana od dana okončanja postupka dostavlja nadležnom sudu i nadležnom organu za upis odnosno registraciju dokaz o tome, nakon čega se, po službenoj dužnosti, sprovodi birisanje :sportskog udruženja iz registra kod nadležnog organa za registraciju. Napominjemo da stečajne postupke nad pravnim licima vode sudovi u skladu sa postupkom utvrđenim Zakonom o stečaju, kojim je propisano postupanje sudova, kao i pravne posljedice otvaranja i provođenja stečajnog postupka te, između ostalog, i oglašavanje i dejstvo zaključenja i obustave stečajnog postupka.”

Stav predlagača: Prihvaćeno

„4. Članom 79. stav (2) Nacrta Zakona (Sportska organizacija kao privredno društvo) propisano je da fizičko lice iz stava (1) ovog člana, koje se bavi stručnim radom u oblasti sporta, mora imati odgovarajuće sportsko zvanje u skladu sa ovim zakonom. Navedena norma može izazvati nejasnoće u primjeni iz razloga što se može protumačiti samo lica koja se bave stručnim radom u oblasti sporta mogu biti osnivači privrednog društva koje se bavi sportskom djelatnošću radi sticanja dobiti. U tom smislu napominjemo da je potrebno posebno razmotriti usaglašenost ove

odredbe sa odredbama Zakona o privrednim društvima („Službene novine Federacije BiH”, br. 81/15 i 75/21).”

Stav predlagača: Prihvaćeno

„5. Članom 169. stav 7. Nacrta Zakona (Trajna novčana naknada) propisano je da je pravo na trajnu novčanu naknadu iz stava (1) i (3) doživotno, te da može prestati ako prestane ispunjavanje nekog od uslova propisanih u st. (1) i (3) ovog člana. Navedenom formulacijom je nejasno propisana pravna posljedica prestanka ispunjava usova iz st. (1) i (3) ovog člana budući da je predviđeno da pravo na trajnu novčanu naknadu može prestati u propisanim slučajevima, što može uzrokovati pravnu nesigurnost, paušalno i arbitrarno postupanje i nejednaku primjenu zakona.”

Stav predlagača: Prihvaćeno

„6. Članom 170. stav (1) Nacrta Zakona (Ostvarivanje prava na trajnu novčanu naknadu) propisano je da ukoliko sportista ili trener nakon sticanja trajne novčane nakande iz člana 169. Ovog zakona odluči nastaviti sa takmičenjima i drugim sportskim aktivnostima, ne gubi stečeno pravo. U stavu (2) propisano je da ukoliko savez izrazi potrebu za daljnim angažovanjem, sportista i trener je obavezan odazvati se tom pozivu, te da ukoliko se ne odazove, može izgubiti pravo na novčanu naknadu. Ovako pravno rješenje je nedovoljno normirano i nejasno formulisano te može uzrokovati pravnu nesigurnost, paušalno i arbitrarno postupanje i nejednaku primjenu zakona. Pored toga smatramo da odredba stava (2) može dovesti do povrede osnovnih ljudskih prava s obzirom na to da je materijalno-pravni osnov za sticanje prava na trajnu novčanu naknadu utvrđen odredbama člana 169. ovog zakona. Naime, pravo na trajnu novčanu naknadu koje je utvrđeno i stečeno na osnovu zakona, u kontekstu prakse Evropskog suda za ljudska prava se može smatrati imovinom čije je uživanje zaštićeno odredbama člana 1. Protokola 1 uz Evropsku konvenciju o zaštiti ljudskih prava i osnovnih sloboda, koji propisuje da svako fizičko ili pravno lice ima pravo na neometano uživanje svoje imovine te da niko ne može biti lišen svoje imovine, osim u javnom interesu i pod uslovima predviđenim zakonom i općim načelima međunarodnog prava. Shodno navedenom, zakonom se mogu propisati uslovi pod kojima se lica mogu lišiti prava, ali to mora biti u u javnom interesu.”

Stav predlagača: Nije prihvaćeno

Obrazloženje:

U vezi sa primjedbom na član 170. Zakona o sportu, kojom se ukazuje na navodnu nejasnoću odredbe i mogućnost povrede prava na imovinu, ističemo da ista nije prihvaćena iz sljedećih razloga:

Odredbe člana 170. potrebno je tumačiti u kontekstu cjelokupnog zakona, a naročito odredbi kojima se utvrđuje da je sport djelatnost od javnog interesa za Kanton. U tom smislu, trajna novčana naknada iz člana 169. ovog zakona ne predstavlja isključivo individualno pravo stečeno bez daljnjih obaveza, već je povezana sa širim društvenim ciljem razvoja i unapređenja sporta kao djelatnosti od posebnog značaja.

Propisivanje mogućnosti angažmana sportiste i trenera od strane nadležnih sportskih saveza ima za cilj ostvarivanje javnog interesa u sportu, naročito kroz prenos znanja, iskustva i promociju sportskih vrijednosti, što je u skladu sa ciljevima utvrđenim ovim zakonom.

Odredba stava (2) člana 170. ne uvodi automatski prestanak prava, već predviđa mogućnost prestanka u izuzetnim slučajevima, što podrazumijeva da se u svakom konkretnom slučaju moraju cijeliti sve relevantne okolnosti. Time se osigurava individualiziran pristup i sprječava arbitrarno odlučivanje.

Također, eventualno odlučivanje o prestanku prava podliježe pravilima upravnog postupka, čime su obezbijeđene procesne garancije i pravna zaštita korisnika prava.

U pogledu navoda o mogućoj povredi prava na imovinu iz člana 1. Protokol br. 1 uz Evropsku konvenciju o ljudskim pravima, ukazujemo da ovo pravo nije apsolutno, te da su dozvoljena ograničenja koja su propisana zakonom i koja služe legitimnom cilju u javnom interesu. U konkretnom slučaju, cilj odredbe je osiguranje aktivnog doprinosa razvoju sporta od strane lica koja su ostvarila pravo na trajnu novčanu naknadu, što predstavlja legitiman javni interes. Imajući u vidu navedeno, smatramo da je predmetna odredba dovoljno određena, da ne dovodi do pravne nesigurnosti, te da je u skladu sa važećim pravnim standardima i praksom Evropski sud za ljudska prava.

Iz navedenih razloga, primjedba se ne prihvata.

„7. Članom 171. Nacrta Zakona propisano je da sportista koji ostvaruje novčanu naknadu za sportsko postignuće u nekoj od država koje su nastale raspadom bivše SFRJ nema pravo na nagradu i naknadu iz člana 164. 167. 169. ovog zakona. Smatramo da je nejasna intencija navedene odredbe i da je ista diskriminirajuća, jer stavlja u neravnopravan položaj sportiste koji ostvaraju novčanu naknadu za sportsko postignuće u nekoj od država nastalih disolacijom SFRJ, i sportiste koji takvu naknadu ostvaruje u nekoj drugoj državi.”

Stav predlagača: Nije prihvaćeno

Obrazloženje:

Odredba člana 171. Nacrta Zakona nije diskriminatorska, već je zasnovana na specifičnim historijskim i pravnim okolnostima koje proizlaze iz činjenice da je Bosna i Hercegovina bila u sastavu bivše SFRJ. Sportisti koji su ostvarili sportske rezultate u bivšoj SFRJ po tom osnovu mogu ostvarivati prava i novčane naknade isključivo u državama nastalim raspadom SFRJ, odnosno državama koje su bile dio zajedničkog pravnog i sportskog sistema u okviru kojeg je rezultat ostvaren.

S obzirom na navedeno, ne postoji mogućnost da sportista po osnovu rezultata ostvarenog u bivšoj SFRJ ostvaruje istovremeno prava u državama koje nisu bile dio bivše SFRJ, te se predmetna odredba odnosi isključivo na sprečavanje dvostrukog ostvarivanja prava po istom osnovu u državama sukcesorima bivše SFRJ.

Iz tog razloga, navedena odredba ne dovodi sportiste u neravnopravan položaj, niti pravi diskriminaciju između sportista, već uređuje posebno i objektivno različitu pravnu situaciju.

II - KARATE SAVEZ BOSNE I HERCEGOVINE

1.”Član 169. stav 1. mijenja se i glasi:

„Pravo na trajnu novčanu naknadu koja se isplaćuje mjesečno ostvaruje sportista državne selekcije koji je osvojio medalju na olimpijskim igrama/paraolimpijskim igrama, svjetskom seniorskom prvenstvu u olimpijskom /paraolimpijskom sportu „**I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STARNE MEĐUNARODNOG OLIMPIJSKOG KOMITETA**” i disciplini evropskom seniorskom prvenstvu na olimpijskom/paraolimpijskom sportu i disciplinama „**I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STARNE MEĐUNARODNOG OLIMPIJSKOG KOMITETA**”, kao nagradu Kantona Sarajevo za poseban doprinos ugledu Bosne i Hercegovine, ako ispujava sljedeće uslove:”

Obrazloženje:

Ovim amandmanom se osigurava jednak tretman sportista koji se takmiče u sportovima priznatim od strane Međunarodnog olimpijskog komiteta, a koji nisu na programu Olimpijskih igara, čime se doprinosi unapređenju sporta i pravednijem nagrađivanju vrhunskih sportskih rezultata.

Stav predlagača: Nije prihvaćeno

Obrazloženje:

Predložena izmjena nije prihvaćena iz razloga što je opredjeljenje predlagača zakona da pravo na trajnu novčanu naknadu bude vezano isključivo za ostvarene rezultate u sportovima i disciplinama koji se nalaze na programu Olimpijskih ili Paraolimpijskih igara, imajući u vidu da olimpijski i paraolimpijski program predstavlja najviši međunarodno priznati standard sportske konkurencije, kontinuiteta razvoja i institucionalne valorizacije sportskih rezultata.

Predloženo proširenje na sportove koji jesu priznati od strane Međunarodnog olimpijskog komiteta, ali nisu dio zvaničnog programa Olimpijskih igara, značajno bi proširilo obuhvat korisnika prava bez jasno definisanih kriterija u pogledu nivoa međunarodne konkurencije, kontinuiteta održavanja prvenstava i sistema vrednovanja sportskih rezultata.

Nacrt zakona je zadržao rješenje kojim se pravo na trajnu novčanu naknadu veže za medalje osvojene na Olimpijskim i Paraolimpijskim igrama, te svjetskim i evropskim seniorskim prvenstvima u sportovima i disciplinama koje su dio olimpijskog odnosno paraolimpijskog programa, smatrajući da se na taj način osigurava objektivna, jasan i jednak kriterij za ostvarivanje ovog prava.

2. "Član 120. (Status vrhunskog sportiste)

(1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u priznatom sportu ili disciplini.

(2) Rezultati ili plasmani motaju biti ostavreni na zvaničnim takmičenjima na nivou Bosne i Hercegovine; odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane MOK-a, Internacionalnog paraolimpijskog komiteta (u daljem tekstu: IPC) ili Sport Accorda.

(3) Sport mora biti priznat od strane MOK-a, IPC-a i **SPORTACCORDAA** kroz **ARISF** ili neke druge relevantne sportske organizacije.

OBRAZLOŽENJE

U dosadašnjem tekstu člana 120. korišten je naziv GAISF (General Association of Internacional Sports Federations), organizacija koja je okupljala međunarodne sportske federacije. Međutim:

- GAISF je zvanično ugašen u septembru 2023. godine, nakon odluke članova Skupštine u novembru 2022.
- Njegove funkcije, nadležnosti i sportski okvir sada je preuzeo SportAccord – krovna međunarodna sportska organizacija.
- SportAccord okuplja četiri ključne asocijacije međunarodnih sportskih federacija
 - ASOIF - Savez ljetnih olimpijskih igara
 - AIOWF - Savez zimskih olimpijskih igara
 - ARISF – Savez sportskih priznatih MOK-a ali koji nisu na programu Olimpijskih igara
 - AIMS – Savez međunarodnih sportskih federacija nepriznatih MOK-a

Ova izmjena osigurava usklađivanje zakonskog teksta sa aktuelnim međunarodnim sportskim standardima i omogućava priznanje sportova i disciplina koje pripadaju okviru SportAccorda, uključujući i sportove priznate od Međunarodnog olimpijskog komiteta (MOK-a), ali koji nisu na programu Olimpijskih igara, kao što je karate.“

Stav predlagača: Prihvaćeno

III - KARATE SAVEZ KANTONA SARAJEVO

1. "Član 169. stav 1. mijenja se i glasi:

„Pravo na trajnu novčanu naknadu koja se isplaćuje mjesečno ostavruje sportista državne selekcije koji je osvoji medalju na olimpijskim igrama/paraolimpijskim igrama, svjetskom seniorskom prvenstvu u olimpijskom /paraolimpijskom psporzu „**I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STARNE MEĐUNARODNSOG OLIMPIJSKOG KOMITETA**” i disciplini evropskom seniorskom prvenstvu na olimpijskom/paraolimpijskom sportu i disciplinama „**I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STARNE MEĐUNARODNOG OLIMPIJSKOG KOMITETA**”, kao nagradu Kantona Sarajevo za poseban doprinos ugledu Bosne i Hercegovine, ako ispujav sljedeće uslove:”

Obrazloženje:

Ovim amandmanom se osigurava jednak tretman sportista koji se takmiče u sportovima priznatim od strane Međunarodnog olimpijskog komiteta, a koji nisu na programu Olimpijskih igara, čime se doprinosi unapređenje sporta i pravednijem nagrađivanju vrhunskih sportskih rezultata.

Stav predlagača: Nije prihvaćeno

Obrazloženje:

Predložen izmjena nije prihvaćena iz razloga što je opredjeljenje predlagača zakona da pravo na trajnu novčanu naknadu bude vezano isključivo za ostvarene rezultate u sportovima i disciplinama koji se nalaze na programu Olimpijskih ili Paraolimpijskih igara, imajući u vidu da olimpijski i paraolimpijski program predstavlja najviši međunarodno priznati standard sportske konkurencije, kontinuiteta razvoja i institucionalne valorizacije sportskih rezultata.

Predloženo proširenje na sportove koji jesu priznati od strane Međunarodnog olimpijskog komiteta, ali nisu dio zvaničnog programa Olimpijskih igara, značajno bi proširilo obuhvat korisnika prava bez jasno definisanih kriterija u pogledu nivoa međunarodne konkurencije, kontinuiteta održavanja prvenstava i sistema vrednovanja sportskih rezultata.

Nacrt zakona je zadržao rješenje kojim se pravo na trajnu novčanu naknadu veže za medalje osvojene na Olimpijskim i Paraolimpijskim igrama, te svjetskim i evropskim seniorskim prvenstvima u sportovima i disciplinama koje su dio olimpijskog odnosno paraolimpijskog programa, smatrajući da se na taj način osigurava objektivan, jasan i jednak kriterij za ostvarivanje ovog prava.

2. "Član 120. (Status vrhunskog sportiste)

(1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u priznatom sportu ili disciplini.

(2) Rezultati ili plasmani motaju biti ostavreni na zvaničnim takmičenjima na nivou Bosne i Hercegovine, odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane MOK-a, Internacionalnog paraolimpijskog komiteta (u daljem tekstu: IPC) ili Sport Accorda.

(3) Sport mora biti priznat od strane MOK-a, IPC-a i **SPORTACCORDAA** kroz ARISF ili neke druge relevantne sportske organizacije.

OBRAZLOŽENJE

U dosadašnjem tekstu člana 120. korišten je naziv GAISF (General Association of Internacional Sports Federations), organizacija koja je okupljala međunarodne sportske federacije. Međutim:

- GAISF je zvanično ugašen u septembru 2023. godine, nakon odluke članova Skupštine u novembru 2022.

- Njegove funkcije, nadležnosti i sportski okvir sada je preuzeo SportAccord – krovna međunarodna sportska organizacija.
- SportAccord okuplja četiri ključne asocijacije međunarodnih sportskih federacija
 - ASOIF - Savez ljetnih olimpijskih igara
 - AIOWF - Savez zimskih olimpijskih igara
 - ARISF – Savez sportskih priznatih MOK-a ali koji nisu na programu Olimpijskih igara
 - AIMS – Savez međunarodnih sportskih federacija nepriznatih MOK-a

Ova izmjena osigurava usklađivanje zakonskog teksta sa aktuelnim međunarodnim sportskim standardima i omogućava priznanje sportova i disciplina koje pripadaju okviru SportAccorda, uključujući i sportove proznate od Međunarodnog olimpijskog komiteta (MOK-a), ali koji nisu na programu Olimpijskih igara, kao što je karate.“

Stav predlagača: Prihvaćeno

IV - FUDBALSKI KLUB SARAJEVO

1.“Član 4. i Član 5. predviđaju definiciju sporta i osnovnih pojmova – smatramo da je potrebno ovo pažljivo obraditi, uzimajući u obzir ranije definicije iz relevantnih zakona kako bi se spriječili potencijalni problemi u radu klubova i sportskih organizacija.“

Stav predlagača: Prihvaćeno

2.“Član 25. do Člana 35. definiše strategije i razvoj sporta, te uspostavu i način formiranja Vijeća za sport. Cijenimo potrebnim osigurati jasan i transparentan način učešća relevantnih predstavnika svih ključnih sportskih klubova i organizacija u donošenju ovih akata, te prava da budu članovi Vijeća.”

Stav predlagača: Nije prihvaćeno

Obrazloženje:

Predložena odredba koja bi osiguravala direktno učešće predstavnika sportskih klubova i organizacija u donošenju Strategije i godišnjih programa razvoja sporta nije prihvatljiva u okviru zakona iz sljedećih razloga:

1. Zakonski okvir ne predviđa detaljnu proceduru imenovanja članova Vijeća. Ovo je predmet podzakonskih akata, pravilnika i odluka Vlade, koje omogućavaju fleksibilno i operativno uređivanje procedura.
2. Izrada Strategije je tehnički i planski proces koji se sprovodi kroz formiranu stručnu komisiju, čiji sastav i mandat se ne reguliše zakonom.
3. Zakonom se definišu principi i opšti okvir strategije i rada Vijeća, dok se operativna pitanja kao što su imenovanje, zastupljenost i participacija rješavaju kroz podzakonske akte, čime se osigurava i usklađenost sa praksom i promjenjivim potrebama sportskih organizacija.

Posmatrajući Zakon u cjelini da se zaključiti da isti ostavlja dovoljno prostora za uključivanje svih relevantnih aktera, ali detaljna procedura imenovanja i učešća bit će propisana u posebnim podzakonskim aktima, a ne u samom zakonu.

3."Član 37. predviđa uspostavu i upis u registar sporta. Smatramo kako se uspostavom ovog registra stvaraju nepotrebne administrativne i birokratske barijere, te se uvodi svojevrsna pravna nesigurnost u rad svih sportskih klubova i organizacija i stoga predlažemo da se odustane od uspostave ovog registra ili da njegovo postojanje bude čisto statističke prirode, bez uvođenja bilo kakvih sankcija i obaveze bilo kakvog usklađivanja načina organiziranja klubova i sportskih organizacija kako bi se izvršio upis.

Skrećemo pažnju kako svi klubovi i organizacije već imaju obaveze upisa u relevantne registra i ne vidimo bilo kakav opravdan razlog za formiranje potpuno novog sistema registrovanja. Također, rokovi koji su predviđeni za ispitivanje određenih obaveza u vezi sa registrom su previše kratki i mogu također voditi kreiranju brojnih problema u radu klubova."

Stav predlagača: Nije prihvaćeno

Obrazloženje:

Predloženi komentar koji odustaje od uspostave sportskog registra nije prihvatljiv iz pravno-organizacionih razloga:

1. Neophodnost vođenja registra. Registar sporta predstavlja ključni instrument za uspostavu sistemskog nadzora, evidencije i planiranja u oblasti sporta na nivou Kantona. Kao što Ministarstvo pravde i uprave vodi registre udruženja, među kojima su i sportska udruženja, resorno Ministarstvo kulture i sporta mora imati poseban registar kako bi se osigurala sveobuhvatna evidencija sportskih subjekata, uključujući fizička i pravna lica.
2. Pravni okvir i sigurnost. Upis u registar ne uvodi proizvoljne sankcije, već omogućava pravnu sigurnost i transparentnost u radu sportskih organizacija. Evidencija kroz registar olakšava praćenje finansiranja, kategorizaciju sportista, licenciranje i druge zakonske obaveze, te smanjuje pravnu nesigurnost.
3. Koordinacija sa postojećim evidencijama. Registar sporta neće duplicirati postojeće upise (sudski registar privrednih društava, registar udruženja), već će predstavljati specijalizovanu evidenciju sportskih subjekata, koja omogućava Ministarstvu da planira, nadzire i podržava razvoj sporta u skladu sa zakonom.
4. Organizaciona opravdanost. Sportski registar će se voditi prema pravilnicima koje donosi ministar, što omogućava fleksibilno i efikasno prilagođavanje procedura, bez stvaranja nepotrebnih administrativnih prepreka ili opterećenja sportskih organizacija.

Uzimajući u obzir sve navedeno da se zaključiti da vođenje sportskog registra je neophodno za uspostavu sistema, praćenje razvoja sportskih organizacija i osiguranje transparentnog i urednog funkcionisanja sporta na području Kantona, a njegova implementacija će biti uređena pravilnicima kako bi se izbjegle administrativne komplikacije.

4."Član 154. Predlažemo da se iznos od 1,5% poveća na 2%."

Stav predlagača: Nije prihvaćeno

Obrazloženje:

Predložena izmjena člana 154. kojom se procenat izdvajanja sredstava za ostvarivanje javnog interesa u oblasti sporta povećava sa 1,5 % na 2 % planiranog budžeta Kantona nije prihvaćena. Naime, važećim propisima do sada nije bio utvrđen minimalan procenat budžetskih izdvajanja za oblast sporta, te su sredstva za ovu oblast u prethodnom periodu bila značajno manja i u pravilu ispod 1 % ukupnog budžeta Kantona Sarajevo. U tom smislu, predloženo zakonsko rješenje kojim se prvi put garantuje izdvajanje od najmanje 1,5 % predstavlja značajan iskorak i unapređenje sistemskog finansiranja sporta u Kantonu Sarajevo.

Iako je prijedlog za povećanje izdvajanja na 2 % usmjeren ka dodatnom jačanju podrške sportu i kao takav ima opravdanje sa aspekta razvoja sporta, uvažavajući trenutne fiskalne mogućnosti i ukupnu budžetsku situaciju Kantona Sarajevo, u ovom trenutku nije moguće prihvatiti dodatno povećanje zakonski garantovanog procenta izdvajanja.

Predloženi procenat od najmanje 1,5 % ocijenjen je kao finansijski održiv i realno provodiv u postojećim budžetskim okolnostima, uz mogućnost da se sredstva za sport i dodatno povećavaju kroz godišnje budžete, u skladu sa raspoloživim finansijskim sredstvima i prioritetima Kantona Sarajevo.

5."U članu 154. poslije stava (2) predlažemo da se doda novi stav (3) koji glasi:

(3) Izuzetno od stava (2), sportskim klubovima u Kantonu koji se takmiče u najvišem rangu takmičenja u sportu organizovanom u najmanje 3 ranga takmičenja Bosni i Hercegovini biće ravnomjerno raspodijeljeno 20% sredstava od ukupno obezbjeđenih sredstava u budžetu Kantona za ostvarivanje javnog interesa u oblasti sporta iz stava (2) ovog člana.

Stavovi (3) i (4) postaju stavovi (4) i (5).

Predloženo je rješenje u skladu je sa načelima jednakosti izabrane diskriminacije zagarantovanih Ustavom Federacije Bosne i Hercegovine i Ustavom Kantona Sarajevo, budući da uvodi jasan i objektivni kriterij za raspodjelu dijela budžetskih sredstava. Time se smanjuje prostor za i proizvoljno odlučivanje i osigurava pravna sigurnost sportskih klubova.

Također, određenim unaprijed poznatog procenta (20%) doprinosi se transparentnosti i predvidljivosti raspodjele javnih sredstava, što je je u potpunosti u skladu sa Zakonom o budžetima Federacije BiH i Zakonom o sportu Kantona Sarajevo.

Ujedno na ovaj način profesionalnim sportskim klubovima koji se takmiče na najvišem nivou osigurava se precizan predviđiv iznos finansiranja koji osigurava adekvatno planiranje i bolju organizaciju rada sportskih klubova, čime se osiguravaju bolji uslovi za njihovo lakše funkcionisanje i pojedinačno ostvarivanje boljih rezultata, a što je jedan od ciljeva ovog zakona.

Pored toga, predloženo rješenje je usklađeno sa Zakonom o sportu Bosne i Hercegovine, koji sportske klubove prepoznaje kao osnovne nosioce sportskih aktivnosti, te sa Evropskom poveljom o sportu (Vijeće Evrope), koja naglašava obavezu javnih vlasti da podrže sportske strukture i osiguraju uslove za njihov razvoj.

Kriterij da se sredstva dodjeljuju klubovima koji se takmiče u sportu organizovanom u najmanje tri ranga takmičenja u Bosni i Hercegovini zasniva se na činjenici da takvi sportovi imaju razvijenu organizacionu strukturu, široku bazu i sistem napredovanja.

Na ovaj način podstiče se raznomjeran razvoj sporta u Kantonu Sarajevo, jer se sredstva raspoređuju po jasnim i mjerljivim kriterijima, a ne prema trenutnoj popularnosti ili diskrecionoj procjeni. Predloženo rješenje direktno doprinosi razvoju i baze (mlađih kategorija i nižih liga) i vrhunskog sporta, čime se osigurava kontinuitet i održivost sporskog sistema.

Razlozi za usvanjanje ovog amandmana leže i u činjenici da on osigurava transparentnu, pravednu i predvidivu raspodjelu javnih sredstava, jača ulogu sportskih klubova kao osnovnih nosilaca sportskih aktivnosti i pruža podršku sportovima sa razvijenom infrastrukturu i višerazinskim sistemom takmičenja, čime se doprinosi ostvarivanju javnog interesa i smanjuju rizik od proizvoljne ili politizirane raspodjele sredstava.

Stav predlagača: Prihvaćeno

6."Član 161. koji govori o tome da dodatna sponzorstva za sportske aktivnosti mogu doći i od kantonalnih preduzeća koja posluju pozitivno, a na prijedlog ministarstva. Ova odredba treba biti preciznije određena kako bi se osigurala autonomija odlučivanja samih preduzeća u

donošenju odluka sponzorstva klubova, kako to ne bi bilo uslovljeno bilo čijim saglasnostima, osim onih organa kako je to uređeno relevantnim zakonodavstvom koje uređuje rad privrednih društava.”

Stav predlagača: Nije prihvaćeno

Obrazloženje:

Predloženi komentar koji zahtijeva dodatnu preciznost u pogledu sponzorstava kantonalnih preduzeća nije prihvatljiv jer član 161 već jasno definiše da se sponzorstva ostvaruju „od kantonalnih preduzeća koja posluju pozitivno, na prijedlog Ministarstva“. Ova odredba ne narušava autonomiju preduzeća, jer prijedlog Ministarstva služi isključivo kao inicijativa ili preporuka, dok konačna odluka o sponzorstvu ostaje u nadležnosti preduzeća u skladu sa njihovim internim aktima i važećim zakonskim propisima koji uređuju rad privrednih društava. Istovremeno, ovakav način formulacije omogućava Ministarstvu da inicira sponzorstva od pouzdanih firmi, čime se osigurava da sredstva za sportske aktivnosti dolaze iz preduzeća koja svojim pozitivnim poslovanjem mogu pouzdano podržati sportske klubove, bez ugrožavanja njihove samostalnosti u odlučivanju.

Dodatna preciziranja smatrana u komentaru bila bi suvišna i mogla bi stvoriti nepotrebnu birokratsku proceduru, te potencijalno ograničiti fleksibilnost i brzinu donošenja odluka u preduzećima, što je suprotno ciljevima efikasnog finansiranja sportskih aktivnosti.

Stoga se predloženi komentar odbacuje, uz zadržavanje sadašnje formulacije člana 161 koja balansira inicijativu Ministarstva, autonomiju preduzeća i osiguranje sponzorstava od pouzdanih firmi.

V - OPĆINA NOVI GRAD SARAJEVO

1.”Član 29. Nacrta Zakona o sportu Kantona Sarajevo propisuje obavezu donošenja Strategijae razvoja sporta na nivou općina, donošenje sektorskih strategija nije zakonski obavezno, ključni razvojni dokument je Strategija razvoja. Zakonom o razvojnom planiranju FBiH koji uređuje sistem strateškog planiranja u FBiH, jasno propisuje subjekte koji su obavezni donositi sektorske strategije a koje se isključivo donosena nivo kantona i federacije, dok jedinice lokalne izrađuje razvojne strategije koje obuhvataju sve sektore uključujući i oblast sporta. Navedena odredba ima za rezultat dupliranje planskih dokumenta, dodatnog administrativnog i finansijskog opterećenja za jedinice lokalne samouprave, s tim u vezi predmetni član potrebno je uskladiti sa Zakonom o razvojnom planiranju FBiH.”

Stav predlagača: Nije prihvaćeno

Obrazloženje:

Predloženi komentar koji ukazuje na potrebu usklađivanja člana 29. sa Zakonom o razvojnom planiranju Federacije BiH i sugestiju da jedinice lokalne samouprave ne bi trebalo da donose vlastite strategije sporta nije prihvatljiv.

Član 29. jasno propisuje da jedinice lokalne samouprave, u skladu sa Strategijom razvoja sporta na nivou Kantona, donose svoje strategije i programe razvoja sporta. Ova odredba omogućava lokalnim zajednicama da prilagode razvoj sporta specifičnostima svog područja, osiguravajući pravovremenu implementaciju i koordinaciju sa kantonalnom Strategijom.

Ustavna i zakonska autonomija jedinica lokalne samouprave omogućava im donošenje strateških dokumenata koji pokrivaju sve sektore, uključujući sport, bez narušavanja

nadležnosti Kantona. S tim u vezi, eventualno usklađivanje sa Zakonom o razvojnom planiranju FBiH nije neophodno, jer zakonodavni okvir već predviđa fleksibilnost u donošenju sektorskih dokumenata unutar lokalnih razvojnih strategija.

Stoga se komentar odbacuje, uz zadržavanje postojeće formulacije člana 29., koja osigurava usklađenost lokalnih programa sporta sa kantonalnom Strategijom i omogućava primjenu u skladu sa specifičnostima svake jedinice lokalne samouprave.

2."Član 37. propisuje uspostavu registra u oblasti sporta na nivou Kantona Sarajevo, potrebno je da se za općine zadrži predhodno zakonsko rješenje koje se odnosi na evidenciju/registar a da resorno ministarstvo vodi zajednički zbirni registar za Kanton Sarajevo a u cilju praćenja stanja u sportu za općine."

Stav predlagača: Prihvaćeno

3."Član 154. stav (1) pod tačkom c) dodati iza riječi " vodeći računa o regionalnoj zastupljenosti" dodati "te broj klubova koji djeluju na području lokalnih zajednica".

Stav predlagača: Nije prihvaćeno

Obrazloženje:

Predloženi komentar koji zahtijeva dodavanje izraza „te broj klubova koji djeluju na području lokalnih zajednica“ nakon riječi „vodeći računa o regionalnoj pokrivenosti“ nije prihvatljiv. Trenutna formulacija člana već omogućava fleksibilnu i proporcionalnu raspodjelu sredstava s obzirom na regionalnu zastupljenost sportskih aktivnosti, pri čemu je prisustvo klubova u lokalnim zajednicama implicitno obuhvaćeno.

Dodatno preciziranje broja klubova bi moglo stvoriti nepotrebnu rigidnost i administrativnu složenost, favorizujući područja s većim brojem manjih klubova umjesto da sredstva budu usmjerena prema stvarnim potrebama i kvalitetu sportskih aktivnosti. Takvo dodatno pravilo moglo bi otežati fleksibilno planiranje budžeta i provođenje strategije razvoja sporta na nivou Kantona.

Stoga se predloženi komentar odbacuje, uz zadržavanje postojeće formulacije člana 154. stav (1) tačka c), koja omogućava adekvatno, fleksibilno i efikasno planiranje i raspodjelu sredstava u skladu sa ciljevima razvoja sporta u Kantonu Sarajevo.

VI - JUDO SAVEZ KANTONA SARAJEVO

1."ČLAN 49. predviđa da Udruženja u određenim okolnostima moraju imati Upravni odbor što je u suprotnosti sa Članom 17. Zakonom o udruženjima i fondacijama FBiH, na osnovu kojeg se i osnivaju udruženja, a koji daje mogućnost udruženjima da sami propišu koje organe, osim skupštine, će imati udruženje. Stoga smatramo da navedene odredbe treba brisati, odnosno uskladiti sa Zakonom o udruženjima i fondacija FBiH."

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju upravnog odbora u sportskim udruženjima, nije prihvatljiv. Član 49. Nacrta Zakona o sportu Kantona Sarajevo propisuje minimalne norme upravljanja sportskim udruženjima s ciljem osiguranja

transparentnosti, odgovornosti i efikasnog odlučivanja u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH omogućava udruženjima da sama odlučuju o svojim organima, Zakon o sportu predstavlja *lex specialis* u oblasti sporta, pa je opravdano definisati osnovne organe upravljanja u slučajevima većih udruženja. Time se osigurava pravna sigurnost, jasna odgovornost i adekvatno vođenje sredstava, što je u skladu sa javnim interesom u sportu.

Stoga se predloženi komentar odbacuje, uz zadržavanje formulacije člana 49., koja osigurava da veća sportska udruženja imaju jasno definisane organe upravljanja i način odlučivanja.

2."Član 54. predviđa da Udruženja u određenim okolnostima moraju imati Nadzorni odbor što je u suprotnosti sa Članom 17. Zakona o udruženjima i fondacijama FBiH, na osnovu kojeg se i osnivaju udruženja, a koje daje mogućnost udruženjima da sami propišu koje organe, osim skupštine, će imati udruženje. Stoga smatramo da navedene odredbe treba brisati, odnosno uskladiti sa Zakonom o udruženjima i fondacijama FBiH."

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju upravnog odbora u sportskim udruženjima, nije prihvatljiv. Član 49. Nacrta Zakona o sportu Kantona Sarajevo propisuje minimalne norme upravljanja sportskim udruženjima s ciljem osiguranja transparentnosti, odgovornosti i efikasnog odlučivanja u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH omogućava udruženjima da sama odlučuju o svojim organima, Zakon o sportu predstavlja *lex specialis* u oblasti sporta, pa je opravdano definisati osnovne organe upravljanja u slučajevima većih udruženja. Time se osigurava pravna sigurnost, jasna odgovornost i adekvatno vođenje sredstava, što je u skladu sa javnim interesom u sportu.

Stoga se predloženi komentar odbacuje, uz zadržavanje formulacije člana 49., koja osigurava da veća sportska udruženja imaju jasno definisane organe upravljanja i način odlučivanja.

3."Član 61. predviđa kod upisa u sportski registar Udruženja da se između ostalog dostave fotokopije ličnih karata osnivača, što smatramo da je mnogim slučajevima nemoguće prihvatiti, a iz razloga jer mnogi osnivači sporskih udruženja nisu među živima, nisu ni aktivni u klubovima, a mnogi se i nalaze u inostranstvu."

Stav predlagača: Prihvaćeno

4."Član 86. predviđa da Sportski savez Kantona Sarajevo utvrđuje opća sportska pravila u kojima je naveden i program kontinuirane edukacije (formalne ili neformalne) u sportu radi stručnog osposobljavanja i usavršavanja, certificiranja i licenciranja sportskih stručnjaka, a sve navedeno je već propisano i provode državni granski sportski savez u skladu sa uputstvima i pravilima međunarodnih sportskih organizacija, te iz tog razloga navedena odredba nacrta je suvišna."

Stav predlagača: Nije prihvaćeno

Obrazloženje:

Predloženi komentar koji smatra da je stav (2) tačka c) o programu kontinuirane edukacije u sportu suvišan nije prihvatljiv. Član 86. Nacrta Zakona o sportu Kantona Sarajevo propisuje ulogu Sportskog saveza Kantona u utvrđivanju općih sportskih pravila, uključujući program kontinuirane edukacije, kako bi se osigurala standardizacija i koordinacija edukacije i licenciranja sportskih stručnjaka unutar Kantona.

Iako državni granski sportski savezi već provode programe stručnog osposobljavanja u skladu sa međunarodnim pravilima, zadržavanje ove odredbe u kantonalnom zakonu je opravdano iz sljedećih razloga:

- Omogućava usklađivanje kantonalnih pravila i programa sa lokalnim potrebama i prioritetima.
- Pruža pravnu osnovu za praćenje i koordinaciju edukacije i licenciranja stručnjaka na nivou Kantona, što doprinosi kvalitetu i transparentnosti rada sportskih organizacija.
- Osigurava da svi subjekti unutar Kantona, uključujući klubove i granske saveze, imaju zajednički okvir i minimalne standarde stručnog osposobljavanja.
- Posebno je značajno jer ne postoje granski savezi za sve sportske discipline u Kantonu, te kantonalni Sportski savez omogućava da i za te sportove postoji koordinirani program edukacije i licenciranja stručnjaka.

Stoga se predloženi komentar odbacuje, uz zadržavanje člana 86. u njegovoj sadašnjoj formi.

5."Član 87. predviđa u stavu (5) Ako na području Grada ili općine djeluje najmanje tri sportska kluba u istom sportu, može se osnovati granski sportski savez Grada ili općine u tom sportu. U granski sportski savez Grada ili općine se udružuju sportski klubovi pojedinog (određenog) sporta ili sportske grane te iste grane tog određenog sporta u čijoj sportskoj grani zbog nerazvijenosti nije osnovan granski sportski savez Grada ili općine, putem kojeg Grad ili općine ostvaraju svoj javni interes u oblasti sporta. Sportski savez Grada ili općine je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza Grada ili općine nije drugačije određeno."

Stav predlagača: Nije prihvaćeno**Obrazloženje:**

Predloženi komentar koji smatra da je osnivanje gradskih i općinskih granskih sportskih saveza nepotrebno nije prihvatljiv. Član 87. Nacrta Zakona o sportu Kantona Sarajevo predviđa mogućnost osnivanja sportskih saveza nižeg nivoa organizovanja kako bi se osigurao formalni okvir za koordinaciju i zajedničko djelovanje klubova na lokalnom nivou, posebno u oblastima gdje djeluje najmanje tri kluba istog sporta.

Ova odredba:

- Omogućava pravno prepoznatljive subjekte koji mogu zastupati lokalne interese u sportu i ostvarivati javni interes u oblasti sporta.
- Pruža jasnu organizacijsku strukturu za lokalne sportove i sportiste, posebno u sportovima koji nemaju razvijen granski savez na kantonalnom nivou.
- Ne nameće obavezu osnivanja saveza u svakom slučaju, već koristi formulaciju "može se osnovati", čime se ostavlja fleksibilnost i autonomija lokalnih zajednica u odlučivanju.

- Omogućava zaštitu prava na zajednički naziv i simbole za klubove unutar lokalnog saveza, čime se osigurava prepoznatljivost i kontinuitet u radu lokalnih sportskih organizacija.

Stoga se predloženi komentar odbacuje, a član 87. se zadržava u svojoj sadašnjoj formi, jer omogućava koordinaciju sportskih aktivnosti na lokalnom nivou bez nepotrebnog nametanja obaveza.

6."Član 90. predviđa pripremanje i nastupanje kantonalnih reprezentacija na zvaničnim entitetskim i državnim međunarodnim takmičenjima i pripremanje i nastupanje kantonalnih reprezentacija na zvaničnom međunarodnim takmičenjima u sportovima u kojima je to moguće i opravdano, uz predhodnu saglasnost Ministarstva.

- Gore navedenim smatramo nepotrebnim iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Na prvenstvima Federacije i prvenstvima BiH učestvuju isključivo sportski klubovi, a na prvenstvu Evrope i Svijeta učestvuju državne reprezentacije."

Stav predlagača: Prihvaćeno

7."Član 105. predviđa da Fakulteti osnivaju Udruženja stručnih lica osposobljenih za rad u sportu sa ciljem, između ostalog, certificiranjem i licenciranja lica za rad u oblasti sporta.

- Smatramo da nije moguće da Fakultet kao vladina organizacija osniva udruženja koje je nevladina organizacija, te da certificiranja i licenciranja lica za rad u oblasti sporta provode državni granski sportski savezi u skladu sa upustvima i pravilima međunarodnih sportskih organizacija."

Stav predlagača: Prihvaćeno

8."Član 126. predviđa da se sportski stručnjaci i stručnjaci u sport moraju redovno obavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije.

- Mišljenja smo da je nepotrebno licenciranje kod drugih institucija jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija."

Stav predlagača: Nije prihvaćeno

Obrazloženje:

Predloženi komentar koji smatra da lica iz člana 126. ne bi trebala redovno obnavljati svoje kvalifikacije i licence prema standardima i zahtjevima nadležnih institucija nije prihvatljiv. Član 126. Nacrta Zakona o sportu Kantona Sarajevo propisuje obavezu kontinuiranog profesionalnog usavršavanja sportskih stručnjaka i stručnjaka u sportu kako bi se osigurala kvaliteta rada i profesionalna odgovornost u sportu.

Iako je tačno da licenciranje i verifikaciju stručnjaka u praksi vrše državni granski sportski savezi u skladu sa pravilima međunarodnih sportskih federacija, predviđeno praćenje standarda i kontinuirana edukacija od strane nadležnih institucija na kantonalnom nivou služi kao dodatni mehanizam nadzora i osiguranja javnog interesa u sportu. Ovo je naročito važno za

ujednačavanje profesionalnih standarda, praćenje razvoja sportskih stručnjaka i osiguranje da lokalne potrebe i specifičnosti kantonalnog sporta budu adekvatno pokrivene.

Stoga se predloženi komentar odbacuje, a formulacija člana 126. ostaje nepromijenjena.

9."Član 143. predviđa da kod organizacije međunarodnih Sportskih takmičenja, između ostalog pribavi i mišljenje jedinice lokalne samouprave (općine)

- Ovu odredbu smatramo suvišnom iz razloga što Kanton Sarajevo čini jednu urbanu sredinu pa često može doći do promjene lokacije (dvorane, terena i slično), samim tim i općine održavanje manifestacije."

Stav predlagača: Nije prihvaćeno

Obrazloženje:

Predloženi komentar koji zahtijeva brisanje odredbe o pribavljanju mišljenja jedinice lokalne samouprave kod organizacije međunarodnih sportskih takmičenja nije prihvatljiv. Član 143. Nacrta Zakona o sportu Kantona Sarajevo predviđa uključivanje jedinice lokalne samouprave kako bi se osigurala koordinacija, dostupnost infrastrukture i lokalna podrška prilikom organizacije manifestacija.

Iako Kanton Sarajevo predstavlja jednu urbanu sredinu, mišljenje općine je važno jer omogućava: pravovremenu procjenu logističkih kapaciteta (sportske dvorane, tereni, transport), koordinaciju s lokalnim službama, policijom i zdravstvenim institucijama te jasnu odgovornost i planiranje sigurnosnih i drugih operativnih pitanja.

Stoga se odredba o pribavljanju mišljenja jedinice lokalne samouprave zadržava kao opravdana, a predloženi komentar se odbacuje.

10."Član 181. predviđa novčane kazne za propisane prekršaje u iznosu od 5.000,00 KM do 10.000,00 KM, za odgovorna lica.

- Mišljenja smo da su propisane kazne previsoke, a Zakon o prekršajima Federacije BiH predviđa novčane kaze za pravna lica (sportske organizacije) od 500,00 KM, a za odgovorna lica 50,00 KM. Smatramo da predlagač treba umanjiti najniže propisane kazne, a sve u skladu sa Zakonom o prekršajima Federacije BiH."

Stav predlagača: Nije prihvaćeno

Obrazloženje:

Predložene novčane kazne u članu 181. imaju za cilj osigurati efektivnu primjenu zakonskih odredbi i podstaći poštovanje propisa u oblasti sporta. Visoki iznosi kazni (5.000,00 KM do 10.000,00 KM za pravna lica i odgovorna lica) su namjerno određeni kako bi reflektovali ozbiljnost prekršaja koji mogu imati direktan uticaj na zdravlje sportista, bezbjednost sportskih aktivnosti, finansijsku transparentnost i zakonitost rada sportskih organizacija.

Smanjenje kazni na nivo propisan Zakonom o prekršajima Federacije BiH (500 KM za pravna lica i 50 KM za odgovorna lica) bi značajno umanjilo preventivni efekat sankcija i smanjilo motivaciju za poštovanje propisa, naročito u slučaju većih i komercijalno aktivnih sportskih organizacija, gdje rizici od prekršaja imaju veći društveni i finansijski značaj.

Dakle, zadržavanje predloženih iznosa kazni opravdano je ciljem zaštite sportista, profesionalnog i amaterskog sporta, te očuvanja integriteta sportskih takmičenja i finansijske odgovornosti sportskih organizacija.

VII - KIK BOKS SAVEZ KANTONA SARAJEVO

1."Član 34. Nacrta Zakona o sportu Kantona Sarajevo (u daljem tekstu: Nacrt), predviđa da će Vlada na prijedlog ministra kulture i sporta Kantona Sarajevo, svojom odlukom propisati standarde i kriterijume za izbor i imenovanje Vijeća za sport Kantona Sarajevo. Smatramo da ovim članom Nacrta, treba osim navedenog, biti propisano koliko od ukupno 9 članova Vijeća, dolazi iz olimpijskih, a koliko iz neolimpijskih sportova, a kod olimpijskih sportova koliko dolazi iz zimskih, a koliko iz ljetnih sportova. Kako se radi o jednom od najvažnijih sportskih tijela u Kantonu Sarajevo, smatramo da navedeno treba biti propisano Zakonom."

Stav predlagača: Nije prihvaćeno

Obrazloženje:

Nacrtom Zakona o sportu predviđeno je da Vlada na prijedlog ministra kulture i sporta propisuje standarde i kriterijume za izbor i imenovanje Vijeća za sport Kantona Sarajevo. Propisivanje detaljne kvote članova iz olimpijskih, neolimpijskih, zimskih ili ljetnih sportova u samom zakonu bi ograničilo fleksibilnost u sastavu Vijeća i moglo bi otežati imenovanje kompetentnih članova u slučaju promjene sportskih prioriteta ili dinamike razvoja sporta u Kantonu.

Osim toga, detaljna razrada u pogledu raspodjele po sportovima smatra se tehničkim pitanjem koje se efikasnije reguliše pravilnikom ili internim aktom Vlade, čime se omogućava prilagodljivost i operativna efikasnost pri izboru članova Vijeća, bez potrebe za zakonskim izmjenama pri svakoj promjeni sportskih okolnosti.

2."Član 49. Nacrta, previđa da sportska udruženja u određenim okolnostima (sa više od 20 članovaseniora), kao organ upravljanja moraju imati Upravni odbor, što je u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Smatramo da navedene odredbe treba brisati, odnosno uskladiti sa Zakonom o udruženjima i fondacija Federacije BiH."

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju upravnog odbora u sportskim udruženjima, nije prihvatljiv. Član 49. Nacrta Zakona o sportu Kantona Sarajevo propisuje minimalne norme upravljanja sportskim udruženjima s ciljem osiguranja transparentnosti, odgovornosti i efikasnog odlučivanja u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH omogućava udruženjima da sama odlučuju o svojim organima, Zakon o sportu predstavlja lex specialis u oblasti sporta, pa je opravdano definisati osnovne organe upravljanja u slučajevima većih udruženja. Time se osigurava pravna sigurnost, jasna odgovornost i adekvatno vođenje sredstava, što je u skladu sa javnim interesom u sportu.

Stoga se predloženi komentar odbacuje, uz zadržavanje formulacije člana 49., koja osigurava da veća sportska udruženja imaju jasno definisane organe upravljanja i način odlučivanja.

3."Član 54. Nacrta previđa da sportska udruženja u određenim okolnostima (sa više od 20 članovaseniora), moraju imati Nadzorni odbor što je takođe u suprotnosti sa Članom 17. Zakona

o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Navedene odredbe treba brisati, odnosno uskladiti sa Zakonom o udruženjima i fondacija FBiH.”

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju Nadzornog odbora u sportskim udruženjima sa više od 20 članova, nije prihvatljiv. Član 54. Nacrta Zakona o sportu Kantona Sarajevo propisuje minimalne norme upravljanja sportskim udruženjima kako bi se osigurala transparentnost, odgovornost i efikasno odlučivanje u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH daje udruženjima mogućnost da sama određuju svoje organe, Zakon o sportu je *lex specialis* u oblasti sporta i opravdano je definisati osnovne organe upravljanja za veća udruženja. Ovim se osigurava pravna sigurnost, jasna odgovornost, adekvatno upravljanje sredstvima i zaštita javnog interesa u sportu.

Stoga se predloženi komentar odbacuje, uz zadržavanje odredbi člana 54., koje omogućavaju jasno definisane organe upravljanja i način odlučivanja u većim sportskim udruženjima.

4.”Član 86. Nacrta predviđa da Sportski savez Kantona Sarajevo utvrđuje opća sportska pravila u kojima je između ostalog naveden i program kontinuirane edukacije (formalne ili neformalne), u sportu radi stručnog osposobljavanja i usavršavanja, certificiranja i licenciranja sportskih stručnjaka, a sve navedeno već provode državni granski sportski savezi u skladu sa uputstvima i pravilima međunarodnih sportskih organizacija/saveza, te iz tog razloga navedena odredba nacrta je suvišna. Ukoliko ova odredba ostane dio Zakona, može se desiti da npr. treneri koji imaju važeće licence nadležnog granskog saveza, pa tako mogu da rade u cijelom Svijetu, osim u Kantonu Sarajevo.”

Stav predlagača: Nije prihvaćeno

Obrazloženje:

Predloženi komentar koji smatra da je stav (2) tačka c) o programu kontinuirane edukacije u sportu suvišan nije prihvatljiv. Član 86. Nacrta Zakona o sportu Kantona Sarajevo propisuje ulogu Sportskog saveza Kantona u utvrđivanju općih sportskih pravila, uključujući program kontinuirane edukacije, kako bi se osigurala standardizacija i koordinacija edukacije i licenciranja sportskih stručnjaka unutar Kantona.

Iako državni granski sportski savezi već provode programe stručnog osposobljavanja u skladu sa međunarodnim pravilima, zadržavanje ove odredbe u kantonalnom zakonu je opravdano iz sljedećih razloga:

- Omogućava usklađivanje kantonalnih pravila i programa sa lokalnim potrebama i prioritetima.
- Pruža pravnu osnovu za praćenje i koordinaciju edukacije i licenciranja stručnjaka na nivou Kantona, što doprinosi kvalitetu i transparentnosti rada sportskih organizacija.
- Osigurava da svi subjekti unutar Kantona, uključujući klubove i granske saveze, imaju zajednički okvir i minimalne standarde stručnog osposobljavanja.

- Posebno je značajno jer ne postoje granski savezi za sve sportske discipline u Kantonu, te kantonalni Sportski savez omogućava da i za te sportove postoji koordinirani program edukacije i licenciranja stručnjaka.

Stoga se predloženi komentar odbacuje, uz zadržavanje člana 86. u njegovoj sadašnjoj formi.

5."Član 87. Nacrta previđa mogućnost osnivanja Sportskog saveza Grada Sarajevo, zatim osnivanje devet Sportskih saveza općina Stari Grad, Centar, Novo Sarajevo, Novi Grad, Ilidža, Hadžići, Trnovo, Vogošća i Ilijaš, što je deset novih saveza u KS, a u stavu (5) se predviđa mogućnost osnivanja Gradskih granskih saveza i Općinskih granskih saveza. Kada uzmemo u obzir činjenicu da u skoro svih devet općina u kolektivnim sportovima postoje po tri kluba, a u većini općina imaju i po tri kluba mnogih drugih sportova, može se očekivati osnivanje minimalno pedeset granskih saveza općina i Grada Sarajevo, što je po nama potpuno nepotrebno, te ovakvu mogućnost treba onemogućiti."

Stav predlagača: Nije prihvaćeno

Obrazloženje:

Predloženi komentar koji smatra da je osnivanje gradskih i općinskih granskih sportskih saveza nepotrebno nije prihvatljiv. Član 87. Nacrta Zakona o sportu Kantona Sarajevo predviđa mogućnost osnivanja sportskih saveza nižeg nivoa organizovanja kako bi se osigurao formalni okvir za koordinaciju i zajedničko djelovanje klubova na lokalnom nivou, posebno u oblastima gdje djeluje najmanje tri kluba istog sporta.

Ova odredba:

- Omogućava pravno prepoznatljive subjekte koji mogu zastupati lokalne interese u sportu i ostvarivati javni interes u oblasti sporta.
- Pruža jasnu organizacijsku strukturu za lokalne sportove i sportiste, posebno u sportovima koji nemaju razvijen granski savez na kantonalnom nivou.
- Ne nameće obavezu osnivanja saveza u svakom slučaju, već koristi formulaciju "može se osnovati", čime se ostavlja fleksibilnost i autonomija lokalnih zajednica u odlučivanju.
- Omogućava zaštitu prava na zajednički naziv i simbole za klubove unutar lokalnog saveza, čime se osigurava prepoznatljivost i kontinuitet u radu lokalnih sportskih organizacija.

Stoga se predloženi komentar odbacuje, a član 87. se zadržava u svojoj sadašnjoj formi, jer omogućava koordinaciju sportskih aktivnosti na lokalnom nivou bez nepotrebnog nametanja obaveza.

6."Član 90. Nacrta predviđa pripremanje i nastupanje kantonalnih reprezentacija na zvaničnim entitetskim, državnim i međunarodnim takmičenjima, te eventualno budžetsko finansiranje takvih reprezentacija, što je nepotrebno iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Općepoznato je da na prvenstvima Federacije i prvenstvima BiH učestvuju isključivo sportski klubovi, a na prvenstvima Evrope i Svijeta učestvuju državne reprezentacije. Zato smatramo da ove odredbe treba brisati."

Stav predlagača: Prihvaćeno

7."Član 105. Nacrta predviđa da fakulteti (npr. Fakultet sporta/kineziološki), osnivaju Udruženja stručnih lica osposobljenih za rad u sportu, sa ciljem, između ostalog, certificiranjem i licenciranja lica za rad u oblasti sporta. Smatramo da nije moguće da fakultet kao vladina organizacija osniva udruženje koje je nevladina organizacija. Zatim, predviđena djelatnost takvog udruženja bi bila, između ostalog, certificiranje i licenciranje lica za rad u oblasti sporta, a što de facto već provode državni granski sportski savezi u skladu sa uputstvima i pravilima međunarodnih sportskih organizacija, te iz tog razloga smatramo da ove odredbe treba brisati."

Stav predlagača: Prihvaćeno

8."Član 126. Nacrta predviđa da se sportski stručnjaci i stručnjaci u sport moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije. Mislimo da je potpuno nepotrebno licenciranje kod drugih institucija, jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija, te iz tog razloga smatramo da odredbu licenciranja kod drugih organa treba brisati."

Stav predlagača: Nije prihvaćeno

Obrazloženje:

Predloženi komentar koji smatra da lica iz člana 126. ne bi trebala redovno obnavljati svoje kvalifikacije i licence prema standardima i zahtjevima nadležnih institucija nije prihvatljiv. Član 126. Nacrta Zakona o sportu Kantona Sarajevo propisuje obavezu kontinuiranog profesionalnog usavršavanja sportskih stručnjaka i stručnjaka u sportu kako bi se osigurala kvaliteta rada i profesionalna odgovornost u sportu.

Iako je tačno da licenciranje i verifikaciju stručnjaka u praksi vrše državni granski sportski savezi u skladu sa pravilima međunarodnih sportskih federacija, predviđeno praćenje standarda i kontinuirana edukacija od strane nadležnih institucija na kantonalnom nivou služi kao dodatni mehanizam nadzora i osiguranja javnog interesa u sportu. Ovo je naročito važno za ujednačavanje profesionalnih standarda, praćenje razvoja sportskih stručnjaka i osiguranje da lokalne potrebe i specifičnosti kantonalnog sporta budu adekvatno pokriveno.

Stoga se predloženi komentar odbacuje, a formulacija člana 126. ostaje nepromijenjena.

9."Član 143. Nacrta predviđa da se kod organizacije međunarodnih sportskih takmičenja, između ostalog pribavi mišljenje jedinice lokalne samouprave (općine). Ova odredba je suvišna i treba je brisati iz razloga što Kanton Sarajevo čini jednu urbanu sredinu, pa često može doći do promjene lokacije (dvorane, stadiona, terena i slično), a samim tim i općine održavanja manifestacije."

Stav predlagača: Nije prihvaćeno

Obrazloženje:

Predloženi komentar koji zahtijeva brisanje odredbe o pribavljanju mišljenja jedinice lokalne samouprave kod organizacije međunarodnih sportskih takmičenja nije prihvatljiv. Član 143. Nacrta Zakona o sportu Kantona Sarajevo predviđa uključivanje jedinice lokalne samouprave kako bi se osigurala koordinacija, dostupnost infrastrukture i lokalna podrška prilikom organizacije manifestacija.

Iako Kanton Sarajevo predstavlja jednu urbanu sredinu, mišljenje općine je važno jer omogućava: pravovremenu procjenu logističkih kapaciteta (sportske dvorane, tereni, transport), koordinaciju s lokalnim službama, policijom i zdravstvenim institucijama te jasnu odgovornost i planiranje sigurnosnih i drugih operativnih pitanja.

Stoga se odredba o pribavljanju mišljenja jedinice lokalne samouprave zadržava kao opravdana, a predloženi komentar se odbacuje.

10."Član 169. Nacrta predviđa trajnu novčanu naknadu koja se isplaćuje mjesečno, a za osvajače medalja na Olimpijskim igrama, te prvenstvima Svijeta i prvenstvima Evrope u seniorskoj konkurenciji, i to isključivo u olimpijskim i paraolimpijskim sportovima. Odredbe ovog člana smatramo diskriminatorskim prema sportovima koji nisu na programu olimpijskih igara (kolokvijalno nazvani neolimpijski sportovi), a koji su priznati od Međunarodnog olimpijskog komiteta. Kako bi se izbjegla sistemska diskriminacija, predlažemo da Zakonodavac u ovaj član doda odredbu kojom prava na trajnu mjesečnu novčanu naknadu imaju osvajači seniorskih medalja na prvenstvima Svijeta i Evrope u neolimpijskim sportovima, ali u iznosu od 50% utvrđenog iznosa za isti rezultat u olimpijskim i paraolimpijskim sportovima. Lista priznatih neolimpijskih sportova se nalazi na web stranici Međunarodnog olimpijskog komiteta: [https://www.olympics.com/ioc/recognised-internationalfederations.](https://www.olympics.com/ioc/recognised-internationalfederations)"

Stav predlagača: Nije prihvaćeno

Obrazloženje:

Predložena izmjena nije prihvaćena iz razloga što je opredjeljenje predlagača zakona da pravo na trajnu novčanu naknadu bude vezano isključivo za ostvarene rezultate u sportovima i disciplinama koji se nalaze na programu Olimpijskih ili Paraolimpijskih igara, imajući u vidu da olimpijski i paraolimpijski program predstavlja najviši međunarodno priznati standard sportske konkurencije, kontinuiteta razvoja i institucionalne valorizacije sportskih rezultata.

Predloženo proširenje na sportove koji jesu priznati od strane Međunarodnog olimpijskog komiteta, ali nisu dio zvaničnog programa Olimpijskih igara, značajno bi proširilo obuhvat korisnika prava bez jasno definisanih kriterija u pogledu nivoa međunarodne konkurencije, kontinuiteta održavanja prvenstava i sistema vrednovanja sportskih rezultata.

Nacrt zakona je zadržao rješenje kojim se pravo na trajnu novčanu naknadu veže za medalje osvojene na Olimpijskim i Paraolimpijskim igrama, te svjetskim i evropskim seniorskim prvenstvima u sportovima i disciplinama koje su dio olimpijskog odnosno paraolimpijskog programa, smatrajući da se na taj način osigurava objektivan, jasan i jednak kriterij za ostvarivanje ovog prava.

11."Član 181. Nacrta predviđa novčane kazne za propisane prekršaje, u iznosu od 5.000,00 KM do 10.000,00 KM za sportske organizacije, a u iznosu od 1.000,00 KM do 5.000,00 KM za odgovorna lica udruženja/klubova/saveza. Propisane kazne su izuzetno previsoke, jer mnogi klubovi koji imaju državne prvake u svom sportu nemaju ukupni godišnji budžet kluba u iznosima koji su propisani za navedene prekršaje. Zakon o prekršajima Federacije BiH predviđa novčane kazne za pravna lica (pa i sportske organizacije/kubove) od minimalno 500,00 KM, a za odgovorna/ovlaštena lica od 50,00 KM. Smatramo da predlagač treba umanjiti najniže propisane kazne, a sve u skladu sa Zakonom o prekršajima Federacije BiH."

Stav predlagača: Nije prihvaćeno

Obrazloženje:

Predložene novčane kazne u članu 181. imaju za cilj osigurati efektivnu primjenu zakonskih odredbi i podstaći poštovanje propisa u oblasti sporta. Visoki iznosi kazni (5.000,00 KM do 10.000,00 KM za pravna lica i odgovorna lica) su namjerno određeni kako bi reflektovali ozbiljnost prekršaja koji mogu imati direktan uticaj na zdravlje sportista, bezbjednost sportskih aktivnosti, finansijsku transparentnost i zakonitost rada sportskih organizacija.

Smanjenje kazni na nivo propisan Zakonom o prekršajima Federacije BiH (500 KM za pravna lica i 50 KM za odgovorna lica) bi značajno umanjilo preventivni efekat sankcija i smanjilo motivaciju za poštovanje propisa, naročito u slučaju većih i komercijalno aktivnih sportskih organizacija, gdje rizici od prekršaja imaju veći društveni i finansijski značaj.

Dakle, zadržavanje predloženih iznosa kazni opravdano je ciljem zaštite sportista, profesionalnog i amaterskog sporta, te očuvanja integriteta sportskih takmičenja i finansijske odgovornosti sportskih organizacija.

VIII - VAZDUHOPLOVNI SAVEZ BOSNE I HERCEGOVINE

1."Član 34. Nacrta Zakona o sportu Kantona Sarajevo (u daljem tekstu: Nacrt), predviđa da će Vlada na prijedlog ministra kulture i sporta Kantona Sarajevo, svojom odlukom propisati standarde i kriterijume za izbor i imenovanje Vijeća za sport Kantona Sarajevo. Smatramo da ovim članom Nacrta, treba osim navedenog, biti propisano koliko od ukupno 9 članova Vijeća, dolazi iz olimpijskih, a koliko iz neolimpijskih sportova, a kod olimpijskih sportova koliko dolazi iz zimskih, a koliko iz ljetnih sportova. Kako se radi o jednom od najvažnijih sportskih tijela u Kantonu Sarajevo, smatramo da navedeno treba biti propisano Zakonom."

Stav predlagača: Nije prihvaćeno

Obrazloženje:

Nacrtom Zakona o sportu predviđeno je da Vlada na prijedlog ministra kulture i sporta propisuje standarde i kriterijume za izbor i imenovanje Vijeća za sport Kantona Sarajevo. Propisivanje detaljne kvote članova iz olimpijskih, neolimpijskih, zimskih ili ljetnih sportova u samom zakonu bi ograničilo fleksibilnost u sastavu Vijeća i moglo bi otežati imenovanje kompetentnih članova u slučaju promjene sportskih prioriteta ili dinamike razvoja sporta u Kantonu.

Osim toga, detaljna razrada u pogledu raspodjele po sportovima smatra se tehničkim pitanjem koje se efikasnije reguliše pravilnikom ili internim aktom Vlade, čime se omogućava prilagodljivost i operativna efikasnost pri izboru članova Vijeća, bez potrebe za zakonskim izmjenama pri svakoj promjeni sportskih okolnosti.

2."Član 49. Nacrta, previđa da sportska udruženja u određenim okolnostima (sa više od 20 članovaseniora), kao organ upravljanja moraju imati Upravni odbor, što je u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Smatramo da navedene odredbe treba brisati, odnosno uskladiti sa Zakonom o udruženjima i fondacija Federacije BiH."

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju upravnog odbora u sportskim udruženjima, nije prihvatljiv. Član 49. Nacrta Zakona o sportu Kantona Sarajevo

propisuje minimalne norme upravljanja sportskim udruženjima s ciljem osiguranja transparentnosti, odgovornosti i efikasnog odlučivanja u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH omogućava udruženjima da sama odlučuju o svojim organima, Zakon o sportu predstavlja *lex specialis* u oblasti sporta, pa je opravdano definisati osnovne organe upravljanja u slučajevima većih udruženja. Time se osigurava pravna sigurnost, jasna odgovornost i adekvatno vođenje sredstava, što je u skladu sa javnim interesom u sportu.

Stoga se predloženi komentar odbacuje, uz zadržavanje formulacije člana 49., koja osigurava da veća sportska udruženja imaju jasno definisane organe upravljanja i način odlučivanja.

3."Član 54. Nacrta previđa da sportska udruženja u određenim okolnostima (sa više od 20 članovaseniora), moraju imati Nadzorni odbor što je takođe u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Navedene odredbe treba brisati, odnosno uskladiti sa Zakonom o udruženjima i fondacija FBiH."

Stav predlagača: Nije prihvaćeno

Obrazloženje:

Predloženi komentar, koji zahtijeva brisanje odredbi o obaveznom formiranju Nadzornog odbora u sportskim udruženjima sa više od 20 članova, nije prihvatljiv. Član 54. Nacrta Zakona o sportu Kantona Sarajevo propisuje minimalne norme upravljanja sportskim udruženjima kako bi se osigurala transparentnost, odgovornost i efikasno odlučivanje u organizacijama sa značajnim brojem članova u seniorskoj konkurenciji.

Iako Zakon o udruženjima i fondacijama FBiH daje udruženjima mogućnost da sama određuju svoje organe, Zakon o sportu je *lex specialis* u oblasti sporta i opravdano je definisati osnovne organe upravljanja za veća udruženja. Ovim se osigurava pravna sigurnost, jasna odgovornost, adekvatno upravljanje sredstvima i zaštita javnog interesa u sportu.

Stoga se predloženi komentar odbacuje, uz zadržavanje odredbi člana 54., koje omogućavaju jasno definisane organe upravljanja i način odlučivanja u većim sportskim udruženjima.

4."Član 61. Nacrta previđa kod upisa udruženja/kluba u Sportski registar kod Ministarstva kulture i sporta, da se između ostalog dostave foto-kopije ličnih karata osnivača udruženja/kluba, što smatramo da je u mnogim slučajevima nemoguće pribaviti, a iz razloga zato što mnogi osnivači sportskih udruženja/klubova nisu među živima (klubovi registrovani prije 25 i više godina), dok neki osnivači nisu niti aktivni u klubovima, a mnogi se i nalaze u inostranstvu. Ukoliko sportska organizacija ne bude mogla pribaviti navedene dokumente, neće biti u mogućnosti zakonski da se bavi sportskom djelatnošću na području Kantona Sarajevo. Mislimo da ovu odredbu treba brisati iz Nacrta."

Stav predlagača: Djelomično prihvaćeno, izmjenjan stav

5."Član 86. Nacrta predviđa da Sportski savez Kantona Sarajevo utvrđuje opća sportska pravila u kojima je između ostalog naveden i program kontinuirane edukacije (formalne ili neformalne), u sportu radi stručnog osposobljavanja i usavršavanja, certificiranja i licenciranja

sportskih stručnjaka, a sve navedeno već provode državni granski sportski savezi u skladu sa uputstvima i pravilima međunarodnih sportskih organizacija/saveza, te iz tog razloga navedena odredba nacrtu je suvišna. Ukoliko ova odredba ostane dio Zakona, može se desiti da npr. treneri koji imaju važeće licence nadležnog granskog saveza, pa tako mogu da rade u cijelom Svijetu, osim u Kantonu Sarajevo.”

Stav predlagača: Nije prihvaćeno

Obrazloženje:

Predloženi komentar koji smatra da je stav (2) tačka c) o programu kontinuirane edukacije u sportu suvišan nije prihvatljiv. Član 86. Nacrta Zakona o sportu Kantona Sarajevo propisuje ulogu Sportskog saveza Kantona u utvrđivanju općih sportskih pravila, uključujući program kontinuirane edukacije, kako bi se osigurala standardizacija i koordinacija edukacije i licenciranja sportskih stručnjaka unutar Kantona.

Iako državni granski sportski savezi već provode programe stručnog osposobljavanja u skladu sa međunarodnim pravilima, zadržavanje ove odredbe u kantonalnom zakonu je opravdano iz sljedećih razloga:

- Omogućava usklađivanje kantonalnih pravila i programa sa lokalnim potrebama i prioritetima.
- Pruža pravnu osnovu za praćenje i koordinaciju edukacije i licenciranja stručnjaka na nivou Kantona, što doprinosi kvalitetu i transparentnosti rada sportskih organizacija.
- Osigurava da svi subjekti unutar Kantona, uključujući klubove i granske saveze, imaju zajednički okvir i minimalne standarde stručnog osposobljavanja.
- Posebno je značajno jer ne postoje granski savezi za sve sportske discipline u Kantonu, te kantonalni Sportski savez omogućava da i za te sportove postoji koordinirani program edukacije i licenciranja stručnjaka.

Stoga se predloženi komentar odbacuje, uz zadržavanje člana 86. u njegovoj sadašnjoj formi.

6.”Član 87. Nacrta previđa mogućnost osnivanja Sportskog saveza Grada Sarajevo, zatim osnivanje devet Sportskih saveza općina Stari Grad, Centar, Novo Sarajevo, Novi Grad, Ilidža, Hadžići, Trnovo, Vogošća i Ilijaš, što je deset novih saveza u KS, a u stavu (5) se previđa mogućnost osnivanja Gradskih granskih saveza i Općinskih granskih saveza. Kada uzmemo u obzir činjenicu da u skoro svih devet općina u kolektivnim sportovima postoje po tri kluba, a u većini općina imaju i po tri kluba mnogih drugih sportova, može se očekivati osnivanje minimalno pedeset granskih saveza općina i Grada Sarajevo, što je po nama potpuno nepotrebno, te ovakvu mogućnost treba onemogućiti.”

Stav predlagača: Nije prihvaćeno

Obrazloženje:

Predloženi komentar koji smatra da je osnivanje gradskih i općinskih granskih sportskih saveza nepotrebno nije prihvatljiv. Član 87. Nacrta Zakona o sportu Kantona Sarajevo previđa mogućnost osnivanja sportskih saveza nižeg nivoa organizovanja kako bi se osigurao formalni okvir za koordinaciju i zajedničko djelovanje klubova na lokalnom nivou, posebno u oblastima gdje djeluje najmanje tri kluba istog sporta.

Ova odredba:

- Omogućava pravno prepoznatljive subjekte koji mogu zastupati lokalne interese u sportu i ostvarivati javni interes u oblasti sporta.
- Pruža jasnu organizacijsku strukturu za lokalne sportove i sportiste, posebno u sportovima koji nemaju razvijen granski savez na kantonalnom nivou.
- Ne nameće obavezu osnivanja saveza u svakom slučaju, već koristi formulaciju "može se osnovati", čime se ostavlja fleksibilnost i autonomija lokalnih zajednica u odlučivanju.
- Omogućava zaštitu prava na zajednički naziv i simbole za klubove unutar lokalnog saveza, čime se osigurava prepoznatljivost i kontinuitet u radu lokalnih sportskih organizacija.

Stoga se predloženi komentar odbacuje, a član 87. se zadržava u svojoj sadašnjoj formi, jer omogućava koordinaciju sportskih aktivnosti na lokalnom nivou bez nepotrebnog nametanja obaveza.

7."Član 90. Nacrta predviđa pripremanje i nastupanje kantonalnih reprezentacija na zvaničnim entitetskim, državnim i međunarodnim takmičenjima, te eventualno budžetsko finansiranje takvih reprezentacija, što je nepotrebno iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Općepoznato je da na prvenstvima Federacije i prvenstvima BiH učestvuju isključivo sportski klubovi, a na prvenstvima Evrope i Svijeta učestvuju državne reprezentacije. Zato smatramo da ove odredbe treba brisati."

Stav predlagača: Prihvaćeno

8."Član 105. Nacrta predviđa da fakulteti (npr.Fakultet sporta/kineziološki), osnivaju Udruženja stručnih lica osposobljenih za rad u sportu, sa ciljem, između ostalog, certificiranjem i licenciranja lica za rad u oblasti sporta. Smatramo da nije moguće da fakultet kao vladina organizacija osniva udruženje koje je nevladina organizacija. Zatim, predviđena djelatnost takvog udruženja bi bila, između ostalog, certificiranje i licenciranje lica za rad u oblasti sporta, a što de facto već provode državni granski sportski savezi u skladu sa uputstvima i pravilima međunarodnih sportskih organizacija, te iz tog razloga smatramo da ove odredbe treba brisati."

Stav predlagača: Prihvaćeno

9."Član 126. Nacrta predviđa da se sportski stručnjaci i stručnjaci u sport moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije. Mislimo da je potpuno nepotrebno licenciranje kod drugih institucija, jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija, te iz tog razloga smatramo da odredbu licenciranja kod drugih organa treba brisati."

Stav predlagača: Nije prihvaćeno

Obrazloženje:

Predloženi komentar koji smatra da lica iz člana 126. ne bi trebala redovno obnavljati svoje kvalifikacije i licence prema standardima i zahtjevima nadležnih institucija nije prihvatljiv. Član 126. Nacrta Zakona o sportu Kantona Sarajevo propisuje obavezu kontinuiranog

profesionalnog usavršavanja sportskih stručnjaka i stručnjaka u sportu kako bi se osigurala kvaliteta rada i profesionalna odgovornost u sportu.

Iako je tačno da licenciranje i verifikaciju stručnjaka u praksi vrše državni granski sportski savezi u skladu s pravilima međunarodnih sportskih federacija, predviđeno praćenje standarda i kontinuirana edukacija od strane nadležnih institucija na kantonalnom nivou služi kao dodatni mehanizam nadzora i osiguranja javnog interesa u sportu. Ovo je naročito važno za ujednačavanje profesionalnih standarda, praćenje razvoja sportskih stručnjaka i osiguranje da lokalne potrebe i specifičnosti kantonalnog sporta budu adekvatno pokrivene.

Stoga se predloženi komentar odbacuje, a formulacija člana 126. ostaje nepromijenjena.

10."Član 143. Nacrta predviđa da se kod organizacije međunarodnih sportskih takmičenja, između ostalog pribavi mišljenje jedinice lokalne samouprave (općine). Ova odredba je suvišna i treba je brisati iz razloga što Kanton Sarajevo čini jednu urbanu sredinu, pa često može doći do promjene lokacije (dvorane, stadiona, terena i slično), a samim tim i općine održavanja manifestacije."

Stav predlagača: Nije prihvaćeno

Obrazloženje:

Predloženi komentar koji zahtijeva brisanje odredbe o pribavljanju mišljenja jedinice lokalne samouprave kod organizacije međunarodnih sportskih takmičenja nije prihvatljiv. Član 143. Nacrta Zakona o sportu Kantona Sarajevo predviđa uključivanje jedinice lokalne samouprave kako bi se osigurala koordinacija, dostupnost infrastrukture i lokalna podrška prilikom organizacije manifestacija.

Iako Kanton Sarajevo predstavlja jednu urbanu sredinu, mišljenje općine je važno jer omogućava: pravovremenu procjenu logističkih kapaciteta (sportske dvorane, tereni, transport), koordinaciju s lokalnim službama, policijom i zdravstvenim institucijama te jasnu odgovornost i planiranje sigurnosnih i drugih operativnih pitanja.

Stoga se odredba o pribavljanju mišljenja jedinice lokalne samouprave zadržava kao opravdana, a predloženi komentar se odbacuje.

11."Član 169. Nacrta predviđa trajnu novčanu naknadu koja se isplaćuje mjesečno, a za osvajače medalja na Olimpijskim igrama, te prvenstvima Svijeta i prvenstvima Evrope u seniorskoj konkurenciji, i to isključivo u olimpijskim i paraolimpijskim sportovima. Odredbe ovog člana smatramo diskriminatorskim prema sportovima koji nisu na programu olimpijskih igara (kolokvijalno nazvani neolimpijski sportovi), a koji su priznati od Međunarodnog olimpijskog komiteta. Kako bi se izbjegla sistematska diskriminacija, predlažemo da Zakonodavac u ovaj član doda odredbu kojom prava na trajnu mjesečnu novčanu naknadu imaju osvajači seniorskih medalja na prvenstvima Svijeta i Evrope u neolimpijskim sportovima, ali u iznosu od 50% utvrđenog iznosa za isti rezultat u olimpijskim i paraolimpijskim sportovima. Lista priznatih neolimpijskih sportova se nalazi na web stranici Međunarodnog olimpijskog komiteta: <https://www.olympics.com/ioc/recognised-internationalfederations>."

Stav predlagača: Nije prihvaćeno

Obrazloženje:

Predložena izmjena nije prihvaćena iz razloga što je opredjeljenje predlagača zakona da pravo na trajnu novčanu naknadu bude vezano isključivo za ostvarene rezultate u sportovima i

disciplinama koji se nalaze na programu Olimpijskih ili Paraolimpijskih igara, imajući u vidu da olimpijski i paraolimpijski program predstavlja najviši međunarodno priznati standard sportske konkurencije, kontinuiteta razvoja i institucionalne valorizacije sportskih rezultata.

Predloženo proširenje na sportove koji jesu priznati od strane Međunarodnog olimpijskog komiteta, ali nisu dio zvaničnog programa Olimpijskih igara, značajno bi proširilo obuhvat korisnika prava bez jasno definisanih kriterija u pogledu nivoa međunarodne konkurencije, kontinuiteta održavanja prvenstava i sistema vrednovanja sportskih rezultata.

Nacrt zakona je zadržao rješenje kojim se pravo na trajnu novčanu naknadu veže za medalje osvojene na Olimpijskim i Paraolimpijskim igrama, te svjetskim i evropskim seniorskim prvenstvima u sportovima i disciplinama koje su dio olimpijskog odnosno paraolimpijskog programa, smatrajući da se na taj način osigurava objektivan, jasan i jednak kriterij za ostvarivanje ovog prava.

12."Član 181. Nacrta predviđa novčane kazne za propisane prekršaje, u iznosu od 5.000,00 KM do 10.000,00 KM za sportske organizacije, a u iznosu od 1.000,00 KM do 5.000,00 KM za odgovorna lica udruženja/klubova/saveza. Propisane kazne su izuzetno previsoke, jer mnogi klubovi koji imaju državne prvake u svom sportu nemaju ukupni godišnji budžet kluba u iznosima koji su propisani za navedene prekršaje. Zakon o prekršajima Federacije BiH predviđa novčane kazne za pravna lica (pa i sportske organizacije/kлубove) od minimalno 500,00 KM, a za odgovorna/ovlaštena lica od 50,00 KM. Smatramo da predlagač treba umanjiti najniže propisane kazne, a sve u skladu za Zakonom o prekršajima Federacije BiH."

Stav predlagača: Nije prihvaćeno

Obrazloženje:

Predložene novčane kazne u članu 181. imaju za cilj osigurati efektivnu primjenu zakonskih odredbi i podstaći poštovanje propisa u oblasti sporta. Visoki iznosi kazni (5.000,00 KM do 10.000,00 KM za pravna lica i odgovorna lica) su namjerno određeni kako bi reflektovali ozbiljnost prekršaja koji mogu imati direktan uticaj na zdravlje sportista, bezbjednost sportskih aktivnosti, finansijsku transparentnost i zakonitost rada sportskih organizacija.

Smanjenje kazni na nivo propisan Zakonom o prekršajima Federacije BiH (500 KM za pravna lica i 50 KM za odgovorna lica) bi značajno umanjilo preventivni efekat sankcija i smanjilo motivaciju za poštovanje propisa, naročito u slučaju većih i komercijalno aktivnih sportskih organizacija, gdje rizici od prekršaja imaju veći društveni i finansijski značaj.

Dakle, zadržavanje predloženih iznosa kazni opravdano je ciljem zaštite sportista, profesionalnog i amaterskog sporta, te očuvanja integriteta sportskih takmičenja i finansijske odgovornosti sportskih organizacija.

IX - MINISTARSTVO ZA ODGOJ I OBRAZOVANJE KANTONA SARAJEVO

1."Članom 104. Zakona propisuje se organizacija, pravilni način osnivanja općinskog, odnosno gradskog školskog sportskog saveza i Saveza za školski sport Kantona Sarajevo, kao i način i uslovi za održavanje i organizaciju školskih sportskih takmičenja u Kantonu Sarajevo, te da će se navedeno urediti Pravilnikom o organizovanju školskog sporta i organizaciji školskih sportskih takmičenja Kantona Sarajevo. Stavom (2) istog člana propisano je da će navedeni pravilnik donijeti ministar kulture i sporta Kantona Sarajevo nakon prethodno obavljenih konsultacija s Ministarstvom za odgoj i obrazovanje Kantona Sarajevo. Predlažemo da se stav (2) ovog člana izmijeni i da glasi:

„(2) Ministar donosi Pravilnik iz stava (1) ovog člana, nakon prethodno pribavljenog

pozitivnog mišljenja Ministarstva za odgoj i obrazovanje Kantona Sarajevo.“. Smatramo da je pozitivno mišljenje Ministarstva na navedeni pravilnik potrebno, s obzirom na nadležnost ovog ministarstva u oblasti predškolskog, osnovnog i srednjeg odgoja i obrazovanja Kantona Sarajevo. Podsjećamo vas da je članom 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22) propisano da Ministarstvo za odgoj i obrazovanje vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.”

Stav predlagača: Prihvaćeno

2.”Članom 115. propisuje se Status perspektivnog sportiste koji se utvrđuje na period od jedne godine, ukoliko sportista ispunjava sljedeće uslove:

- a) da se redovno školuje na području Kantona i ima ocjenu "primjeren" iz vladanja,
- b) da je član, da trenira i nastupa za organizaciju u sportu kojaje udružena u strukovni sportski savez Bosne i Hercegovine,
- c) da nastupa u reprezentaciji Bosne i Hercegovine u svojoj kategoriji (predpioniri, pioniri, kadeti ili juniori sve do kraja godine u kojoj puni 19 godina) ili da je prvak države u jednoj od navedenih kategorija.

Stavom (3) ovog člana propisano je da Pravilnik o kategoriza portista prema ostvarenim rezultatima iz čl. 114., 115. i 120. ovog zakona donosi ministar. Smatramo da je navedeni pravilnik potrebno donijeti uz konsultacije s Ministarstvom, s obzirom na to da je status perspektivnog sportiste propisan i Zakonom o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24). Članom 92. Zakona o odgoju i obrazovanju u osnovnoj i srednjoj školi u Kantonu Sarajevo propisano je sljedeće:

(1) Učenik može imati specijalni status.

(2) Specijalni status iz stava (1) ovog člana mogu ostvariti učenici koji su proglašeni perspektivnim i vrhunskim sportistima, izuzetnim umjetničkim talentima ili nadarenim učenicima s vrhunskim rezultatima na kantonalnom, federalnom, državnom ili međunarodnom takmičenju.

(3) Škola dodjeljuje specijalni status na osnovu odluke Ministarstva kulture i sporta Kantona

Sarajevo o proglašenju učenika perspektivnim ili vrhunskim sportistom, odnosno odluke Ministarstva o proglašenju učenika izuzetnim talentom i nadarenim učenikom, u skladu s ostvarenim rezultatima.

(4) Specijalni status se potvrđuje odlukom nastavničkog vijeća škole, a na osnovu odluka koje donose ministarstva iz stava (3) ovog člana.

(5) Na osnovu odluke iz stava (4) ovog člana, škola će učenicima sa specijalnim statusom odobriti dugoročno ili kratkoročno odsustvovanje sa nastave radi pripremanja i učešća na takmičenjima, u skladu s pravilima škole.

(6) Škola može učenicima sa specijalnim statusom dati mogućnost da završe odgovarajući razred putem praćenja nastave i ocjenjivanja, odnosno organiziranja instruktivno-konsultativne nastave u školi i/ili online i polaganja predmetnih ispita ili razrednog ispita u toku školske godine.

Navedenim članom Zakona o odgoju i obrazovanju u osnovnoj i srednjoj školi u Kantonu Sarajevo perspektivnim i vrhunskim sportistima daju se mnoge pogodnosti, te smatramo da se prilikom donošenja pravilnika iz člana 115. stav (3) trebaju izvršiti konsultacije s Ministarstvom za odgoj i obrazovanje Kantona Sarajevo.”

Stav predlagača: Prihvaćeno

3."Članom 144. stav (2) propisano je da se organizovanjem sportskog takmičenja, priredbe ili sportske manifestacije može baviti sportska organizacija i drugo lice upisano u sportski registar pod uslovima utvrđenim ovim zakonom i sportskim pravilima. S obzirom na mnogobrojna takmičenja, priredbe ili sportske manifestacije koje se provode u osnovnim i srednjim školama u Kantonu Sarajevo, smatramo da izostavljanje odgojno-obrazovnih ustanova iz ovog stava može prouzrokovati osnovnim i srednjim školama probleme prilikom organiziranja takmičenja i smotri sporta, te smatramo da pored sportskih organizacija i drugih lica koja su upisana u sportski registar, sportska takmičenja, priredbe ili sportske manifestacije mogu organizirati i odgojno-obrazovne ustanove na području Kantona Sarajevo."

Stav predlagača: Nije prihvaćeno

Obrazloženje:

Predloženi komentar, koji zahtijeva uključivanje odgojno-obrazovnih ustanova u stav (2) člana 144. Nacrta Zakona o sportu Kantona Sarajevo kao subjekata koji mogu organizovati sportska takmičenja, priredbe i manifestacije, nije prihvatljiv.

Član 144. stav (2) predviđa da organizovanjem sportskih aktivnosti mogu upravljati subjekti upisani u Sportski registar, što uključuje sve relevantne sportske organizacije i fizička ili pravna lica koja ispunjavaju zakonom propisane uslove. Odgojno-obrazovne ustanove, uključujući osnovne i srednje škole, već djeluju u okviru školskog sporta i vannastavnih aktivnosti, a njihovo uključivanje u stav (2) nije potrebno jer se ove aktivnosti regulišu posebnim odredbama Nacrta koje definišu prava i obaveze škola i visokoškolskih ustanova u organizaciji školskih i studentskih sportskih aktivnosti (npr. Član 102. i prateći članci).

Time se izbjegava pravna redundancija i potencijalna konfuzija u primjeni zakona. Ujedno, ostaje otvorena mogućnost da škole organizuju sportska takmičenja i smotre u skladu sa svojim internim pravilima i propisima, dok se formalna organizacija takmičenja koja izlazi iz okvira školskog sporta i takmičenja upisuje u Sportski registar.

Stoga se predloženi komentar odbacuje, a tekst stav (2) člana 144. ostaje neizmijenjen, što osigurava jasnu i jednostavnu primjenu zakona.

4."Članom 154. stav (1) propisano je šta je od javnog interesa da se finansira u oblasti sporta, te u tačkama ovog člana nisu navedena školska sportska takmičenja, smatramo da je od izuzetnog značaja da se ista uvrste kao takmičenja koja su od posebnog javnog interesa za Kanton Sarajevo."

Stav predlagača: Nije prihvaćeno

Obrazloženje:

Predloženi komentar, koji zahtijeva posebno navođenje školskih sportskih takmičenja u stav (1) člana 154. Nacrta Zakona o sportu Kantona Sarajevo, nije prihvatljiv.

Član 154. stav (1) jasno navodi finansiranje javnog interesa u oblasti sporta kroz više kategorija aktivnosti, uključujući i tačke k) i m), koje se odnose na školska i studentska takmičenja i rad školskih sportskih sekcija. Ovim odredbama su obuhvaćeni svi programi školskog sporta, uključujući takmičenja u osnovnim i srednjim školama, pa je stoga posebno navođenje dodatno suvišno i moglo bi dovesti do pravne redundancije.

Dodatno, stav (2) predviđa da raspodjelu i kontrolu sredstava za ostvarivanje javnog interesa utvrđuje ministar posebnim pravilnikom, što omogućava fleksibilnost i prilagođavanje potrebama školskog sporta i finansiranju školskih takmičenja bez potrebe za izmjenom zakona. Stoga se predloženi komentar odbacuje, a tekst člana 154. ostaje neizmijenjen, što osigurava jasnu, preglednu i primjenjivu regulativu za finansiranje javnog interesa u oblasti sporta.



12
R9m
RB 10

Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-04/2-02-46598/25
Sarajevo, 19.09.2025. godine

MINISTARTVO KULTURE I SPORTA
g. Kenan Magoda, ministar

PREDMET: Primjedbe, prijedlozi, sugestije i mišljenja na tekst nacrtu Zakona o sportu Kantona Sarajevo, dostavlja se –

VEZA: Akt Službe za skupštinske poslove Kantona Sarajevo, broj: 15-02-39716/25 od 16.07.2025. godine

Aktom Službe za skupštinske poslove Kantona Sarajevo, broj i datum veze, Ministarstvu pravde i uprave je dostavljen Zaključak Skupštine Kantona Sarajevo, broj: 01-02-39716/25 od 15.07.2025. godine, a kojim je utvrđen Nacrt Zakona o sportu Kantona Sarajevo (u daljem tekstu: Nacrt Zakona) i isti stavljen na javnu raspravu u trajanju od 60 dana. U vezi sa navedenim, u nastavku ističemo slijedeće:

1. Ministarstvo pravde i uprave je u toku postupka konsultacija na Nacrt Zakona o sportu Kantona Sarajevo, u aktu, broj: 03-04/2-02-12245/24 od 15.03.2024. godine istaklo sugestiju koja se odnosila na član 111. Nacrta Zakona (Obavljanje privredne djelatnosti). U Izvještaju o provedenim konsultacijama navedeno je da je prihvaćeno mišljenje ovog ministarstva, te da je navedeni član zakona preciziran. Međutim, primjećeno je da u samom tekstu Nacrta Zakona kog je utvrdila Skupština Kantona Sarajevo, u članu 110. (Obavljanje privredne djelatnosti) i dalje egzistira norma u istom tekstu u kom je bila u prvobitnom Nacrtu Zakona, odnosno da nije izmjenjena u skladu sa navodom iz Izvještaja.
2. Članom 33. stav (1) Nacrta Zakona (Vijeće za sport Kantona Sarajevo) je propisano da je Vijeće za sport savjetodavno tijelo Ministarstva, dok je članom 34. stav (1) Nacrta Zakona (Imenovanje i sastav Vijeća) propisano da Vijeće imenuje i razrješava Vlada. U tom smislu, ukazujemo da Vijeće za sport ne može biti savjetodavno tijelo Ministarstva, kako je propisano članom 33. stav (1) Nacrta Zakona, s obzirom na to da isto imenuje i razrješava Vlada.
3. Članom 68. stav (2) Nacrta Zakona (Stečajni postupak nad sportskim udruženjem) propisano je da ako je nad sportskim udruženjem sproveden stečajni postupak, organ koji je taj postupak sproveo u roku od 15 dana od dana okončanja postupka dostavlja nadležnom sudu i nadležnom organu za upis odnosno registraciju dokaz o tome, nakon čega se, po službenoj dužnosti, sprovodi brisanje sportskog udruženja iz registra kod nadležnog organa za registraciju. Napominjemo da stečajne postupke nad pravnim licima vode sudovi u skladu sa postupkom utvrđenim Zakonom o stečaju („Službene novine Federacije BiH“, br. 53/21 i 19/25), kojim je propisano postupanje sudova, kao i pravne posljedice

otvorenja i provođenja stečajnog postupka te, između ostalog, i oglašavanje i dejstvo zaključenja i obustave stečajnog postupka.

Članom 168. stav (1) Nacrta Zakona (Sportska organizacija) propisano je da fizičko lice iz stava (1) ovog člana (koje osniva sportsku organizaciju u obliku privrednog društva), koje se bavi stručnim radom u oblasti sporta, mora imati odgovarajuće sportsko zvanje u skladu sa ovim zakonom. Navedena norma može izazvati nejasnoće u primjeni iz razloga što se može protumačiti da samo lica koja se bave stručnim radom u oblasti sporta mogu biti *osnivači* privrednog društva koje se bavi sportskom djelatnošću radi sticanja dobiti. U tom smislu napominjemo da je potrebno posebno razmotriti usaglašenost ove odredbe sa odredbama Zakona o privrednim društvima („Službene novine Federacije BiH“, br. 81/15 i 75/21).

5. Članom 169. Nacrta Zakona (Trajna novčana naknada) u stavu (7) propisano je da je pravo na trajnu novčanu naknadu iz stava (1) i (3) doživotno, te da *može* prestati ako prestane ispunjavanje nekog od uslova propisanih u st. (1) i (3) ovog člana. Navedenom formulacijom je nejasno propisana pravna posljedica prestanka ispunjavanja uslova iz st. (1) i (3) ovog člana budući da je predviđeno da pravo na trajnu novčanu naknadu *može* prestati u propisanim slučajevima, što može uzrokovati pravnu nesigurnost, paušalno i arbitrarno postupanje i nejednaku primjenu zakona.

6. Članom 170. stav (1) Nacrta Zakona (Ostvarivanje prava na trajnu novčanu naknadu) propisano je da ukoliko sportista ili trener nakon sticanja trajne novčane naknade iz člana 169. ovog zakona odluči nastaviti sa takmičenjima i drugim sportskim aktivnostima, ne gubi stečeno pravo. U stavu (2) propisano je da ukoliko savez izrazi potrebu za daljnim angažovanjem, sportista i trener je obavezan odazvati se tom pozivu, te da ukoliko se ne odazove, *može* izgubiti pravo na novčanu naknadu. Ovakvo pravno rješenje je nedovoljno normirano i nejasno formulirano te može uzrokovati pravnu nesigurnost, paušalno i arbitrarno postupanje i nejednaku primjenu zakona. Pored toga, smatramo da odredba stava (2) može dovesti do povrede osnovnih ljudskih prava s obzirom na to da je *materijalnopravni osnov* za sticanje prava na trajnu novčanu naknadu utvrđen odredbama člana 169. ovog zakona. Naime, pravo na trajnu novčanu naknadu koje je utvrđeno i stečeno na osnovu zakona, u kontekstu prakse Evropskog suda za ljudska prava se može smatrati imovinom čije je uživanje zaštićeno odredbama člana 1. Protokola 1 uz Evropsku konvenciju o zaštiti ljudskih prava i osnovnih sloboda, koji propisuje da svako fizičko ili pravno lice ima pravo na neometano uživanje svoje imovine te da niko ne može biti lišen svoje imovine, *osim u javnom interesu i pod uslovima predviđenim zakonom i općim načelima međunarodnog prava*. Shodno navedenom, zakonom se mogu propisati uslovi pod kojima se lica mogu lišiti prava, ali to mora biti u javnom interesu.

7. Članom 171. Nacrta Zakona (Sportista koji ostvaruje novčanu naknadu za sportsko postignuće u drugoj državi) propisano je da sportista koji ostvaruje novčanu naknadu za sportsko postignuće u nekoj od država koje su nastale raspadom bivše SFRJ nema pravo na nagradu i naknadu iz čl. 164. 167. i 169. ovog zakona. Smatramo da je nejasna intencija navedene odredbe i da je ista diskriminirajuća, jer stavlja u neravnompravan položaj sportiste koji ostvaruju novčanu naknadu za sportsko postignuće u nekoj od država nastalih disolucijom SFRJ, i sportiste koji takvu naknadu ostvaruju u nekoj drugoj državi.


S poštovanjem,

Dostaviti:

1. Naslovu;

2. a/a.

PO OVLAŠTENJU MINISTRICE
SEKRETAR



BOSNA I HERCEGOVINA
KARATE SAVEZ BOSNE I HERCEGOVINE
SARAJEVO
BOSNIA & HERZEGOVINA
KARATE FEDERATION OF BOSNIA
& HERZEGOVINA
SARAJEVO



БОСНА И ХЕРЦЕГОВИНА
КАРАТЕ САВЕЗ БОСНЕ И ХЕРЦЕГОВИНЕ
САРАЈЕВО
BOSNIA & HERZEGOVINA
KARATE FEDERATION OF BOSNIA
& HERZEGOVINA
Federacija SARAJEVO
KANTON SARAJEVO

Broj: 18/25
Sarajevo, 09.09.2025. godine

BRIMJENJE		11-09-2025	
Organizacioni jedini	Broj	Redni broj	Broj prijelaza
12	02	39716	6

Ministarstvo kulture, sporta Kantona Sarajevo

Predmet: Amandman na Nacrt Zakona o sportu Kantona Sarajevo – član 169.

Veza: Dopis broj: 15-02-39716

Poštovani,

Na osnovu javne rasprave o Nacrtu Zakona o sportu Kantona Sarajevo, Karate savez Bosne i Hercegovine podnosi sljedeći:

AMANDMAN (1)

na član 169. Nacrta Zakona o sportu Kantona Sarajevo

Član 169. stav 1. mijenja se i glasi:

“Pravo na trajnu novčanu naknadu koja se isplaćuje mjesečno ostvaruje sportista državne selekcije koji je osvojio medalju na olimpijskim igrama/paraolimpijskim igrama, svjetskom seniorskom prvenstvu u olimpijskom/paraolimpijskom sportu „I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STRANE MEĐUNARODNOG OLIMPIJSKOG KOMITETA“ i disciplini evropskom seniorskom prvenstvu u olimpijskom/paraolimpijskom sportu i disciplinama, „I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STRANE MEĐUNARODNOG OLIMPIJSKOG KOMITETA“, kao nagradu Kantona Sarajevo za poseban doprinos ugledu Bosne i Hercegovine, ako ispunjava sljedeće uslove:”

Obrazloženje:

Ovim amandmanom se osigurava jednak tretman sportista koji se takmiče u sportovima priznatim od strane Međunarodnog olimpijskog komiteta, a koji nisu na programu Olimpijskih igara, čime se doprinosi unapređenju sporta i pravednijem nagrađivanju vrhunskih sportskih rezultata.



AMANDMAN (2)

na član 120. Nacrta Zakona o sportu Kantona Sarajevo

Član 120. (Status vrhunskog sportiste)

(1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u priznatom sportu ili disciplini.

(2) Rezultati ili plasmani moraju biti ostvareni na zvaničnim takmičenjima na nivou Bosne i Hercegovine, odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane MOK-a, Internacionalnog paraolimpijskog komiteta (u daljem tekstu: IPC) ili SportAccorda.

(3) Sport mora biti priznat od strane MOK-a, IPC-a i **SPORTACCORDA** kroz ARISF ili neke druge relevantne sportske organizacije.

OBRAZLOŽENJE:

U dosadašnjem tekstu člana 120. korišten je naziv GAISF (General Association of International Sports Federations), organizacija koja je okupljala međunarodne sportske federacije. Međutim:

- GAISF je zvanično ugašen u septembru 2023. godine, nakon odluke članova Skupštine u novembru 2022.
- Njegove funkcije, nadležnosti i sportski okvir sada je preuzeo SportAccord – krovna međunarodna sportska organizacija.
- SportAccord okuplja četiri ključne asocijacije međunarodnih sportskih federacija:
 - ASOIF – Savez ljetnih olimpijskih sportova
 - AIOWF – Savez zimskih olimpijskih sportova
 - ARISF – Savez sportova priznatih od MOK-a, ali koji nisu na programu Olimpijskih igara
 - AIMS – Savez međunarodnih sportskih federacija nepriznatih od MOK-a

Ova izmjena osigurava usklađivanje zakonskog teksta sa aktuelnim međunarodnim sportskim standardima i omogućava priznanje sportova i disciplina koje pripadaju okviru SportAccorda, uključujući i sportove priznate od Međunarodnog olimpijskog komiteta (MOK), ali koji nisu na programu Olimpijskih igara, kao što je karate.



OBRAZLOŽENJE

Predmet: Uključivanje karatea u Zakon o sportu Kantona Sarajevo – pravo na trajnu novčanu naknadu

Karate predstavlja jedan od najmasovnijih i najuspješnijih sportova u Bosni i Hercegovini, sa izuzetno bogatom tradicijom i međunarodnim priznanjima. U cilju unapređenja sporta i pravičnog tretmana svih sportista, Karate savez Bosne i Hercegovine predlaže da se karate i sportisti koji postižu vrhunske rezultate u ovom sportu uvrste u odredbe Zakona o sportu Kantona Sarajevo koje regulišu pravo na trajnu novčanu naknadu.

1. Globalni značaj karatea

- Karate je jedan od najzastupljenijih sportova u svijetu – prema podacima Svjetske karate federacije (WKF), karate prakticira više od 100 miliona sportista u preko 200 država.
- Karate je priznat od strane Međunarodnog olimpijskog komiteta (MOK) i član je SportAccord-a kroz ARISF (Asocijacija međunarodnih sportskih federacija priznatih od MOK-a).
- Karate je bio dio zvaničnog programa Olimpijskih igara Tokio 2020 (održanih 2021. godine), gdje je svjetska sportska zajednica potvrdila njegov značaj i visoki nivo konkurencije.

2. Karate u Bosni i Hercegovini

- Karate je najmasovniji sport u BiH poslije fudbala, sa preko 12.000 aktivnih sportista svih uzrasnih kategorija i oko 4.000 aktivnih sportista u Kantonu Sarajevo.
- U Bosni i Hercegovini postoji blizu 200 karate klubova koji se redovno takmiče na kantonalnim, entitetskim, državnim i međunarodnim prvenstvima.
- Karate je jedan od rijetkih sportova u BiH koji je u potpunosti objedinjeno organizovan – na državnom nivou djeluje Karate savez Bosne i Hercegovine kao jedinstvena krovna organizacija priznata od Svjetske karate federacije (WKF) i MOK-a.

3. Vrhunski rezultati sportista iz Kantona Sarajevo

Sportisti iz Kantona Sarajevo ostvarili su izuzetne rezultate na najvećim svjetskim i evropskim takmičenjima, iako se radi o vrlo malom broju vrhunskih sportista koji su dosegli taj nivo. Neki od najznačajnijih uspjeha.



Pojedinačni rezultati:

1. 5 – 1. mjesto, Evropsko prvenstvo za seniore
2. - 3. mjesto, Svjetsko prvenstvo za seniore
3. - 3. mjesto, Svjetsko prvenstvo za seniore
4. - 2. mjesto, Evropsko prvenstvo za seniore
5. - 2. mjesto, Evropsko prvenstvo za seniore
6. - 2. mjesto, Evropsko prvenstvo za seniore
7. - 3. mjesto, Evropsko prvenstvo za seniore
8. - 2. mjesto, Evropsko prvenstvo za seniore
9. ić – 3. mjesto, Evropsko prvenstvo za seniore

Ovo jasno pokazuje da se radi o izuzetno ograničenom broju sportista, ali njihovi rezultati imaju veliki značaj za promociju Kantona Sarajevo i Bosne i Hercegovine na međunarodnom nivou.

Ekipni rezultati:

1. 2. mjesto Evropsko prvenstvo
2. , 2. mjesto Evropsko prvenstvo
3. 2. mjesto Svjetsko prvenstvo
4. , 2. mjesto Evropsko prvenstvo
5. , 2. mjesto Evropsko prvenstvo
6. 3. mjesto Evropsko prvenstvo
7. 2. mjesto Evropsko prvenstvo
8. 2. mjesto Svjetsko prvenstvo
9. 2. mjesto Svjetsko prvenstvo
10. 2. mjesto Svjetsko prvenstvo
11. 2. mjesto Svjetsko prvenstvo
12. ić, 2. mjesto Evropsko prvenstvo
13. 2. mjesto Evropsko prvenstvo
14. ić, 2. mjesto Evropsko prvenstvo
15. 2. mjesto Svjetsko prvenstvo

4. Razlozi za uključivanje karatea u Zakon o sportu Kantona Sarajevo

1. Karate je priznat od MOK-a i član SportAccord-a kroz ARISF.
2. Karate je bio dio Olimpijskih igara Tokio 2020 (2021.), što potvrđuje njegov međunarodni značaj.
3. Karate je najmasovniji sport poslije fudbala u Bosni i Hercegovini.
4. Karate je objedinjen sport na državnom nivou – postoji jedinstveni sistem organizacije i takmičenja.



5. Karate klubovi su prisutni u gotovo svakom gradu i općini, sa velikim brojem djece i mladih.
6. Karate je jedan od najrazvijenijih i najtrofejnijih sportova u BiH, sa stalnim međunarodnim uspjesima.
7. Rezultati naših vrhunskih sportista pokazuju da je karate strateški važan sport za promociju Kantona Sarajevo i Bosne i Hercegovine.

Punopravno učešće Karate sporta na:

Svjetskim Igrama koje su prvi put održane 1981. godine, namijenjene za sportove koji nisu sastavni dio Olimpijskih igara, ali su pod pokroviteljstvom MOK-a, te posjeduje status službenog sporta i discipline. Na SI učestvuje i Bosna i Hercegovina sa predstavnicima i osvajačima medalja u Karate sportu (Amela Odžaković-zlatna medalja, Tajvan 2009.), ravnopravno sa ostalim olimpijskim sportovima.

Evropskim Igrama koje su međunarodno višesportsko takmičenje čije se prvo izdanje održalo 2015. u Bakuu. Igre su osmislili, provode i nadziru evropski olimpijski odbori. Osnivanje igara službeno je potvrđeno 2012. na 41. Općem zasjedanju evropskih olimpijskih odbora u Rimu. Na EI učestvuje i Bosna i Hercegovina sa predstavnicima u Karate sportu, ravnopravno sa ostalim olimpijskim sportovima.

Mediterranskim Igrama koje su također međunarodno višesportsko takmičenje koje se održava svake četiri godine u jednom od gradova članica Međunarodnog odbora Mediteranskih igara. Prvo izdanje igara održano je 1951. godine u Aleksandriji, jednom od najvećih gradova Egipta. Prvih deset izdanja Mediteranskih igara (1951. – 1991.) održavano je godinu prije Olimpijskih igara. Od 1991. odlučeno je kako se Mediteranske igre održavaju godinu nakon Olimpijskih igara. Na MI učestvuje i Bosna i Hercegovina sa predstavnicima i osvajačima medalja u Karate sportu (Eldin Pekmez-prva bronzana medalja od nezavisnosti BiH, Francuska 1993.), ravnopravno sa ostalim olimpijskim sportovima.

Karate je učestvovao na Ljetnjim olimpijskim igrama mladih (Youth Olympic Games):

Učešće u 2018. godini (Buenos Aires)

Karate je debitovao u programu Ljetnjih olimpijskih igara mladih 2018. godine u Buenos Airesu. Takmičenje je održano 17. i 18. oktobra, obuhvatalo je ukupno 6 događaja – po tri za dječake i djevojčice – s ukupno 48 takmičara iz 33 zemlje.

Tradicija

Karate u Bosni i Hercegovini ima dugu i bogatu tradiciju koja traje više od pet decenija. Počeci se vežu za kraj 1960-ih i početak 1970-ih godina, kada su osnovani prvi karate klubovi, među kojima se posebno ističe Univerzitetski Karate Klub Bosna (UKK Bosna), osnovan 1967. godine. Ovaj klub imao je presudnu ulogu u širenju i popularizaciji karatea, a već 1972. godine osnovan je Karate savez Bosne i Hercegovine, čime je sport dobio institucionalni okvir i jasnu organizaciju.



Tokom 1970-ih i 1980-ih godina, karate u BiH doživljava snažan razvoj i postaje jedan od najmasovnijih sportova u zemlji, koji je u tom periodu postao i jedan od najtrofejnijih sportova bivše Jugoslavije.

Nakon 1990-ih i ratnog perioda, karate je uspio očuvati kontinuitet i obnoviti svoje strukture. Formirani su entitetski savezi, a Karate savez BiH nastavio je razvijati sport na državnom nivou, organizovati domaća takmičenja i pripremati reprezentacije za međunarodne nastupe. Karate je postao više od sporta — simbol upornosti, discipline i zajedništva.

Tokom 2000-ih, Bosna i Hercegovina je iznjedrila brojne vrhunske sportiste koji su osvajali medalje na evropskim, svjetskim i mediteranskim prvenstvima. Ovi uspjesi učvrstili su poziciju karatea kao jednog od najuspješnijih sportova u BiH.

Danas, karate u BiH bilježi kontinuirane rezultate i u mladim kategorijama. Na evropskim prvenstvima za kadete, juniore i U21, naši takmičari redovno osvajaju medalje, što pokazuje da postoji sistematičan rad s mladim generacijama i da se tradicija nastavlja njegovati.

Karatisti iz Bosne i Hercegovine i Kantona Sarajevo su tokom godina bili među laureatima sporta — vrhunskim sportistima koji su se svojim rezultatima svrstali među najbolje sportiste zemlje. Njihovi uspjesi na evropskim, svjetskim i mediteranskim prvenstvima prepoznati su i nagrađivani, a zahvaljujući njima karate je stekao status jednog od najuspješnijih sportova u Bosni i Hercegovini.

Sve ove činjenice potvrđuju da karate u Bosni i Hercegovini nije samo sport — on je postao dio kulturnog i sportskog identiteta zemlje, sport koji okuplja generacije, razvija karakter, gradi zajedništvo i na međunarodnoj sceni promovise ime Bosne i Hercegovine.

Zaključak

Uvrštavanje karatea u Zakon o sportu Kantona Sarajevo u segmentu koji reguliše pravo na trajnu novčanu naknadu za sportiste sa osvojenim medaljama na najvećim svjetskim i evropskim takmičenjima predstavlja pravičan, logičan i opravdan korak.

Karate je sport od nacionalnog značaja za Bosnu i Hercegovinu, sa hiljadama djece i mladih uključenih u trenažni proces, ogromnim međunarodnim uspjesima i dokazanim kvalitetom na najvišem svjetskom nivou. Uključivanje karatea u zakon omogućilo bi jednak tretman sportista koji ulažu ogroman trud i ostvaruju vrhunske rezultate, a istovremeno bi doprinijelo daljem razvoju sporta i promociji Kantona Sarajevo i Bosne i Hercegovine.

Predsjednik KS BiH

Denis Muhović



BOSNA I HERCEGOVINA KARATE SAVEZ BOSNE I HERCEGOVINE SARAJEVO BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO		БОСНА И ХЕРЦЕГОВИНА КАРАТЕ САВЕЗ БОСНЕ И ХЕРЦЕГОВИНЕ САРАЈЕВО BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO
---	---	---

Broj:206/25

Datum: 10.09.2025.godine,

Adresa: Alipašina 14L, Sarajevo

Telefon: 061/348-082, 033/206-736

POTVRDA

O OSTVARENIM POJEDINAČNIM REZULTATIMA

Ovim Karate savez Bosne i Hercegovine potvrđuje da su sljedeći sportisti iz Kantona Sarajevo ostvarili vrhunske **POJEDINAČNE** rezultate na evropskim i svjetskim prvenstvima u karateu:

Red. br.	Ime i prezime	Plasman	Takmičenje
1.		1. mjesto	Evropsko prvenstvo za seniore
2.		3. mjesto	Svjetsko prvenstvo za seniore
3.		3. mjesto	Svjetsko prvenstvo za seniore
4.		2. mjesto	Evropsko prvenstvo za seniore
5.		2. mjesto	Evropsko prvenstvo za seniore
6.		2. mjesto	Evropsko prvenstvo za seniore
7.		3. mjesto	Evropsko prvenstvo za seniore
8.		2. mjesto	Evropsko prvenstvo za seniore
9.		3. mjesto	Evropsko prvenstvo za seniore

Potvrda se izdaje u svrhu potvrđivanja ostvarenih pojedinačnih sportskih rezultata.

Generalni sekretar KS BiH

Admir Zukan /



BOSNA I HERCEGOVINA KARATE SAVEZ BOSNE I HERCEGOVINE SARAJEVO BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO		БОСНА И ХЕРЦЕГОВИНА КАРАТЕ САВЕЗ БОСНЕ И ХЕРЦЕГОВИНЕ САРАЈЕВО BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO
---	---	---

Broj:208/25

Datum: 10.09.2025.godine,

Adresa: Alipašina 14L, Sarajevo

Telefon: 061/348-082, 033/206-736

POTVRDA

Ovim Karate savez Bosne i Hercegovine potvrđuje da su sljedeći sportisti ostvarili vrhunske EKIPNE rezultate na evropskim i svjetskim prvenstvima u karateu:

Red. br.	Plasman	Takmičenje
1.	2. mjesto	Evropsko prvenstvo
2.	2. mjesto	Evropsko prvenstvo
3.	2. mjesto	Svjetsko prvenstvo
4.	2. mjesto	Evropsko prvenstvo
5.	2. mjesto	Evropsko prvenstvo
6.	3. mjesto	Evropsko prvenstvo
7.	2. mjesto	Evropsko prvenstvo
8.	2. mjesto	Svjetsko prvenstvo
9.	2. mjesto	Svjetsko prvenstvo
10.	2. mjesto	Svjetsko prvenstvo
11.	2. mjesto	Svjetsko prvenstvo
12.	2. mjesto	Evropsko prvenstvo
13.	2. mjesto	Evropsko prvenstvo
14.	2. mjesto	Evropsko prvenstvo

Potvrda se izdaje u svrhu potvrđivanja ostvarenih ekipnih sportskih rezultata.

Generalni sekretar KS BiH

Admir Zukan



BOSNA I HERCEGOVINA KARATE SAVEZ BOSNE I HERCEGOVINE SARAJEVO BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO		БОСНА И ХЕРЦЕГОВИНА КАРАТЕ САВЕЗ БОСНЕ И ХЕРЦЕГОВИНЕ САРАЈЕВО BOSNIA & HERZEGOVINA KARATE FEDERATION OF BOSNIA & HERZEGOVINA SARAJEVO
---	---	---

Broj:207/25

Datum: 10.09.2025.godine,

Adresa: Alipašina 14L, Sarajevo

Telefon: 061/348-082, 033/206-736

POTVRDA

O BROJU KLUBOVA I AKTIVNIH SPORTISTA

Na osnovu zvaničnih evidencija Karate saveza Bosne i Hercegovine, ovim potvrđujemo sljedeće:

- U BiH se karateom aktivno bavi preko 12.000 sportista svih uzrasnih kategorija.
- U Kantonu Sarajevo aktivno trenira oko 4.000 sportista raspoređenih u 40 karate klubova.
- Na nivou BiH djeluje blizu 200 karate klubova, koji se redovno takmiče na kantonalnim, entitetskim, državnim i međunarodnim prvenstvima.

Potvrda se izdaje u svrhudostavljanja relevantnih podataka o broju karate klubova i aktivnih sportista nadležnim institucijama.

Generalni sekretar KS BiH

Admir Zukan ,



PRINJAS...	11-09-2025	broj prijave
Original arhivirano fotokopija		
12	02	39716-7

Broj: 09/25

Sarajevo, 09.09.2025. godine

Ministarstvo kulture, sporta Kantona Sarajevo

Predmet: Amandman na Nacrt Zakona o sportu Kantona Sarajevo – član 169.

Veza: Dopis broj: 15-02-39716

Poštovani,

Na osnovu javne rasprave o Nacrtu Zakona o sportu Kantona Sarajevo, Karate savez Bosne i Hercegovine podnosi sljedeći:

AMANDMAN (1)

na član 169. Nacrta Zakona o sportu Kantona Sarajevo

Član 169. stav 1. mijenja se i glasi:

“Pravo na trajnu novčanu naknadu koja se isplaćuje mjesečno ostvaruje sportista državne selekcije koji je osvojio medalju na olimpijskim igrama/paraolimpijskim igrama, svjetskom seniorskom prvenstvu u olimpijskom/paraolimpijskom sportu „I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STRANE MEĐUNARODNOG OLIMPIJSKOG KOMITETA“ i disciplini evropskom seniorskom prvenstvu u olimpijskom/paraolimpijskom sportu i disciplinama, „I SPORTOVIMA KOJI NISU NA PROGRAMU OLIMPIJSKIH IGARA, ALI SU PRIZNATI OD STRANE MEĐUNARODNOG OLIMPIJSKOG KOMITETA“, kao nagradu Kantona Sarajevo za poseban doprinos ugledu Bosne i Hercegovine, ako ispunjava sljedeće uslove:”

Obrazloženje:

Ovim amandmanom se osigurava jednak tretman sportista koji se takmiče u sportovima priznatim od strane Međunarodnog olimpijskog komiteta, a koji nisu na programu Olimpijskih igara, čime se doprinosi unapređenju sporta i pravednijem nagrađivanju vrhunskih sportskih rezultata.



AMANDMAN (2)

na član 120. Nacrta Zakona o sportu Kantona Sarajevo

Član 120. (Status vrhunskog sportiste)

- (1) Sportista stiče status vrhunskog sportiste Kantona Sarajevo ako ostvaruje izuzetne sportske rezultate na nacionalnom i/ili međunarodnom nivou u priznatom sportu ili disciplini.
- (2) Rezultati ili plasmani moraju biti ostvareni na zvaničnim takmičenjima na nivou Bosne i Hercegovine, odnosno na zvaničnim međunarodnim takmičenjima u organizaciji međunarodnih sportskih organizacija koje su priznate od strane MOK-a, Internacionalnog paraolimpijskog komiteta (u daljem tekstu: IPC) ili SportAccorda.
- (3) Sport mora biti priznat od strane MOK-a, IPC-a i **SPORTACCORDA** kroz **ARISF** ili neke druge relevantne sportske organizacije.

OBRAZLOŽENJE:

U dosadašnjem tekstu člana 120. korišten je naziv GAISF (General Association of International Sports Federations), organizacija koja je okupljala međunarodne sportske federacije. Međutim:

•GAISF je zvanično ugašen u septembru 2023. godine, nakon odluke članova Skupštine u novembru 2022.


•Njegove funkcije, nadležnosti i sportski okvir sada je preuzeo SportAccord – krovna međunarodna sportska organizacija.

•SportAccord okuplja četiri ključne asocijacije međunarodnih sportskih federacija:

- o ASOIF – Savez ljetnih olimpijskih sportova
- o AIOWF – Savez zimskih olimpijskih sportova
- o ARISF – Savez sportova priznatih od MOK-a, ali koji nisu na programu Olimpijskih igara
- o AIMS – Savez međunarodnih sportskih federacija nepriznatih od MOK-a

Ova izmjena osigurava usklađivanje zakonskog teksta sa aktuelnim međunarodnim sportskim standardima i omogućava priznanje sportova i disciplina koje pripadaju okviru SportAccorda,

uključujući i sportove priznate od Međunarodnog olimpijskog komiteta (MOK), ali koji nisu na programu Olimpijskih igara, kao što je karate.





OBRAZLOŽENJE

Predmet: Uključivanje karatea u Zakon o sportu Kantona Sarajevo – pravo na trajnu novčanu naknadu

Karate predstavlja jedan od najmasovnijih i najuspješnijih sportova u Bosni i Hercegovini, sa izuzetno bogatom tradicijom i međunarodnim priznanjima. U cilju unapređenja sporta i pravičnog tretmana svih sportista, Karate savez Bosne i Hercegovine predlaže da se karate i sportisti koji postižu vrhunske rezultate u ovom sportu uvrste u odredbe Zakona o sportu Kantona Sarajevo koje regulišu pravo na trajnu novčanu naknadu.

1. Globalni značaj karatea

- Karate je jedan od najzastupljenijih sportova u svijetu – prema podacima Svjetske karate federacije (WKF), karate prakticira više od 100 miliona sportista u preko 200 država.
- Karate je priznat od strane Međunarodnog olimpijskog komiteta (MOK) i član je SportAccord-a kroz ARISF (Asocijacija međunarodnih sportskih federacija priznatih od MOK-a).
- Karate je bio dio zvaničnog programa Olimpijskih igara Tokio 2020 (održanih 2021. godine), gdje je svjetska sportska zajednica potvrdila njegov značaj i visoki nivo konkurencije.

2. Karate u Bosni i Hercegovini

- Karate je najmasovniji sport u BiH poslije fudbala, sa preko 12.000 aktivnih sportista svih uzrasnih kategorija i oko 4.000 aktivnih sportista u Kantonu Sarajevo.
- U Bosni i Hercegovini postoji blizu 200 karate klubova koji se redovno takmiče na kantonalnim, entitetskim, državnim i međunarodnim prvenstvima.
- Karate je jedan od rijetkih sportova u BiH koji je u potpunosti objedinjeno organizovan – na državnom nivou djeluje Karate savez Bosne i Hercegovine kao jedinstvena krovna organizacija priznata od Svjetske karate federacije (WKF) i MOK-a.

3. Vrhunski rezultati sportista iz Kantona Sarajevo

Sportisti iz Kantona Sarajevo ostvarili su izuzetne rezultate na najvećim svjetskim i evropskim takmičenjima, iako se radi o vrlo malom broju vrhunskih sportista koji su dosegli taj nivo. Neki od najznačajnijih uspjeha.

Pojedinačni rezultati:

.. broj računa: 338 900 2208 391 541 - Uni Credit Bank Sarajevo ..





1. - 1. mjesto, Evropsko prvenstvo za seniore
2. 3. mjesto, Svjetsko prvenstvo za seniore
3. 3. mjesto, Svjetsko prvenstvo za seniore
4. - 2. mjesto, Evropsko prvenstvo za seniore
5. - 2. mjesto, Evropsko prvenstvo za seniore
6. - 2. mjesto, Evropsko prvenstvo za seniore
7. - 3. mjesto, Evropsko prvenstvo za seniore
8. - 2. mjesto, Evropsko prvenstvo za seniore
9. - 3. mjesto, Evropsko prvenstvo za seniore

Ovo jasno pokazuje da se radi o izuzetno ograničenom broju sportista, ali njihovi rezultati imaju veliki značaj za promociju Kantona Sarajevo i Bosne i Hercegovine na međunarodnom nivou.

Ekipni rezultati:

1. , 2. mjesto Evropsko prvenstvo
2. , 2. mjesto Evropsko prvenstvo
3. , 2. mjesto Svjetsko prvenstvo
4. , 2. mjesto Evropsko prvenstvo
5. ić, 2. mjesto Evropsko prvenstvo
6. 3. mjesto Evropsko prvenstvo
7. 2. mjesto Evropsko prvenstvo
8. , 2. mjesto Svjetsko prvenstvo
9. i 2. mjesto Svjetsko prvenstvo
10. 2. mjesto Svjetsko prvenstvo
11. 2. mjesto Svjetsko prvenstvo
12. , 2. mjesto Evropsko prvenstvo
13. 2. mjesto Evropsko prvenstvo





14.1

2. mjesto Evropsko prvenstvo

4. Razlozi za uključivanje karatea u Zakon o sportu Kantona Sarajevo

1. Karate je priznat od MOK-a i član SportAccord-a kroz ARISF.
2. Karate je bio dio Olimpijskih igara Tokio 2020 (2021.), što potvrđuje njegov međunarodni značaj.
3. Karate je najmasovniji sport poslije fudbala u Bosni i Hercegovini.
4. Karate je objedinjen sport na državnom nivou – postoji jedinstveni sistem organizacije i takmičenja.
5. Karate klubovi su prisutni u gotovo svakom gradu i općini, sa velikim brojem djece i mladih.
6. Karate je jedan od najrazvijenijih i najtrofejnijih sportova u BiH, sa stalnim međunarodnim uspjesima.
7. Rezultati naših vrhunskih sportista pokazuju da je karate strateški važan sport za promociju Kantona Sarajevo i Bosne i Hercegovine.

Punopravno učešće Karate sporta na:

Svjetskim Igrama koje su prvi put održane 1981. godine, namijenjene za sportove koji nisu sastavni dio Olimpijskih Igara, ali su pod pokroviteljstvom MOK-a, te posjeduje status službenog sporta i discipline. Na SI učestvuje i Bosna i Hercegovina sa predstavnicima i osvajačima medalja u Karate sportu (Arnela Odžaković- zlatna medalja, Tajvan 2009.), ravnopravno sa ostalim olimpijskim sportovima.


Evropskim Igrama koje su međunarodno višesportsko takmičenje čije se prvo izdanje održalo 2015. u Bakuu. Igre su osmislili, provode i nadziru evropski olimpijski odbori. Osnivanje Igara službeno je potvrđeno 2012. na 41. Općem zasjedanju evropskih olimpijskih odbora u Rimu. Na EI učestvuje i Bosna i Hercegovina sa predstavnicima u Karate sportu, ravnopravno sa ostalim olimpijskim sportovima.

Mediterranskim Igrama koje su također međunarodno više sportsko takmičenje koje se održava svake četiri godine u jednom od gradova članica Međunarodnog odbora Mediteranskih igara. Prvo izdanje Igara održano je 1951. godine u Aleksandriji, jednom od najvećih gradova Egipta. Prvih deset izdanja Mediteranskih igara (1951. – 1991.) održavano je godinu prije Olimpijskih igara. Od 1991. odlučeno je kako se Mediteranske igre održavaju godinu nakon Olimpijskih igara. Na MI učestvuje i Bosna i Hercegovina sa predstavnicima i osvajačima medalja u Karate sportu (Eldin Pekmez-prva bronzana medalja od nezavisnosti BiH, Francuska 1993.), ravnopravno sa ostalim olimpijskim sportovima.

Karate je učestvovao na Ljetnjim olimpijskim igrama mladih (Youth Olympic Games):

Učešće u 2018. godini (Buenos Aires)

Karate je debitovao u programu Ljetnjih olimpijskih igara mladih 2018. godine u Buenos Airesu. Takmičenje je održano 17. i 18. oktobra, obuhvatalo je ukupno 6 događaja – po tri za dječake i djevojčice – s ukupno 48 takmičara iz 33 zemlje.



Tradicija

Karate u Bosni i Hercegovini ima dugu i bogatu tradiciju koja traje više od pet decenija. Počeci se vežu za kraj 1960-ih i početak 1970-ih godina, kada su osnovani prvi karate klubovi, među kojima se posebno ističe Univerzitetski Karate Klub Bosna (UKK Bosna), osnovan 1967. godine. Ovaj klub imao je presudnu ulogu u širenju i popularizaciji karatea, a već 1972. godine osnovan je Karate savez Bosne i Hercegovine, čime je sport dobio institucionalni okvir i jasnu organizaciju.

Tokom 1970-ih i 1980-ih godina, karate u BiH doživljava snažan razvoj i postaje jedan od najmasovnijih sportova u zemlji, koji je u tom periodu postao i jedan od najtrofejnijih sportova bivše Jugoslavije. Nakon 1990-ih i ratnog perioda, karate je uspio očuvati kontinuitet i obnoviti svoje strukture. Formirani su entitetski savezi, a Karate savez BiH nastavio je razvijati sport na državnom nivou, organizovati domaća takmičenja i pripremati reprezentacije za međunarodne nastupe. Karate je postao više od sporta — simbol upornosti, discipline i zajedništva.

Tokom 2000-ih, Bosna i Hercegovina je iznjedrila brojne vrhunske sportiste koji su osvajali medalje na evropskim, svjetskim i mediteranskim prvenstvima. Ovi uspjesi učvrstili su poziciju karatea kao jednog od najuspješnijih sportova u BiH.

Danas, karate u BiH bilježi kontinuirane rezultate i u mlađim kategorijama. Na evropskim prvenstvima za kadete, juniore i U21, naši takmičari redovno osvajaju medalje, što pokazuje da postoji sistematičan rad s mladim generacijama i da se tradicija nastavlja njegovati.

Karatisti iz Bosne i Hercegovine i Kantona Sarajevo su tokom godina bili među laureatima sporta — vrhunskim sportistima koji su se svojim rezultatima svrstali među najbolje sportiste zemlje. Njihovi uspjesi na evropskim, svjetskim i mediteranskim prvenstvima prepoznati su i nagrađivani, a zahvaljujući njima karate je stekao status jednog od najuspješnijih sportova u Bosni i Hercegovini.

Sve ove činjenice potvrđuju da karate u Bosni i Hercegovini nije samo sport — on je postao dio kulturnog i sportskog identiteta zemlje, sport koji okuplja generacije, razvija karakter, gradi zajedništvo i na međunarodnoj sceni promoviše ime Bosne i Hercegovine.

Zaključak

Uvrštavanje karatea u Zakon o sportu Kantona Sarajevo u segmentu koji reguliše pravo na trajnu novčanu naknadu za sportiste sa osvojenim medaljama na najvećim svjetskim i evropskim takmičenjima predstavlja pravičan, logičan i opravdan korak.

Karate je sport od nacionalnog značaja za Bosnu i Hercegovinu, sa hiljadama djece i mladih ključenih u trenažni proces, ogromnim međunarodnim uspjesima i dokazanim kvalitetom na najvišem svjetskom nivou. Uključivanje karatea u zakon omogućilo bi jednak tretman sportista koji ulažu ogroman trud i ostvaruju vrhunske rezultate, a istovremeno bi doprinijelo daljem razvoju sporta i promociji Kantona Sarajevo i Bosne i Hercegovine.



Broj:48/25

Datum: 10.09.2025.godine,

POTVRDA

O OSTVARENIM POJEDINAČNIM REZULTATIMA

Ovim Karate savez Bosne i Hercegovine potvrđuje da su sljedeći sportisti iz Kantona Sarajevo ostvarili vrhunske **POJEDINAČNE** rezultate na evropskim i svjetskim prvenstvima u karateu:

Red. br.	Ime i prezime	Plasman Takmičenje
1.		1. mjesto Evropsko prvenstvo za seniore
2.		3. mjesto Svjetsko prvenstvo za seniore
3.		3. mjesto Svjetsko prvenstvo za seniore
4.		2. mjesto Evropsko prvenstvo za seniore
5.		2. mjesto Evropsko prvenstvo za seniore
6.		2. mjesto Evropsko prvenstvo za seniore
7.		3. mjesto Evropsko prvenstvo za seniore
8.		2. mjesto Evropsko prvenstvo za seniore
9.		3. mjesto Evropsko prvenstvo za seniore

Potvrda se izdaje u svrhu potvrđivanja ostvarenih pojedinačnih sportskih rezultata.

PREDSJEDNIK KARATE SAVEZA KANTONA SARAJEVO



Denis Muhović

Broj:49/25

Datum: 10.09.2025.godine,

POTVRDA

O BROJU KLUBOVA I AKTIVNIH SPORTISTA

Na osnovu zvaničnih evidencija Karate saveza Bosne i Hercegovine, ovim potvrđujemo sljedeće:

- U BiH se karateom aktivno bavi preko 12.000 sportista svih uzrasnih kategorija.
- U Kantonu Sarajevo aktivno trenira oko 4.000 sportista raspoređenih u 40 karate klubova.
- Na nivou BiH djeluje blizu 200 karate klubova, koji se redovno takmiče na kantonalnim, entitetskim, državnim i međunarodnim prvenstvima.

Potvrda se izdaje u svrhudostavljanja relevantnih podataka o broju karate klubova i aktivnih sportista nadležnim institucijama.

PREDSJEDNIK KARATE SAVEZA KANTONA SARAJEVO



Denis Muhović



Broj:50/25

Datum: 10.09.2025.godine,

POTVRDA

Ovim Karate savez Bosne i Hercegovine potvrđuje da su sljedeći sportisti ostvarili vrhunske **EKIPNE** rezultate na evropskim i svjetskim prvenstvima u karateu:

Red. br.	Ime i prezime	Plasman Takmičenje
1.		2. mjesto Evropsko prvenstvo
2.		2. mjesto Evropsko prvenstvo
3.		2. mjesto Svjetsko prvenstvo
4.		2. mjesto Evropsko prvenstvo
5.		2. mjesto Evropsko prvenstvo
6.		3. mjesto Evropsko prvenstvo
7.		2. mjesto Evropsko prvenstvo
8.		2. mjesto Svjetsko prvenstvo
9.		2. mjesto Svjetsko prvenstvo
10.		2. mjesto Svjetsko prvenstvo
11.		2. mjesto Svjetsko prvenstvo
12.		2. mjesto Evropsko prvenstvo
13.		2. mjesto Evropsko prvenstvo
14.		2. mjesto Evropsko prvenstvo

Potvrda se izdaje u svrhu potvrđivanja ostvarenih ekipnih sportskih rezultata.

PREDSJEDNIK KARATE SAVEZA KANTONA SARAJEVO

Denis Muhović

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo

Broj:02/06-36-21SG5/25
Sarajevo, 10.09.2025. godine

354

Bosna i Hercegovina	
Federacija Bosne i Hercegovine	
Kanton Sarajevo	
17-09-2025	
PRIMLJENO	02 30716/25

KANTON SARAJEVO
SKUPŠTINA KANTONA SARAJEVO
Služba za skupštinske poslove
ulica Reisa Džemaludina Čauševića br. 1
SARAJEVO

MINISTARSTVO KLATURE I SPORTA
ulica Reisa Džemaludina Čauševića br. 1
SARAJEVO

PREDMET: Primjedbe, prijedlozi i sugestije na Nacrt Zakona o sportu Kantona Sarajevo
- veza vaš akt: broj:15-02-39716/25 od 16.07.2025. godine-

Postupajući po Vašem aktu broj:15-02-39716/25 od 16.07.2025. godine u ostavljenom roku za javnu raspravu na Nacrt Zakona o sportu Kantona Sarajevo, dostavljamo primjedbe, prijedloge i sugestije, kako slijedi:

Član 29. Nacrta Zakona o sportu Kantona Sarajevo propisuje obavezu donešenja Strategije razvoja sporta na nivou općina, donošenje sektorskih strategija nije zakonski obavežno, ključni razvojni dokument je Strategija razvoja. Zakonom o razvojnom planiranju FBiH (Sl novine FBiH broj: 32/17) koji uređuje sistem strateškog planiranja u FBiH, jasno propisuje subjekte koji su obavezni donosti sektorske strategije a koje se isključivo donose na nivo kantona i federacije, dok jedinice lokalne izrađuju razvojne strategije koje obuhvataju sve sektore uključujući i oblast sporta. Nevedena odredba ima za rezultat dupliranje planskih dokumenta, dodatnog administrativnog i finansijskog opterećenja za jedinice lokalne samuprave, s tim u vezi predmetni član posebno je uskladiti sa Zakonom o razvojnom planiranju FBiH.

Član 37. propisuje uspostavu registra u oblasti sporta na nivou Kantona Sarajevo, potrebno je da se za općine zadrži predhodno zakonsko rješenje koje se odnosi na evidenciju/registar a da resorno ministarstvo vodi zajednički zbirni registar za Kanton Sarajevo a sve u ciju praćenja stanja u sportu za općine.

Član 154. stav (1) pod takom c) dodati iza riječi „vodeći računa o regionalnoj zastupljenosti“ dodati „te broj klubova koji djeluju na području lokalnih zajednica“.

S poštovanjem,

POŠTOVANJE
KANTON SARAJEVO
Općina Novi Grad Sarajevo
Po ovlaštenju Općinskog načelnika
Pomoćnik općinskog načelnika

DOSTAVITI:

1. Naslovu
2. U spis

3872

TURKISH
AIRLINES



TURKISH
AIRLINES



FUDBALSKI KLUB
SARAJEVO

TURKISH
AIRLINES



TURKISH
AIRLINES

Bosna i Hercegovina
Federacija BiH
Kantona Sarajevo

15-09-2025

112, 02, 39716-9

Ministarstvo kulture i sporta Kantona Sarajevo
Reisa Džemaludina Čauševića 1, Sarajevo 71000
N/r gosp. Kenan Magoda

Broj: 426/25

Sarajevo, 13.09.2025. godine

P R E D M E T : Komentari na nacrt zakona o sportu Kantona Sarajevo u sklopu javne rasprave, dostavlja se

Poštovani,

Skupština Kantona Sarajevo usvojila je nacrt zakona o sportu Kantona Sarajevo na sjednici održanoj 15. jula 2025. godine, te je istog dana usvojila zaključak o provođenju javne rasprave u roku od 60 dana. Zaključkom je određeno da se komentari na nacrt zakona dostavljaju Vladi Kantona Sarajevo putem Ministarstva kulture i sporta, te Vam u nastavku, u skladu sa navedenim zaključkom, dostavljamo komentare i konkretne prijedloge za unaprijedjenje predloženog zakonskog teksta.

Generalni osvrt:

Fudbalski klub Sarajevo podržava donošenje novog Zakona o sportu Kantona Sarajevo jer to predstavlja značajan i neophodan korak u unapređenju i modernizaciji sportskog Sistema u Kantonu Sarajevo. Nakon višegodišnjeg vakuuma u kojem su sportske organizacije, klubovi i sportisti djelovali u okviru zastarjelih i nedovoljno preciznih zakonskih rješenja, jasno je da je krajnje vrijeme da se uspostavi savremen i funkcionalan pravni okvir.

Novi zakon u formi u kojoj je predložen ima potencijal osigurati ubrzan razvoj sporta, jačanje infrastrukture i sistemsku podršku sportistima. Posebno naglašavamo važnost zakonske odredbe kojom se predviđa izdvajanje minimalno 1,5% ukupnog budžeta Kantona Sarajevo za potrebe sporta, čime bi se obezbijedili stabilni i dugoročni izvori finansiranja. Takva zakonska obaveza doprinijela bi transparentnosti i predvidivosti finansiranja, te bi značajno smanjila zavisnost sporta od ad hoc odluka.

Ujedno smatramo da bi ovaj iznos trebao biti još i veći, obzirom na zapuštenost i starost većine postojećih sportskih objekata u Kantonu, velikih potrebe za izgradnjom novih objekata, kao i veće podrške sportskim organizacijama i sportistima i drugim potrebama vezanih za sport, a sve u vezi sa velikim potencijalom koji sport ima u smislu promocije i razvoja ukupnog društva.

UDRUŽENJE FUDBALSKI KLUB "SARAJEVO"

Maršala Tita 38/b, Sarajevo, Bosna i Hercegovina
JIB: 4200676240008 PDV: 200676240008

+387 33 66 42 62
PB: 01071919

info@fksarajevo.ba

www.fksarajevo.ba

Sud reg: BiH, F BiH, Kanton Sarajevo, Ministarstvo pravde 03-017-224



Istovremeno, posebno napominjemo kako je izuzetno važno da budući zakon bude praktičan, provodiv te da se izbjegne prekomjerna administrativna opterećenost sportskih subjekata. Umjesto pretjerane birokratizacije uvođenja velikog broja registara, predlažemo pojednostavljenje procedura i fokus na funkcionalna rješenja koja neće nepotrebno opterećivati klubove i sportiste. Na taj način omogućilo bi se da osnovna energija i resursi ostanu usmjereni na sport i takmičenja, a ne na administrativne procese.

Pored toga, predlažemo da se kroz zakon pokuša otvoriti prostor i za uključivanje privrede u finansiranje sporta. Uvođenjem poreskih ili drugih olakšica za privredne subjekte koji ulažu u sport doprinijelo bi stvaranju dodatnih izvora finansiranja, smanjilo pritisak na javna sredstva i omogućilo intenzivniji razvoj sportskih aktivnosti. Time bise izgradilo partnerstvo između javnog i privatnog sektora u ostvarivanju zajedničkog cilja – jačanja sporta i stvaranja boljih uslova za sportiste svih uzrasta.

Konkretni prijedlozi:

Član 4. i Član 5. predviđaju definiciju sporta i osnovnih pojmova – smatramo da je ovo potrebno pažljivo obraditi, uzimajući u obzir ranije definicije iz relevantnih zakona kako bi se spriječili potencijalni problemi u radu klubova i sportskih organizacija.

Član 25. do Člana 35. definiše strategije i razvoj sporta, te uspostavu i način formiranja Vijeća za sport. Cijenimo potrebnim osigurati jasan i transparentan način učešća relevantnih predstavnika svih ključnih sportskih klubova i organizacija u donošenju ovih akata, te prava da budu članovi Vijeća.

Član 37. predviđa uspostavu i upis u registar sporta. Smatramo kako se uspostavom ovog registra stvaraju nepotrebne administrativne i birokratske barijere, te se uvodi svojevrsna pravna nesigurnost u rad svih sportskih klubova i organizacija i stoga predlažemo da se odustane od uspostave ovog registra ili da njegovo postojanje bude čisto statističke prirode, bez uvođenja bilo kakvih sankcija i obaveza bilo kakvog usklađivanja načina organiziranja klubova i sportskih organizacija kako bi se izvršio upis.

Skrećemo pažnju kako svi klubovi i organizacije već imaju obaveze upisa u relevantne registre i ne vidimo bilo kakav opravdan razlog za formiranje potpuno novog sistema registrovanja. Također, rokovi koji su predviđeni za ispunjavanje određenih obaveza u vezi sa registrom su previše kratki i mogu također voditi kreiranju brojnih problema u radu klubova.

UDRUŽENJE FUDBALSKI KLUB "SARAJEVO"



Član 154. Predlažemo da se iznos od 1,5 % poveća na 2 %.

U članu 154. poslije stava (2) predlažemo da se doda novi stav (3) koji glasi:

(3) Izuzetno od stava (2), sportskim klubovima u Kantonu koji se takmiče u najvišem rangu takmičenja u sportu organizovanom u najmanje 3 ranga takmičenja u Bosni i Hercegovini biće ravnomjerno raspodijeljeno 20% sredstava od ukupno obezbjeđenih sredstava u budžetu Kantona za ostvarivanje javnog interesa u oblasti sporta iz stava iz stava (2) ovog člana.

Stavovi (3) i (4) postaju stavovi (4) i (5).

Predloženo rješenje u skladu je sa načelima jednakosti izabrane diskriminacije zagarantovanih Ustavom Federacije Bosne i Hercegovine i Ustavom Kantona Sarajevo, budući da uvodi jasan i objektivni kriterij za raspodjelu dijela budžetskih sredstava. Time se smanjuje prostor za proizvoljno odlučivanje i osigurava pravna sigurnost sportskih klubova.

Također, određivanjem unaprijed poznatog procenta (20%) doprinosi se transparentnosti i predvidljivosti raspodjele javnih sredstava, što je u potpunosti u skladu sa Zakonom o budžetima Federacije BiH i Zakonom o sportu Kantona Sarajevo.

Ujedno na ovaj način profesionalnim sportskim klubovima koji se takmiče na najvišem nivou osigurava se precizan i predvidljiv iznos finansiranja koji osigurava adekvatno planiranje i bolju organizaciju rada sportskih klubova, čime se osiguravaju uslovi za njihovo lakše funkcioniranje i posljedično ostvarivanje boljih rezultata, a što je jedan od ciljeva ovog zakona.

Pored toga, predloženo rješenje je usklađeno sa Zakonom o sportu Bosne i Hercegovine, koji sportske klubove prepoznaje kao osnovne nosioce sportskih aktivnosti, te sa Evropskom poveljom o sportu (Vijeće Evrope), koja naglašava obavezu javnih vlasti da podrže sportskestrukture i osiguraju uslove za njihov razvoj.

Kriterij da se sredstva dodjeljuju klubovima koji se takmiče u sportu organizovanom u najmanje tri ranga takmičenja u Bosni i Hercegovini zasniva se na činjenici da takvi sportovi imaju razvijenu organizacionu strukturu, široku bazu i sistem napredovanja.

Na ovaj način podstiče se ravnomjeran razvoj sporta u Kantonu Sarajevo, jer se sredstva raspoređuju po jasnim i mjerljivim kriterijima, a ne prema trenutnoj popularnosti ili diskrecionoj procjeni. Predloženo rješenje direktno doprinosi razvoju i baze (mlađih kategorija i nižih liga) i vrhunskog sporta, čime se osigurava kontinuitet i održivostsportskog sistema.

Razlozi za usvajanje ovog amandmana leže i u činjenici da on osigurava transparentnu, pravednu i predvidivu raspodjelu javnih sredstava, jača ulogu sportskih klubova kao osnovnih nosilaca sportskih aktivnosti i pruža podršku sportovima sa razvijenom infrastrukturom i višerazinskim

UDRUŽENJE FUDBALSKI KLUB "SARAJEVO"



sistemom takmičenja, čime se doprinosi ostvarivanju javnog interesa i smanjuje rizik od proizvodnje ili politizirane raspodjele sredstava.

Član 161. koji govori o tome da dodatna sponzorstva za sportske aktivnosti mogu doći i od kantonalnih preduzećakojaposlujupozitivno, a na prijedlog ministarstva. Ova odredba treba biti preciznije uređena kako bi se osigurala autonomija odlučivanja samih preduzeća u donošenju odluka o sponzorstvima klubova, kako to ne bi bilo uslovljeno bilo čijim saglasnostima, osim onih organa kako je to uređeno relevantnim zakonodavstvom koje uređuje rad privrednih društava.

Još jednom se zahvaljujemo na prilici da učestvujemo u postupku javne rasprave te pozivamo Vladu i Skupštinu Kantona Sarajevo da u procesu izrade prijedloga zakona osiguraju mogućnost dodatnih konsultacija, a sve sa ciljem da se Zakon o sportu Kantona Sarajevo pripremi i usvoji u formi koja će garantovati jasan i provodiv zakon koji će osigurati čvrst temelj za razvoj sporta u Kantonu Sarajevo u narednim godinama.

S poštovanjem,

UDRUŽENJE FUDBALSKI KLUB "SARAJEVO"

JUDO SAVEZ KANTONA SARAJEVO
JUDO FEDERATION OF CANTON SARAJEVO
MIS S IRBINA 8, 71000 SARAJEVO
ID BROJ 4202809990008
Kontakt: 061 929 188 – 061 379 395

PRIM.	12-09-2025
Opis:	
Jednost.	
12	02 30716 8

Sarajevo, 12.09.2025
Broj: 28-09-25

Vlada Kantona Sarajevo
PUTEM
Ministarstva kulture i sporta Kantona Sarajevo

PREDMET: Primjedbe, prijedlozi, sugestije i mišljenja na Nacrt zakona o sportu Kantona Sarajevo, a sve u skladu sa Zaključkom Skupštine Kantona Sarajevo Broj: 01-02-39716/25, od 15.07.2025.godine

Poštovani,

Nakon izvršene analize nacrtu Zakona o sportu Kantona Sarajevo u propisanom roku dajemo slijedeće primjedbe, prijedloge, sugestije i mišljenja, kako slijedi:

- Član 49. previda da Udruženja u određenim okolnostima moraju imati Upravni odbor što je u suprotnosti sa Članom 17. Zakona o udruženjima i fondacijama FBiH, na osnovu kojeg se i osnivaju udruženja, a koji daje mogućnost udruženjima da sami propišu koje organe, osim skupštine, će imati udruženje. Stoga smatramo da navedene odredbe treba brisati, odnosno uskladiti sa Zakonom o udruženjima i fondacija FBiH
- Član 54. previda da Udruženja u određenim okolnostima moraju imati Nadzorni odbor što je u suprotnosti sa Članom 17. Zakona o udruženjima i fondacijama FBiH, na osnovu kojeg se i osnivaju udruženja, a koji daje mogućnost udruženjima da sami propišu koje organe, osim skupštine, će imati udruženje. Stoga smatramo da navedene odredbe treba brisati, odnosno uskladiti sa Zakonom o udruženjima i fondacija FBiH
- Član 61. previda kod upisa u sportski registar Udruženja da se između ostalog dostave foto-kopije ličnih karata osnivača, što smatramo da je u mnogim slučajevima nemoguće pribaviti, a iz razloga jer mnogi osnivači sportskih udruženja nisu među živima, nisu ni aktivni u klubovima, a mnogi se i nalaze u inostranstvu.
- Član 86. predviđa da Sportski savez Kantona Sarajevo utvrđuje opća sportska pravila u kojima je naveden i program kontinuirane edukacije (formalne ili neformalne) u sportu radi stručnog osposobljavanja i usavršavanja, certificiranja i licenciranja sportskih stručnjaka, a sve navedeno je već propisano i provode državni granski sportski savezi u skladu sa uputstvima i pravilima međunarodnih sportskih organizacija, te iz tog razloga navedena odredba nacrtu je suvišna.

- Član 87. previda u stavu (5) Ako na području Grada ili općine djeluje najmanje tri sportska kluba u istom sportu, može se osnovati granski sportski savez Grada ili općine u tom sportu. U granski sportski savez Grada ili općine se udružuju sportski klubovi pojedinog (određenog) sporta ili sportske grane te iste grane tog određenog sporta u čijoj sportskoj grani zbog nerazvijenosti nije osnovan granski sportski savez Grada ili općine, putem kojeg Grada ili općine ostvaruje svoj javni interes u oblasti sporta. Sportski savez Grada ili općine je nosilac prava na zajednički naziv i zajedničke simbole, ukoliko osnivačkim aktom ili drugim aktima sportskog saveza Grada ili općine nije drugačije određeno.
 - o Smatramo je da je potpuno nepotrebno osnivanje gradskih i općinskih granskih sportskih saveza iz razloga što se time zasigurno ne bi doprinjelo razvoju sporta, nego se isključivo povećava nepotrebna sportska administracija i troškovi
- Član 90. predviđa pripremanje i nastupanje kantonalnih reprezentacija na zvaničnim entitetskim i državnim međunarodnim takmičenjima i pripremanje i nastupanje kantonalnih reprezentacija na zvaničnim međunarodnim takmičenjima u sportovima u kojima je to moguće i opravdano, uz prethodnu saglasnost Ministarstva.
 - o Gore navedeno smatramo nepotrebnim iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Na prvenstvima Federacije i prvenstvima BIH učestvuju isključivo sportski klubovi, a na prvenstvima Evropa i Svijeta učestvuju državne reprezentacije.
- Član 105. predviđa da Fakulteti osnivaju Udruženja stručnih lica osposobljenih za rad u sportu sa ciljem, između ostalog, certificiranjem i licenciranja lica za rad u oblasti sporta.
 - o Smatramo da nije moguće da Fakultet kao vladina organizacija osniva udruženje koje je nevladina organizacija, te da certificiranja i licenciranja lica za rad u oblasti sporta provode državni granski sportski savezi u skladu sa uputstvima i pravilima međunarodnih sportskih organizacija.
- Član 126. predviđa da se sportski stručnjaci i stručnjaci u sport moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije.
 - o Mišljenja smo da je nepotrebno licenciranje kod drugih institucija jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija.
- Član 143. predviđa da kod organizacije međunarodnih Sportskih takmičenja, između ostalog pribavi mišljenje jedinice lokalne samouprave (općine).
 - o Ovu odredbu smatramo suvišnom iz razloga što Kanton Sarajevo čini jednu urbanu sredinu pa često može doći do promjene lokacije (dvorane, terena i slično), a samim tim i općine održavanja manifestacije.

- Član 181. predviđa novčane kazne za propisane prekršaje u iznosu od 5.000,00 KM do 10.000,00 KM za sportske organizacije, a u iznosu od 1.000,00 KM do 5.000,00 KM za odgovorna lica.

- o Mišljenja smo da su propisane kazne previsoke, a Zakon o prekršajima Federacije BiH predviđa novčane kazne za pravna lica (sportske organizacije) od 500,00 KM, a za odgovorna lica od 50,00 KM. Smatramo da predlagač treba umanjiti najniže propisane kazne, a sve u skladu sa Zakonom o prekršajima Federacije BiH

S poštovanjem,

Predsjednik Udruženja Judo savez Kantona Sarajevo





2889

KIK BOKS SAVEZ KANTONA SARAJEVO

Bojnička 41S, 71000 Sarajevo, kbs-ks@hotmail.com

Sarajevo, 15.09.2025.godine

Broj: 10/25

Vlada Kantona Sarajevo

PUTEM

Ministarstva kulture i sporta Kantona Sarajevo

PREDMET: Primjedbe, prijedlozi, sugestije i mišljenja na Nacrt zakona o sportu Kantona Sarajevo, a sve u skladu sa Zaključkom Skupštine Kantona Sarajevo Broj: 01-02-39716/25, od 15.07.2025.godine

Bosna i Hercegovina	
Federacija Bosna i Hercegovine	
KANTON SARAJEVO	
PRIDUŽEN	16-09-2025
Organizacija	Broj
Indikator	Rece
12	02 39716-11

Poštovani,

Kao sportska organizacija koja aktivno djeluje u Sarajevu, nakon izvršene detaljne analize nacrtu Zakona o sportu Kantona Sarajevo u propisanom roku dajemo slijedeće primjedbe, prijedloge, sugestije i mišljenja, kako slijedi:

-Član 34. Nacrta Zakona o sportu Kantona Sarajevo (u daljem tekstu: Nacrt), predviđa da će Vlada na prijedlog ministra kulture i sporta Kantona Sarajevo, svojom odlukom propisati standarde i kriterijume za izbor i imenovanje Vijeća za sport Kantona Sarajevo. Smatramo da ovim članom Nacrta, treba osim navedenog, biti propisano koliko od ukupno 9 članova Vijeća, dolazi iz olimpijskih, a koliko iz neolimpijskih sportova, a kod olimpijskih sportova koliko dolazi iz zimskih, a koliko iz ljetnih sportova. Kako se radi o jednom od najvažnijih sportskih tijela u Kantonu Sarajevo, smatramo da navedeno treba biti propisano Zakonom.

-Član 49. Nacrta, previđa da sportska udruženja u određenim okolnostima (sa više od 20 članovaseniora), kao organ upravljanja moraju imati Upravni odbor, što je u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Smatramo da navedene odredbe treba brisati, odnosno uskladiti sa Zakonom o udruženjima i fondacija Federacije BiH.

-Član 54. Nacrta previđa da sportska udruženja u određenim okolnostima (sa više od 20 članovaseniora), moraju imati Nadzorni odbor što je takođe u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Navedene odredbe treba brisati, odnosno uskladiti sa Zakonom o udruženjima i fondacija FBiH.

ID broj: 4203311940000; Adresa: Bojnička 41S, 71000 Sarajevo;

Tel: +387 61 813 262; Email: kbs-ks@hotmail.com



KIK BOKS SAVEZ KANTONA SARAJEVO

Bojnička 41S, 71000 Sarajevo, kbs-ks@hotmail.com

-Član 86. Nacrta predviđa da Sportski savez Kantona Sarajevo utvrđuje opća sportska pravila u kojima je između ostalog naveden i program kontinuirane edukacije (formalne ili neformalne), u sportu radi stručnog osposobljavanja i usavršavanja, certificiranja i licenciranja sportskih stručnjaka, a sve navedeno već provode državni granski sportski savezi u skladu sa uputstvima i pravilima međunarodnih sportskih organizacija/saveza, te iz tog razloga navedena odredba nacrta je suvišna. Ukoliko ova odredba ostane dio Zakona, može se desiti da npr. treneri koji imaju važeće licence nadležnog granskog saveza, pa tako mogu da rade u cijelom Svijetu, osim u Kantonu Sarajevo.

-Član 87. Nacrta predviđa mogućnost osnivanja Sportskog saveza Grada Sarajevo, zatim osnivanje devet Sportskih saveza općina Stari Grad, Centar, Novo Sarajevo, Novi Grad, Ilidža, Hadžići, Trnovo, Vogošća i Ilijaš, što je deset novih saveza u KS, a u stavu (5) se predviđa mogućnost osnivanja Gradskih granskih saveza i Općinskih granskih saveza. Kada uzmemo u obzir činjenicu da u skoro svih devet općina u kolektivnim sportovima postoje po tri kluba, a u većini općina imaju i po tri kluba mnogih drugih sportova, može se očekivati osnivanje minimalno pedeset granskih saveza općina i Grada Sarajevo, što je po nama potpuno nepotrebno, te ovakvu mogućnost treba onemogućiti.

-Član 90. Nacrta predviđa pripremanje i nastupanje kantonalnih reprezentacija na zvaničnim entitetskim, državnim i međunarodnim takmičenjima, te eventualno budžetsko finansiranje takvih reprezentacija, što je nepotrebno iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Općepoznato je da na prvenstvima Federacije i prvenstvima BiH učestvuju isključivo sportski klubovi, a na prvenstvima Evrope i Svijeta učestvuju državne reprezentacije. Zato smatramo da ove odredbe treba brisati.

-Član 105. Nacrta predviđa da fakulteti (npr. Fakultet sporta/kineziološki), osnivaju Udruženja stručnih lica osposobljenih za rad u sportu, sa ciljem, između ostalog, certificiranjem i licenciranja lica za rad u oblasti sporta. Smatramo da nije moguće da fakultet kao vladina organizacija osniva udruženje koje je nevladina organizacija. Zatim, predviđena djelatnost takvog udruženja bi bila, između ostalog, certificiranje i licenciranje lica za rad u oblasti sporta, a što de facto već provode državni granski sportski savezi u skladu sa uputstvima i pravilima međunarodnih sportskih organizacija, te iz tog razloga smatramo da ove odredbe treba brisati.

-Član 126. Nacrta predviđa da se sportski stručnjaci i stručnjaci u sport moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije. Mislimo da je potpuno nepotrebno licenciranje kod drugih institucija, jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija, te iz tog razloga smatramo da odredbu licenciranja kod drugih organa treba brisati.

-Član 143. Nacrta predviđa da se kod organizacije međunarodnih sportskih takmičenja, između ostalog pribavi mišljenje jedinice lokalne samouprave (općine). Ova odredba je suvišna i treba je brisati iz razloga što Kanton Sarajevo čini jednu urbanu sredinu, pa često može doći do promjene lokacije (dvorane, stadiona, terena i slično), a samim tim i općine održavanja manifestacije.



KIK BOKS SAVEZ KANTONA SARAJEVO

Bojnička 41S, 71000 Sarajevo, kbs-ks@hotmail.com

-Član 169. Nacrta predviđa trajnu novčanu naknadu koja se isplaćuje mjesečno, a za osvajače medalja na Olimpijskim igrama, te prvenstvima Svijeta i prvenstvima Evrope u seniorskoj konkurenciji, i to isključivo u olimpijskim i paraolimpijskim sportovima. Odredbe ovog člana smatramo diskriminatornim prema sportovima koji nisu na programu olimpijskih igara (kolokvijalno nazvani neolimpijski sportovi), a koji su priznati od Međunarodnog olimpijskog komiteta. Kako bi se izbjegla sistemska diskriminacija, predlažemo da Zakonodavac u ovaj član doda odredbu kojom prava na trajnu mjesečnu novčanu naknadu imaju osvajači seniorskih medalja na prvenstvima Svijeta i Evrope u neolimpijskim sportovima, ali u iznosu od 50% utvrđenog iznosa za isti rezultat u olimpijskim i paraolimpijskim sportovima. Lista priznatih neolimpijskih sportova se nalazi na web stranici Međunarodnog olimpijskog komiteta: <https://www.olympics.com/ioc/recognised-international-federations>

-Član 181. Nacrta predviđa novčane kazne za propisane prekršaje, u iznosu od 5.000,00 KM do 10.000,00 KM za sportske organizacije, a u iznosu od 1.000,00 KM do 5.000,00 KM za odgovorna lica udruženja/klubova/saveza. Propisane kazne su izuzetno previsoke, jer mnogi klubovi koji imaju državne prvake u svom sportu nemaju ukupni godišnji budžet kluba u iznosima koji su propisani za navedene prekršaje. Zakon o prekršajima Federacije BiH predviđa novčane kazne za pravna lica (pa i sportske organizacije/klubove) od minimalno 500,00 KM, a za odgovorna/ovlaštena lica od 50,00 KM. Smatramo da predlagač treba umanjiti najniže propisane kazne, a sve u skladu za Zakonom o prekršajima Federacije BiH.

Kik boks savez Kantona Sarajevo

Predsjednik Upravnog odbora Kik boks saveza Kantona Sarajevo

Nermin Bašović





**VAZDUHOPLOVNI SAVEZ BOSNE I HERCEGOVINE
ZRAKOPLOVNI SAVEZ BOSNE I HERCEGOVINE
ВАЗДУХОПЛОВНИ САВЕЗ БОСНЕ И ХЕРЦЕГОВИНЕ**

ID broj: 4201543730009, Union banka dd račun broj: 1020290000020524

Ul. Čemaluša br.1, 71000 Sarajevo

www.vzsbih.ba e-mail: vaz.savez.bih@gmail.com

Sarajevo, 12.09.2025.godine


Broj:01-09/25

Vlada Kantona Sarajevo

PUTEM

Ministarstva kulture i sporta Kantona Sarajevo

Bosna i Hercegovina
Federacija Bosne i Hercegovine
KANTON SARAJEVO



PREDMET: Primjedbe, prijedlozi, sugestije i mišljenja na Nacrt zakona o sportu Kantona Sarajevo, a sve u skladu sa Zaključkom Skupštine Kantona Sarajevo Broj: 01-02-39716/25, od 15.07.2025.godine

Poštovani,

Kao sportska organizacija koja sljedeće godine obilježava 100 godina aktivnog djelovanja, vazduhoplovnog sporta u BiH, odnosno Sarajevu (prva vazduhoplovno-sportska organizacija u Sarajevu osnovana 28.04.2026.godine), nakon izvršene detaljne analize nacrtu Zakona o sportu Kantona Sarajevo u propisanom roku dajemo slijedeće primjedbe, prijedloge, sugestije i mišljenja, kako slijedi:

-Član 34. Nacrta Zakona o sportu Kantona Sarajevo (u daljem tekstu: Nacrt), predviđa da će Vlada na prijedlog ministra kulture i sporta Kantona Sarajevo, svojom odlukom propisati standarde i kriterijume za izbor i imenovanje Vijeća za sport Kantona Sarajevo. Smatramo da ovim članom Nacrta, treba osim navedenog, biti propisano koliko od ukupno 9 članova Vijeća, dolazi iz olimpijskih, a koliko iz neolimpijskih sportova, a kod olimpijskih sportova koliko dolazi iz zimskih, a koliko iz ljetnih sportova. Kako se radi o jednom od najvažnijih sportskih tijela u Kantonu Sarajevo, smatramo da navedeno treba biti propisano Zakonom.

-Član 49. Nacrta, previđa da sportska udruženja u određenim okolnostima (sa više od 20 članova-seniora), kao organ upravljanja moraju imati Upravni odbor, što je u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Smatramo da navedene odredbe treba brisati, odnosno uskladiti sa Zakonom o udruženjima i fondacija Federacije BiH.

-Član 54. Nacrta previđa da sportska udruženja u određenim okolnostima (sa više od 20 članova-seniora), moraju imati Nadzorni odbor što je takođe u suprotnosti sa Članom 17. Zakona o udruženjima i fondacijama Federacije BiH, na osnovu kojeg se i osnivaju i registruju udruženja, a koji daje mogućnost udruženjima da sami propišu koje organe, osim Skupštine (koja je obavezna), će imati. Navedene odredbe treba brisati, odnosno uskladiti sa Zakonom o udruženjima i fondacija FBiH

-Član 61. Nacrta previđa kod upisa udruženja/kluba u Sportski registar kod Ministarstva kulture i sporta, da se između ostalog dostave foto-kopije ličnih karata osnivača udruženja/kluba, što

smatramo da je u mnogim slučajevima nemoguće pribaviti, a iz razloga zato što mnogi osnivači sportskih udruženja/klubova nisu među živima (klubovi registrovani prije 25 i više godina), dok neki osnivači nisu niti aktivni u klubovima, a mnogi se i nalaze u inostranstvu. Ukoliko sportska organizacija ne bude mogla pribaviti navedene dokumente, neće biti u mogućnosti zakonski da se bavi sportskom djelatnošću na području Kantona Sarajevo. Mislimo da ovu odredbu treba brisati iz Nacrta.

-Član 86. Nacrta predviđa da Sportski savez Kantona Sarajevo utvrđuje opća sportska pravila u kojima je između ostalog naveden i program kontinuirane edukacije (formalne ili neformalne), u sportu radi stručnog osposobljavanja i usavršavanja, certificiranja i licenciranja sportskih stručnjaka, a sve navedeno već provode državni granski sportski savezi u skladu sa uputstvima i pravilima međunarodnih sportskih organizacija/saveza, te iz tog razloga navedena odredba nacrta je suvišna. Ukoliko ova odredba ostane dio Zakona, može se desiti da npr. treneri koji imaju važeće licence nadležnog granskog saveza, pa tako mogu da rade u cijelom Svijetu, osim u Kantonu Sarajevo.

-Član 87. Nacrta previda mogućnost osnivanja Sportskog saveza Grada Sarajevo, zatim osnivanje devet Sportskih saveza općina Stari Grad, Centar, Novo Sarajevo, Novi Grad, Ilidža, Hadžići, Trnovo, Vogošća i Ilijaš, što je deset novih saveza u KS, a u stavu (5) se predviđa mogućnost osnivanja Gradskih granskih saveza i Općinskih granskih saveza. Kada uzmemo u obzir činjenicu da u skoro svih devet općina u kolektivnim sportovima postoje po tri kluba, a u većini općina imaju i po tri kluba mnogih drugih sportova, može se očekivati osnivanje minimalno pedeset granskih saveza općina i Grada Sarajevo, što je po nama potpuno nepotrebno, te ovakvu mogućnost treba onemogućiti.

-Član 90. Nacrta predviđa pripremanje i nastupanje kantonalnih reprezentacija na zvaničnim entitetskim, državnim i međunarodnim takmičenjima, te eventualno budžetsko finansiranje takvih reprezentacija, što je nepotrebno iz razloga što nam nije poznato da na nekom Federalnom ili Državnom prvenstvu učestvuju kantonalne reprezentacije. Općepoznato je da na prvenstvima Federacije i prvenstvima BiH učestvuju isključivo sportski klubovi, a na prvenstvima Evrope i Svijeta učestvuju državne reprezentacije. Zato smatramo da ove odredbe treba brisati.

-Član 105. Nacrta predviđa da fakulteti (npr. Fakultet sporta/kineziološki), osnivaju Udruženja stručnih lica osposobljenih za rad u sportu, sa ciljem, između ostalog, certificiranjem i licenciranja lica za rad u oblasti sporta. Smatramo da nije moguće da fakultet kao vladina organizacija osniva udruženje koje je nevladina organizacija. Zatim, predviđena djelatnost takvog udruženja bi bila, između ostalog, certificiranje i licenciranje lica za rad u oblasti sporta, a što de facto već provode državni granski sportski savezi u skladu sa uputstvima i pravilima međunarodnih sportskih organizacija, te iz tog razloga smatramo da ove odredbe treba brisati.

-Član 126. Nacrta predviđa da se sportski stručnjaci i stručnjaci u sport moraju redovno obnavljati svoje kvalifikacije i licence kroz kontinuiranu profesionalnu edukaciju i usavršavanje, u skladu sa standardima i zahtjevima postavljenim od strane odgovarajućeg saveza ili druge nadležne institucije. Mislimo da je potpuno nepotrebno licenciranje kod drugih institucija, jer je opće poznato da se licenciranje vrši kod državnih granskih sportskih saveza u skladu sa pravilima međunarodnih sportskih federacija, te iz tog razloga smatramo da odredbu licenciranja kod drugih organa treba brisati.

-Član 143. Nacrta predviđa da se kod organizacije međunarodnih sportskih takmičenja, između ostalog pribavi mišljenje jedinice lokalne samouprave (općine). Ova odredba je suvišna i treba je

brisati iz razloga što Kanton Sarajevo čini jednu urbanu sredinu, pa često može doći do promjene lokacije (dvorane, stadiona, terena i slično), a samim tim i općine održavanja manifestacije.

-Član 169. Nacrta predviđa trajnu novčanu naknadu koja se isplaćuje mjesečno, a za osvajače medalja na Olimpijskim igrama, te prvenstvima Svijeta i prvenstvima Evrope u seniorskoj konkurenciji, i to isključivo u olimpijskim i paraolimpijskim sportovima. Odredbe ovog člana smatramo diskriminatorskim prema sportovima koji nisu na programu olimpijskih igara (kolokvijalno nazvani neolimpijski sportovi), a koji su priznati od Međunarodnog olimpijskog komiteta. Kako bi se izbjegla sistemaska diskriminacija, predlažemo da Zakonodavac u ovaj član doda odredbu kojom prava na trajnu mjesečnu novčanu naknadu imaju osvajači seniorskih medalja na prvenstvima Svijeta i Evrope u neolimpijskim sportovima, ali u iznosu od 50% utvrđenog iznosa za isti rezultat u olimpijskim i paraolimpijskim sportovima. Lista priznatih neolimpijskih sportova se nalazi na web stranici Međunarodnog olimpijskog komiteta:
<https://www.olympics.com/ioc/recognised-international-federations>

-Član 181. Nacrta predviđa novčane kazne za pobrojane prekršaje, u iznosu od 5.000,00 KM do 10.000,00 KM za sportske organizacije (udruženja/klubove/...), a u iznosu od 1.000,00 KM do 5.000,00 KM za odgovorna lica udruženja/klubova/saveza. Propisane kazne su izuzetno previsoke, jer mnogi klubovi koji imaju državne prvake u svom sportu nemaju ukupni godišnji budžet kluba u iznosima koji su propisani za navedene prekršaje. Zakon o prekršajima Federacije BiH predviđa novčane kazne za pravna lica (pa i sportske organizacije/klubove) od minimalno 500,00 KM, a za odgovorna/ovlaštena lica od 50,00 KM. Smatramo da predlagač treba umanjiti najniže propisane kazne, a sve u skladu sa Zakonom o prekršajima Federacije BiH.

S poštovanjem,



Ovlašteno lice
Potpredsjednik Saveza



12
6145
PB13

Broj: 11-07/01-02-39716-13/25
Sarajevo, 2. 10. 2025. godine

**MINISTARSTVO KULTURE I
SPORTA KANTONA SARAJEVO**
-Ovdje-

Predmet: Prijedlozi i sugestije na Nacrt Zakona o sportu Kantona Sarajevo, *dostavlja se*

Poštovani,

Ministarstvo za odgoj i obrazovanje Kantona Sarajevo (u daljem tekstu: Ministarstvo) analiziralo je usvojeni Nacrt Zakona o sportu Kantona Sarajevo (u daljem tekstu: Zakon), te vam u nastavku dostavljamo mišljenje i sugestije na isti.

Članom 104. Zakona propisuje se organizacija, pravila i način osnivanja općinskog, odnosno gradskog školskog sportskog saveza i Saveza za školski sport Kantona Sarajevo, kao i način i uslovi za održavanje i organizaciju školskih sportskih takmičenja u Kantonu Sarajevo, te da će se navedeno urediti Pravilnikom o organizovanju školskog sporta i organizaciji školskih sportskih takmičenja Kantona Sarajevo. Stavom (2) istog člana propisano je da će navedeni pravilnik donijeti ministar kulture i sporta Kantona Sarajevo nakon prethodno obavljenih konsultacija s Ministarstvom za odgoj i obrazovanje Kantona Sarajevo. Predlažemo da se stav (2) ovog člana izmijeni i da glasi:

„(2) Ministar donosi Pravilnik iz stava (1) ovog člana, nakon prethodno pribavljenog pozitivnog mišljenja Ministarstva za odgoj i obrazovanje Kantona Sarajevo.“. Smatramo da je pozitivno mišljenje Ministarstva na navedeni pravilnik potrebno, s obzirom na nadležnost ovog ministarstva u oblasti predškolskog, osnovnog i srednjeg odgoja i obrazovanja Kantona Sarajevo. Podsjećamo vas da je članom 14. Zakona o ministarstvima i drugim organima uprave Kantona Sarajevo („Službene novine Kantona Sarajevo“, broj 40/22) propisano da Ministarstvo za odgoj i obrazovanje vrši upravne i stručne poslove utvrđene ustavom, zakonom i drugim propisima, koji se odnose na ostvarivanje nadležnosti Kantona u oblasti predškolskog, osnovnog i srednjeg obrazovanja, kao i obrazovanja odraslih.

Članom 115. propisuje se Status perspektivnog sportiste koji se utvrđuje na period od jedne godine, ukoliko sportista ispunjava sljedeće uslove:

- a) da se redovno školuje na području Kantona i ima ocjenu "primjeren" iz vladanja,
- b) da je član, da trenira i nastupa za organizaciju u sportu koja je udružena u strukovni sportski savez Bosne i Hercegovine,
- c) da nastupa u reprezentaciji Bosne i Hercegovine u svojoj kategoriji (predpioniri, pioniri, kadeti ili juniori sve do kraja godine u kojoj puni 19 godina) ili da je prvak države u jednoj od navedenih kategorija.

Stavom (3) ovog člana propisano je da Pravilnik o kategorizaciji sportista prema ostvarenim rezultatima iz čl. 114, 115 i 120 ovog zakona donosi ministar. Smatramo da je navedeni pravilnik posebno donjeo uz konsultacije s Ministarstvom, s obzirom na to da je status perspektivnog sportiste propisan i Zakonom o odgoju i obrazovanju u osnovnoj i srednjoj školi u Kantonu Sarajevo ("Službene novine Kantona Sarajevo", broj 27/24). Članom 92. Zakona o odgoju i obrazovanju u osnovnoj i srednjoj školi u Kantonu Sarajevo propisano je sljedeće:

(1) Učenik može imati specijalni status.

(2) Specijalni status iz stava (1) ovog člana mogu ostvariti učenici koji su proglašeni perspektivnim i vrhunskim sportistima, izuzetnim umjetničkim talentima ili nadarenim učenicima s vrhunskim rezultatima na kantonalnom, federalnom, državnom ili međunarodnom takmičenju.

(3) Škola dodjeljuje specijalni status na osnovu odluke Ministarstva kulture i sporta Kantona Sarajevo o proglašenju učenika perspektivnim ili vrhunskim sportistom, odnosno odluke Ministarstva o proglašenju učenika izuzetnim talentom i nadarenim učenikom, u skladu s ostvarenim rezultatima.

(4) Specijalni status se potvrđuje odlukom nastavničkog vijeća škole, a na osnovu odluka koje donose ministarstva iz stava (3) ovog člana.

(5) Na osnovu odluke iz stava (4) ovog člana, škola će učenicima sa specijalnim statusom odobriti dugoročno ili kratkoročno odsustvovanje sa nastave radi pripremanja i učešća na takmičenjima, u skladu s pravilima škole.

(6) Škola može učenicima sa specijalnim statusom dati mogućnost da završe odgovarajući razred putem praćenja nastave i ocjenjivanja, odnosno organiziranja instruktivno-konsultativne nastave u školi i/ili online i polaganja predmetnih ispita ili razrednog ispita u toku školske godine.

Navedenim članom Zakona o odgoju i obrazovanju u osnovnoj i srednjoj školi u Kantonu Sarajevo perspektivnim i vrhunskim sportistima daju se mnoge pogodnosti, te smatramo da se prilikom donošenja pravilnika iz člana 115. stav (3) trebaju izvršiti konsultacije s Ministarstvom za odgoj i obrazovanje Kantona Sarajevo.

Članom 144. stav (2) propisano je da se organizovanjem sportskog takmičenja, priredbe ili sportske manifestacije može baviti sportska organizacija i drugo lice upisano u sportski registar pod uslovima utvrđenim ovim zakonom i sportskim pravilima. S obzirom na mnogobrojna takmičenja, priredbe ili sportske manifestacije koje se provode u osnovnim i srednjim školama u Kantonu Sarajevo, smatramo da izostavljanje odgojno-obrazovnih ustanova iz ovog stava može prouzrokovati osnovnim i srednjim školama probleme prilikom organiziranja takmičenja i smotri sporta, te smatramo da pored sportskih organizacija i drugih lica koja su upisana u sportski registar, sportska takmičenja, priredbe ili sportske manifestacije mogu organizirati i odgojno-obrazovne ustanove na području Kantona Sarajevo.

Članom 154. stav (1) propisano je šta je od javnog interesa da se finansira u oblasti sporta, te u tačkama ovog člana nisu navedena školska sportska takmičenja, smatramo da je od izuzetnog značaja da se ista uvrste kao takmičenja koja su od posebnog javnog interesa za Kanton Sarajevo.

Ovim putem podržavamo napore Ministarstva kulture i sporta Kantona Sarajevo na uspostavi boljeg i pravednijeg okvira za sport u Kantonu Sarajevo, kao i sve napore koje ulaže u revitalizaciju sporta u Kantonu Sarajevo.

S poštovanjem,

Dostavljeno:

1. Naslovu;
2. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-128
Web: <http://mo.ks.gov.ba>, E-mail: mo@mo.ks.gov.ba



Olimpijski komitet
Олимпијски комитет
Olympic Committee of



Bosne i Hercegovine
Босне и Херцеговине
Bosnia and Herzegovina

Bosna i Hercegovina

Federacija Bosne i Hercegovine

KANTON SARAJEVO

Služba za skupštinske poslove

SARAJEVO
Broj: 560-07/25
Datum: 25.07.2025

Poštovani,

Zahvaljujemo Vam se na dopisu od 16.07.2025.g. br: 15-02-39716/25., te Vas informišemo da smo pročitali nacrt Zakona o sportu Kantona Sarajevo. Olimpijski komitet Bosne i Hercegovine podržava sve aktivnosti Kantona Sarajevo koje vode ka jačanju sportskog sistema kako na kantonalnom tako i na državnom nivou sportskog organizovanja.

S poštovanjem,



Generalni sekretar

ADRESA: Alipašina bb, 71000 Sarajevo; TEL: 033/580-350; E-MAIL: okbih@okbih.ba
АДРЕСА: Алипашина бб, 71000 Сарајево; ТЕЛ: 033/580-350; Е-ПОШТА: okbih@okbih.ba
ADDRESS: Alipasina bb, 71000 Sarajevo; TEL: 033/580-350; E-MAIL: okbih@okbih.ba

NUMBER1

Coca-Cola

bh

Moja priča.

LUTRIJA
BOSNE I HERCEGOVINE

- b) osigurati suradnju svake osobe i svakog službenika u davanju potrebnih informacija i podataka;
 - c) osigurati pristup i kontrolu na svim mjestima gdje su osobe lišene slobode, zatvorene ili gdje rade;
 - d) omogućiti prisustvo sudskim i upravnim postupcima kao i sastancima organa.
- Nalazi i izvještaji tijela iz stava 1. ovog člana će se razmatrati u nadležnim organima po hitnom postupku, te će na osnovu toga biti preduzimane odgovarajuće mjere gdje to bude potrebno.

III - NADLEŽNOSTI KANTONA

Član 11.

Određivanje nadležnosti

Kanton ima nadležnosti utvrđene Ustavom Federacije i ovim Ustavom.

U slučaju potrebe za tumačenjem, nadležnosti Kantona utvrđene ovim Ustavom će biti tumačene u korist Kantona po principu pretpostavljene nadležnosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadležnosti Kantona.

Član 12.

Isključive nadležnosti

U okviru svojih nadležnosti Kanton je nadležan za:

- a) uspostavljanje i nadziranje policijskih snaga;
- b) utvrđivanje obrazovne politike, uključujući donošenje propisa o obrazovanju i osiguranje obrazovanja;
- c) utvrđivanje i provođenje kulturne politike;
- d) utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- e) utvrđivanje politike koja se tiče reguliranja i osiguravanja javnih službi;
- f) donošenje propisa o korištenju lokalnog zemljišta, uključujući i zadržavanje;
- g) donošenje propisa o unaprijeđivanju lokalnog poslovanja i dobrotvornih aktivnosti;
- h) donošenje propisa o lokalnim postrojenjima za proizvodnju energije i osiguranje njihove dostupnosti;
- i) utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- j) provođenje socijalne politike i uspostava službi socijalne zaštite;
- k) stvaranje i primjena politike turizma i razvoja turističkih resursa;
- l) stvaranje pretpostavki za optimalni razvoj privrede koja odgovara urbanoj sredini;
- m) finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadležnosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši slijedeće nadležnosti:

Član 18.

Nadležnosti Skupštine

Skupština Kantona:

- a) priprema i dvotrećinskom većinom usvaja Ustav Kantona;
- b) donosi zakone i druge propise u okviru izvršavanja nadležnosti Kantona, izuzev propisa koji su ovim Ustavom ili zakonom dati u nadležnost Vlade Kantona;
- c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;
- d) utvrđuje politiku i donosi programe razvoja Kantona;
- e) potvrđuje imenovanje Premijera, zamjenika Premijera i članova Vlade Kantona;
- f) osniva kantonalne i općinske sudove i utvrđuje njihove nadležnosti;
- g) bira sudije kantonalnih sudova sukladno Ustavu Federacije i ovom Ustavu;
- h) usvaja budžet Kantona i donosi zakone o oporezivanju i na drugi način osigurava potrebno finansiranje;
- i) bira zastupnike u Dom naroda Federacije sukladno Ustavu Federacije;
- j) odlučuje o prijenosu ovlaštenja Kantona na općine i Federaciju;
- k) odobrava zaključivanje ugovora i sporazuma u oblasti međunarodnih odnosa i međunarodne suradnje;
- l) provodi istragu sukladno ovom Ustavu i posebnim propisima;
- m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasijeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljuju u sredstvima javnog informiranja.

Način rada Skupštine bliže se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili ka'njen na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadležnosti Skupština donosi zakone, druge propise, te opće i pojedinačne akte (dalje: propisi).

Zakon o Vladi Kantona Sarajevo

("Službene novine Kantona Sarajevo")

broj: 30/14 Novi precisceni tekst 13/14 - ispravka)
(čl. 26. i 28. stav 4.)

SLUŽBENE NOVINE KANTONA SARAJEVO

Broj 36 - Strana 4

Četvrtak, 11. septembra 2014.

VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbе, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se potvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organa uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njom rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršiće Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O SUDSKIM TAKSAMAMA (Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

(1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).

(2) Postupci u kojima se plaća taksa i visina takse za pojedine radnje, utvrđeni su u Tarifi sudskih taksi, koja je sastavni dio ovog zakona.

Član 2.

(Obveznik plaćanja takse)

(1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).

(2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev

